

釋宗金書





禪宗全書

# 史傳部十

(10)

藍吉富 主編

北京圖書館出版社



# 指月錄 解題

編譯組

全書三十二卷，明·瞿汝稷集。萬曆二十三年（西元一五九九年）完成，三十年刊行。又稱「水月齋指月錄」。

所謂「指月」，是以「指」喻言教，以「月」比佛法。禪宗以「一絲不掛」爲上乘，「萬慮皆空」爲至德。主張不立文字，不下注腳，親證實相，方爲究竟，認爲一切言教無非示機之方便而設，如以指指月，使人因指而見月，以言教而顯示實相，言教本身並非實相。

本書集錄自過去七佛至宋大慧宗杲之禪宗傳承法系六百五十人的言行傳略。卷一至卷三收錄過去七佛、應化聖賢、西天祖師（西天二十八祖）；卷四收錄東土祖師，從菩提達磨到六祖慧能；卷五至卷三十收錄慧能下第一世至第十六世；卷三十一、卷三十二爲徑山大慧宗杲禪師語錄。



# 目次

解題

指月錄（卷一——卷十）

原序

發願偈

原叙

原書目錄

卷一（七佛）

毗婆尸佛——釋迦牟尼佛、附諸師拈頌諸經語句

卷二（應化聖賢）

文殊菩薩——清涼澄觀國師

卷三（西天祖師）

一祖摩訶迦葉尊者——二十七祖般若多羅尊者

卷四（東土祖師）

初祖菩提達磨大師——六祖慧能大鑒禪師

卷五.....三五五

南嶽懷讓禪師——南嶽石頭希遷禪師

卷六.....三八三

僧那禪師——圭峯宗密禪師

卷七.....四八一

泗州塔頭——文通慧

卷八.....五〇九

洪州百丈山懷海禪師——池州南泉普願禪師

卷九.....六〇七

杭州鹽官海昌院齊安國師——天王道悟禪師

卷十.....七二一

洪州黃檗希運禪師

水月齋指月錄原序

嵇叔夜好鍛阮遙集好蠟屐當其意之所適視世之他好雜陳於前無足移也此不必明哲第無二子之僻者皆能喻鍛與屐無足尙交嗤其失所好已而以二子之才之美方其跌宕鑪鞴婆娑火蠟之間雖窮極要眇以開之使勿好友嗑然而笑耳終不爲之移已及其旣喻則天地此鑪鞴也萬有此火蠟也孰足控搏孰足容與程伯子浮雲堯舜之業以玩物喪志目輯錄五經語者意不若是乎人之好不齊乃或尊鍛而卑屐君屐而隸鍛不亦過乎予垂髫則好讀竺墳尤好宗



門家言及歲乙亥夏侍管師東溟先生於郡之竹堂寺幸以  
焦芽與霑甘露開蔽良多旣而師則朝徹蟬蛻五宗掩耳不  
欲復聞予則沈酣於是恆語同輩聖人六藝之精蘊諸所訓  
詁非讀竺墳不能得其真生於萬物之中而得爲人人而男  
男而知讀書於書知竺墳於竺墳知宗門是猶穀乳而得雪  
山之牛復能得酪於乳得生酥於酪而熟酥而醍醐哉雖有  
他好吾不移矣此正予跌宕鑪鞴婆娑火蠟時語也於是在  
架之書率多宗門家言每讀之如一瓶一鉢從諸耆宿於長  
林深壑雖人間世波濤際天埃壒蔽日子席枕此如握靈犀

得辟塵分流之妙彼淳滴堀堞莫能我侵矣意適處輒手錄之當點筆意適雖圭組見逼必謝之兒穉牽挽必謝之寒暑之薄肌骨饑渴之迫臟腑有不暇顧肯復移意他好之雜陳耶僻而至是奚必人嗤予固自嗤矣至乙未積錄有三十二卷適友人陳孟起見而誤賞焉孟起遂爲錄二本會有黃州之役過故里嚴道徹至齋中亦誤賞焉遂以孟起本遺之道徹遽欲授梓予笑曰此予嵇氏之鍛阮氏之屐也凡所云意適者皆鳩毒也道之所以塞也予旣已喻其僻矣子乃欲使有目者共嗤其僻耶堅止之逮辛丑予自昭武乞骸歸道徹

欲梓此意益堅且曰子謂此爲僻子則謂然然可以已眾僻  
古之人不云乎惟楔出楔至爲發願倡率其弟侄若子梓行  
之予旣不能止遂不敢藏其僻爲次第緣起於其端題之曰  
水月齋指水錄水月幻也而云指月果有如盤山所云心月  
孤懸光吞萬象者乎吾不可得而知也其質之鑪鞴火蠟  
萬曆壬寅夏五月戊寅那羅延窟學人瞿汝稷槃談書



刻指月錄發願偈有述

釋典雖有宗教兩塗世尊云吾四十九年住世未曾說一字則何教之非宗乎顧宗門須憑實悟毫不容僞觀古之尊宿幾十年點胸自許直至末後爲明眼人煅煉過方始開省則悟豈易言哉及其悟後奉戒愈精檢過愈密甚至向折脚鐺下入山磨煉真悟人氣象如此豈非識法者懼乎今之望見門頭戶口者便謂已證已得從而呵佛罵祖放蕩無檢聲色貨利居然常人而高談濶論明欺一世噫欺世乎自欺乎有日鬚眉墮落嘔血無及在何得歸罪於

宗偈曰

世皆懣罪造福我亦作福滅罪惟有流傳法寶續佛慧命爲  
最願我生生世世不迷正路修行直取菩提上果徧度法界  
眾生還願眾生覺悟修行不迷正路聊憑標月指頭正見雲  
開月露逍遙性海之中當體與佛全同逐一銷除夙習次第  
到岸登峰慎勿撥無因果莽莽蕩蕩招禍殺盜姪妄不除豈  
得泥犁免墮還有向上一言頭上便是青天秋月梧桐滴露  
春風楊柳含煙

萬曆辛丑歲八月初三日吳郡嚴澂和南書

重刻水月齋指月錄原敘

此幻寄道人瞿君所集從上老古錐語也。古德云。宗門中事。如節度使信旗相似。窺符盜璽者紛然。要須有個驗處。所謂驗處者。非有文。非無文。現前逼露。卓卓甯彰。此真符也。所以古德又云。借一句子。是指月。於中事。是話月。玄沙云。世尊道吾有正法眼藏。付囑大迦葉。猶如話月。曹溪豎拂子。還如指月。若夫執指爲月。此晉鄙所以受欺於公子也。僧問雲門曰。佛法如水中月。是否。門云。澄波無透路。仰山云。月落千江。體不分水。永嘉云。一月普現一切水。一切水月一切攝。幻寄以



爲我此一齋。可攝千江之水月。而不免於指月。使有能釋指見月者。則此錄可不設也。是以先師見而亟賞之。當時老宿有異議。謂俗漢之書。學者不當經目。先師哂之曰。此迨如以蛾眉之月。祇落錦江。不經吳會也。余嘗攷五燈並燦于南北宋。而廣燈一集。實出李都尉遵勗之手。與四燈俱傳。如掌五指。會元所集。咸備述焉。亦觀其有實驗于符信否耳。幻寄生萬泰閒。適當宗門衰晚。乃于宦學之暇。醉心此道。研味有年。雖鈎索甚廣。亦大率用會元爲胎骨。參以諸家同異。其便于參悟者。在撫拾二派五宗。諸師激揚綱要之微言。各各綴於

本條之下。使竊符之子。不得行其狡獪。故語備諸家。宗兼旁正。昔大慧杲。疾諸方臂香妄授。各存窠窟。乃集正法眼藏一書。并其旁出諸老經教道理。而共存之。張無垢譏其不專主張。擊石火閃電光者。一著子。大慧岸然不顧。何者。一師指授。易成窠窟。彼此互頌互奪。然後僂仞不得。支離不得。語不得。默不得。一不得。異不得。學者情識無處安立。不得不死却心。向自己腳根下挨拶討下落。及乎挨拶到去不得處。忽然虛空迸裂。冷灰豆爆。然後自己轉轉活卓卓者。一著子。突然現前。及自家本等受用。既得現前。然後試舉從上諸老宿各

各橫拈豎弄。當場縱奪。不拘文字者。一著子。亦無不宛轉的現前。如水中月。觸處皆圓。如指端月。當空湧現。先老人有賞于幻寄者。此耳。至其閒出已意。雖不能盡無可商。然諸家源委。俱在目前。瑕瑜可以共矚。如月之圓缺。映水則現。幻寄正不欲私一己之騃見。蔽人天之眼目也。茲錄刻板。初藏本家。學者購之。或艱。及破山和尚。鋟之嘉禾。而江南學者。人置一帙於行。滕閒矣。江北獨未之或見。余乃命禪者。較讐其譌。而重鋟之天甯。用惠大江以北。有志此事者。雖然。利與害俱。藥與病兼。世出世閒。諸法類然。此錄本集。從上諸聖。殺活眼。

目。勦絕學者病根。窟窠而聰利之徒。或者記其言句。採其尖  
新。資其辨利之助。輒謂我有超人之作。據自稱楊稱鄭塗糊  
沒眼長老。誑嚇無知俗子。則非幻寄及從上諸聖指月者之  
過。而諸人執指者。自作沒量之罪過。莫謂雲門未曾道破可  
也。雲門道人宏禮題。



指月錄總目

卷之一

七佛

毘婆尸佛

尸棄佛

毘舍浮佛

拘留孫佛

拘那含牟尼佛

迦葉佛

釋迦牟尼佛

附諸師拈頌諸經語句

卷之二

應化聖賢

文殊菩薩

天親菩薩

維摩大士

善財

須菩提尊者

無厭足王

緊那羅王附

舍利弗尊者

鵞崛摩羅尊者

賓頭盧尊者

障蔽魔王

那吒太子

廣額屠兒

文殊思業禪師附

秦跋陀禪師

金陵寶誌禪師

雙林善慧大工

南嶽慧思禪師



天台智者禪師

泗洲僧伽大聖

萬迴附

天台豐干禪師

天台寒山子

天台拾得子

明州布袋和尚

法華志言大士

扣冰澡先古佛

千歲寶掌和尚

嬾殘

法順大師

清涼澄觀國師

### 卷之三

西天祖師

一祖摩訶迦葉尊者

二祖阿難尊者

三祖商那和修尊者

四祖優婆毘多尊者

五祖提多迦尊者

六祖彌遮迦尊者

七祖婆須密尊者

八祖佛陁難提尊者

九祖伏馱密多尊者

十祖脇尊者

十一祖富那夜奢尊者

十二祖馬鳴尊者

十三祖迦毘摩羅尊者

十四祖龍樹尊者

十五祖迦那提婆尊者

十六祖羅睺羅多尊者

十七祖僧迦難提尊者

十八祖伽耶舍多尊者

十九祖鳩摩羅多尊者

二十祖闍夜多尊者

二十一祖婆修盤頭尊者 二十二祖摩拏羅尊者

二十三祖鶴勒那尊者 二十四祖師子尊者

二十五祖婆舍斯多尊者 二十六祖不如密多尊者

二十七祖般若多羅尊者

二十八祖菩提達磨尊者

章次列于東土祖師

## 卷之四

東土祖師

初祖菩提達磨大師 二祖慧可大祖禪師

三祖僧璨鑑智禪師 四祖道信大醫禪師

指月錄

卷之五

五祖宏忍大滿禪師

六祖慧能大鑒禪師

卷之五

六祖下第一世

南嶽懷讓禪師

青原行思禪師

六祖下第二世

江西馬祖道一禪師

南嶽讓嗣  
南嶽一

南嶽石頭希遷禪師

青原思嗣  
青原一

卷之六

二祖旁出法嗣

僧那禪師

向居士

四祖旁出法嗣

牛頭山法融禪師

牛頭山智巖禪師融禪師嗣

牛頭山智威禪師法持禪師嗣持慧方禪師嗣方巖禪師嗣

安國立挺禪師威禪師嗣 天柱崇慧禪師二人

徑山道欽禪師鶴林立素嗣素牛頭威嗣

天台雲居智禪師佛窟惟則嗣則牛頭慧忠嗣忠牛頭威嗣

鳥窠道林禪師徑山欽嗣

五祖旁出法嗣

打月金

嵩嶽慧安國師

壽州道樹禪師

北宗秀嗣

嵩嶽破竈墮和尚

安國師嗣

嵩嶽元珪禪師

二人

終南惟政禪師

嵩山普寂嗣  
寂北宗秀嗣

嵩山峻極和尚

破竈墮嗣

六祖旁出法嗣

司空山本淨禪師

南陽慧忠國師

永嘉玄覺禪師

西京荷澤神會禪師

圭峰宗密禪師

遂州道圓嗣  
圓荆南惟忠嗣  
忠磁洲法如嗣  
如荷澤嗣

卷之七



未詳法嗣

泗州塔頭

講肇論僧

道流在佛殿

法師入  
佛殿

六通院僧

聖僧像

死魚浮水

馮延巳

問聖僧年

偃台感山主

僧見地藏

鵲子趨鵲

問無揀

廣南住菴僧

圓通和尚

童子上經

先淨照禪師

曹溪主衣鉢僧

高麗觀音

長明燈

護國天王

五蘊偈

大傷持鉢僧

宋太宗

茶陵郁山主

因禪師

樓子和尙

神照本如

上竺圓智

公期和尙

雲頂禪師

終夏不說

老宿畜童

二庵主

舉九年面壁

師子捉兔

婆子燒庵

婆子到趙州

跨驢人

肇法師

雙溪布衲

法海立禪師

天甯明附

幽棲和尚

老洞華嚴

太瘤

歐陽文忠公

醫官僧

無鬼論

古德油糍

定僧問彌勒

元曉

修雅法師

文通慧

卷之八

六祖下第三世上

洪州百丈山懷海禪師

南二馬祖嗣

池州南泉普願禪師

卷之九

六祖下第三世下

杭州鹽官海昌院齊安國師

南二馬祖嗣

廬山歸宗智常禪師

明州大梅法常禪師

池州魯祖山寶雲禪師

洪州泐潭常興禪師

洪州泐潭法會禪師

洛京佛光如滿禪師

婺州五洩山靈默禪師

幽州盤山寶積禪師

蒲州麻谷寶徹禪師

湖南東寺如會禪師

虔州西堂智藏禪師

越州大珠慧海禪師

池州杉山智堅禪師

水潦和尚

澧州茗溪道行禪師

撫州石顰慧藏禪師

袁州南源道明禪師

朗州中邑洪恩禪師

潭州三角總印禪師

汾州無業禪師

信州鵝湖大義禪師

京兆興善惟寬禪師

指月錄

卷目

常州芙蓉大毓禪師

利山和尚

松山和尚

唐州紫玉山道通禪師

五台山隱峰和尚

泉州龜洋無了禪師

南嶽西園曇藏禪師

磁州馬頭峰神藏禪師

潭州華林善覺禪師

烏臼和尚

石臼和尚

鎮州金牛和尚

亮座主

百靈和尚

則川和尚

忻州打地和和尚

潭州秀溪和尚

江西稗樹和尚



浮孟和尚

潭州龍山和尚

濠溪和尚

襄州龐蘊居士四十人

澧州藥山惟儼禪師青二石頭嗣

鄧州丹霞天然禪師

潭州大川禪師

潮州靈山大顛禪師

潭州長髭曠禪師

潭州招提慧朗禪師

長沙興國振朗禪師

汾州石樓禪師

鳳翔法門佛陁禪師

澧州大同濟禪師十人

荊州天皇道悟禪師據符碑嗣石頭

天王道悟禪師

據邨碑嗣馬祖未定宗派二人

卷之十

六祖下第四世

洪州黃檗希運禪師

南三百丈嗣

卷之十一

六祖下第四世

福州長慶大安禪師

南三百丈嗣

福州古靈神贊禪師

杭州大慈寰中禪師

天台平田普岸禪師

瑞州五峰常觀禪師

潭州石霜性空禪師

廣州和安寺通禪師

洪州東山慧禪師

百丈山涅槃和尙 十人

趙州觀音從諗禪師

南泉嗣

湖南長沙景岑禪師

鄂州茱萸山和尙

衡州子湖利蹤禪師

終南雲際師祖禪師

鄧州香嚴義端禪師

池州靈鷲閑禪師

日子和尙

蘇州西禪和尙

池州甘贄行者 十人

洪州雙嶺玄真禪師

鹽官嗣

芙蓉靈訓禪師

歸宗嗣

漢南高亭和尙

新羅大茅和尙

五台山智通禪師四人

鎮州普化和尙盤山

壽州良遂禪師麻谷

虔州處微禪師西堂

金州操禪師章敬

戒靈禪師永泰

五台秘魔巖和尙

湖南祇林和尙三人

# 卷之十二

## 六祖下第四世

潭州瀕山靈祐禪師百丈

潭州道吾宗智禪師青三藥

潭州雲巖曇晟禪師

華亭船子德誠禪師

宣州棹樹慧省禪師

鄂州百巖明哲禪師

澧州高沙彌 六人

京兆翠微無學禪師 丹霞

吉州孝義性空禪師 二人

仙天禪師 大川

漳州三平義忠禪師 大顛

潭州石室善道禪師 長髭

馬頰山本空禪師

本生禪師 三人

澧州龍潭崇信禪師 天王悟嗣

### 卷之十三

#### 六祖下第五世

睦州陳尊宿 南四黃

福州烏石靈官禪師 二人

益州大隨法真禪師

長慶安嗣

福州靈雲志勤禪師

二人

洪州新興嚴陽尊者

趙州嗣

揚州光孝慧覺禪師

婺州木陳從朗禪師

婺州新建禪師

杭州多福和尚

益州西睦和尚

六人

明州雪竇常通禪師

長沙嗣

石檉和尚

茱萸嗣

紫桐和尚

子湖嗣

日容遠和尚

二人

襄州關南道吾和尚

關南常嗣  
常監官嗣

漳州羅漢和尚

二人

瑞州末山尼了然禪師

高安愚嗣  
歸宗常嗣



婺州金華俱胝和尚

天龍嗣龍  
大梅常嗣

袁州仰山慧寂禪師

爲仰宗  
爲山嗣

鄧州香巖智閑禪師

杭州徑山洪諲禪師

滁州定山神英禪師

京兆府米和尚

元康和尚

襄州王敬初常侍

鄭十三娘

八人

卷之十四

六祖下第五世

鎮州臨濟義立禪師

黃檗嗣  
臨濟宗

中興金

卷之十五

一

卷之十五

卷之十五

六祖下第五世

潭州石霜慶諸禪師

青四道  
吾智嗣

潭州漸源仲興禪師

二人

僧密禪師

雲巖  
展嗣

澧州夾山善會禪師

船子  
誠嗣

舒州投子大同禪師

率微  
學嗣

郢州清平令遵禪師

二人

鼎州德山宣鑒禪師

天二龍  
潭嗣

卷之十六

六祖下第五世

瑞州洞山良价禪師青四雲巖晟嗣曹洞宗

卷之十七

六祖下第六世

睦州刺史陳操居士南五陳尊宿嗣

袁州南塔光涌禪師

杭州無著文喜禪師二人

雙峰古禪師先雙峰嗣峰潯山嗣

魏府興化存獎禪師臨濟宗臨濟嗣

魏府大覺和尚

鎮州寶壽沼禪師

鎮州三聖慧然禪師

幽州談空和尚

定州善崔禪師

覆盆庵主

虎溪庵主

杉洋庵主

桐峰庵主

窠上座 十二人

定上座

瑞州九峰道虔禪師 青五石霜諸嗣

台州湧泉景欣禪師

邵武龍湖普聞禪師

潭州雲蓋志元禪師

鳳翔石柱禪師

張拙秀才 六人

澧州洛浦元安禪師 夾山會嗣

撫州黃山月輪禪師

洛京韶山普寰禪師

鄆州四禪師

鳳翔天蓋山幽禪師五人

鄂州巖頭全寂禪師天三德山鑒嗣

福州雪峰義存禪師

泉州瓦棺和尚

襄州高亭簡禪師西人

卷之十八

六祖下第六世

撫州曹山本寂禪師青五曹洞宗洞山嗣

洪州雲居道膺禪師

撫州疎山匡仁禪師

青林師虔禪師

高安白水本仁禪師

金

系

潭州龍牙居遁禪師

益州北院通禪師

京兆覲子和尙

越州乾峰和尙

澧州欽山文邃禪師

九峰通立禪師十一人

卷之十九

六祖下第七世

吉州資福如寶禪師

南大滄仰宗西塔  
穆嗣穆仰山嗣

郢州芭蕉慧清禪師

南塔  
通嗣

汝州南院慧昭禪師

臨濟宗  
興化嗣

守廓侍者二人

汝州西院思明禪師寶一  
沼嗣



寶壽第二世和尚二人

洪州同安常察禪師青六九峰虔嗣

吉州禾山無殷禪師二人鳳翔青峰傳楚禪師洛浦安嗣

袁州木平善道禪師蟠龍文嗣文夾山會嗣

郢州桐泉山禪師黃山輪嗣

台州瑞巖師彥禪師天四巖頭歲嗣

福州羅山道閑禪師二人福州玄沙師備禪師雪峰存嗣

福州長慶慧稜禪師漳州保福從展禪師

福州鼓山神宴禪師龍華照布衲

明州翠巖令參禪師

越州鏡清道忞禪師

報恩懷嶽禪師

安國宏瑄禪師

長生皎然禪師

越山師翦禪師

太原孚上座

十二人

卷之二十

六祖下第七世

撫州金峰從志禪師

青六曹洞宗曹山嗣

處州廣利容禪師

二人

洪州同安丕禪師

雲居膺嗣

杭州佛日本空禪師

池州稽山章禪師

朱溪謙禪師

南康雲居道簡禪師 五人

護國守澄禪師 疎山 仁嗣

黃檗慧禪師

伏龍奉璘禪師 三人

襄州石門獻蘊禪師 青林 虔嗣

京兆重雲智暉禪師 白水 仁嗣

杭州瑞鹿幼璋禪師 二人

泉慈藏嶼禪師 龍牙 遁嗣

韶州雲門文偃禪師 天四雪峰存 嗣雲門宗

### 卷之二十一

#### 六祖下第八世

吉州資福貞邃禪師 南七瀉仰宗 資福寶嗣

郢州芭蕉繼徹禪師 芭蕉 清嗣 彭水承天辭確禪師 二人

汝州風穴延沼禪師臨濟宗南院嗣

鐵胡頴橋安禪師二人

郢州興陽歸靜禪師西院明嗣

鄂州黃龍誨機禪師天五立泉彥嗣

婺州明招德謙禪師羅山閑嗣  
漳州羅漢桂琛禪師立沙嗣

安國慧球禪師

福州大章契如禪師

天台國清師靜上座四人

泉州招慶道匡禪師長慶稜嗣

襄州鷲嶺明遠禪師

太傅王延彬居士三人

谷山行崇禪師保福展嗣

漳州報恩道熙禪師

招慶省燈禪師三人

鼓山智嶽禪師鼓山宴嗣

報國照禪師

龍華照嗣

衢州烏巨儀宴禪師

鏡清  
付嗣

福州瑞峰志端禪師

安國  
瑤嗣

保福清豁禪師

睡龍  
溥嗣  
雪峰存嗣  
龍

四祖清皎禪師

白兆  
圓嗣  
圓感潭  
資嗣  
資德山鑒嗣

大龍智洪禪師

二人

同安志禪師

青七  
曹洞宗  
同安丕嗣

廬山佛手行因禪師

鹿門  
真嗣  
真曹山嗣

泉州龜洋慧忠禪師

草庵  
義嗣  
義曹山嗣

襄州廣德義禪師

廣德  
延嗣  
延曹山嗣

廣德用禪師

二人

石門慧徹禪師

石門  
蘊嗣

益州香林澄遠禪師

天五雲門  
宗雲門嗣

韶州白雲子祥禪師

鼎州德山緣密禪師

岳州巴陵顥鑒禪師

隨州雙泉師寬禪師

襄州洞山守初禪師

金陵奉先深禪師

韶州雙峰竟欽禪師

洞山清稟禪師

北禪寂禪師

雲門朗上座

十一人

卷之二十二

六祖下第九世

汝州首山省念禪師

南八臨濟  
宗風穴嗣



廣慧真禪師 二人

黑水和尙 天六黃  
龍機嗣

棗樹第二世和尙

呂巖真人 三人

襄州清溪洪進禪師

羅漢  
琛嗣

昇州清涼休復禪師

撫州龍濟紹修禪師

三人

酒仙遇賢禪師

龍華球  
長慶球  
稜嗣

鼎州梁山緣觀禪師

青入曹  
同安志  
淵宗

懷安雲頂德敷禪師

護國遠  
澄嗣  
澄疎山仁  
嗣

隨州智門光祚禪師

天六雲門  
宗香林  
嗣

韶州大厯和尙

白雲  
祥嗣

連州寶華和尙

二人

蘄州五祖師戒禪師

雙泉寬嗣

荊南福昌惟善禪師

二人

蓮華峰祚庵主

泰先深嗣

藍田縣真禪師

般若柔雲門嗣

金陵清涼文益禪師

羅漢琛嗣法眼宗

# 卷之二十三

## 六祖下第十世

汾州太子院善昭禪師

南九臨濟宗首山嗣

并州三交智嵩禪師

葉縣廣教歸省禪師

潭州神鼎洪謹禪師

襄州谷隱蘊聰禪師

汝州廣慧元璉禪師

鐵佛院智嵩禪師

仁王院處評禪師

智門罕迴禪師

丞相王隨居士

十八

圓通緣德禪師

天七清溪進嗣

郢州大陽警立禪師

青丸曹洞宗梁山觀嗣

明州雪竇重顯禪師

天七雲門宗智門祚嗣

瑞州洞山曉聰禪師

文殊真嗣真德山密嗣

洞山自寶禪師

五祖戒嗣

潭州北禪智賢禪師

福嚴雅嗣雅洞山初嗣

南安巖自巖尊者

西峰豁嗣豁清涼明嗣明雲門嗣

卷之二十四

三

天台德韶國師

法眼宗  
法眼嗣

金陵清涼泰欽禪師

杭州靈隱清聿禪師

洪州百丈道恆禪師

永明道潛禪師

杭州報恩慧明禪師

雲居清錫禪師

漳州羅漢智依禪師

金陵報慈文遂禪師

報恩立則禪師

歸宗策真禪師

同安紹顯禪師

觀音從顯禪師

洛京興善棲倫禪師

古賢院謹禪師

十五人

卷之二十四

六祖下第十一世

潭州石霜楚圓禪師

南十臨濟宗汾陽嗣

滁州瑯琊慧覺禪師

瑞州大愚守芝禪師

舒州法華全舉禪師

南嶽芭蕉谷泉禪師

安吉州天聖皓泰禪師 六人

浮山法遠禪師

葉縣省嗣

潤州金山曇穎禪師

谷隱聰嗣

唐州大乘德遵禪師

景清居素禪師

駙馬李遵勗居士

四人

東京華嚴道隆禪師

廣慧璉嗣

文公楊億居士

二人

舒州投子義青禪師

青十曹洞宗大陽嗣

興陽清剖禪師

羅浮顯如禪師 三人

越州天衣義懷禪師

天八雲門宗雪竇嗣

宗道者

修撰曾會居士 三人

南康雲居曉舜禪師

洞山聰嗣

杭州佛日契嵩禪師

太守許式居士 三人

荊門玉泉承皓禪師

北塔廣嗣廣五祖戒嗣

明州育王懷璉禪師

泐潭澄嗣澄亦五祖戒嗣

廬山圓通居訥禪師

延慶榮嗣榮智門祚嗣



潭州興化紹銑禪師

北禪賢嗣

洪州法昌倚遇禪師

二人

南康雲居了元禪師

開先暹嗣暹德山遠嗣遠雙泉郁嗣郁雲門嗣

杭州永明延壽禪師

法眼宗韶國師嗣

杭州五雲志逢禪師

杭州報恩永安禪師

溫州瑞鹿遇安禪師

溫州瑞鹿本先禪師

溫州雁蕩願齊禪師

杭州興教洪壽禪師

七人

洪州雲居道齊禪師

清涼欽嗣

廬州棲賢澄湜禪師

百丈恆嗣

卷之二十五

六祖下第十二世

隆興黃龍慧南禪師

南十一臨  
濟慈明嗣

袁州楊岐方會禪師

洪州翠巖可真禪師

金陵蔣山贊元禪師

洪州大甯道寬禪師

潭州道吾悟真禪師

六人

蘇州定慧超信禪師

瑯琊  
覺嗣

越州姜山方禪師

宣州興教坦禪師

江州歸宗可宣禪師

秀州長水子璿禪師

五人

南嶽雲峰文悅禪師

大愚  
芝嗣

安吉州西余端師子

龍華嶽嗣  
谷隱聰嗣

東京芙蓉道楷禪師

青十一曹  
洞投子嗣

隨州大洪報恩禪師

東京慧林宗本禪師 天九雲門  
天衣嗣

東京法雲法秀禪師 延恩法安禪師

禮部楊傑居士 四人 金陵蔣山法泉禪師 雲居舜嗣

明州大梅法英禪師 九峯韶嗣  
韶泐潭澄嗣

邢州開元法明上座 報本有蘭嗣  
蘭雪竇顯嗣

僉判劉經臣居士 智海逸嗣  
逸先暹嗣

杭州淨土惟正禪師 法眼宗淨土素嗣  
素崇壽稠嗣  
稠法眼嗣

卷之二十六

六祖下第十三世

隆興黃龍祖心禪師

南十二臨  
濟黃龍嗣

隆興寶峰克文禪師

潭州雲蓋守智禪師

吉州隆慶閑禪師

卷之二十七

六祖下第十三世

潭州泐潭洪英禪師

袁州仰山行偉禪師

黃龍恭首座

安吉報本慧元禪師

景福順禪師

黃檗積翠永庵主

延慶洪準禪師十一人

舒州白雲守端禪師楊岐嗣

金陵保甯仁勇禪師

比部孫居士三人

潭州大潯慕詰禪師

翠巖真嗣

紹燈禪師

玉泉芳嗣芳浮山遠嗣

鄧州丹霞子醇禪師

青十二曹洞宗芙蓉嗣

洪州寶峰惟照禪師

襄州石門元易禪師

東京淨因自覺禪師

四人

東京法雲善本禪師

天十雲門慧林本嗣

頭子修顒禪師二人

清獻趙公

蔣山泉嗣泉雲居舜嗣

卷之二十八

六祖下第十四世

隆興黃龍悟新禪師

南十三臨濟祖心嗣

隆興黃龍惟清禪師

隆興泐潭善清禪師

吉州青原惟信禪師

漳州保福本權禪師

太史黃庭堅居士

秘書吳恂居士

七人

隆興兜率從悅禪師

寶峰文嗣

東京法雲杲禪師

隆興泐潭文準禪師

瑞州清涼慧洪禪師

南嶽石頭懷志庵主

五人

廬州羅漢系南禪師

雲居祐嗣祐及開元琦保甯璣皆黃龍南嗣

信州永豐慧日庵主

二人

泉州尊勝有朋講師

開元琦嗣



慶元育王淨曇禪師保甯璣嗣

蘄州五祖法演禪師白雲端嗣

提刑郭正祥居士二人

安吉上方日益禪師保甯勇嗣

瀛州顯首座二人

洪州泐潭景祥禪師大瀛哲嗣

和州光孝慧蘭禪師二人

真州長蘆清了禪師青十三曹洞丹霞嗣

明州天童宏智禪師二人

江州圓通德止禪師寶峰照嗣

衡州花藥智朋禪師二人

吉州青原齊禪師石門易嗣

天台如庵主天十一雲門本覺一嗣一慧林本嗣

平江西竺尼法海禪師二人

東京慧林懷深禪師長蘆信嗣信

平江萬壽如璜禪師  
越州天衣如哲禪師

大覺法慶禪師法雲白嗣白

臨安廣福惟尚禪師保甯英嗣英

卷之二十九

六祖下第十五世

吉州禾山慧方禪師南十四臨濟悟新嗣

華亭性空庵主  
空室道人智通三人

潭州上封本才禪師黃龍清嗣  
潭州法輪應端禪師

東京長靈守卓禪師 三人

隆興黃龍道震禪師 泐潭清嗣

慶元天童普交禪師 泐潭乾嗣 乾東林總嗣 總黃龍南嗣

江州圓通道旻禪師 慶元二靈知和禪師 三人

紹興慈氏瑞仙禪師 開先瑛嗣 瑛東林總嗣

丞相張商英居士 兜率悅嗣 西蜀鑒法師 法雲杲嗣

隆興雲巖天遊禪師 湛堂準嗣

隆興九仙法清禪師 慧日雅嗣 雅寶峰文嗣

眉州中巖蘊能禪師 大瀉琤嗣 琤大瀉秀嗣 秀黃龍南嗣

懷安雲頂宗印禪師 二人

成都信相宗顯禪師

昭覺白嗣白黃檗  
勝嗣勝黃龍南嗣

成都昭覺克勤禪師

五祖  
演嗣

舒州太平慧懃禪師

舒州龍門清遠禪師

彭州大隨元靜禪師

漢州無爲宗泰禪師

蘄州五祖表自禪師

嘉州九頂清素禪師

元禮首座

法闕上座

九人

金陵俞道婆

瑯瑯起嗣  
起白雲嗣

東京淨因繼成禪師

智海平嗣平  
大滌喆嗣

建甯開善道瓊禪師

泐潭  
祥嗣

杭州淨慈慧暉禪師

青十四曹洞  
天童覺嗣

明州瑞巖法恭禪師 二人

舒州投子道宣禪師 天衣聰嗣聰石門易嗣

### 卷之三十

### 六祖下第十六世

嘉興報恩法常首座 南十五臨濟萬年一嗣一泐潭清嗣

左丞范冲等五居士 圓通明嗣 臨安徑山智策禪師 雲巖遊嗣

徑山大慧宗杲禪師 昭覺勤嗣語列此卷下兩卷

平江虎邱紹隆禪師 慶元育王端裕禪師

台州護國景元禪師 平江南峰雲辨禪師

臨安靈隱慧遠禪師

建康華藏安民禪師

成都昭覺道元禪師

潭州大溈法泰禪師

眉州象耳袁覺禪師

臨安中竺中仁禪師

眉州中巖祖覺禪師

平江明因曇玩禪師

成都昭覺道祖禪師

樞密徐俯居士

郡王趙令衿居士

侍郎李彌遠居士

成都范縣君

十八人

常德文殊心道禪師

太平懃嗣

潭州龍牙智才禪師

安吉何山守珣禪師

三人

溫州龍翔士珪禪師

龍門遠嗣

南康雲居善悟禪師



隆興黃龍法忠禪師

普庵印附

衢州烏巨道行禪師

南康雲居法如禪師

南康歸宗正賢禪師

安吉道場明辨禪師

世奇首座

給事馮濟川居士

九人

台州石頭自回禪師

大隨靜嗣

常德梁山師遠禪師

莫將尙書居士

龍圖王蕭居士

四人

無爲冶父道川禪師

成嗣

## 卷之三十一

臨安徑山宗杲大慧普覺禪師語要上

## 卷之三十二

臨安徑山宗杲大慧普覺禪師語要下

指月錄卷之一

那羅延窟學人瞿汝稷槃談集

吳郡天池山人嚴澂道澈甫較

衡州開峰嗣祖沙門寂忍重梓

開峰嗣法門人  
畫先一閱  
石宮維

七佛

毘婆尸佛。過去莊嚴劫第九百九十八尊。偈曰：身從無相中受生。猶如幻出。

諸形象。幻人心識本來無。罪福皆空無所住。長阿含經云：人壽八萬歲。

時此佛出世。種利利。姓拘利。若父槃頭母槃頭。婆提居槃頭。婆提城坐波波羅樹下說法。三會度人三十四萬八千。

目可錄  
卷一 七佛

才人金

卷一

三

神足二、一名騫茶、二名

提舍、侍者無憂子方膺、

尸棄佛。

莊嚴劫第九尊

偈曰：起諸善法本是幻，造諸惡業亦是

幻。身如聚沫，心如風，幻出無根，無實性。

長阿含經云：人壽七萬歲時，此佛出

世種刹利、姓拘利若、父明相、母光曜、居光相城、坐分陀利

樹下說法三會度人二十五萬神足二、一名阿毘浮、二名

婆娑、侍者忍

行、子無量

毘舍浮佛。

莊嚴劫第一千尊

偈曰：假借四大以為身，心本無生因境

有。前境若無心，亦無罪福。如幻起亦滅。

長阿含經云：人壽六萬歲時，此佛出

世種刹利、姓拘利若、父善燈、母稱戒、居無喻城、坐婆羅樹

下說法二會度人一十三萬神足二

扶遊、二鬱多摩侍

者寂滅

子妙覺

拘留孫佛。見在賢劫第一尊。偈曰。見身無實是佛身。了心如幻是佛

幻了得身心本性空。斯人與佛何殊別。長阿含經云。人壽四萬歲時。此佛出

世。種婆羅門。姓迦葉。父禮得母善枝。居安和城。坐月利沙樹下。說法。一會度人四萬。神足二。一薩尼。二毘樓侍者。善

覺子。上勝。

拘那含牟尼佛。賢劫第二尊。偈曰。佛不見身知是佛。若實有知別

無佛。智者能知罪性空。坦然不怖於生死。長阿含經云。人壽三萬歲時。此

佛出世。種婆羅門。姓迦葉。父大德母善勝。居清淨城。坐烏暫婆羅門樹下。說法。二會度人三萬。神足二。一舒槃那。二

鬱多樓侍者。安和子導師。

迦葉佛。賢劫第三尊。偈曰。一切眾生性清淨。從本無生無可滅。即

此身心是幻生。幻化之中無罪福。長阿含經云。人壽二萬

門。姓迦葉。父梵德。母財主。居波羅奈城。坐尼拘律樹下。說法。一會度人二萬。神足二。一提舍二。婆羅婆侍者善友。子

集軍。幻寄曰。始子錄指月錄。七佛第書其偈。阿含化跡。皆削焉。既見世之人。粗聞即心。即佛者。率多撥無報化。乃

悟昔人載此之妙密。蓋偈闡法身之極致。阿含示化跡之

大畧。可謂斷常俱遣。事理兩融者矣。傳燈成於道原。而裁

定於楊大年。其旨不苟也。因具錄之。此錄稍錄神通亦以此

釋迦牟尼佛。賢劫第四尊。姓刹利。父淨飯王。母摩耶刹利氏。自天

地更始。閻浮洲初闢已來。世為王。佛歷劫修行。值然燈佛。

授記於此劫作佛。後於迦葉佛世。以菩薩成道。上生觀史。

陀天。名護明大士。及應運時至。乃降神於摩耶。當此土周。



昭王二十四正宗作九年甲寅四月初八日。自摩耶右脇誕生。

生時放大智光明。照十方世界。地湧金蓮花。自然捧雙足。

一手指天。一手指地。周行七步。目顧四方。曰。天上天下。惟

吾獨尊。雲門云。我當時若見一棒打殺與狗子喫。貴圖天

身之路。瑯琊覺云。雲門可謂將此深心奉塵刹。是則名

為報佛恩。僧問九峰虔云。承聞和尚有言。諸聖閒出。祇

是傳語人。是否。曰。是。曰。世尊。一手指天。一手指地。云。天上

天下。惟吾獨尊。為甚。麼。卻喚作傳語人。峰曰。祇為一手指

天。一手指地。所以喚作傳語人。自降生後。種種神異。具如經言。至四十

二正宗作十七年。年十九。二月八日。欲求出家。而自念言。當復

何遇。即於四門遊觀。見生老病死四等事。心有悲喜而作

思惟此老病死終可厭離。於是夜子時有淨居天人於牕牖中叉手白言。出家時至可去矣。於是諸天捧所乘馬足。超然凌虛逾城而去。曰。不斷八苦。不成無上菩提。不轉法輪。終不還也。淨飯王思甚。遣其臣勸諭還宮者。萬計確然不回。入檀特山修道。始於阿藍迦藍處三年。學不用處定。知非便捨。復至鬱頭藍弗處三年。學非非想定。知非亦捨。又至象頭山。同諸外道。日食麻麥。經於六年。世尊自思曰。今此苦行。非正解脫。吾當受食而後成佛。卽沐浴於尼連河。天爲之偃樹。世尊援之而出。受牧牛氏女所獻乳糜。尋

詣畢鉢樹下。天帝化人。擷瑞草以藉坐。景雲祥風四起。紛披天魔。念世尊道成。且受折抑。率眾作難。窮現可怖。可欲諸境。世尊泊然不動。以指按地。地大震。魔皆顛仆。於是降之。故經云。以無心意。無受行。而悉摧伏諸外道。先厯試邪法。示諸方便。發諸異見。令至菩提。乃於穆王三年癸未。正作昭王三十三年戊寅。歲二月七日之夕。八正三昧。至八日明星出時。廓然大悟。成等正覺。乃歎曰。奇哉。一切眾生。具有如來智慧德相。但以妄想執著。不能證得。時年三十矣。或云成道於臘月八日。以周正二月。乃夏正臘月也。成道後六年。歸爲淨飯王說法。王大喜。

遣其族五百貴子從之出家。世尊一日陞座。大眾集定。

文殊白椎曰。諦觀法王法。法王法如是。世尊便下座。芭蕉徹云

怛怛者。市地普天。雪竇頌云。列聖叢中作者知。法王法

令不如斯。會中若有仙陀客。何必文殊下一椎。幻寄曰

於斯薦得則華嚴論所謂未離兜率已降王宮。未出母胎

度人已畢。十世古今。始終不離於當念。無<sub>息</sub>剎境。自他不

隔於毫端。是顧虎頭畫人影。雖得其神而終是畫。香嚴上

樹話。雪峰望州亭與汝相見了也。話元沙三種病人亡僧

面前觸目菩提深。山巖崖佛法高峯見。雪巖巖間睡著未

夢主人都是依樣畫貓兒。嘆此俱是畫。如何是真。咄。不見

雲門云。且道非非想天。今有世尊一日陞座。默然而坐。

幾人退位過此更參三十年。

阿難白椎曰。請世尊說法。世尊云。會中有二比丘犯律行。

故我不說法。阿難以他心通觀是比丘。遂乃遣出。世尊還



復默然。阿難又白。適來爲二比丘犯律。是二比丘已遣出。

世尊何不說法。世尊云。吾誓不爲二乘聲聞人說法。便下

座。

南堂靜云。前箭猶輕。後箭深。

世尊一日陞座。迦葉白。椎曰。世尊說

法竟。便下座。

世尊在忉利天爲母說法。優填王思佛。命

匠雕栴檀像。及世尊下忉利天像。亦出迎。世尊三喚三應。

乃云。無爲眞佛。實在我身。

喚在那一個身。

世尊在忉利九十日。

及辭天界而下。四眾八部俱往空界奉迎。有蓮花色比丘

尼作念云。我是尼身。必居大僧。後見佛。不如用神力變作

轉輪聖王。千子圍繞。最初見佛。果滿其願。世尊纔見。乃訶

云蓮花色比邱。汝何得越大僧見吾。汝雖見吾色身。且不

見吾法身。須菩提巖中宴坐。卻見吾法身。

薦福懷云蓮花色比邱被熱謾

且致還知瞿曇老人性命在別人手裏麼

世尊示隨色摩尼珠。問五方天王。

此珠而作何色。時五方天王互說異色。世尊藏珠。復擡手

曰。此珠作何色。天王曰。佛手中無珠。何處有色。世尊曰。汝

何迷倒之甚。吾將世珠示之。便強說有青黃赤白色。吾將

真珠示之。便總不知。時五方天王悉自悟道。

世尊因黑

氏梵志。獻合歡梧桐花。佛召仙人放下著。梵志放下左手

一株花。佛又召仙人放下著。梵志又放下右手一株花。佛



又召仙人放下著。梵志曰：吾今兩手俱空，更教放下個甚麼？佛曰：吾非教汝放捨其花，汝當放捨外六塵內六根中六識。一時捨卻，無可捨處。是汝放身命處。梵志於言下悟，無生忍。世尊因普眼菩薩欲見普賢，不可得見，乃至三度入定，徧觀三千大千世界，覓普賢，不可得見，而來白佛。佛曰：汝但於靜三昧中起一念，便見普賢。於是普眼纔起一念，便見普賢向空中乘六牙白象。雲居舜云：諸仁者，且作麼生會？雲居道普眼推倒世尊，世尊推倒普眼，你道普賢在甚處？世尊因五通仙人問：世尊有六通，我有五通，如何是那一通？佛召五通仙人，仙人應諾。佛

曰那一通。你問我。

雪竇顯云。老胡元不知有那一通。卻因邪打正。瑯琊覺云。世尊不知可謂因

正而打邪。五通不知因邪而打正。

雲峰悅云。大小瞿曇

被外道勘破了。有旁不肯底出來。我要問你。作麼生是那

一通。翠巖芝云。五通如是問世尊。如是答。要且不會。那

一通。寶葉源頌云。那一通。你問我。口是禍門。招因帶果。

慙愧慈悲大法王。丙乙離王不屬火。斷橋倫頌云。那一

通。你問我。元關倒插無鬚鎖。等閒一掣掣得開。三個老婆

相對坐。妙喜云。今時有一種弄泥。世尊一日勅阿難。

團漢往往在那一通處。錯認定盤星。

食時將至。汝當入城持鉢。阿難應諾。世尊曰。汝既持鉢。須

依過去七佛儀式。阿難便問。如何是七佛儀式。世尊召阿

難。阿難應諾。世尊曰。持鉢去。世尊因有比丘問。我於世

尊法中。見處卽有證處。未是世尊當何所示。世尊曰。比丘。

某甲當何所示。是汝此問。世尊因耆婆善別音響。至一塚間。見五髑髏。乃敲一髑髏。問耆婆。此生何處。曰。此生人道。又敲一曰。此生何處。曰。此生天道。又別敲一。問耆婆。此生何處。耆婆罔知生處。世尊因七賢女遊尸陀林。一女指尸曰。尸在這裏。人在甚處。去。一女曰。作麼作麼。諸姊諦觀。各各契悟。感帝釋散花。曰。惟願聖姊有何所須。我當終身供給。女曰。我家四事。七珍悉具足。惟要三般物。一要無根樹子。一株。二要無陰陽地。一片。三要叫不響山谷一所。帝釋曰。一切所須。我悉有之。若三般物。我實無有。女曰。汝

若無此爭解濟人帝釋罔措。遂同往白佛。佛曰。憍尸迦。我諸弟子大阿羅漢。不解此義。惟有諸大菩薩。乃解此義。世尊因地布髮掩泥。獻花於然燈佛。然燈見布髮處。遂約退眾。乃指地曰。此一方地。宜建一梵剎。時眾中有一賢于長者。持標於指處。插曰。建梵剎。竟時。諸天散花相讚。世尊嘗於阿難行次。見一古佛塔。世尊便作禮。阿難曰。此是甚麼人塔。世尊曰。過去諸佛塔。阿難曰。過去諸佛是甚麼人弟子。世尊曰。是吾弟子。阿難曰。應當如是。世尊因自忖曰。文殊三處過夏。迦葉欲白椎擯出。纔拈椎。乃見百千

萬億文殊。迦葉盡其神力。椎不能舉。世尊遂問迦葉。汝擬

擯那個文殊。迦葉無對。昭覺勤云。可惜放過一著。待釋迦

惟看他作麼合殺。雲居老子道。你欲擯那個文殊。便與一

元云。一家有事。百家忙。城東有一老母。與佛同生。不

欲見佛。每見佛來。即便迴避。雖然如此。回顧東西。總皆是

佛。遂以手掩面。乃至十指掌中。總皆是佛。雪竇顯云。官雖

丈夫之作。既知迴避稍難。不免吞聲飲氣。如今不欲見佛。即許你切忌以手掩面。何故。明眼底覷著。將謂雪竇門下

婆禪世尊因文殊至諸佛集處。值諸佛各還本處。惟

有一女人。近於佛坐。而入三昧。文佛乃白佛云。何此人得

近佛。而我不得。佛告文殊。汝但覺此女。令從三昧起。汝自



問之文殊繞女人三匝。鳴指一下。乃托至梵天。盡其神力。而不能出。世尊曰。假使百千文殊。亦出此女人定不得。下方過四十二恆河沙國土。有罔明菩薩。能出此女人定。須臾罔明大士。從地湧出。作禮世尊。世尊勅罔明出。罔明卻至女子前。鳴指一下。女子於是從定而出。五雲逢云。不惟文殊不能出此定。但恐如來亦出此定不得。祇如教意。怎生體解。翠巖真好問僧。文殊是七佛之師。因甚出女子定不得。罔明從下方來。因甚卻出得女子定。莫有能對者。獨英劭武方其問時。以手招其膝而去。真笑曰。賣是著客。未在此。洪覺範曰。教中有女子出定。因緣叢林。商畧甚眾。自非道眼明白。親見作家。未能明也。大愚之禪師。每問僧曰。文殊是七佛之師。爲甚出女子定不得。罔明菩薩下方而至。但彈指一聲。便能出定。莫有對者。乃自代云。僧投寺裏宿。賊打不防。



家子滋愛其語，作偈記之曰：出定祇消彈指，佛法豈用工夫？我今要用，便用，不管罔明文殊雲庵和尚見之，明日陞座，用前話，乃曰：文殊與罔明見處，還有優劣也。無若言無文殊，何故出女子定不得？祇如今日行者，擊動法鼓，大眾同到座前，與罔明出女子定，是同是別？良久曰：不見道，欲識佛性義，當觀時節，因緣。大眾總是祖師門下客，參元上士，試諦觀着。若見得出家事畢，解脫安樂，世俗塵勞，不用開觀，喝一喝，下座。雲庵亦有偈曰：佛性天真事，誰云別看師？罔明彈指處，女子出禪時，不費纖毫力，何曾動所思。眾生總平等，日用自多疑。妙喜云：有一種商量，古人公案謂之針線工夫。又謂之郎君子弟禪。如商量女子出定，語云：文殊是七佛之師，爲甚麼出女子定不得？云：文殊與女子無緣，罔明是初地菩薩，爲甚麼出得女子定？云：與女子有緣，下語云：冤有頭，債有主，又有商量道：文殊不合有心，所以出女子定不得。罔明無心，所以出得。下語云：有心用處，還成錯，無意求時，卻宛然。又有商量道：文殊爲甚麼出女子定不得？杓柄在女子手裏，罔明爲甚麼出得？如蟲禦木，又云：因風吹火，又云：爭奈女子何？邪解甚者，至於作女

子入定勢出定勢推一推彈指一下哭蒼天數聲伏惟尚  
 饗拂袖之類冷地看來慙惶殺人妙喜頌云出得出不得  
 是定非正定罔明與文殊喪卻窮性命圓悟勤頌云大  
 定等虛空廓然誰辨得女子與瞿曇據令何條直師子奮  
 迅今搖蕩乾坤象王回旋今不資餘力孰勝孰負誰出離  
 入雨散雲收青天白日君不見馬駒踏殺天下人臨濟未  
 是白拈賊尼妙總頌云金不博金水不洗水雨旣不成  
 一何有爾罔明文殊靴裏弄指天衣懷頌云文殊托上  
 梵天罔明輕輕彈指女子黃面瞿曇看他一倒一起寶  
 峰照頌云拂拭瑤琴月下彈調高雪曲和應難五侯費盡  
 平生志從此詩書嬾更看石門易頌云坐擁羣峰覆白  
 雲鸞啼深谷不知春崖前花雨紛紛落午夢初回識故人  
 佛燈珣頌云瞿曇身心如泥女子肝腸似鐵文殊貪尋  
 鍋了罔明由來著楔歷觀大地眾生不解閉門作活不動  
 干戈建大平雨過青山如黛潑佛照光頌  
 云一畝之地三蛇九鼠仔細看來是何面嘴  
 殃崛摩羅

因持鉢至一長者門其家婦人正值產難長者曰瞿曇

三

子。汝爲至聖。當有何法能免產難。殃崛語長者曰。我乍入道。未知此法。待我回問世尊。卻來相報。及返具事白佛。佛告殃崛。汝速去報言。我從聖賢法來。未曾殺生。殃崛奉佛語。疾往告之。其婦得聞。當時分挽。徑山杲禪師遊方時。以此因緣請益湛堂準禪師。堂曰。正爬著我癢處。這話是金矢。法不會如金。會得如矢。山曰。豈無方便。堂曰。我有個方便。祇是你剗地不會。山曰。望和尚慈悲。堂曰。殃崛云。我乍入道。未知此法。待問世尊。未到佛座下。他家生下兒子。時如何。佛言。我從聖賢法來。未曾殺生。殃崛持此語。未到它家。已生下兒子。時如何。山當時理會不得。及見圓悟後。過虎邱。閱華嚴經。至菩薩登第七地。證無生法。忍云。佛子。菩薩成就此忽。卽時得入菩薩第八不動地。爲深行菩薩。難可知。無差別。離一切相。一切想。一切執著。無量無邊。一切聲聞辟支佛。所不能及。離諸喧譁。寂滅現前。譬如比丘。具足神通。得心自在。次第

乃至入滅盡定一切動心憶想分別悉皆止息此菩薩摩訶薩亦復如是住不動地即捨一切功用行得無功用法身口意業念務皆息住於報行譬如有人夢中見身墮在大河為欲渡故發大勇猛施方便故即便寤寤寤已所作皆息菩薩亦爾見眾生身在四流中為救度故發大勇猛起大精進故至此不動地既至此已一切功用靡不皆息二行相行皆不現前此菩薩摩訶薩菩薩心佛心菩提心涅槃心尚不現起况復起於世間之心山於是豁然打失布袋湛堂所說方便忽然現前山後嘗頌此因緣其頌曰華陰山前百尺井中有寒泉徹骨冷誰家美人來照影不照其餘照斜領鼓山珪公亦同頌云月裏仙娥不畫眉祇將雲霧作羅衣不知夢逐青鸞去猶把花枝蓋面歸

世尊一日因文殊在門外立乃曰文殊文殊何不入門

來文殊曰我不見一法在門外何以教我入門報慈遂徵云為復是

門內語門外語瀉山詰代云吾不如汝黃龍新云文殊恁麼道入得門入不得門若入得門冰消瓦解無



邊身菩薩。將竹杖量世尊頂。丈六了。又丈六。量到梵天。不見世尊頂。乃擲下竹杖。合掌說偈云。虛空無有邊。佛功德亦然。若有能量者。窮劫不可盡。世尊因乾闥婆王獻樂。其時山河大地。皆作琴聲。迦葉起作舞。王問迦葉。豈不是阿羅漢。諸漏已盡。何更有餘習。佛曰。實無餘習。莫謗法也。王又撫琴三遍。迦葉亦三度作舞。王曰。迦葉作舞。豈不是習。佛曰。實不會作舞。王曰。世尊何得妄語。佛曰。不妄語。汝撫琴。山河大地。木石盡作琴聲。豈不是。王曰。是。佛曰。迦葉亦復如是。所以實不會作舞。王乃信受。

修山主問澄源禪師。乾闥婆王奏樂。

直得須彌炭峇海水騰波迦葉作舞作麼生會源云迦葉過去世習作樂人來習氣未除修云須彌炭峇海水騰波又作麼生源休去幻寄云有底道世尊以藥去病澄源以病去藥夢也未夢見乾闥婆王在世尊在

第六天說大集經勅他方此土人間天上一切猶惡鬼神悉皆輯會受佛付囑擁護正法設有不赴者四天門王

熱鐵輪追之令集既集會已無有不順佛勅者各發宏誓

擁護正法唯有一魔王謂世尊曰瞿曇我待一切眾生成

佛盡眾生界空無有眾生名字我乃發菩提心云天衣懷舉

變真大丈夫諸仁者作麼生下得一轉語與黃面瞿曇出氣尋常神通妙用智慧辨才都使不著盡閻浮大地人莫不愛佛到這裏何者是佛何者是魔還有人辨得麼良久云欲識魔麼開眼見明欲識佛麼閉眼見暗魔之與佛一



時穿卻鼻孔。妙喜曰：天衣老漢，怎麼批判，直是奇特。雖然如是，未免話作兩橛。若向何者是佛？何者是魔？處休去，不妨使人疑著。却云：開眼合眼，郎當不少。又云：拄杖一時穿卻鼻孔，雪上加霜。妙喜卻爲黃面老子代一轉語，待遮魔王。如此道了，祇向他道：幾乎錯喚你做魔王。此語有兩負門。若人檢點得出，許你具衲僧眼。世尊因調達謗佛，生身入地獄，遂令阿難問：你在地獄中安否？曰：我雖在地獄，如三禪天樂。佛又令問：你還求出否？曰：我待世尊來便出。阿難曰：佛是三界導師，豈有入地獄分？調達曰：佛既無入地獄分，我豈有出地獄分？羣崖真云：親言出云：好笑。提婆達多入捺落十小劫波，雖然得三禪妙樂，吹布毛須還鳥窠。松源岳頌云：地獄天堂，八字打開，誰知無去亦無來。若言已得三禪樂，未免將身自活埋。世尊因文殊忽起法見，佛見

被世尊威神攝向二鐵圍山。五雲逢云甚麼處是二鐵圍山。還會麼。如今人有起法見

佛見五雲與烹茶兩甌。且道是賞伊罰伊。同教義不同教義。白雲端云。大眾世尊當時無大人相。如今若有向承天這裡起法見佛見。承天終不敢教動著他。何謂如此。但得雪消去。自然春到來。五祖演云。白雲則具大慈悲。遂拍手云。曼殊室利。普賢大上。不審今後更敢也無。自云。一度被蛇傷。怕見斷井索。世尊因靈山會

上五百比丘。得四禪定。具五神通。未得法忍。以宿命智通。各各自見殺父害母。及諸重罪。於自心內。各各懷疑。於甚深法。不能證入。於是文殊承佛神力。遂手握利劍。持逼如來。世尊乃謂文殊曰。住住。不應作逆。勿得害吾。吾必被害。爲善被害。文殊師利。爾從本已來。無有我心。但以內心見。

有。我。人。內。心。起。時。我。必。被。害。卽。名。爲。害。於。是。五。百。比。邱。自  
悟。本。心。如。夢。如。幻。於。夢。幻。中。無。有。我。人。乃。至。能。生。所。生。父  
母。於。是。五。百。比。邱。同。讚。嘆。曰。文。殊。大。智。士。深。達。法。源。底。自  
手。握。利。劍。持。逼。如。來。身。如。劍。佛。亦。爾。一。相。無。有。二。無。相。無  
所。生。是。中。云。何。殺。天。童。傑。云。爲。人。須。爲。徹。殺。人。須。見。血。文。殊。費。盡。挽。頭。氣。力。且。不。知。此。刻。來。處。帶。  
累。釋。迦。老。子。通。身。是。口。也。分。疏。不。下。五。百。比。邱。怎。麼。悟。去。  
入。地。獄。如。箭。射。忽。若。踏。翻。大。海。踢。倒。須。彌。雲。門。扇。子。踣。跳。  
上。天。築。著。帝。釋。鼻。孔。東。海。鯉。魚。打。一。棒。雨。似。盆。傾。又。作。  
麼。生。商。量。良。久。云。自。從。舞。得。三。臺。後。拍。拍。元。來。總。是。歌。  
世。尊。因。外。道。問。不。問。有。言。不。問。無。言。世。尊。良。久。外。道。歎。曰。  
世。尊。大。慈。大。悲。開。我。迷。雲。令。我。得。入。作。禮。而。去。阿。難。白。佛。

外道得何道理。稱讚而去。世尊曰。如是良馬見鞭影而行。

雪竇顯云。邪正不分。過猶鞭影。又云。迷雲既開。決定見佛。還許它同參也。無若共相委知。則天下宗師。竝爲外道。作侶。如各非印證。則東土衲僧。不如西天外道。又頌云。機輪曾未轉。轉必兩頭走。明鏡忽臨臺。當下分妍醜。妍醜分兮。迷雲開。慈門何處生塵埃。因思良馬窺鞭影。十里追風喚得回。喚得回。鳴指三下。圓悟勤云。鳴指三下。是點破。是撒沙。徑山杲云。邪正兩分。正猶鞭影。百丈恆舉此。請益決眼語。未終法眼云。住住。汝擬向世尊良久處。會那丈從此悟入。世尊因波斯匿王問勝義諦中。有世俗諦否。若言無。

智不應二。若言有智不應一。一二之義。其義云何。佛言大。

王汝於過去龍光佛時。曾問此義。我今無說。汝今無聽。無。

說無聽。是爲一義二義。

翠崖真云。波斯匿王善問不善答。世尊善答不善問。一人理上偏枯。



一 人事上偏枯翠崖當時若見點一把火照看黃面老面皮厚多少。薦福懷云諸仁者大王分明問世尊分明答賓主歷然作麼生說。世尊因外道問昨日說何法。世尊個無說無聞底道理。世尊因外道問昨日說何法。世尊曰說定法。外道曰今日說何法。曰不定法。外道曰昨日說定法。今日何說不定法。世尊曰昨日定。今日不定。五祖戒將別人物作自己用。為山喆云世尊大似看樓打樓大為即不然待問昨日說定今日何說不定但云非汝境界。薦福懷云黃面老被外道拶著出自偶然。雖然如此邪正未分若人辨得許你頂門具眼。世尊因有異學問諸法是常耶。世尊不對。又問諸法是无常耶。世尊亦不對。異學曰世尊具一切智何不對我。世尊曰汝之所問皆為戲論。世尊嘗在尼俱律樹下坐次。因二商人

問世尊還見車過否。曰不見。還聞否。曰不聞。莫禪定否。曰不禪定。莫睡眠否。曰不睡眠。商人乃歎曰。善哉善哉。世尊乃覺而不見。世尊因長爪梵志索論義。預約曰。我義若墮。當斬首以謝。世尊曰。汝義以何爲宗。志曰。我以一切不受爲宗。世尊曰。是見受否。志拂袖而去。行至中途有省。乃歎曰。我義兩處負墮。是見若受。負門處粗。是見不受。負門處細。一切人天二乘。不知我義墮處。唯有世尊諸大菩薩。知我義墮。回至世尊前曰。我義兩處負墮。故當斬首以謝。世尊曰。我法中無有是事。汝當回心向道。於是同五百徒



眾一時投佛出家。證阿羅漢。天衣懷頌云：是見若受破家門，是見不受共誰論。區擔驀

折兩頭脫一毛。  
頭上現乾坤。

世尊一日坐次，見二人舁豬過，乃問這

個是甚麼。曰：佛具一切智，豬子也不識。世尊曰：也須問過。

大陽元云：不因世尊問，泊乎忘卻。地藏恩云：瞿曇老漢也是無端，大似節目上更生節目。忽被二人呵呵大笑，舁豬便行。

場懔懔。

世尊在靈山會上，拈花示眾。是時眾皆默然。

唯迦葉尊者破顏微笑。世尊曰：吾有正法眼藏，涅槃妙心，實相無相，微妙法門，不立文字，教外別傳，付囑摩訶迦葉。

白雲端云：迦葉善觀風雲，別氣色，雖然如是，還覺頂門重麼？復頌云：盡說拈花微笑，是未知將底辨宗風。若言心眼同時證，未免朦朧在夢中。僧問雲峰悅靈山拈花意旨如何，悅云：一言已出，駟馬難追。迦葉微笑，意旨如何，悅云：

才

金

二

夕

一

三

口是禍門

世尊至多子塔前。命摩訶迦葉分座令坐。以僧伽

黎圍之。遂告曰。吾以正法眼藏。密付於汝。汝當護持。並勅

阿難副貳傳化。無令斷絕。而說偈曰。法本法無法。無法法

亦法。今付無法時。法法何曾法。爾時世尊說是偈已。復告

迦葉。吾將金縷僧伽黎衣。傳付於汝。轉授補處。至慈氏佛

出世。勿令朽壞。迦葉聞偈。頭面禮足曰。善哉善哉。我當依

勅。恭順佛故。世尊臨入涅槃。文殊大士請佛再轉法輪。

世尊咄曰。文殊。吾四十九年住世。未曾說一字。汝請吾再

轉法輪。是吾曾轉法輪耶。

雪峰空云。且道世尊從文殊請。不從文殊請。

世尊

於涅槃會上。以手摩胸。告眾曰。汝等善觀吾紫磨金色之身。瞻仰取足。勿令後悔。若謂吾滅度。非吾弟子。若謂吾不滅度。亦非吾弟子。時百萬億眾。悉得契悟。雲峰悅云。然膏發藥。雲峰今日且作死馬。醫汝等諸人皮下有血麼。爾時世尊至拘尸那城。告諸大眾。吾今背痛。欲入涅槃。卽往熙連河側。娑羅雙樹下。右脇累足。泊然宴寂。復從棺起。爲母說法。特示雙足。化婆耆。並說無常偈曰。諸行無常。是生滅法。生滅滅已。寂滅爲樂。時諸弟子。卽以香薪。競焚毘之。燼後金棺如故。爾時大眾。卽於佛前。以偈讚曰。凡俗諸猛熾。何能致火熱。請尊三昧。

火闍維金色身。爾時金棺從座而舉。高七多羅樹。往返空中。化火三昧。須臾灰生。得舍利八斛四斗。卽穆王五十二年。正宗作。壬申歲二月十五日也。自世尊滅後。一千一十七年。教至中夏。卽後漢永平十年戊辰歲也。世尊涅槃。日迦葉最後至世尊。乃於櫛中露雙趺示之。佛鑑勸頌云。未出王宮已涅槃。何須雙足露金棺。致令迦葉雙眉皺。慶喜門前倒刹竿。

諸師拈頌諸經語句

經題八字。僧問地藏琛。以字不成。八字不是。未審是甚麼字。藏曰。看取下注腳。徑山杲頌云。以字不成。八字非。燥迦羅眼。不能窺一毛頭上。重拈出。憤怒那吒失却威。幻奇曰。有以溫和二字釋此者。是以柏樹下話爲三界唯心。



書

同一鼻孔。座主見也。華嚴論。未離兜率。已降王宮。未出母胎。度人

已畢。經山果頌云。利刃有蜜。不須舐。蠱毒之家。水。金剛。莫嘗不舐。不嘗俱不犯。端然衣錦。自還鄉。

經若為人輕賤。是人先世罪業。應墮惡道。以今世人輕賤

故。先世罪業。則為消滅。雪寶顯頌云。明珠在掌。有功者賞。胡漢不來。全無伎倆。伎倆既無。波

旬失途。瞿曇瞿曇。識我也。無復云。勘破了也。圓悟勤云。且道雪寶勘破。瞿曇瞿曇。勘破雪寶具眼者。試定當看。

無我相。無人相。龐居士問。講金剛經。座主云。無我相。無人相。阿誰講。阿誰聽。主無對。士示偈云。無我

亦無人。作麼有疎親。勸君休。厭座何似。直求真金。文殊。剛般若性外絕。一纖塵。我聞竝信受。總是假名陳。

所說般若經。清淨行者。不入涅槃。破戒比丘。不入地獄。此

應頌云。飲官酒。臥官街。當處死。當處理。寒山逢拾得。撫掌笑。哈哈。徑山果頌云。壁上安燈盞。堂前賓酒臺。悶來打

三蓋何處得愁來、高峯妙頌云涅槃地獄本無差祇  
為從前被眼遮三脚驢兒纔踣跳鑊湯鑪炭是吾家

圓覺經居一切時不起妄念於諸妄心亦不息滅住妄想

境不加了知於無了知不辨真實徑山杲頌云荷葉團團

錐風吹柳絮毛毬走雨打梨花蛺蝶飛師答林少瞻云但

將此頌放在上面卻將經文移來下面頌卻是經經卻是

頌如此做工夫看莫管悟不悟心頭休要忙亦不可放緩

如調弦之法緊緩得其所則曲調自成矣瑯琊覺禪師

嘗問講僧曰如何是居一切時不起妄念對曰起即是病

又問如何是於諸妄心亦不息滅對曰息即是病又問如

何是住妄想境不加了知對曰知即是病又問如何是於

無了知不辨真實對曰辨即是病覺公笑曰汝識藥矣未

識藥中之忌也寶覺禪師則為之偈曰黃花燉燉翠竹珊珊

看江南地煖塞北春寒遊人去後無消息留得雲山到老

一切障礙即究竟覺雪堂行頌云枯樹雲充葉凋梅

雪作花擊桐成木響蘸雪喫冬



孤鶩長天秋水落霞

裴休爲圓覺敘有云終日圓覺而未嘗圓

覺者凡夫也具足圓覺而住持圓覺者如來也

宋徑山慈辨禪師寶

所別其語曰具足圓覺住持圓覺者凡夫也終日圓覺未嘗圓覺者如來也從容錄

楞伽經五法

三自性八識二無我

徑山杲頌云陝府鐵牛白癩嘉州大象耳聾兩個病痛一般咄哉漆桶不快

維摩經須菩提鉢入維摩舍乞食時維摩詰取鉢

盛飯謂言汝能於食等者諸法亦等諸法等者於食亦等

如是行乞乃可取食乃至彼外道六師是汝之師彼師所

墮汝亦隨墮乃可取食入諸邪見不到彼岸住於八難不

得無難同於煩惱離清淨法汝得無諍三昧一切眾生亦

得是定其施汝者。不名福田。供養汝者。墮三惡道。為與眾  
 魔共一手作諸勞侶。汝與眾魔及諸塵勞等。無有異於一  
 切眾生而有怨心。謗諸佛。毀於法。不入眾數。終不得滅度。  
 汝若如是。乃可取食。妙喜頌云。獨坐許誰知。青山對落暉。花須連夜發。人待曉風吹。楞  
 嚴經。佛謂阿難。見見之時。見非是見。見猶離見。見不能及。  
 竹庵珪云。落花有意。隨流水。流水無情。戀落花。徑山杲  
 頌云。春至百花開。秋來還落葉。黃面老瞿曇。休搖三寸舌。  
 海印信頌云。見不及處。江山滿目。不覩纖毫。  
 花紅柳綠。白雲出沒。本無心。流水滔滔。豈盈縮。  
 汝等一  
 人發真歸元。此十方空。皆悉銷隕。尼無著頌云。一人發真歸元。十方虛空。銷隕。試  
 問楊岐栗蓬。何  
 似雲門胡餅。  
 諸可還者。自然非汝。不汝還者。非汝而

誰竹庵珪云常恨春歸無覓處不知轉入此中來喝一喝  
云三十年後莫道能仁教壞人家男女天目禮頌云  
不汝還兮復是誰殘紅落滿釣魚磯日斜風動  
無人埽燕子啣將水際飛咄咄是無等等呪  
阿難復

白佛言若此妙明眞淨妙心本來徧圓如是乃至大地草木蠕動含靈本元眞如卽是如來成佛眞體佛體眞實云

何復有地獄餓鬼畜生記庵顏頌云雙劍峰前古寺基天尊元是一牟尼時難祇得同香火

莫聽閑人說是非佛告阿難吾不見時何不見吾不見之處若

見不見自然非彼不見之相若不見吾不見之地自然非

物云何非汝雪竇點頌云全象全牛意不殊從來作者共名模如今要見瞿曇老剎剎塵塵在半途

湛堂準頌云老胡徹底老婆心爲阿難陀意若能轉物卽

轉深韓幹馬嘶芳草渡戴嵩牛臥綠楊陰

金一

三

同如來

白雲端頌云若能轉物即如來春至山花處處開自有一雙窮相手不曾容易舞三臺

法

華經是法住法位世閒相常住

朴翁銛頌云世閒相常住黃鶯啼綠樹真個可憐生

動著便

飛去

佛放眉閒白毫相光炤東方萬大千世界

圓極峯頌

云蠻奴赤脚上皇州賣盡珍奇跨白牛貪著市朝人作市

又隨歌舞上官樓多意氣好風流月冷珠簾挂玉鉤分明

忘卻來時路百

諸法從本來常自寂滅相

昔有僧誦此忽起疑日夕

尺竿頭覷繡毬

不置忽聞鶯聲頓然開悟遂續前語為偈日諸法

假使

從本來常自寂滅相春至百花開黃鶯啼柳上

滿世閒皆如舍利弗盡思共度量不能測佛智

破庵先頌云雪子落

紛紛烏盆變白盆忽然

日頭出依舊是烏盆

如來如實知見三界之相無有

生死若退若出亦無在世及滅度者非實非虛非如非異

不如三界現於三界如斯之事如來明見無有錯謬。

圓極

云峒嶠峰頭神禹碑字青石赤形模奇無目仙人纔一見便應撫掌笑嘻嘻雲暗蒼龍化葛陂就中一句是正頌有人檢點得出許

你具一隻眼

大通智勝佛十劫坐道場佛法不現前

不得成佛道

徑山杲頌云燕坐道場經十劫一一從頭俱漏泄世間多少守株人掉棒擬打天邊月

# 指月錄卷之一終

目録

諸經諸句

卷一（毗婆尸佛

釋迦牟尼佛）

四







指月錄卷之二

應化聖賢

文殊菩薩一日令善財採藥。曰：是藥者，採將來。善財徧觀大地，無不是藥。卻來白曰：無有不是藥者。殊曰：是藥者，採將來。善財遂於地上拈一莖草，度與文殊。殊接得，示眾曰：此藥能殺人，亦能活人。首山念云：文殊大似掩耳偷鈴。瑯頭汗出口裏膠生。天童華云：大小文殊，被善財換卻眼。睛。石田薰頌云：採藥與用藥，相逢一會家。殺人活人，不眨眼。白玉無瑕，卻有瑕。文殊問庵提遮女曰：生以何為義。女曰：生以不生生為生義。殊曰：如何是生以不生生為生義。女曰：

旨目錄

卷二 善財須菩提

若能明知地水火風四緣。未嘗自得有所和合。而能隨其所宜。是爲生義。殊曰。死以何爲義。女曰。死以不死。死爲死義。殊曰。如何是死。以不死。死爲死義。女曰。若能明知地水火風四緣。未嘗自得有所離散。而能隨其所宜。是爲死義。

庵提遮女問文殊曰。明知生是不生之理。爲何卻被生死之所流轉。殊曰。其力未充。進山主問修山主。明知生是不生之理。爲甚麼卻被生死之所流轉。修曰。筍畢竟成竹去。如今作篾使還得麼。進云。汝向後自悟去。在。修云。某甲所見祇如此。上座意旨如何。進指云。這個是監院房。那個是典座房。修乃禮謝。簡翁云。問處分明。答處端當。機覲面不相瞞。生生死死元無際。日上青山。又文殊大士嘗謂善住意天子云。汝今若能玉一團。

違背諸佛。毀謗法僧。吾即將同汝如是梵行。天子云。大士  
今何故復如是語。大士云。天子如汝意者。以何爲佛。天子  
云。如如法界。我言是佛。大士云。天子於汝意云何。如如法  
界可染著乎。天子云。弗也。大士云。以是義故。我如是說。汝  
今若能背毀佛法僧。吾將同汝如是梵行。善住天子。上准  
應有意字。此或  
另是一天子。而白文殊。可共俱往如來之所。容受未聞。  
亦同此時如法問難。文殊云。爾莫分別取著如來。天云。  
如來今在何所。令我莫著。文殊云。祇在目前。天子云。若如  
是者。我何不見。文殊云。爾若一切不見。是名眞見。如來天

子云。若見在前。云何戒我。莫取著如來。文殊云。爾今見前何有。天子云。有虛空界。文殊云。如來者。虛空界。是故虛空界者。卽是如來。此中無有一物。可分別者。大小文殊。趁著天子。腳跟轉。天子卻惺惺。文殊未具眼。

天親菩薩。從彌勒內宮而下。無著菩薩問曰。人閒四百年。彼天爲一晝夜。彌勒於一時中。成就五百億天子。證無生法。忍未審說甚麼法。天親曰。祇說者個法。祇是梵音清雅。令人樂聞。薦福懷云。彌勒已是錯說。天親已是錯傳。山僧今日將錯就錯。與你諸人註破。良久云。諦聽。諦聽。向一文長付在來日。



維摩會上三十二菩薩各說不二法門。文殊曰。我於一切法

無言無說。無示無識。離諸問答。是為菩薩入不二法門。於

是文殊又問維摩。仁者當說何等。是菩薩入不二法門。維

摩默然。文殊讚曰。乃至無有語言文字。是菩薩真入不二

法門。雪竇舉此至仁者當說何等。是菩薩入不二法門。不

云。咄者。維摩老。悲生空懊惱。臥疾毘耶離。全身太枯槁。七

佛祖師來一室。且頻埽。請問不二門。當時便靠倒。不靠倒

金毛師子無處討。圓悟勤云。如今禪和子。便道無語是靠

倒。且莫錯認定盤星。白雲端頌云。一個兩個百千萬。屈

指尋文數。不辦暫時放在。暗牕前。明白與君重計策。

善財參五十三員善知識。末後到彌勒閣前。見樓閣門閉。瞻

目可哀。

一善財須菩提

三



仰讚歎。見彌勒從別處來。善財作禮曰。願樓閣門開。令我得入。尋時彌勒至善財前。彈指一聲。樓閣門開。善財入已。閣門卽閉。見百千萬億樓閣。一一樓閣內有一彌勒。領諸眷屬并一善財而立其前。善財因無著菩薩問曰。我欲見文殊。何者卽是財曰。汝發一念心清淨。卽是無著曰。我發一念心清淨。爲甚麼不見。財曰。是真見文殊。

須菩提尊者。在巖中宴座。諸天雨花讚歎者曰。空中雨花讚歎。復是何人。云何讚歎。天曰。我是梵天。敬重尊者。善說般若者曰。我於般若未嘗說一字。云何讚歎。天曰。如是尊者。

無說。我乃無聞。無說。無聞。是真說般若。尊者一日說法。

次帝釋雨花者。乃問此花從天得耶。從地得耶。從人得耶。

釋曰。弗也。者曰。從何得耶。釋乃舉手者曰。如是如是。云門。

帝釋舉手處。與你四大五蘊。釋迦老子是。同是別。妙喜。

曰。須菩提。解空第一。生時家室盡空。世尊纔陞座。須菩提。

便出眾云。希有世尊。且道見甚麼道理。便恁麼道。天親菩。

薩作無量偈。祇讚希有二字。圓悟禪師云。一句是一個鐵。

橛。故六祖聞應無所住。而生其心。便悟去。

無厭足王。入大寂定。乃勅有情無情。皆順於王。若有一物不。

順於王。卽入大寂定不得。緊那羅王奏無生樂供養佛。乃。

物不隨王去。卽。

去佛處不得。

舍利弗尊者。因入城。遙見月上女出城。舍利弗心口思惟。此姊見佛否。知得忍不得忍否。我當問之。纔近便問。大姊往甚麼處去。女曰。如舍利弗與麼去。弗曰。我方入城。汝方出城。何言如我怎麼去。女曰。諸佛弟子當依何住。弗曰。諸佛弟子依大涅槃而住。女曰。諸佛弟子既依大涅槃而住。我亦如舍利弗與麼去。舍利弗問須菩提。夢中說六波羅密。與覺時同異。提曰。此義深遠。吾不能說。會中有彌勒大士。汝往彼問。舍利弗問彌勒。彌勒云。誰是彌勒。誰名彌勒。舍利弗問天女曰。何以不轉女身。女曰。我從十二年來。

求女人相了。不可得。當何所轉。卽時天女以神通力。變舍利弗。令如天女。女自化身如舍利弗。乃問言。何以不轉女身。舍利弗以天女像而答言。我今不知。云何轉面而變爲女身。

鷲嶺魔羅尊者。未出家時。外道受教爲憍尸迦。欲登王位。用千人。拇指爲花冠。已得九百九十九。唯欠一指。遂欲殺母。取指。時佛在靈山。以天眼觀之。乃作沙門在鷲嶺前。鷲嶺遂釋母。欲殺佛。佛徐行。鷲嶺急行。追之不及。乃喚曰。瞿曇。住住。佛告曰。我住久矣。是汝不甘。鷲嶺聞之心忽開悟。遂

棄刃投佛出家。

賓頭盧尊者。因阿育王內宮。齋三萬大阿羅漢。躬自行香。見第一座無人。王問其故。海意尊者曰。此是賓頭盧位。此人近見佛來。王曰。今在何處。者曰。且待須臾。言訖。賓頭盧從空而下。王請就座禮敬。者不顧。王乃問。承聞尊者親見佛來。是否。者以手策起眉曰。會麼。王曰。不會。者曰。阿耨達池龍王。曾請佛齋。吾是時亦預其數。翠巖真云。且道甚麼處見。直饒雪天縹緲湖光。澹蕩且莫說夢。

障蔽魔王。領諸眷屬。一千年隨金剛齊菩薩。覓起處不得。忽



一日見得。乃問曰。汝當依何而住。我一千年覓汝起處。不得。齊曰。我不依有住而住。不依無住而住。如是而住。法眼云。障蔽魔王不見金剛齊。即從祇如金剛齊還見障蔽魔王。麼妙喜曰。既覓起處不得。一千年隨從底是甚麼。金剛齊云。我不依有住而住。不依無住而住。互相熱謾。法眼道。障蔽魔王不見金剛齊。即且從祇如金剛齊還見障蔽魔王。麼怎麼批判。也是看孔著楔。即今莫有知得妙喜起處底麼。隨後咄云。寐語作麼。

那吒太子。析骨還父。析肉還母。然後現本身。運大神力。爲父

母說法。

廣額屠兒。於涅槃會上。放下屠刀。立便成佛。自云。是賢劫千

佛一數。

東山覺拈云。今時叢林。將爲廣額。是過去一佛權現屠兒。且喜沒交涉。又謂廣額是殺人不眨眼底。

三

二賓頭障蔽耶吒黃頭

三

抄戶金

卷二

漢颺下屠刀立便成佛且喜沒交涉又謂廣額颺下屠刀  
曰我是千佛一數者一佛多少分明且喜沒交涉要識廣  
額麼夾路桃花風雨後馬蹏何處避殘紅文殊思業禪  
師世爲屠宰一日戮豬次忽洞徹心源遂棄業爲比丘述  
偈曰昨日夜叉心今朝菩薩面菩薩與夜叉不隔一條線  
往見文殊心道禪師道佛鑑法嗣也殊曰你正殺豬時見  
個甚麼便乃剃頭行腳師遂作鼓刀勢殊喝曰者屠兒參  
堂去師便下參堂住文殊日上堂舉趙州勘婆話乃曰勘  
破婆子面青眼黑趙  
州老漢瞞我不得

秦跋陀禪師問生法師講何經論生曰大般若經師曰作麼  
生說色空義曰眾微聚曰色眾微無自性曰空師曰眾微  
未聚喚作甚麼生罔措師又問別講何經論曰大涅槃經  
師曰如何說涅槃之義曰涅槃而不生槃而不滅不生不滅

故曰涅槃。師曰者。個是如來涅槃。那個是法師涅槃。曰涅槃之義。豈有二耶。某甲祇如此。未審禪師如何說涅槃。師拈起如意曰。還見麼。曰見。師曰。見個甚麼。曰見禪師手中如意。師將如意擲於地曰。見麼。曰見。師曰。見個甚麼。曰見禪師手中如意。墮地。師斥曰。觀公見解。未出常流。何得名喧宇宙。拂衣而去。其徒懷疑不已。乃追師扣問。我師說色空涅槃。不契。未審禪師如何說色空義。師曰。不道汝師說得不是。汝師祇說得果上色空。不會說得因中色空。其徒曰。如何是因中色空。師曰。一微空。故眾微空。眾微空。故一

微空一微空中無眾微眾微空中無一微。高僧傳作佛馱

羅什語佛馱跋陀羅。乃佛大先弟子也

寶誌禪師金陵東陽民朱氏之婦上巳日聞兒唬鷹窠中榆

樹得之舉以爲子七歲依鍾山大沙門僧儉出家專修禪

觀宋太始二年髮而徒跣著錦袍往來皖山劒木之下以

剪尺拂子拄杖頭負之而行梁武帝詔問弟子煩惑未

除何以治之答曰十二帝問其旨如何答曰在書字時節

刻漏中帝益不曉帝又問弟子何時得以靜心修習師

曰安樂禁

幻寄曰誌公安樂禁及十二其旨與達磨之不識德山棒臨濟喝皆自靈山拈花一脈相承如



塗毒鼓如太阿劍聞之者喪嬰之者斷不可以心思意解者而或者謂十二乃十二因緣治惑藥也其在書字時節刻漏中乃書之在十二時中也安樂禁禁者止也至安樂時乃止耳此所以爲修習也是以趙州庭相爲三界唯心爲山拂子爲附物顯理者同道座主奴也何足以語此或者語出傳燈錄梁武未識達磨舉朝亦不識誌公

帝嘗詔畫工張僧繇寫師像僧繇下筆輒不自定師遂以指劈面門分披出十二面觀音妙相殊麗或慈或威僧繇竟不能寫他日與帝臨江縱望有物泝流而上師以杖引之隨杖而至乃紫梅檀也卽以屬供奉官俞紹令雕師像頃刻而成神彩如生師嘗數日不食無饑容時或歌吟詞如讖記靈跡炳著庶士皆共事之初齊建元中武帝謂

指日錄

卷二 誌公

八



師惑眾收付建康獄。既旦。人見其入市。及檢獄如故。建康令以事聞。帝延之於華林園。忽一日重著三布帽。亦不知於何所得之。俄豫章王、文惠太子相繼薨。齊亦以此衰矣。由是禁師出入。至梁。乃下詔褒師。令無復禁。師問一梵僧。承聞尊者喚我作屠兒。曾見我殺生麼。曰。見。師曰。有見。見。無見。見。不有。不無見。若有見。見。是凡夫。見。無見。見。是聲聞。見。不有。不無見。是外道。見。未審尊者如何見。梵僧曰。你。有此等見耶。汾陽曰。不枉西來。師垂語曰。終日拈香。擇火。不知身是道場。又曰。京都鄴都。浩浩還是菩提大道。法眼別云。京都

鄴都浩浩不  
是菩提大道。又曰如我身空諸法空。千品萬類悉皆同。  
雲門云你立不見立行不見行。四大五蘊不可得何處見。  
有山河大地來是你每日把鉢盂噉飯。喚甚麼作飯何處。  
更有一粒米來。大乘讚十首。大道常在目前。雖在目前難覩。  
若欲悟道真體。莫除聲色言語。言語卽是大道。不假斷除。  
煩惱煩惱本來空寂。妄情遞相纏繞。一切如影如響。不知。  
何惡何好。有心取相爲實。定知見性不了。若欲作業求佛。  
佛是生死大兆。生死業常隨身。黑闇獄中未曉。悟理本來。  
無異。覺後誰晚誰早。法界量同太虛。眾生智心自小。但能。  
不起吾我。涅槃法食常飽。一妄身臨鏡照影。影與妄身不。

殊。但欲去影留形。不知身本同虛。身本與影不異。不得一  
有一無。若欲存一捨一。永與直理相疎。更若愛聖憎凡。生  
死海裏沈浮煩惱。因心有故。無心煩惱何居。不勞分別取  
相。自然得道須臾。夢時夢中造作。覺時覺境都無。翻思覺  
時與夢顛倒。二見不殊。改迷取覺。求利何異。販賣商徒。動  
靜兩忘。常寂自然。契合真如。若言眾生異佛。迢迢與佛常  
疎。佛與眾生不二。自然究竟無餘。二法性本來常寂。蕩蕩  
無有邊畔。安心取捨之間。被他二境迴換。斂容入定坐禪。  
攝境安心。覺觀機關。木人修道。何時得達彼岸。諸法本空。

無著境似浮雲會散。忽悟本性元空。恰似熱病得汗。無智人前莫說。打你色身星散。三報你眾生直道。非有卽是非。無。非有非無不二。何須對有論虛。有無妄心立號。一破一個不居。兩名由爾情作。無情卽是真如。若欲存情覓佛。將網山上羅魚。徒費功夫無益。幾許枉用功夫。不解卽心卽佛。真是騎驢覓驢。一切不憎不愛者。個煩惱須除。除之則須除身。除身無佛。無因無佛。無因可得。自然無法無人。四大道不由行得。說行權爲凡愚。得理返觀於行。始知枉用功夫。未悟圓通大理。要須言行相扶。不得執他知解。迴光



返本全無。有誰解會。此說教君。向己推求。自見昔時罪過。除卻五慾瘡疣。解脫逍遙自在。隨方賤賣風流。誰是發心買者。亦得似我無憂。五內見外見總惡。佛道魔道俱錯。被此二大波旬。便見厭苦求樂。生死悟本體空。佛魔何處安著。祇由妄情分別。前身後身孤薄。輪迴六道不停。結業不能除卻。所以流浪生死。皆由橫生經略。身本虛無不實。返本是誰斟酌。有無我自能爲。不勞妄心卜度。眾生身同太虛。煩惱何處安著。但無一切希求。煩惱自然銷落。六可笑眾生蠢蠢。各執一般異見。但欲傍鑿求餅。不解返本觀麵。



類是正邪之本。由人造作百變。所須任意縱橫。不假偏航。  
愛戀無著。卽是解脫。有求又遭羅罣。慈心一切平等。真如。  
菩提自現。若懷彼我二心。對面不見佛面。七世閒幾許癡。  
人將道復欲求道。廣尋諸義紛紛。自救已身不了。專尋他。  
文亂說。自稱至理妙好。徒勞一生虛過。永劫沈淪。生老濁。  
愛纏生不捨。清淨智心自惱。真如法界叢林。反作荆棘荒。  
草。但執黃葉爲金。不悟去金求寶。所以失念狂走。強力裝。  
持相好。口內誦經誦論。心裏尋常枯槁。一朝覺本心空。具。  
足真如不少。八聲聞心心斷惑。能斷之心是賊。賊賊遞相。

除遣何時了本語默口內誦經千卷體上問經不識不解  
佛法圓通徒勞尋行數墨頭陀阿練苦行希望後身功德  
希望卽是隔聖大道何由可得譬如夢裏渡河船師渡過  
河北忽覺牀上安眠失卻渡船軌則船師及彼渡人兩個  
本不相識眾生迷倒羈絆往來三界疲極覺悟生死如夢  
一切求心白息九悟解卽是菩提了本無有階梯堪嘆凡  
夫偃偻八十不能跋蹠徒勞一生虛過不覺日月遷移向  
上看他師口恰似失妳孩兒道俗崢嶸聚集終日聽他死  
語不觀己身無常心行貪如狼虎堪嗟二乘狹劣要須摧

伏六府不食酒肉五辛。邪眼看他飲咀。更有邪行猖狂修  
氣不食鹽醋。若悟上乘至真。不假分別男女。十四科  
頌十四首。菩提煩惱不二。眾生不解修道。便欲斷除  
煩惱。煩惱本來空寂。將道更欲覓道。一念之心。卽是何須  
別處尋討。大道祇在目前。愚人迷倒不了。佛性天真自然。  
亦無因緣修造。不識三毒虛假。妄執浮沈生老。昔時迷倒  
爲晚。今日始覺非早。持犯不二。丈夫運用無礙。不爲  
戒律所制。持犯本自無生。愚人被他禁繫。智者造作皆空。  
聲聞觸途爲滯。大士肉眼圓通。二乘天眼有翳。空中妄執。

有無不達。色心無礙。菩薩與俗同居。清淨會無染世。愚人貪著涅槃。智者生死實際。法性空無言說。緣起略無人會。百歲無智。小兒小兒有智。百歲佛與眾生不二。眾生與佛無殊。大智不異於愚。何須向外求寶。身內自有明珠。正道邪道不二。了知凡聖同途。迷悟本無差別。涅槃生死一如。究竟攀緣空寂。惟求意想清虛。無有一法可得。翛然自入無餘。事理不二。心王自在。翛然法性本無十纏。一切無非佛事。何須攝念坐禪。妄想本來空寂。不用斷除攀緣。智者無心可得。自然無諍無喧。不識無爲大道。何時

得證幽元。佛與眾生一種。眾生卽是世尊。凡夫妄生分別。  
無中執有迷奔了達。貪瞋空寂。何處不是真門。靜亂不  
二。聲聞厭喧求靜。猶如棄麵求餅。餅卽從來是麵。造作  
隨人百變煩惱。卽是菩提無心。卽是無境生死。卽是涅槃。  
貪瞋如焰如影。智者無心求佛。愚人執邪執正。徒勞空過  
一生。不見如來妙頂了達。姪慾性空。鑊湯鑪炭自冷。善  
惡不二。我自身心快樂。愴然無善無惡。法身自在無方。  
觸目無非正覺。六塵本來空寂。凡夫妄生執著。涅槃生死  
本平。四海阿誰厚薄。無爲大道自然。不用將心畫度。菩薩



散誕靈通所作常含妙覺。聲聞執法坐禪。如蠶吐絲自縛。法性本來圓明。病愈何須執藥。了知諸法平等。翛然清虛快樂。色空不二。法性本無青黃。眾生謾造文章。吾我說他止觀。自意擾擾顛狂。不識圓通妙理。何時得會真常。自疾不能療治。卻教他人藥方。外看將爲是善心。內猶若豺狼。愚人畏其地獄。智者不異天堂。對境心常不起。舉足皆是道場。佛與眾生不二。眾生自作分張。若欲除卻三毒。迢迢不離蓄殃。智者知心是佛。愚人樂往西方。生死不二。世閒諸法如幻。生死猶若雷電。法身自在圓通。出入

山河無閒。顛倒妄想本空。般若無迷無亂。三毒本自解脫。何須攝念禪觀。祇爲愚人不了。從他戒律決斷。不識寂滅真如。何時得登彼岸。智者無惡可斷。運用隨心合散。法性本來空寂。不爲生死所絆。若欲斷除煩惱。此是無明癡漢。煩惱卽是菩提。何用別求禪觀。實際無佛無魔。心體無形無段。斷除不二。丈夫運用堂堂。逍遙自在無妨。一切不能爲害。堅固猶若金剛。不著二邊中道。翛然非斷非常。五欲貪瞋是佛。地獄不異天堂。愚人妄生分別。流浪生死猖狂。智者達色無礙。聲聞無不恂惶。法性本無瑕翳。眾生

妄執青黃。如來引接迷愚。或說地獄天堂。彌勒身中自有。何須別處思量。棄卻真如佛像。此人卽是顛狂。聲聞心中不了。惟祇趁逐言章。言章本非真道。轉加鬪爭剛強。心裏蜣蛇蝮蠍。螫著便卽遭傷。不解文中取義。何時得會真常。死入無間地獄。神識枉受畜殃。真俗不二。法師說法極好。心中不離煩惱。口談文字化他。轉更增他生老真妄。本來不二。凡夫棄妄覓道。四眾雲集聽講。高座論義浩浩。南坐北坐相爭。四眾爲言嫌疑爲好。雖然口談耳露。心裏尋常枯燥。自己元無一錢。日夜數他珍寶。恰似無智愚人。棄

卻真金擔草。心中三毒不捨。未審何時得道。解縛不二。

律師持律自縛。自縛亦能縛他。外作威儀恬靜。心內恰似洪波不駕。生死船筏。如何渡得愛河。不解真宗正理。邪見言辭繁多。有二比丘犯律。便卻往問優波。優波依律說罪。轉增比丘網羅。方丈室中居士。維摩便卽來訶。優波默然無對。淨名說法無過。而彼戒性如空。不在內外娑婆。勸除生滅不肯。忽悟還同釋迦。境照不二。禪師體離無明煩惱。從何處生。地獄天堂。一相涅槃。生死空名。亦無貪瞋可斷。亦無佛道可成。眾生與佛平等。自然聖智惺惺。不

爲六塵所染。句句獨契無生。正覺一念元解。三世坦然皆平。非法非律。自制脩然。真入圓成。絕此四句百非。如空無作無依。運用無礙。我今滔滔自在。不羨王公卿宰。四時猶若金剛。苦樂心常不改。法寶踰於須彌。智慧廣於江海。不爲八風所牽。亦無精進懈怠。任性浮沈。若顛散誕。縱橫自在。這應是遮。莫刀劒臨頭。我亦安然不采。迷悟不二。迷時以空爲色。悟卽以色爲空。迷悟本無差別。色空究竟還同。愚人喚南作北。智者達無西東。欲覓如來妙理。常在一念之中。陽燄本非其水。渴鹿狂趁念念。自身虛假不



實將空更欲覓空。世人迷倒至甚。如火吠雷。咄咄。十二  
時頌。平旦寅。狂機內有道人。身窮苦已經無量劫。不信  
常擎如意珍。若捉物入迷津。但有纖毫卽是塵。不住舊時  
無相貌。外求知識也非真。日出卯。用處不須生善巧。縱  
使神光照有無。起意便遭魔事繞。若施功終不了。日夜被  
他人我扣。不用安排祇麼從。何曾心地生煩惱。食時辰。  
無明本是釋迦身。坐臥不知元是道。祇麼茫茫受苦辛。認  
聲色覓疎親。祇是他家染污人。若擬將心求佛道。問取虛  
空始出塵。禺中巳未了之人。教不至。假使通達祖師言。

莫向心頭安了義。祇守元。沒文字。認著依前還不是。暫時  
 自肯須追尋。曠劫不遭魔境使。日南午。四大身中無價  
 寶。陽燄空華不肯拋。作意修行轉辛苦。不曾迷。莫求悟。任  
 你朝陽幾回暮。有相身中無相身。無明路上無生路。日  
 昃未。心地何曾安了義。他家文字沒親疎。不用將心求的  
 意。任縱橫。絕忌諱。長在人間不在世。應用不離聲色中。歷  
 劫何曾暫拋棄。晡時申。學道先須不厭貧。有相本來權  
 積聚。無形何用要求真。作淨潔。卻勞神。方應是認愚癡作  
 近隣。言下不求無處所。暫時喚作出家人。日入西。虛幻

聲音不長久。禪悅珍饈尙不餐。誰能更飲無明酒。勿可拋。  
勿可守。蕩蕩逍遙不曾有。縱你多聞達古今。也是癡狂外。  
邊走。黃昏戌。狂子施功投暗室。假使心通無量時。歷劫  
何曾異。今日擬商量。卻啾唧。轉使心頭黑如漆。晝夜舒光  
照。有無癡人喚作波羅密。人定亥。勇猛精進成懈怠。不  
起纖毫修學心。無相光中常自在。超釋迦。越祖代。心有微  
塵。還窒礙。放蕩長如癡兀人。他家自有通人愛。半夜子。  
心住無生卽生死。生死何曾屬有無。用時便用無文字。祖  
師言外邊事。識取起時還不是。作意搜求實沒蹤。生死魔

來任相試。雞鳴丑。一顆圓光明。已久內外推尋覓總無。  
境上施爲渾大有。不見頭亦無手。天地壞時渠不朽。未了  
之人聽一言。祇者如今誰動口。洪覺範曰。誌公十二時歌。遠昧者多改易其語。以徇其私。其大害意者。如曰。夜半子心住無生。卽生死。心法何曾屬有無。用時便用無。文字乃作生死。何曾屬有無。言則工矣。然下句血脈不貫。旣曰生死不屬有無。又曰。日用時便用何哉。幻寄曰。覺範於文字轉接處。求誌公語脈。旣其華未旣其實。使生死不屬有無。不可用時便用。則心法不屬有無。又何可用時便用。且知生之未嘗生死。之未嘗死。脩然而來。脩然而往。非生死。不屬有無。而用時便用乎。見有生。死。則有心法。見無生死。則無心法。不見古人道。生死中無佛。則無生死。耶。生死心法。同一幻泡。未可若是分別也。誌公諸讚詠。拔善惡刺。裂凡聖網。苟會其旨。則踏毘盧頂。顙上行。一以情求。則入地獄。如箭射。真龍象。蹴踏非驢所堪也。天監十



旨司錄

卷二傳大士

三年冬將卒。忽告眾僧。令移寺金剛神像出。置於外。乃密謂人曰。菩薩將去。未及旬日。無疾而終。舉體香爽。臨亡。然一燭以付後閣舍人吳慶。慶以事聞。帝歎曰。大師不復留矣。燭者。其以後事囑我乎。因厚禮葬於鍾山獨龍阜。仍令開善精舍。勅陸倕製銘於冢內。王筠立碑於寺門。處處傳遺像焉。幻寄曰。可惜一枝燭。分付不著人。卻作後事會。嗟若作佛法會。便好與梁武一坑埋。卻因述頌云。達磨隻履攜歸。蔥嶺誌公一燭。梁宮搖影。青陽已謝。行人遠落華滿。堦月華冷。銀河西橫。玉漏殘。夢破。輓轡鳴露井。善慧大士者。婺州義烏縣人。齊建武四年丁丑五月八日降於雙林鄉。傳宣慈家。本名翕。年十六娶劉氏女名妙光。生



二子。普建。普成。二十四。與里人稽亭浦。撿魚。獲已。沈籠水。中。曰。去者適。止者留。人或謂之愚。會有天竺僧。嵩頭陀。曰。我與汝毘婆尸。佛所發誓。今兜率宮衣鉢。現在。何日當還。因命臨水觀影。見圓光寶蓋。大士笑謂之曰。鑪鞴之所多。鈍鐵。良醫之門。足病人。度生爲急。何思彼樂乎。嵩指松山頂。曰。此可棲矣。大士躬耕而居之。有人盜菽麥瓜果。大士見。卽與籃籠盛去。日常營作。夜則行道。見釋迦。金粟。定光。三如來。放光襲其體。大士乃曰。我得首楞嚴定。天嘉二年。感七佛相隨。釋迦引前。維摩接後。惟釋尊數顧共語。爲我。

補處也。其山頂黃雲盤旋若蓋。因號雲黃山。梁武帝請講金剛經。士纔陞座。以尺揮案一下。便下坐。帝愕然。聖師曰。陛下還會麼。帝曰。不會。聖師曰。大士講經竟。又一日。講經次。帝至。大眾皆起。士端坐不動。近臣報曰。聖駕在此。何不起。士曰。法地若動。一切不安。大士一日披衲頂冠。鞞履朝見。帝問是僧耶。士以手指冠。帝曰。是道耶。士以手指鞞履。帝曰。是俗耶。士以手指衲衣。有偈曰。有物先天。地無形本。寂寥能爲萬象主。不逐四時凋。又曰。夜夜抱佛眠。朝朝還共起。起坐鎮相隨。語默同居止。纖毫不相離。

如身影相似。欲識佛。去處祇這語聲是。保靈勇云。大眾傳

陰一切人知。向此瞥地者。固多錯會者。不少。立沙云。大小

傳。大士祇認得個。昭昭靈靈。洞山聰云。且道。衲僧家。日裏

還曾睡也。無此兩轉語。誰言世上無仙客。須信壺中別有

天。保甯亦有一頌。要眠時。即眠。要起時。即起。水洗面皮光

啜茶。溼卻嘴。大海紅塵飛平地。波

濤起。呵呵呵呵。囉哩囉哩。又曰。空手把鋤頭。步

行。騎水牛。人在橋上過。橋流水不流。

斷橋。倫頌云。狗走抖擻口。猴愁樓搜頭。瑞

巖門外。水自古向西流。張無盡見皓布。裊舉大士。此頌

皓曰。此頌得法。身邊事。頌不得法。身向上事。無盡曰。請和

尚頌。皓遂應聲頌曰。昨夜雨。霽。烹打倒葡萄。棚知事。普請

行者。人力拄底。拄撐底。撐撐拄拄。到天明。依舊可憐生

心。王銘曰。觀心空。王元妙難測。無形無相。有大神力。能

滅千災。成就萬德。體性雖空。能施法則。觀之無形。呼之有

滅千災。成就萬德。體性雖空。能施法則。觀之無形。呼之有

滅千災。成就萬德。體性雖空。能施法則。觀之無形。呼之有

滅千災。成就萬德。體性雖空。能施法則。觀之無形。呼之有

聲爲大法將。心戒傳經。水中鹽味。色裏膠青。決定是有。不見其形。心王亦爾。身內居停。面門出入。應物隨情。自在無礙。所作皆成。了本識心。識心見佛。是佛是心。是心是佛。念佛心。佛心念佛。欲得早成。戒心自律。淨律淨心。心卽是佛。除此心王。更無別佛。欲求成佛。莫染一物。心性雖空。貪真體實。入此法門。端坐成佛。到彼岸已。得波羅密。慕道眞士。自觀自心。知佛在內。不向外尋。卽心卽佛。卽佛卽心。心明識佛。曉了識心。離心非佛。離佛非心。非佛莫測。無所堪任。執空滯寂。於此漂沈。諸佛菩薩。非此安心。明心大士。悟

此元音身心性妙用無更改。是故智者放心自在。莫言心  
 王。空無體性。能使色身作邪作正。非有非無。隱顯不定。心  
 性離空。能凡能聖。是故相勸。好自防慎。剎那造作。還復漂  
 沈。清淨心智。如世黃金。般若法藏。並在身心。無爲法寶。非  
 淺非深。諸佛菩薩。了此本心。有緣遇者。非去來今。陳太  
 建元年己丑。有慧和法師。不疾而終。嵩頭陀亦於柯山靈  
 巖寺入滅。大士懸知曰。嵩公兜率待我。決不可久留也。時  
 四側花木。方當秀實。欻然枯瘁。四月二十四日。示眾曰。此  
 身甚可厭惡。眾苦所集。須慎三業。精勤六度。若墜地獄。卒



皆司錄

卷二傳大士

三

難得脫。又曰。吾去已不得移寢牀七日。有法猛上人持像及鐘來鎮於此。弟子問滅後形體若爲。曰。山頂焚之。又問不遂何如。曰。慎勿棺殮。但壘臂作壇。移尸於上。屏風周繞。絳紗覆之。上建浮圖。以彌勒像鎮之。又問師之發跡可得聞乎。曰。我從第四天來。爲度汝等。次補釋迦。及傳普敏文殊。慧集觀音。何昌阿難。同來贊助。故大品經云。有菩薩從兜率來。諸根猛利。疾與般若相應。卽吾身是也。言訖。趺坐而終。世壽七十有三。尋猛師果將到。織成彌勒像。及九乳鐘。留鎮之。須臾不見。大士道具十餘事。現在。士於太清二年誓不食取

佛生日焚身供養至日黑白六十餘人代不食燒身三百  
人刺心瀝血和香請大士住世士愍而從之士嘗遣弟子  
致書梁武中有云上善略以治身為本治國為宗天上人間果  
因涅槃為果中善略以治身為本治國為宗天上人間果  
報安樂下善略以護養眾生勝殘去殺普令百姓具稟六  
齋梁武問從來師事誰耶曰從無所從來無所來師事亦  
爾昭明問大士何不論義曰菩薩所說非長非短非廣非  
狹非有邊非無邊如如正理復有何言武帝又問何為真  
諦曰息而不滅武曰若息而不滅此則有色有色故鈍若  
如是者大士不免流俗曰臨財毋苟得臨難毋苟免武曰  
大士大識禮曰一切諸法不有不無武曰謹受大士來旨  
曰大千世界所有色象莫不歸空百川叢注不過於海無  
量妙法不出真如如來何故於三界九十六道中獨超其  
最視一切眾生有若赤子有若自己天下非道不安非理  
不樂武默然  
大士辭退

南嶽慧思禪師姓李氏頂有肉髻半行象視少以慈恕聞於

閭里常夢梵僧勸出俗。乃辭親入道。及稟具常習坐。日唯一食。誦法華等經滿千遍。又閱妙勝定經。歎禪那功德。遂發心尋友。時慧聞法師有徒數百。聞闍中觀論發明禪理故遙稟龍樹乃往受法。晝夜攝心。坐夏經三七日。獲宿智通。倍加勇猛。尋有障起。四支緩弱。不能行步。自念曰。病從業生。業由心起。心緣無起。外境何狀。病業與身。都如雲影。如是觀已。顛倒想滅。輕安如故。夏滿猶無所得。深懷慙愧。放身倚壁。背未至閒豁。爾開悟法華三昧。最上乘門。示眾曰。道源不遠。性海非遙。但向已求。莫從他覓。覓卽不得。得亦不真。偈曰。

頓悟心源開寶藏。隱顯靈通現真相。獨行獨坐常巍巍。百  
億化身無數量。縱令逼塞滿虛空。看時不見微塵相。可笑  
物兮無比况。口吐明珠光晃晃。尋常見說不思議。一語標  
名言下當。又偈曰。天不能蓋地不載。無去無來無障礙。  
無長無短無青黃。不在中間及內外。超羣出眾太虛元。指  
物傳心人不會。嘗以道俗所施金字般若法華二經。爲  
眾隨文發解。復命門人智顓代講。至一心具萬行。有疑請  
決。師曰。汝所疑乃大品次第意耳。未是法華圓頓旨也。吾  
昔於夏中。一念頓發。諸法現前。吾既身證。不勞致疑。顓卽



諮受法華行。三七日得悟。陳光大六年六月二十三日。自大蘇山將四十餘僧徑趨南嶽。乃曰。吾寄此山止期十載。已後必事遠遊。吾前身曾履此處。尋至衡陽。值一處林泉勝異。師曰。古寺也。吾昔曾居。俾掘之。基址猶存。又指崖下曰。吾此坐禪。賊斬吾首。尋得枯骸一具。自此化道彌盛。陳主屢致慰勞供養。目爲大禪。師因誌公令人傳語曰。何不下山教化眾生。目視雲漢作麼。師曰。三世諸佛被我一口吞盡。更有甚眾生可教化。元覺徵云。且道是山頭語。山下語。師習慈忍行。奉菩薩三聚戒。衣服率用布。寒則加之以艾。將



順世。謂門人曰。若有十人不惜身命。常修法華般若。念佛三昧。方等懺悔。期於見證者。隨有所須。吾自供給。如無此人。吾卽遠去矣。時眾以苦行事難。無有答者。師乃屏眾。泯然而逝。小師雲。辯號叫。師開目曰。汝是惡魔。吾將行矣。何驚動妨亂吾耶。癡人出去。言訖長往。時異香滿室。頂煖身輒。顏色如常。卽太建九年六月二十二日也。

天台山修禪寺智者禪師諱智顗。荊州華容人。姓陳氏。誕生之夕。祥光燭隣。幼有奇相。膚不受垢。七歲入果願寺。聞僧誦法華經普門品。卽隨念之。忽自憶記七卷之文。宛如宿

習十五禮佛像。誓志出家。悅焉如夢。見大山臨海際。峰頂有僧招手。復接入伽藍云。汝當居此。汝當終此。十八喪二親。於果願寺依僧法緒出家。二十進具。陳乾明元年。一謁光州大蘇山慧思禪師。思一見乃謂曰。昔靈鷲同聽法華經。今復來矣。卽示以普賢道場。說四安樂行。師入觀三七日。誦法華經至藥王品。曰。是真精進。是真法供養如來。於是悟法華三昧。獲旋陀羅尼。見靈山一會儼然未散。宿通潛發。以所證白思。思曰。非汝莫證。非我莫識。此乃法華三昧。前方便初旋陀羅尼也。縱令文字之師。于萬不能窮。

汝之辯。汝可傳燈。莫作最後斷佛種人。

妙喜云。智者悟旋陀羅三昧。見靈山

一會儼然未散。或者謂之表法。唯無盡居士閱首楞嚴經至是人始獲金剛心中處。忽思智者當時所證。見靈山一會儼然未散。非表法也。嘗語余曰。當真證入時。全身住在金剛心中。李長者所謂無邊刹境。自他不隔於毫端。千世古今。始終不離於當念。智者見靈山一會儼然未散。唯證是三昧者。不待引喻。默默自點頭矣。又曰。而今未獲旋陀羅尼者。還見靈山一會否。若見。以何爲證。若不見。是真精進。是名真法。供養如來。祇恁麼念過。卻成剩法矣。

太建元年。辭思往金陵闡化。凡說法不立文字。以辯才故。晝夜無倦。七年。謝遣徒眾。隱天台山佛隴峰。有定光禪師先居此峰。謂弟子曰。不久當有善知識領徒至此。俄爾師至。光曰。還憶曠昔舉手招引時否。師卽悟禮像之徵。悲憂。

交懷乃執手至其庵所。其夜聞空中鐘磬之聲。師曰。是何祥也。光曰。此是犍椎集僧得住之象。此處金地。吾已居之。北峰銀地。汝宜居焉。師嘗謂法華爲一乘妙典。蕩化城之執教。釋草庵之滯情。開方便之權門。示真實之妙理。會眾善之小行。歸廣大之一乘。遂出元義曰。釋名辨體明宗論。用判教相之五重也。名則法喻齊舉。謂一乘妙法。卽眾生本性。在無明煩惱。不爲所染。如蓮花處於淤泥。而體常淨。故以爲名。此經開權顯實。廢權立實。會權歸實。如蓮之華。有含容開落之義。華之蓮。有隱現成實之義。亦謂從本



垂迹因迹顯本。夫經題不越法喻人單複具足。凡七種。單  
足三具。攝一切名妙法蓮華。卽複之一也。法譬爲複。名以召體。  
 體卽實相。謂一切相離實相無體故。宗則一乘因果。開示  
 悟入佛之知見。可尊尙故。用則力用以開廢會之義。有其  
 力故。然後判教相者。以如來一代之說。總判爲五時八教。  
 五時者。一佛初成道。爲上根菩薩說華嚴時。二爲小機說  
 阿含時。三彈偏折小。歎大裊圓說方等時。四蕩相遣執說  
 般若時。五會權歸實。授三乘人。及一切眾生成佛記。說法  
 華涅槃時。八教者。謂化儀四教。卽頓漸秘密不定也。化法



四教。卽藏。生滅通生。別無圓也。

無作四諦維法華圓理。乃至治生產業。一色一香無

非實相。

該三世如來所演。罄殫其致。四正三接。捨此皆魔說。

故教理既明。非觀行無以復性。乃依一心三諦之理。

真俗中。

示三止觀。一一觀心。念念不可得。先空。次假。後中。離二邊。

而觀一心。如雲外之月者。此乃別教之行相也。嘗云破一。

切惑。莫盛乎空。建一切法。莫盛乎假。究竟一切性。莫大乎。

中。故一中一切。中無假。無空而不中。空假亦爾。卽圓教之。

行相。如摩醯首羅天之三目。非縱橫並別故。

第十四祖龍樹菩薩偈云。

因緣所生法。我說卽是空。亦名爲假名。亦名中道義。斯與楞嚴圓覺說。奢摩他三摩鉢底禪那三觀。名目雖殊。其致。

一也。達摩大師以心傳心，不滯名數，直爲上上根智，俾忘筌忘意，故與此教同而不同。智者禪師窮理盡性，備足之門，故與禪宗異而非異也。三觀圓成，法身不素，卽免同貧子也。尙慮學

者昧於修性，或墮偏執，故復創六卽之義，以絕斯患。一理

卽佛者，十法界眾生下至蟪蛄，同稟妙性，從本以來常住

清淨，覺體圓滿，一理齊平。故執名相者不信卽心，二名字

卽佛者，雖理性坦平，而隨流者日用不知，必假言教外薰

得聞名字，生性發解。故起信論云：以有妄想心故，能知名義自此以下，簡暗證者。三觀

行卽佛者，旣聞名開解，要假前之三觀而返源。故圓教外

觀五陰爲不思議境，卽五品位。大師示居此位別教十信及藏通教皆名資糧位。四相似卽佛者。

觀行功深。發相似用故。內凡也。圓伏無明。八十信。鐵輪位。自隕得六根清淨。如經云。父母所生眼。悉見三千界云云。思大禪師示居此位。若別教。乃地前三十心也。藏通皆名加行位。楞嚴經唯識論三十心後。別立四加。五分真。卽佛行。名位雖同。詮旨迥異。唯通悟者。善巧融會。五分真。卽佛者。三心開發。得真如用。位位增勝故。發圓初住。卽銅輪位。現百界身。從此轉勝。至等覺位。凡四十一心。盡目真因。分位雖殊。圓理無別。若別教。卽名十地藏通。皆言見道位。六究竟。卽佛者。無明永盡。覺心圓極。證無所證故。妙覺也。云。始本不二。名究竟覺。仁王名寂滅上忍也。別如上六位。教權佛攝對圓行第二位耳。藏通二教。佛可知。如三寶三德。屬對交。既皆卽佛。不濫。通具法報化三身為正。三寶三德。屬對交。含攝無遺。偈云。道識性般若。菩提隨居四土為依。四土者。大乘身。涅槃三寶德。一一皆三法。隨居四土為依。四土者。

一常寂光。

法性土也。法身居之。身土相稱。

二實報無障礙。

攝二受用也。自受用土。報佛自

居。他受用土。登地菩薩所居。

三方便有餘。四淨穢同居。

並為應化土也。地前菩薩二乘

凡夫。其實則非身非土。無優無劣。為對機故。假說身土而

分優劣。師得身土互融。權實無礙。故三十餘年。晝夜宣演。

生四種益。具四悉檀。

悉徧也。檀翻名施。禪師之法徧施有情。隨根得益。如雲世界。悉檀生歡喜。

益云。門人灌頂。日記萬言。而編結之。總目為天台教。隋

開皇十七年十一月十七日。帝遣使詔師。將行。乃告門人

曰。吾今往而不返。汝等當成就佛隴南寺。一依我圖。侍者

曰。若非師力。豈能成辦。師曰。乃是王家所辦。汝等見之。吾



不見也。

師初欲建寺於石橋禪寂中見阜幘絳衣三神人語曰所欲建寺今非其時三國既一當有大施主

建之寺建而國清宜名曰國清至隋開皇十八年詔司馬王宏依師所圖建國清寺二十一日到刻

東石城寺百尺石像前不進二十四日願侍者曰觀音來

迎不久應去時門人智朗請曰不審何位何生師曰吾不

領眾必淨六根損己利他獲預五品耳。

五品弟子即法華三昧前方便之位

與思大禪師昔語冥符

命筆作觀心偈唱諸法門綱要訖跌坐而逝。

壽六十臘四十弟子等迎歸佛隴崖大業元年詔使者送

弟子智瑛及寺額入山赴師忌齋到日集僧開石室唯觀

空榻時會千僧至時忽剩一人咸謂師化身來受供師始



受禪教。終乎滅度。常披一壞衲。冬夏不釋。居天台二十二  
年。建大道場一十有二所。國清最居其後。及荊州玉泉寺  
等。共三十六所。度僧一萬五千人。寫經一十五藏。造金銅  
塑畫像八十萬尊。事蹟甚廣。具如本傳。

泗州僧伽大師。唐高宗時。至長安洛陽行化。歷吳楚閒。手執  
楊枝。混於緇流。或問師何姓。卽答曰。我姓何。又問師何國。

人師曰。我何國人。

烏龍長老訪馮濟川話次云。昔有官人問泗州大聖何姓。云姓何。官云。住何國。

云。住何國。此意如何。龍云。大聖本不姓何。亦不是何國人。馮笑云。大聖決定姓何。住何國。往返數次。遂致書妙喜。乞斷此公案。喜云。有六十棒。將三十棒打大聖。不合道。姓何三十棒打濟川。不合道。決定姓何。若烏龍長老教自領出。

去

宿州民賀跋氏捨宅爲伽藍。師曰。此本佛宇。令掘地

果得古碑。云是香積寺。齊李龍建所創。又獲金像。眾謂然

燈如來。師曰。普光王佛也。因以爲寺額。景龍二年。詔迎住

大薦福寺。中宗稱弟子。三年三月三日示滅。勅就薦福寺

漆身起塔。忽臭氣滿城。上祝送師歸臨淮。言訖。異香騰馥。

寶月問冰壺。慈雲無不覆。爲甚麼大聖不就薦福。壺云。不

見道。君子愛財。月云。此是洞山底。長老分上作麼生。壺云。

你還覺觸膿痛麼。月云。恁麼。又中宗問萬迴。僧伽是何

人。迴云。觀音化身。萬迴法雲公。號州閩鄉張氏子。貞觀六

家人灑掃。云有勝客來。是日三藏玄奘自西國還。訪之。公

問印度風境。了如所見。藏作禮圍繞。稱是菩薩。有兄萬年。

久征遼左。母程氏思其音信。公曰。此甚易耳。乃告母而往。至暮而還。及持到書。人因呼曰萬迴。其他靈迹甚多。不及錄。

天台豐干禪師。不知何許人。居天台國清寺。剪髮齊眉。衣布裘。嘗誦唱道歌。乘虎入松門。眾僧驚畏。本寺廚中有二苦行。曰寒山子。拾得二人。執爨終日。晤語潛聽者都不解。時謂風狂。獨與師相親。一日寒山問古鏡未磨。如何照燭。師曰。冰壺無影像。猿猴探水月。曰。此是不照燭也。更請師道。師曰。萬德不將來。教我道甚麼。寒拾俱禮拜。師欲遊五臺。問寒拾曰。汝共我去遊五臺。便是我同流。若不共我去。

遊五臺。不是我同流。山曰：你去遊五臺作甚麼？師曰：禮文殊。山曰：你不是我同流。師尋獨入五臺。逢一老人，便問：莫是文殊麼？曰：豈可有二文殊？師作禮未起，忽然不見。趙州因沙彌舉此州代干云：文殊文殊。後回天臺山示滅。師凡有人問佛理，止答隨時二字。初闍邱肩出牧丹邱，將議巾車，忽患頭痛。醫莫能愈。師造邱，以呪水噴之，立差。胤異之，乞一言。師曰：到任記謁文殊。普賢曰：此二菩薩何在？師曰：卽國清寺寒山拾得也。肩後旣至任，卽入寺問師所在。及寒拾踪跡，僧道翹對曰：豐干舊院在經藏後，今闔無人矣。寒拾二人現



在僧廚執役。肩入師房。惟見虎跡。復問翹師在此作何行業。翹曰。惟事春穀供僧。閒則諷詠。乃入廚訪寒。拾如下章敘之。

寒山子。本無氏族。始豐縣西有寒明二崖。以其於寒崖中居止得名也。容貌枯瘁。布襦零落。以樺皮爲冠。曳大木屐。時來國清寺。就拾得取眾僧殘食。及菜滓。食之。或廊下徐行。或望空噪罵。寺僧以杖逼逐。撫掌大笑而去。眾僧炙茄次。將茄串向僧背上打一下。僧回首。山呈起茄串曰。是甚麼。僧曰。者風顛漢。山向旁僧曰。你道者僧費卻我多少鹽。



醬。趙州遊天臺路次相逢。山見牛迹。問州曰。還識牛麼。州曰。不識。山指牛迹曰。此是五百羅漢遊山。州曰。既是羅漢。爲甚麼卻作牛去。山曰。蒼天蒼天。州呵呵大笑。山曰。作甚麼。州曰。蒼天蒼天。山曰。者厮兒。宛有大人之作。問邱入廚。見山同拾得圍鑪語笑。邱致拜。二人連聲咄叱。且笑曰。豐干饒舌。二人卽相攜出松門。問邱又至寒巖禮謁。送衣服藥物。二人高聲喝之曰。賊賊。便縮身入巖石縫中。唯曰。汝諸人各各努力。其石縫忽然而合。問邱哀慕。令僧道翹尋其遺跡。得所書林間葉上。及村墅屋壁辭頌。共三百

餘首。後曹山寂禪師爲之注釋。謂之對寒山子詩。行於世。拾得者。不言名氏。因豐干禪師山中經行。至赤城道側。見兒孤啼。拾歸國清。故名。後沙門靈燭攝受。令知食堂香燈。忽一日登座。與佛像對盤而餐。復于憍陳如上座塑形前。呼曰。小果聲聞。靈燭怒。因罷斥。令廚內滌器。每瀝食滓。以筒盛之。寒山來。卽與負去。一日掃地。寺主問汝名。拾得因豐干拾得汝歸。汝畢竟姓個甚麼。拾得放下茗帚。叉手而立。寺主再問。拈帚掃地竟去。寺主罔測。寒山搥胸云。蒼天蒼天。拾得卻問汝作甚麼。山曰。不見東家人死。西家助哀。

二人作舞哭笑而去。國清寺半月念戒。眾集拾得拍手。曰。聚頭作想。那事如何。維那叱之。拾得曰。大德且住。無嗔。卽是戒心淨。卽出家。我性與你合。一切法無差。僧厨食。爲烏所啄。拾得以杖扶伽藍。神曰。汝食不能護。何能護伽藍。是夕神示夢。合寺僧曰。拾得譴我。由是著異。呼曰賢士。未幾與寒山隱石巖而逝。道翹纂寒山詩得偈亦附焉。明州奉化縣布袋和尚。未詳氏族。自稱名契此。形裁腰肢。蹙額。皤腹。出語無定。寢臥隨地。常以杖荷一布囊。凡供身之具。盡貯囊中。入鄞肆聚落。見物則乞。醯醢魚菹。才接入口。

分少許囊中。時號長汀子布袋師也。嘗雪中臥。雪不沾身。人以此奇之。或就人乞其貨則售。示人吉凶。必應期無忒。天將雨。卽者濕草履。途中驟行。遇亢陽。卽曳高齒木屐。市橋上。豎膝而眠。民以此驗之。有一僧在師前行。師乃拊僧背一下。僧回頭。師曰。乞我一文錢。曰。道得卽與你一文。師放下布袋。叉手而立。白鹿和尚問如何是布袋。師便放下布袋。問如何是布袋下事。師便負之而去。先保福和尚問如何是佛法大意。師放下布袋。叉手保福曰。爲只如此。還更有向上事。師負之而去。師在街衢立。有僧問和尚在這裏作甚麼。師曰。等個人。曰。來也來也。歸宗柔和



尚別云。師云。汝不是這個人。曰。如何是這個人。師曰。乞我歸去來。一文錢。師有歌曰。只個心心心。是佛十方世界最靈物。縱橫妙用可憐生。一切不如心真實。騰騰自在無所爲。閑閑究竟出家兒。若覩目前真大道。不見纖毫也大奇。萬法何殊心何異。何勞更用尋經義。心王本自絕多知。智者祇用無學地。非聖非凡復若何。不强分別聖情孤。無價心珠本圓淨。凡名異相妄空呼。人能宏道道分明。無量清高稱道情。攜錫若登故國路。莫愁諸處不聞聲。又有偈曰。是非憎愛世偏多。仔細思量奈我何。寬卻肚腸須忍辱。豁開



心地任從他。若逢知己須依分。縱遇冤家也共和。若能了  
此心頭事。自然證得六波羅。此應是一偈。下章應別是一偈。燈錄并作一偈。恐非我  
有一布袋。虛空無罣礙。展開徧十方。入時觀自在。吾有三  
寶堂。裏空無色相。不高亦不低。無遮亦無障。學者體不如。  
來者難得樣。智慧解安排。千中無一匠。四門四果生。十方  
盡供養。吾有一軀佛。世人皆不識。不塑亦不裝。不雕亦不  
刻。無一滴灰泥。無一點彩色。人畫畫不成。賊偷偷不得。體  
相本自然。清淨非拂拭。雖然是一軀。分身千百億。又偈  
曰。鉢千家飯。孤身萬里遊。青目覩人少。問路白雲頭。

梁貞明三年丙子三月。師將示滅。於岳林寺東廊下。端坐  
磐石。而說偈曰。彌勒真彌勒。分身千百億。時時示時人。時  
人自不識。偈畢。安然而化。其後復現於他州。亦負布袋。四  
眾競圖其像。

法華志言大士。壽春許氏子。弱冠遊東都。繼得度於七俱胝  
院。畱講肆久之。一日讀雲門錄。忽契悟。未幾宿命遂通。獨  
語笑口吻嚙嚙。日常不輟。世傳誦法華。因以名之。丞相  
呂許公問佛法大意。師曰。本來無一物。一味卻成真。集  
仙王質問如何是祖師西來意。師曰。青山影裏潑藍起寶。

塔高吟撼曉風。又曰請法華燒香。師曰未從齋戒覓。不向佛邊求。國子助教徐岳問祖師西來意。師曰街頭東畔底。徐曰某甲未會。師曰三般人不會。僧問世有佛否。師曰寺裏文殊有。問師凡耶聖耶。遂舉手曰我不在此住。

慶曆戊子十一月二十三日。將化。謂人曰吾從無量劫來成就逝多國土。分身揚化。今南歸矣。言畢。右脇而逝。宋宗始不豫。國嗣未立。大臣請擇宗室賢者居京師。仁宗夜焚香默禱曰。翊日化成殿具齋。虔請法華大士俯臨。無卻左右。莫聞也。清旦。道衣凝立而待。俄侍衛奏言法華自右掖門直趨寢殿。禁兵呵止不得。仁宗笑曰吾請之來耳。及至。竟陞御榻而坐。仁宗以儲嗣爲問。索筆大書十三子也。三數行。擲筆去。至英宗卽位。乃濮安懿王第十三子也。

扣氷澡先古佛。建甯新豐翁氏子。母夢比丘。風神炯然。荷錫求宿。人指謂曰。此辟支佛也。已而孕。生於武宗會昌四年。香霧滿室。彌日不散。年十二。求出家。父母許之。依烏山興福寺沙門行全爲師。咸通乙酉。落髮受具。初以講說爲眾所歸。棄謁雪峰。手攜鳧茨一包。醬一器。獻之。峰曰。包中是何物。師曰。鳧茨。峰曰。何處得來。師曰。泥中得。峰曰。泥深多少。師曰。無丈數。峰曰。還更有麼。師曰。轉有轉深。又問器中何物。曰。醬。峰曰。何處得來。曰。自合得。峰曰。還熟也未。曰。不較多。峰異之。曰。子異日必爲王者師。初居溫嶺。繼居將



軍巖二虎侍側。神人獻地。爲瑞巖院。學者爭集。嘗謂眾曰。古聖修行。全憑苦節。吾今夏則衣楮。冬則扣冰而浴。故人號爲扣冰古佛。後住靈躍上堂。四眾雲集。敎老僧說個甚麼。便下座。有僧燒炭積成火龕。曰。請師入此修行。曰。眞王不隨流水化。琉璃爭奪眾星明。曰。莫祇這便是麼。曰。且莫認奴作郎。曰。畢竟如何。曰。梅花臘月開。天成戊子。應閩王之召。王敬禮謝。茶次。師提起橐子。曰。會麼。曰。不會。曰。人王法王。各自照了。畱十日。以疾辭。至十二月二日。沐浴陞堂。告眾而逝。王與道俗備香薪蘇油茶毘之。祥曜滿。



山獲五色舍利。塔於瑞巖正寢。

千歲寶掌和尚。中印度人。周威烈十二年丁卯。降神受質。則左掌握拳七歲。祝髮乃展。因名寶掌。魏晉間東遊此土。入蜀禮普賢。畱大慈。常不食。日誦般若等經千餘卷。有詠之者曰。勞勞玉齒寒。似迸巖泉急。有時中夜坐。階前神鬼泣。一日謂眾曰。吾有願住世千歲。今六百二十有六矣。故人以千歲稱之。旋遊五臺。復南歷衡岳。黃梅。匡廬。尋入建業。會達磨入梁。就而扣請。悟無生忍。武帝高其道。臘延供內庭。未幾如吳。述偈曰。梁城遇導師。參禪了心地。飄零二浙。

遊更盡佳山水。遂徧探兩浙名山。後居浦江之寶巖。與朗禪師友善。每通問。遣白犬馳往。朗則使青猿。故有題朗壁者云。白犬銜書至。青猿洗鉢回。云顯慶二年正旦。手塑一像。至九日成。謂門人慧雲曰。此肖誰。雲曰。其和尚無異。卽澡浴易衣。趺坐。謂雲曰。吾住世已一千七十二年。今將謝世。聽吾偈曰。本來無生死。今亦示生死。吾得去住心。他生復來此。又囑曰。吾滅後六十年。有僧來取吾骨。勿拒。言訖而逝。入滅五十四年。有刺浮長老自雲門至塔所。禮曰。冀塔洞開。少選塔所。果啓。其骨連環若黃金。浮卽持往秦望。

山建窳堵波奉藏。以周威烈丁卯。至唐高宗顯慶二年。實一千七十二年。其在此土。蓋歷四百餘歲云。

懶殘。唐天寶初。衡岳寺執役僧也。退食卽收所餘而食。性懶而食殘。故號懶殘。鄴侯李泌微時。在寺中讀書。李固異人。能識微。察殘所爲。知不凡。每謂人曰。殘師中宵梵唱。恒響徹山林。其音先悽惋。而後喜悅。必謫墮之人。時將去矣。一夕。李潛往道名瞻拜。師大詬曰。是將賊我。李拜益恭。師撥牛糞火中。出一芋。以半授李。啗之。李捧食。再拜謝。師曰。慎勿多言。領取十年宰相。後德宗使人召之。師寒涕垂膺。使

者見而笑。令拭涕。師曰。我豈有工夫爲俗人拭涕耶。竟不能致。刺史將祭岳祠。方修磴道。中夜風雷。一峰隕巨石。當道橫臥。修磴者以十牛輓之。而又以數百人助輓。屹不動。師笑曰。無煩多力。遂履石。石盤旋而動。聲若雷震。疾下路。遂開人始神之寺。門外虎豹忽成羣。師語眾僧曰。爲爾盡驅彼授我筆。眾以筆授師。纔出寺。一虎遽銜師去。而虎豹亦隨絕踪。師有歌曰。兀然無事無改換。無事何須論一段。直心無散亂。他事不須斷。過去已過去。來猶莫算。兀然無事坐。何曾有人喚。向外覓工夫。總是破頭漢。糧不畜一

粒逢飯但知嗎。切陟立

世間多事人相趁。渾不及我不樂生。

天亦不愛福田。饑來喫飯困來卽眠。愚人笑我智乃知馬。  
不是癡鈍。本體如然。要去卽去。要住卽住。身披一破衲。腳  
著娘生袴。多言復多語。由來反相悞。若欲度眾生。無過且  
自度。莫謾求真佛。真佛不可見。妙性及靈臺。何須受薰煉。  
心是無事心。面是娘生面。劫石可移動。個中無改變。無事  
本無事。何須讀文字。削除人我本。冥合個中意。種種勞筋  
骨。不如林下睡兀兀。舉頭見日高。喫飯從頭捋。將功用功。  
展轉冥蒙。取卽不得。不取自通。吾有一言。絕慮忘緣。巧說



不得只用心傳。更有一語。無過直與細如毫末。大無方所。本自圓成。不勞機杼。世事悠悠。不如山邱。青松蔽日。碧澗長流。山雲當幕。夜月爲鈎。臥藤蘿下。塊石枕頭。不朝天子。豈羨王侯。生死無慮。更復何憂。水月無形。我常只甯。萬法皆爾。本自無生。兀然無事。坐春來草自青。

法順大師。姓杜氏。世傳文殊化身也。降靈於雍州萬年縣神迹炳著。不可勝紀。有患聾者。投師師呼之。則聾愈。有患瘧者。投師師與之言。則瘧愈。武功縣僧爲毒龍所魅。眾按以請師。師端拱面之坐。龍遂附病僧曰。大師所向。義無復留。

尋卽釋然。師大宏華嚴圓頓之旨。作法界觀。文簡理盡。天下宗之。嘗作法身頌曰。嘉州牛喫草。益州馬腹脹。天下覓醫人。炙猪左膊上。義學莫能窺其旨。餘具如本傳。

清涼澄觀國師。姓夏侯氏。山陰人。才供二筆。撰華嚴疏鈔。窮圓頓之旨。神異種種。有識咸戴。化後。門人見有金甲神人。空中翩然西逝。門人拜問神何爲。曰。取華嚴菩薩牙歸供養耳。門人異之。遂啓塔戶視之。師容貌如生。而失二牙。以是知師爲華嚴菩薩也。師有答皇太子問心要書。傳燈載之。而妙喜正法眼藏亦具載焉。其詞曰。至道本乎一心。心

法本乎無住。無住心體。靈知不昧。性相寂然。包含德用。該攝內外。能深能廣。非有非空。不生不滅。無終無始。求之而不得。棄之而不離。迷現量。則惑苦紛然。悟真性。則空明廓徹。雖卽心卽佛。惟證者方知。然有證有知。則慧日沉沒於有地。若無照無悟。則昏雲掩蔽於空門。若一念不生。則前後際斷。照體獨立。物我皆如。直造心源。無智無得。不取不捨。無對無修。然迷悟更依。真妄相待。若求真棄妄。猶棄影勞形。若體妄卽真。猶處陰影滅。若無心忘照。則萬慮都捐。若任運寂知。則眾行爰起。放曠任其去住。靜鑒覺其源流。

語默不失玄微。動靜不離法界。言止則雙忘。知寂。論觀則  
雙照。寂知。語證則不可示人。說理則非證不了。是以悟寂  
無寂。真知無知。以知寂不二之一心。契空有雙融之中道。  
無住無著。莫攝莫收。是非兩忘。能所雙絕。斯絕亦寂。則般  
若現前。般若非心外。新生智性。乃本來具足。然本寂不能  
自現。實由般若之功。般若之與智性。翻覆相成。本智之與  
始修。實無兩體。雙亡證入。則妙覺圓明。始未該融。則因果  
交徹。心心作佛。無一心而非佛心。處處成道。無一塵而非  
佛國。故真妄物我。舉一全收。心佛眾生。渾然齊致。是知迷

則人隨於法。法法萬差。而人不同。悟則法隨於人。人人一智。而融萬境。言窮慮絕。何果何因。體本寂寥。孰同孰異。惟忘懷虛朗。消息冲融。其猶透水月華。虛而可見。無心鑒象。照而常空矣。

指月錄卷之二終



指月錄卷之三

西天祖師

諸祖事跡叅傳  
法正宗等傳錄

一祖摩訶迦葉尊者。摩竭陀國人。姓婆羅門。父號飲澤。母號香至。過去世爲金師。值毘婆尸佛般涅槃。四眾起塔。有貧女得金珠。懇金師爲補塔中佛像。金面缺處。相與發願。世世爲無姻夫妻。由是因緣。九十一劫。身皆金色。及此世與紫金光尼復爲夫婦。梵語迦葉波。此云飲光。蓋以身光名。然夫婦皆清淨自居。無世間想。旋復出家。修杜多行。會室中有神告曰。佛已出世。請往師之尊者。卽趨禮釋尊於竹

旨子錄

卷三 迦葉

林精舍。佛言善來比丘。而鬚髮自除。佛於眾中稱歎第一。  
後因拈花因緣付法。尊者因外道問如何是我我者曰。  
覓我者是汝我。外道曰。這個是我我師我何在者曰。汝問  
我覓。尊者一日蹋泥次。有一沙彌見。乃問尊者何得自  
爲者曰。我若不爲。誰爲我爲。洞山价云。莫要茶喫麼。佛涅槃時。尊  
者在畢鉢羅窟。以淨天眼見世尊在熙連河側入般涅槃。  
卽至雙樹。悲戀號泣。佛於金棺出示雙足。尊者告諸比丘。  
佛已荼毘。金剛舍利。非吾等事宜。當結集法眼。無令斷絕。  
乃說偈示眾曰。如來弟子。且莫涅槃。得神通者。宜赴結集。

於是得神通者悉赴耆闍崛山畢鉢羅窟時阿難爲漏未盡不得入會後證阿難漢果乃得入尊者告眾言此阿難比丘有大智慧所聞佛法如水傳器無有遺餘可請彼集修多羅藏大眾默然尊者告阿難曰汝今宜宣法眼阿難聞語信受觀察眾心而宣偈言比丘諸眷屬離佛不莊嚴猶如虛空中眾星之無月說偈已禮眾僧定陞法座而宣是言如是我聞一時佛在某處說某經教乃至人天等作禮奉行時尊者問諸比丘阿難所告不錯繆乎皆曰不異世尊所說結集既畢尊者自念衰老宜入定於雞足山

以待彌勒。乃召阿難言。我今不久世間。今將正法付囑於汝。汝善守護。聽吾偈。法法本來法。無法無非法。何於一法中。有法有不法。偈已。阿難作禮奉命。尊者念如來舍利。皆在諸天。凌虛徧至塔廟。禮已而還。復以夙約。往辭阿闍世王。遂杳然入雞足山。席草而坐。自念。今我被糞掃服。持僧伽黎。必經五十七俱胝六十百千歲。至於彌勒出世。終不致壞。乃語山曰。若阿闍世王及阿難來。汝當爲開去。已復合。阿闍世王知尊者已入雞足山。乃請阿難同至山。山果爲聞見尊者入定儼然。王禮訖。欲以香薪茶毘。阿難曰。未

可燔也。大迦葉方以禪定持身。俟慈氏下生。乃般涅槃。王聞敬歎。與阿難禮辭。山合如故。當此周孝王五年丙辰也。  
按唐無畏三藏嘗入山爲尊者薙髮。豈無畏至。山亦爲開耶。無畏必果位人也。

二祖阿難尊者。王舍城人。姓刹利帝。父斛飯王。實如來從弟也。多聞博達。智慧無礙。世尊以爲總持第一。梵云阿難。此云慶喜。以如來成道日生故名也。一日白佛言。今日入城。見一奇特事。佛曰。見何奇特事。者曰。入城見一攢樂人作舞。出城總見無常。佛曰。我昨日入城。亦見一奇特事。者曰。未審見何奇特事。佛曰。我入城時。見一攢樂人作舞。出



城時亦見樂人作舞。者一日問迦葉曰。師兄。世尊傳金

縷袈裟外。別傳個甚麼。迦葉召阿難。阿難應諾。迦葉曰。倒

卻門前刹竿著。汾陽昭云。不問那知翠巖芝。云。千年無影樹。今時沒底靴。者一日入

竹林間。比丘誦偈曰。若人生百歲。不見水老鶴。不如生一

日。而得覩見之。尊者因爲正之曰。不然。佛云。若人生百歲

不解生滅法。不如生一日。而得解了之。生滅法。覺範作諸佛機解了之解作

決。於是比丘以聞其師。其師曰。阿難老昏矣。吾語是也。異

日尊者復經竹林。見比丘誦偈如前者。詰之。聞述其師言。

因念愚癡難化。入三昧。求尊聖爲之證。於是地爲之動。光

明遽發。俄有一聖宿大士示現。而爲之說偈曰。彼者念諷。  
偈實非諸佛意。今遇歡喜尊。而可依了之。彼師弟子竦敬。  
尋得三果。幻寄曰。阿難果老昏。這僧不著便。受伊毒藥。若向水老鶴上打發。便可踏毘盧頂。願上行。何有  
二果。卻受聖宿小聖處分。一生埋沒。尊者將入涅槃。於恒河中流。跏趺而  
坐。阿闍世王。毘舍離王。皆在河側。說偈勸請。莫般涅槃。者  
答偈曰。二王善嚴住。勿爲苦悲戀。涅槃當我靜。而無諸有  
故。復念我若向一國。則諸國或爭。應以平等度。諸有情。遂  
於恒河中流。將入寂滅。是時山河大地。六種震動。雪山有  
五百仙人。覩茲瑞應。飛空而至。禮尊者足。而白言。我當於

長老而證佛法。願垂大慈。度脫我等。尊者默然受請。卽變  
兢伽河。悉爲金地。爲其仙眾說諸大法。復念先所度脫第  
子。應當來集。須臾五百羅漢。從空而下。爲諸仙人出家受  
具。其仙眾中有二羅漢。一名商那和修。二名末田底迦。尊  
者知是法器。而告之曰。如來以正法眼付迦葉。迦葉入定  
而付於我。我今將滅。復付於汝。汝受吾教。當聽偈言。本來  
付有法。付了言無法。各各須自悟。悟了無無法。說偈已。復  
以正法眼囑累商那和修。而謂末田底迦曰。昔日佛記云。  
佛滅度後。後五百歲中。汝當於罽賓國。敷宣大法。言已。踊

身虛空。現十八變。入風輪。奮迅三昧。而分身四分。一分惠  
忉利天。一分惠娑竭羅龍宮。一分惠阿闍世王。一分惠毘  
舍離王。各造寶塔而供養之。當此周厲王十二年癸巳也。  
三祖商那和修尊者。亦名舍那婆斯。姓毘舍多。父林勝。母憍奢耶。摩  
突羅國人也。在胎六年而生。梵云商諾迦。此云自然服。乃  
西域九枝秀草名。出則聖人降生。尊者生而此草出。昔如  
來行化至摩突羅國。見一青林。枝葉茂盛。語阿難曰。此林  
地名優畱茶。吾滅後一百年。有比丘名商那和修。於此轉  
妙法輪。後百歲果誕和修。出家證道。受慶喜尊者法眼。至



此林。遂降二火龍。龍受三歸。遂施其地。以建梵宮。尊者  
化緣既久。思付法者。尋於吒利國。得優波毘多。以爲給侍。  
因問毘多曰。汝年幾耶。答曰。我年十七。者曰。汝身十七。性  
十七耶。答曰。師髮已白。爲髮白耶。心白耶。者曰。我但髮白。  
非心白。毘多曰。我身十七。非性十七。尊者知是法器。後三  
載。遂爲落髮受具。而以法眼付囑之。付法偈曰。非法亦非  
心。無心亦無法。說是心法時。是法非心法。尊者付法已。  
卽隱於罽賓國南象白山中。後於三昧中。見毘多徒眾多。  
懈慢。乃往彼正之。毘多見師至。頂禮次。尊者以右手食指。



卽有香乳自空而注。問毘多曰。汝識之乎。毘多不測。遂入  
三昧觀察。亦不能測。乃請曰。是果何三昧耶。尊者曰。是謂  
龍奮迅三昧。如是五百三昧。汝皆未之知。復曰。如來三昧  
辟支不識。辟支三昧。阿羅漢不識。吾師阿難三昧。而我不  
識。今我三昧。汝豈識乎。是三昧者。心不生滅。住大慈力。遞  
相恭敬。其至此者。乃可識之。於是毘多弟子。皆伏而悔謝。  
尊者復爲說偈曰。通達非彼此。至聖無長短。汝除輕慢意。  
疾得阿羅漢。五百比丘聞偈已。依教奉行。皆獲無漏。尊者  
乃現十八變火光三昧。用焚其身。毘多收舍利。建塔於梵

迦羅山。蓋此周宣王二十三年乙未歲也。

四祖優波鞠多尊者。吒利國人也。亦名優波崛多。又名鄔波鞠多。姓首陀。父

善意。十七出家。二十證果。行化至摩突羅國。得度者甚眾。

由是魔宮震動。波旬愁怖。遂竭其魔力。以害正法。尊者卽

入三昧。觀其所由。波旬復伺便。持瓔珞縻尊者頸。尊者出

定。取人狗蛇三尸。化爲華鬘。更言諭波旬曰。吾此華鬘。酬

汝瓔珞。波旬大喜。引頸受之。卽復三尸。蟲蛆臭穢。盡其神

通。莫能去之。乃升六欲天。告諸天主。又詣梵王。求其解免。

彼各告言。十力弟子所作神變。我輩凡陋。何能去之。波旬

曰。然則奈何。梵王曰。汝可歸心尊者。卽能除斷。復示偈曰。  
若因地倒。還因地起。離地求起。終無其理。波旬聞已。卽下  
天宮。至尊者所。禮足哀懺。尊者曰。汝自今而往。於佛法更  
不相燒乎。波旬曰。誓向佛道。尊者曰。汝可自唱皈依三寶。  
波旬合掌三唱。而三尺悉除。踊躍作禮而去。因訪一老  
比丘尼入門。乃觸撒鉢。孟尼曰。佛在日。六羣比丘。甚是粗  
行。數來我舍。尙不如是。尊者紹祖位人。得與麼粗行者。休  
去。汾陽昭代云。已知錯誤。尊者在世。化導證果最多。每度一人。以  
一籌置於石室。其室縱十八肘。廣十二肘。充滿其間。最後

有一長者子。名曰香眾。來禮尊者。求出家。尊者問曰。汝身出家。心出家。答曰。我來出家。非爲身心。尊者曰。不爲身心。復誰出家。答曰。夫出家者。無我。我故。無我。我故。卽心不生。滅。心不生滅。卽是常道。諸佛亦常。心無形相。其體亦然。尊者曰。汝當大悟。心自通達。宜依佛法僧。紹隆聖種。卽爲剃度。授具足戒。仍告之曰。汝父夢金日而生汝。可名提多迦。如來以大法眼藏。次第傳授。以至於我。今復付汝。聽吾偈言。心自本來心。本心非有法。有法有本心。非心非本法。付法已。乃跣身虛空。呈十八變。卻復本座。跏趺而逝。提多迦。

經論

以室內籌。用焚師軀。收舍利建塔供養。卽平王三十一年

庚子歲也。

時號無相好。佛前此傳法者皆具禪法律三藏。自後律教別行。橫分五部。傳法者唯傳禪門及

五祖提多迦尊者。摩伽陀國人也。初名香眾。生時父夢金日

自屋而出。照耀天地。前有大山。諸寶嚴飾。山頂泉湧。滂沱

四流。後遇邈多尊者爲解之。曰。寶山者。吾身也。泉湧者。法

無盡也。日從屋出者。汝今入道之相也。照耀天地者。汝智

慧超越也。因爲更今名。梵云提多迦。此云通真量。尊者聞

已。踊躍述偈云。巍巍七寶山。常出智慧泉。回爲眞法味。能



度諸有緣。璠多尊者亦說偈曰。我法傳於汝。當現大智慧。金日從屋出。照耀於天地。尊者聞偈。設禮奉持。後至中印度。彼國有八千大仙。彌遮迦爲首。聞尊者至。率眾瞻禮。謂尊者曰。昔與師同生梵天。我遇阿私陀山。授我仙法師。逢十力弟子。修習禪那。自此報分殊途。已經六劫。者曰。支離累劫。誠哉不虛。今可捨邪歸正。以入佛乘。彌遮迦曰。昔阿私陀仙人授我記云。汝卻後六劫。當遇同學。獲無漏果。今也相遇。非夙緣耶。願師慈悲。令我解脫。者卽度出家。命諸聖授戒。其餘仙眾。始生我慢。尊者示大神通。於是俱發。

菩提心。一時出家者。乃告彌遮迦曰。昔如來以大法眼藏。密付迦葉。展轉相授。而至於我。我今付汝。當護念之。乃說偈曰。通達本法心。無法無非法。悟了同未悟。無心亦無法。說偈已。踊身虛空。作十八變。火光三昧。自焚其軀。彌遮迦與八千比丘。同收舍利於旌茶山中。起塔供養。卽莊王七年己丑歲也。

六祖彌遮迦尊者。中印度人。旣傳法已。遊化至北天竺國。見雉堞之上。有金色祥雲。歎曰。斯道人氣也。必有大士爲吾嗣。乃入城。於闐闐間。有一人手持酒器。逆而問曰。師何方

來欲往何所。祖曰。從自心來。欲往無處。曰。識我手中物否。祖曰。此是觸器而負淨者。曰。師識我否。祖曰。我卽不識。識卽非我。復謂之曰。汝試自稱名氏。吾當後示本因。彼說偈答曰。我從無量劫。至於生此國。本姓頗羅墮。名字婆須密。祖曰。我師提多迦。說世尊昔遊北印度。語阿難言。此國中吾滅度後三百年。有一聖人。姓頗羅墮。名婆須密。而於禪祖當獲第七世尊記。汝汝應出家。彼乃置器禮師。側立而言曰。我思往劫嘗作檀那。獻一如來寶座。彼佛記我曰。汝於賢劫釋迦法中。宣傳至教。今符師說。願加度脫。祖卽與

披剃復圓戒相。乃告之曰。正法眼藏。今付於汝。勿令斷絕。乃說偈曰。無心無可得。說得不名法。若了心非心。始解心。心法。祖說偈已。入師子奮迅三昧。踊身虛空。高七多羅樹。卻復本座。化火自焚。婆須蜜收靈骨。貯七寶函。建浮圖。置於上級。卽襄王十七年甲申歲也。

七祖婆須蜜尊者。北天竺國人。常服淨衣。執酒器。遊行里閭。或吟或嘯。人謂之狂。及遇彌逸迦尊者。宣如來往誌。自省前緣。投器出家。受法行化。至迦摩羅國。廣興佛事。於法座前。忽有智者。自稱我名佛陀難提。今與師論義。祖曰。仁者。

論卽不義。義卽不論。若擬論義。終非義論。難提知師義勝。心卽欽服。曰。我願求道。霑甘露味。祖遂與剃度。而授具戒。復告之曰。如來正法眼藏。我今付汝。汝當護持。乃說偈曰。心同虛空界。示等虛空法。證得虛空時。無是無非。法卽入慈心三昧。時梵王帝釋及諸天眾。俱來作禮。而說偈言。賢劫眾聖祖。而當第七位。尊者哀念我。請爲宣佛地。尊者從三昧起。示眾曰。我所得法。而非有故。若識佛地。離有無。故語已。還入三昧。示涅槃相。難提卽於本座起七寶塔。以葬全身。卽定王十九年辛未歲也。正宗付法偈後。有起身呈十八變。乃入慈心三昧。以



趣寂  
定語

入祖佛陀難提尊者。迦摩羅國人。姓瞿曇氏。正宗作瞿曇波氏頂有

肉髻。辯捷無礙。受婆須密尊者法。行化至迦提國毘舍羅家。見舍上有白光上騰。謂其徒曰。此家有聖人。口無言說。真大乘器。不行四衢。知觸穢耳。長者出致禮。問何所須。祖曰。我求侍者。長者曰。我有一子。名伏駄密多。年已五十口未曾言。足未曾履。祖曰。如汝所說。真吾弟子。伏駄聞之。遽起禮拜。而說偈曰。父母非我親。誰是最親者。諸佛非我道。誰是最道者。祖以偈答曰。汝言與心親。父母非可比。汝行

與道合。諸佛心卽是外求有相佛。與汝不相似。欲識汝本心。非合亦非離。伏馱聞偈已。便行七步。祖曰。此子昔曾值佛。悲願廣大。慮父母愛情難捨。故不言不履耳。長者遂捨令出家。祖尋授具戒付法。說偈曰。虛空無內外。心法亦如此。若了虛空故。是達眞如理。伏馱承祖付囑。卽超身虛空。散眾寶花。說偈讚曰。我師禪祖中。當得爲第八。法化眾無量。悉獲阿羅漢。爾時祖忽起本座。現大神變。卻復本座。儼然寂滅。眾卽其所建塔。闕其全身。時景王十二年丙寅歲也。

九祖伏馱密多尊者。提伽國人。姓毘舍羅。行化至中印度。有  
長者香蓋。攜一子而來。瞻禮曰。此子處胎六十歲。正宗作十六  
嘗有一仙。謂此兒骨相非常。今遇尊者。可捨令出家。祖卽  
與落髮。羯磨之際。祥光燭座。感舍利三七粒現前。自此精  
進忘疲。未幾。祖遂付法。說偈曰。真理本無名。因名顯真理。  
受得眞實法。非眞亦非僞。偈已。卽入滅。盡三昧而般涅槃。  
闍維。收舍利。建塔於那爛陀寺。卽敬王三十五年甲寅也。  
圭峯云。德力甚深。智慧廣大。國王信邪。躬持赤幡。請諸論主。論義論王。皆屈。王自論亦屈。遂改邪心。  
十祖脇尊者。中印度人。姓氏未詳。處胎六十年。將誕之夕。母

夢白象載一寶座。座置一明珠。入門乃生。生而神光燭室。體有奇香。及長。雖穀食。絕無穢滓。本名難生。後侍九祖。執侍左右。未嘗睡眠。謂其脇不至席。遂號脇尊者。初至華氏國。憇一樹下。右手指地而告眾曰。此地變金色。當有聖人入會。言訖。卽變金色。時有長者子富那夜奢。合掌前立。祖問曰。汝從何來。曰。我心非往。祖曰。汝何處住。曰。我心非止。祖曰。汝不定耶。曰。諸佛亦然。祖曰。汝非諸佛。曰。諸佛亦非。大愚芝云。祖師一問童子。一答總欠。會在如今。諸人祖因作麼生會。妙喜曰。直饒如今會得更參三生六十劫。祖因說偈曰。此地變金色。預知有聖至。當坐菩提樹。覺華而威。



已夜奢復說偈曰。師坐金色地。常說真實義。回光而照我。  
令入三摩諦。祖卽度出家。復具戒品。而付法。說偈曰。真體  
自然真。因真說有理。領得真真法。無行亦無止。祖付法已。  
卽現神變。而入涅槃。化火自焚。舍利自空而下。不可勝數。  
四眾盛以衣祴。隨處建塔供養。時貞王二十二年己亥也。  
十一祖富那夜奢尊者。華氏國人。姓瞿曇氏。父寶身。有子七  
人。祖最少。幼則與諸兄異尚。嘗曰。若遇大士坐於道場。我  
則詣彼親近。隨喜。及遇脇尊者。遂授法。祖教被無量。得果  
者且五百矣。後至波羅奈國。有一長者來趣其會。祖謂眾



曰。汝等識此來者耶。佛記聖者馬鳴。紹吾法者也。於是馬鳴致禮。問曰。我欲識佛。何者。卽是祖曰。汝欲識佛。不識者是。彼曰。佛旣不識。焉知是乎。祖曰。旣不識佛。焉知不是。曰。此是鋸義。祖曰。彼是木義。祖問鋸義者何。曰。與師平出。馬鳴卻問木義者何。祖曰。汝被我解。馬鳴豁然省悟。遂求剃度。祖謂眾曰。此大士者。昔爲毘舍利國王。以其國有一類裸人。如馬裸露。王遂運神通。分身爲蠶。以衣之。後生中印土。馬人感戀悲鳴。故號馬鳴。如來懸記滅度後六百年。馬鳴當於波羅奈國摧伏異道。度人無量。今正是時。遂付法。

偈曰。迷悟如隱顯。明暗不相離。今付隱顯法。非一亦非二。付法已。卽現神變。湛然圓寂。眾興寶塔。以閱全身。當此土

局安王戊戌歲也。

圭峯云。馬鳴慢心。誓斷舌。以難祖。祖立二諦義。鳴卽歸投。宗鏡錄云。西天韻陀

山中有一羅漢。名富樓那。馬鳴往見。端坐林中。志氣渺然。若不可測。鳴語之曰。沙門說之。敢有所明。要必屈汝。我若不勝。刎頸以謝。羅漢默然。容無負色。亦無勝顏。扣之數四。會無應情。鳴退自思。惟我負矣。彼勝矣。彼安無言。故無可屈。吾以言之。雖知言者可屈。自吾未免於言。眞可媿矣。遂投出家。二說與傳燈不同。并識之。

十二祖馬鳴大士者。波羅奈國人也。亦名功勝。以有作無作。諸功德最爲殊勝。故名焉。旣受法於夜奢尊者。後於華氏國轉妙法輪。忽有老人座前仆地。祖謂眾曰。此非庸流。當

有異相。言訖不見。俄從地涌出一金色人。復化爲女子。右手指祖而說偈曰。稽首長老尊。當受如來記。今於此地上。宣通第一義。說偈已。瞥然不見。祖曰。將有魔來與吾較力。有頃。風雨暴至。天地晦冥。祖曰。魔之來信矣。吾當除之。卽指空中。現一大金龍。奮發威神。震動山嶽。祖儼然於座。魔事隨滅。經七日。有一小蟲。大若蟪蛄。潛形座下。祖以手取之。示眾曰。斯乃魔之所變。盜聽吾法耳。放之令去。魔不能動。祖告之曰。汝但歸依三寶。卽得神通。遂復本形。作禮懺悔。祖問曰。汝名誰耶。眷屬多少。曰。我名迦毘摩羅。有三千。

眷屬。祖曰。盡汝神力。變化若何。曰。我化巨海。極爲小事。祖曰。汝化性海。得否。曰。何爲性海。我未嘗知。祖卽爲說性海。曰。山河大地。皆依建立。三昧六通。由茲發現。迦毘摩羅聞言。遂發信心。與徒眾三千。俱求剃度。祖乃召五百羅漢。與授具戒。復告之曰。如來大法眼藏。今當付汝。汝聽偈言。隱顯卽本法。明暗元不二。今付悟了法。非取亦非離。付囑已。卽入龍奮迅三昧。挺身空中。如日輪相。然後示滅。四眾藏眞體於龍龕。卽顯王三十七年甲午歲也。一外道索祖論義。集國王大臣及四眾俱會論場。祖曰。汝義以何爲宗。曰。凡有言說。我皆能破。祖乃指國王云。當今國土康甯。大王長壽。請汝破之。



外道屈服。按宗鏡外道。即馬鳴與論。乃脇尊者。馬鳴因此從脇尊者出家。與傳燈及正宗抵牾。而宗鏡復載韻陀山中語。則自矛盾矣。嵩公考據甚詳。宗鏡所記訛也。圭峯云。作妙伎樂。降諸伎人。於樂音中演說諸法。苦空無我。貴賤出家。時遇外國兵圍。索九億金錢。王以馬鳴與之。方退。造甘蔗論十萬偈。又造起信等論。善能開誘。起信論疏。又謂大士鳴琴。則馬鳴。故稱馬鳴。

十三祖迦毘摩羅尊者。華氏國人也。初爲外道。有徒三千。通諸異論。後於馬鳴尊者得法。領徒至西印度。彼有太子名雲自在。仰尊者名。請於宮中供養。祖曰。如來有教。沙門不得親近國王大臣有勢之家。太子曰。今我國城之北有大山焉。山有一石窟。可禪寂於此否。祖曰。諾。即入彼山。行數



里逢一大蟒。祖直前不顧。盤繞祖身。祖因與授三歸依。蟒聽訖而去。祖將至石窟。復有一老人。素服而出。合掌問訊。祖曰。汝何所止。答曰。我昔嘗爲比丘。多樂寂靜。有初學比丘數來請益。而我煩於應答。起嗔恨想。命終墮爲蟒身。住是窟中。今已千載。適遇尊者。獲聞戒法。故來謝爾。祖問曰。此山更有何人居止。曰。此去十里有大樹。蔭覆五百大龍。其樹王名龍樹。常爲龍眾說法。我亦聽受耳。祖遂與徒眾詣彼。龍樹出迎曰。深山孤寂。龍蟒所居。大德至尊。何枉神足。祖曰。吾非至尊。來訪賢者。龍樹默念曰。此師得決定性。

明道眼否。是大聖繼真乘否。祖曰。汝雖心語。我已意知。但辦出家。何慮吾之不聖。龍樹聞已。悔謝。祖卽與度脫。及五百龍眾。俱受具戒。復告之曰。今以如來大法眼藏。付囑於汝。諦聽。偈言。非隱非顯法。說是真實際。悟此隱顯法。非愚亦非智。付法已。卽現神變。化火焚身。龍樹收五色舍利建塔。赧王四十一年壬辰也。圭峯云。造無我論一百偈。此論至處。無不摧魔。

十四祖龍樹尊者。亦名龍勝。少則能誦四韋陀。長而善知眾藝。才辯神明。出家入石窟。棲止龍樹。爲龍眾所歸。遇摩羅尊者。付法。後至南印度。彼國之人。多信福業。祖爲說法。遞

相謂曰。人有福業。世間第一。徒言佛性。誰能覩之。祖曰。汝欲見佛性。先須除我慢。被人曰。佛性大小。祖曰。非大非小。非廣非狹。無福無報。不死不生。彼聞理勝。悉回初心。祖復於座上現自在身。如滿月輪。一切眾惟聞法音。不覩祖相。彼眾中有長者子。名迦那提婆。謂眾曰。識此相否。眾曰。目所未覩。安能辨識。提婆曰。此是尊者現佛性體相。以示我等。何以知之。蓋以無相三昧。形如滿月。佛性之義。廓然虛明。言訖。輪相卽隱。復居本座而說偈言。身現圓月相。以表諸佛體。說法無其形。用辨非聲色。彼眾聞偈。頓悟無生。咸

願出家以求解脫。祖卽爲剃髮。命諸聖授具。南印度有  
五千外道。興大幻術。王與國人靡然從之。不知向佛尊者  
感慨。易其威儀。白衣持幡。每俟王出。則趨其前。或隱或顯。  
如是者七載。王一日忽異之。問曰。汝何者而前吾行。追之  
不得。縱之不去者。曰。吾是智人。知一切法。王曰。汝知諸天  
今何所爲。祖曰。天今與修羅方戰。王曰。何以明之。者曰。頃  
則徵矣。俄有戈戟手足。自空紛然而下。王遂大敬信。命諸  
外道皆歸禮尊者。悉化之。令歸三寶。復造大智度論。中  
論十二門論。垂之於世。後付法於迦那提婆。付法偈云。爲



明隱顯法。方說解脫理。於法心不證。無嗔亦無喜。付法已。  
八月輪三昧。廣現神變。復座凝然入寂。及七日。天雨舍利。  
尊者復於座指空語眾曰。昔拘那含佛弟子摩訶迦尊者。  
有三願。一爲佛時。凡有聖士化度。則天澍雨。及其身皆爲。  
舍利。二大地所生皆堪爲藥。療眾生病。三凡有智者皆得。  
所知微妙。以通宿命。今雨舍利。摩訶迦神力也。言已復寂。  
迦那提婆與眾建塔。閱其全身。秦始皇三十五年己丑也。  
圭峯云。豪貴家生。通四韋陀。天地圖讖。因與三友作妖術。  
敗出家。誦盡閻浮經論。自謂爲一切智人。犬龍愍之。接入。  
龍宮。悟已還出。化國王婆羅門。外道無數。造論數十部。



十五祖迦那提婆尊者。南天竺國人也。姓毘舍羅。初求福業。

兼樂辯論。後謁龍樹大士。將及門。龍樹知是智人。遣侍

者。以滿鉢水。寘於座前。尊者覩之。卽以一針投之。而進。欣

然契會。

瑯琊覺頌云。龍猛盂中水。提婆毳上針。人人爭得。失個個話。浮沉不覩雲中雁。焉知沙塞深。農夫移

片礫。礫下

龍樹卽爲說法。不起於座。現月輪相。語具龍樹

獲黃金。章祖旣得法。後至迦毘羅國。彼有長者。曰梵摩淨德。一日

園樹生耳如苜。味甚美。唯長者與第二子羅睺羅多取而

食之。取已隨長。盡而復生。自餘親屬皆不能見。祖知其宿

因。遂至其家。長者乃問其故。祖曰。汝家昔曾供養一比丘。

然此比丘道眼未明。以虛霑信施。故報爲木菌。惟汝與子。精勤供養。得以享之。又問長者年多少。曰七十有九。祖乃說偈曰。八道不通理。復身還信施。汝年八十一。此樹不生耳。長者聞偈已。彌加歎伏。曰弟子衰老。不能事師。願捨次子隨師出家。祖曰。昔如來記此子當第二五百年爲大教主。今之相遇。蓋符宿因。卽與剃髮。至巴蓮弗城。聞諸外道欲障佛法。計之旣久。祖乃執長幡入彼眾中。彼問祖曰。汝何不前。祖曰。汝何不後。彼曰。汝似賤人。祖曰。汝似良人。彼曰。汝解何法。祖曰。汝百不解。彼曰。我欲得佛。祖曰。我灼

然得佛。彼曰。汝不合得。祖曰。元道我得。汝實不得。彼曰。汝  
 既不得。云何言得。祖曰。汝有我故。所以不得。我無我。我故  
 自當得。彼辭既屈。乃問祖曰。汝名何等。祖曰。我名迦那提  
 婆。彼既夙聞祖名。乃悔過致謝。時眾中猶互興問難。祖折  
 以無礙之辯。由是歸伏。正法眼藏云。西天禁斷鐘鼓。謂之沙汰。經於七日。祖運神通。登樓撞鐘。諸外道眾一時共集。至鐘樓其門封鎖。乃問撞鐘者誰。  
 祖曰。天曰。天者誰。祖曰。我曰。我者誰。祖曰。你曰。你者誰。祖  
 曰。狗曰。狗者誰。祖曰。你曰。你是誰。祖曰。我曰。我是誰。祖曰。  
 天如是往返七度。外道一眾知自負墮。奏聞國王。再鳴鐘鼓。犬興  
 佛法。告上足羅睺羅多。而付法眼。偈曰。本對傳法人。  
 爲說解脫理。於法實無證。無終亦無始。付法已八奮迅定。

目次

三 羅睺羅多

二

身放八光而歸寂滅。學眾興塔供養。漢文十九年庚辰也。  
十六祖羅睺羅多尊者。迦毘羅國人也。行化至室羅筏城。有  
河名曰金水。其味殊美。中流復現五佛影。祖告眾曰。此河  
之源。凡五百里。有聖者僧伽難提。居於彼處。佛志一千年  
後。當紹聖位。語已。領諸學眾。遡流而上。至彼。見僧伽難提。  
安坐入定。祖與眾伺之。經三七日。方從定起。祖問曰。汝心  
定耶。身定耶。提曰。身心俱定。祖曰。身心俱定。何有出入。提  
曰。雖有出入。不失定相。如金在井。金體常寂。祖曰。若金在  
井。若金出井。金無動靜。何物出入。提曰。言金動靜。何物出



八言金出入。金非動靜。祖曰。若金在井。出者何金。若金出井。在者何物。提曰。金若出井。在者非金。金若在井。出者非物。祖曰。此法不然。提曰。彼義非著。祖曰。此義當墮。提曰。彼義不成。祖曰。彼義不成。我義成矣。提曰。我義雖成。法非我故。祖曰。我義已成。我無我故。提曰。我無我故。復成何義。祖曰。我無我故。故成汝義。提曰。仁者師誰得是。無我。祖曰。我師迦那提婆。證是無我。難提以偈贊曰。稽首提婆師。而出於仁者。仁者無我故。我欲師仁者。祖以偈答曰。我已無我。故汝須見我。我汝若師我。故知我非我。我難提心意豁然。



卽求度脫。祖曰。汝心自在。非我所繫。語已。卽以右手擎金鉢。舉至梵宮。取彼香飯。將齋大眾。而大眾忽生厭惡之心。祖曰。非我之咎。汝等自業。卽命難提分座同食。眾復訝之。祖曰。汝不得食。皆由此故。當知與吾分座者。卽過去娑羅樹王如來也。愍物降跡。汝輩亦莊嚴劫中。已至三果。而未證無漏者也。眾曰。我師神力。斯可信矣。彼云過去佛者。卽竊疑焉。難提知眾生慢。乃曰。世尊在日。世界平正。無有邱陵。江河溝洫。水悉甘美。草木滋茂。國土豐盈。無八苦。行十善。自雙樹示滅。八百餘年。世界邱壘。草木枯瘁。人無至信。

正念輕微。不信真如。惟愛神力。言訖。以右手漸展入地。至金剛輪際。取甘露水。以琉璃器持至會所。大眾見之。卽時欽慕。悔過作禮。於是祖命僧伽難提而付法眼。偈曰。於法實無證。不取亦不離。法非有無相。內外云何起。難提聞命。敬奉勤至。復說偈贊曰。善哉大聖者。心明逾日月。一光照世界。暗魔無不拔。祖付法已。安坐歸寂。四眾建塔。漢武二十八年戊辰也。

十七祖僧伽難提尊者。室羅筏城寶莊嚴王之子也。生而能言。常讚佛事。七歲卽厭世樂。以偈告其父母曰。稽首大慈。

父和南骨血母我今欲出家。幸願哀愍故。父母固止之。遂終日不食。乃許其在家出家。號僧伽難提。復命沙門禪利多爲之師。積十九載。未嘗退倦。每自念言。身居王宮。胡爲出家。一夕天光下屬。見一路坦平。不覺徐行。約十里許。至大巖前。有石窟焉。乃燕寂於中。父旣失子。卽擯禪利多出國。訪尋其子。不知所在。經十年。祖得法受記。已行化至摩提國。忽有涼風襲衆。身心悅適非常。而不知其然。祖曰。此道德之風也。當有聖者出世。嗣續祖燈乎。言訖。以神力攝諸大眾。遊歷山谷。食頃至一峰下。謂衆曰。此峰頂有紫雲。

如蓋聖人居此矣。卽與大眾徘徊久之。見山舍一童子。持圓鑑直造祖前。祖問汝幾歲。耶曰百歲。祖曰汝年尙幼。何言百歲。童曰我不會理。正百歲耳。祖曰汝善機耶。童曰佛言若人生百歲。不會諸佛機。不如生一日而得決了之。祖曰汝手中者當何所表。童曰諸佛大圓鑑。內外無瑕翳。兩人同得見。心眼皆相似。彼父母聞子語。卽捨令出家。祖攜至本處。受具戒訖。名伽耶舍多。他時聞風吹殿鈴聲。祖問曰鈴鳴耶。風鳴耶。舍多曰非風鈴鳴。我心鳴耳。祖曰心復誰乎。舍多曰俱寂靜故。祖曰善哉善哉。繼吾道者非子而



101

誰卽付法眼。偈曰心地本無生。因地從緣起。緣種不相妨。華果亦復爾。祖付法已。右手攀樹而化。大眾議曰。尊者樹下歸寂。其垂蔭後裔乎。將奉全身於高原建塔。眾力不能舉。卽樹下起塔。前漢昭帝十三年丁未也。圭峯云。尊者攀欲移之。不得。以諸象力挽。亦不動。遂就樹下焚之。身盡。樹更蒼鬱。

圭峯云。尊者攀樹化後。諸羅漢

十八祖伽耶舍多尊者。摩提國人也。姓鬱頭藍。父天蓋。母方聖。嘗夢大神持鑑。因而有娠。凡七日而誕。肌體瑩如琉璃。未嘗洗沐。自然香潔。幼好閒靜。語非常童。持鑑出遊。遇難提尊者得度。後領徒至大月氏國。見一婆羅門舍有異氣。

旨司錄

卷三 伽耶舍多



祖將入彼舍。舍主鳩摩羅多問曰。是何徒眾。祖曰。是佛弟子。彼聞佛號。心神竦然。卽時閉戶。祖良久扣其門。羅多云。此舍無人。祖曰。答無者誰。汾陽昭代云。泊合忘卻。羅多聞語。知是異人。遽開關迎接。祖曰。昔世尊記曰。吾滅後一千年。有大士出現於月氏國。紹隆玄化。今汝值吾。應斯嘉運。於是鳩摩羅多發宿命智。投誠出家。授具訖。付法。偈曰。有種有心地。因緣能發萌。於緣不相礙。當生生不生。祖付法已。踊身虛空。現十八變化。火三昧。自焚其身。眾以舍利建塔。漢成帝二十年戊申也。

三丁

摩羅多

॥॥

聞是語已。頓釋所疑。祖曰。汝雖已信三業。而未明業從惑生。惑依識有。識依不覺。不覺依心。心本清淨。無生滅。無造作。無報應。無勝負。寂寂然。靈靈然。汝若入此法門。可與諸佛同矣。一切善惡。有爲無爲。皆如夢幻。闇夜多承言領旨。卽發宿慧。懇求出家。正宗記。祖曰。汝何許人。可白父母而後出家。夜多曰。我國北印度也。去此三十里。然吾有小術。往返亦易。遂行其術。與祖須臾達彼。夜多旣聞其父母。祖遂與授具。旣授具。祖告曰。吾今寂滅時至。汝當紹行化跡。付法眼。偈曰。性上本無生。爲對求人說。於法旣無得。何懷決不決。又云。此是妙音。如來見性清淨之句。汝宜傳布後學。言訖。卽於座上以指

爪。髻。面。如。紅。蓮。開。出。大。光。明。照。耀。四。眾。而。入。寂。滅。闍。夜。多。建。塔。以。奉。全。身。當。新。室。十。四。年。壬。午。也。

二。十。祖。闍。夜。多。尊。者。北。天。竺。國。人。也。智。慧。淵。冲。化。道。無。量。後。

至。羅。閱。城。敷。揚。頓。教。彼。有。學。眾。惟。尚。辯。論。爲。之。首。者。名。婆。

修。盤。頭。

此云徧行

常。一。食。不。臥。六。時。禮。佛。清。淨。無。欲。爲。眾。所。歸。

祖。將。欲。度。之。先。問。彼。眾。曰。此。徧。行。頭。陀。能。修。梵。行。可。得。佛。道。乎。眾。曰。我。師。精。進。何。故。不。可。祖。曰。汝。師。與。道。遠。矣。設。苦。行。歷。於。塵。劫。皆。虛。妄。之。本。也。眾。曰。尊。者。蘊。何。德。行。而。譏。我。師。祖。曰。我。不。求。道。亦。不。顛。倒。我。不。禮。佛。亦。不。輕。慢。我。不。長。



坐亦不懈息。我不一食。亦不雜食。我不知足。亦不貪慾。心無所希。名之曰道。時徧行聞已。發無漏智。歡喜讚嘆。祖又語彼眾曰。會吾語否。吾所以然者。爲其求道心切。夫絃急卽斷。故吾不贊令其住安樂地。入諸佛智。復告徧行曰。吾適對眾挫抑仁者。得無惱於衷乎。徧行曰。我憶念七劫前。生常安樂國。師於智者月淨。記我非久。當證斯陀含果。時有大光明菩薩出世。我以老故。策杖禮謁。師叱我曰。重子輕父。一何鄙哉。時我自謂無過。請師示之。師曰。汝禮大光明菩薩。以杖倚壁。畫佛面。以此過慢。遂失二果。我責躬悔。



過以來。聞諸惡言。如風如響。況今獲聞無上甘露。而反生  
熱惱耶。惟願大慈。以妙道垂誨。祖曰。汝久植眾德。當繼吾  
宗。聽吾偈曰。言下合無生。同於法界性。若能如是解。通達  
事理竟。祖付法已。於其座上。以首倒植象婆羅樹枝。奄然  
而化。眾欲闍維。百千人舉之不能。乃至諸羅漢。以神力舉  
之。亦不能動。眾乃炷香祝之。遂頽然委地。闍維收舍利。建  
塔。當後漢明帝十七年甲戌也。初月氏國王。聞師德風。  
躬詣問法。修敬已。請開演。祖曰。大王來時好道。今去亦如  
來時。王嘆服。圓悟勲頌云。至簡至易。最尊最貴。往還千聖。頂顛頭世。出世間不思議。彈指圓成。八萬門。

一超直入  
如來地

二十一祖婆修盤頭尊者。羅閱城人也。姓毘舍佉。父光蓋。母嚴。一家富而無子。禱於佛塔。母夢吞明暗二珠。因孕。經七日。有一羅漢名賢眾。至其家。光蓋設禮。賢眾端坐受之。嚴一出拜。賢眾避席云。回禮法身大士。光蓋疑之。賢眾曰。汝婦懷聖子。生當爲世燈慧日。故吾避之。然當一乳而生二子。一名婆修盤頭。則吾所尊者也。二名芻尼。此云野鵲子昔如來雪山修道。芻尼巢於頂上。佛旣成道。芻尼受報爲那提國王。佛記云。汝至第二五百年。生羅閱城毘舍佉家。與聖

同胞今無爽矣。後一月果誕二子。尊者婆修盤頭年十五。禮光度羅漢出家。感毘婆訶菩薩與之授戒行化。至那提國。彼王名常自在。有二子。長名摩訶羅。次名摩拏羅。王問祖曰。羅閱城土風與此何異。祖曰。彼曾三佛出世。今王國有二師化導。王曰。二師者誰。祖曰。佛記第二五百年有二神力大士出家繼聖。一卽王之次子摩拏羅。吾雖德薄。亦當其一。初那提國有惡象爲害。拏羅生而象息。至是三十年矣。人尙不知其所以。息王方同祖語。忽使者報有象巨萬逼城。王憂之。祖曰。拏羅出患解矣。王試命拏羅出。拏羅

遂出城南。向象撫腹大喝。城爲震動。羣象顛仆。頃皆馳散。至是人始知三十年之安。以拏羅也。王大敬信。命拏羅依祖出家。祖卽與授具付法。偈曰。泡幻同無礙。如何不了悟。達法在其中。非今亦非古。付法已。踊身高半由旬。屹然而住。四眾告曰。願尊者無爲神通。我輩欲收舍利。遂復座入寂。闍維舍利建塔。漢殤帝十二年丁巳也。圭峯云。通達一切修多羅義。分別宣說廣化眾生疑。是天親未敢爲定。

二十二祖摩拏羅尊者。姓刹帝利。父常自在王。受盤頭尊者命。祖遂出家傳法。至西印土。彼國主名得度。瞿曇種族事。



佛精進。一日於行道處。忽現一塔。高尺四寸。欲舉以供養。竭眾力。莫能舉。王大會四眾。問所由。眾莫能知。祖曰。此阿育王塔。感王精進。故現耳。王曰。敢問法要。祖曰。佛法能具七事。去三物。乃可學。王問三物七事爲何。祖曰。所去三物。貪。嗔。癡。所具七事。大慈。歡喜。無我。勇猛。饒益。降魔。無證。人所以明了。不明了。以此耳。王聞已曰。至聖難逢。世樂非久。卽傳位太子。出家七日。而證四果。祖深加慰誨曰。汝居此國。善自度人。今異域有大法器。吾當往化。得度曰。師應跡十方。勤念當至。甯勞往耶。祖曰。然。於是焚香遙語。月支國。



鶴勒那比丘曰。汝教導鶴眾。道果將證。宜自知之。時鶴勒  
 那爲彼國王寶印說修多羅偈。忽覩異香成穗。王曰。是何  
 祥也。曰。西印土摩拏羅尊者將至此。信香也。王與鶴勒那  
 俱西嚮作禮。祖亦以手東向三點於地答之。卽辭得度。與  
 其具通眾。凌虛趣月支國。鶴勒那與寶印迎祖至王宮。供  
 養。異日鶴勒那問祖曰。我止林間。已經九白。印土以一白  
年爲一白。有  
 弟子龍子者。幼而聰慧。我於三世推窮。莫知其本。祖曰。此  
 子於第五劫中生妙喜國婆羅門家。曾以梅檀施於佛宇。  
 作槌撞鐘。受報聰敏。爲眾欽仰。又問我有何緣。而感鶴眾。

祖曰。於第四劫中。嘗爲比丘。當赴會龍宮。汝諸弟子咸欲  
隨從。汝觀五百眾中。無有一人堪任妙供。時諸弟子曰。師  
嘗說法。於食等者。於法亦等。今旣不然。何聖之有。汝卽令  
赴會。坐是濫食。報爲羽族。師弟夙緣。故今相隨。鶴勒那曰。  
以何方便。令彼解脫。祖曰。吾有無上法寶。汝當聽受。化未  
來際。乃說偈曰。心隨萬境轉。轉處實能幽。隨流認得忙。無  
喜亦無憂。鶴眾聞偈。飛鳴而去。祖卽踊身空中。呈十八變。  
返座指地。發一神泉。復說偈曰。心地清淨泉。能潤於一切。  
從地而涌出。徧濟十方世。宗鏡作徧滿十方際偈已。泊然寂滅。鶴勒

那與寶印王。建塔以奉全身。漢桓帝十九年乙己也。

二十三祖鶴勒那尊者。月支國人。姓婆羅門。父千勝。母金光。以求子。禱於七佛金幢。夢須彌頂有神童持金環云。我來及誕。而天雨花。國王以其有神徵。乳於宮中。宮嬪育之。卽分身各爲其子。有千許。王曰。我無儲嗣。將育爾爲太子。今者千身孰爲正子哉。言已。一子放光。忽皆不見。而見於其父母家。王莫能如何。七歲。覩民間淫祠。惡其宰殺。入廟叱之。廟貌遂隳。鄉黨稱之爲聖子。至年二十二出家。栖一林間。九白誦大般若。感鶴眾相隨。三十得法。行化至中印土。

爲其王無畏海說法。感日月天子禮拜其前。王目見之。乃問祖。日月國土總有多少。祖曰。千釋迦所化世界。各有百億迷盧日月。我若廣說。卽不能盡。王聞忻然。時祖演無上道。度有緣衆。有上足龍子。早夭。其兄師子。博通強記。事婆羅門。將葬龍子。而衆力舉其柩不能動。祖謂師子曰。昔汝弟欲冥福汝。而塑一佛像。汝方信婆羅門。投於地。今汝弟雖謝世。猶欲感悟汝。故示斯異。汝亟供像。柩斯舉矣。師子奉命而柩舉。未幾婆羅門師死。師子乃歸依尊者。問曰。我欲求道。當何用心。祖曰。汝欲求道。無所用心。曰。旣無用心。

誰作佛事。祖曰。汝若有用。卽非功德。汝若無作。卽是佛事。經云。我所作功德。而無我所故。師子聞是語已。卽入佛慧。時祖忽指東北。問曰。是何氣象。師子曰。我見氣如白虹。貫乎天地。復有黑氣五道。橫亘其中。祖曰。其兆云何。曰。莫可知矣。祖曰。吾滅後五十年。北天竺國當有難起。嬰在汝身。吾將滅已。今以法眼付囑於汝。善自護持。乃說偈曰。認得心性時。可說不思議。了了無可得。得時不說知。師子比丘聞偈。欣愜然。未曉將罹何難。祖乃密示之。言訖。現十八變。而歸寂。闍維畢。分舍利。各欲興塔。祖復現形空中。而說偈。



曰。一法一切法。一切一法。攝吾身非有無。何分一切塔。大眾聞偈。遂不復分。就馱都場而建塔。後漢獻帝二十年己丑也。

二十四祖師子比丘尊者。中印度人。姓婆羅門。得法遊方至

罽賓國。有沙門波利迦。

或云波黎迦

本習小乘禪觀。其學徒有

五。曰禪定。曰知見。曰執相。曰捨相。曰不語。祖謂持不語者。曰。佛教勤行般若。孰爲不語。而反佛說耶。謂捨相者。曰。佛教威儀具足。梵行清白。豈捨相耶。謂執相者。曰。佛土清淨。自在無著。何執相耶。謂知見者。曰。諸佛知見。無所得故。此

法微妙。覺聞不及。無爲無相。何知見耶。四眾皆服從。惟禪定師達磨達者。聞四眾義屈憤悱而來。祖曰。仁者習定。何當來此。既至於此。胡云習定。彼曰。我雖來此。心亦不亂。定隨人習。豈在處所。祖曰。仁者既來。其習亦至。既無處所。豈在人習。彼曰。定習人故。非人習定。我當來此。其定常習。祖曰。人非習定。定習人故。當自來時。其定誰習。彼曰。如淨明珠。內外無翳。定若通達。必當如此。祖曰。定若通達。一似明珠。今見仁者。非珠之徒。彼曰。其珠明徹。內外悉定。我心不亂。猶若此淨。祖曰。其珠無內外。仁者何能定。穢物非動搖。

此定不是淨。達磨達聞已。遂作禮曰。我於學道。蓋虛勞耳。尊者幸有以教我。慇懃哀請。祖曰。諸佛禪定。無有所得。諸佛覺道。無有所證。無得無證。是真解脫。酬因答果。世之業報。於此法中。悉不如是。達磨達蒙祖開悟。心地朗然。祖既攝五眾。名聞遐邇。方求法嗣。遇一長者。引一子問祖曰。此子名斯多。當生便攀左手。年二十矣。終未能舒願。尊者示其宿因。祖覩之。卽以手接曰。可還我珠。童子遽開手奉珠。眾皆驚異。祖曰。吾前報爲僧。有童子名婆舍。吾嘗赴西海齋。受颺珠付之。今還吾珠。理固然矣。長者遂令出家。祖會

眾聖與授具。以前緣故名婆舍斯多。祖卽謂之曰。吾師密有慙記。罹難非久。如來正法眼藏。今當付汝。汝應保護。普潤來際。偈曰。正說知見時。知見俱是心。當心卽知見。知見卽於今。祖說偈已。以僧伽黎密付斯多。俾之他國。隨機演化。斯多受教。直抵南天。祖謂難不可以苟免。獨畱罽賓。時本國有外道二人。一名摩目多。二名都落遮。學諸幻法。欲共謀亂。詭爲釋子。潛入王宮。其王彌羅崛。遂滅毀釋教。秉劍至尊者所問曰。師得蘊空否。祖曰。已得蘊空。王曰。離生死否。祖曰。已離生死。王曰。旣離生死。可施我頭。祖曰。身非

我有何愴於頭。王卽揮刃斷尊者首。白乳涌高數尺。王之右臂。旋亦墮地。七日而終。太子光首歎曰。吾父何故自取其禍。延眾懺悔。時象白山有仙人。深明因果。言師子與羅崛。往世皆爲白衣。以嫉法勝故。陰戕於崛。乃今償焉。眾遂以祖報體建塔。當魏廢帝齊王二十年己卯也。玄沙備云。尊者頭也不解。作得主。玄覺徵云。且道斬著斬不著。汾陽昭別云。知師不愴。雪竇顯云。作家君王。天然有在。翠巖芝云。當時尊者引頸。王便舉刃。當恁麼時。有人出來諫得住麼。至今無人斷此公案。如今衲僧作麼生斷。天童華拈諸師語云。玄沙云。大小尊者頭也不解。作得主。隨稊稊玄覺微云。且道斬著斬不著。將蝦釣鱉。汾陽別云。知師不愴。將錯就錯。雪竇云。作家君王。天然有在。提水放火。翠巖芝云。當時王舉劍。師子引頸。當恁麼時。有人諫得。



住麼。至今無人斷此公案。如今衲僧作麼生斷。莫要說夢。芭蕉云。賣寶撞著瞎波斯。誣人之罪。瑯琊云。罽賓好一口劍。爭奈劍上無眼。尊者好個師子。要且不解返。躑賊過後張弓。復云。這一隊漢。被山僧剿絕了也。還見師子尊者麼。驀拈拄杖卓一下云。修身慎行。恐辱先也。黃龍新云。黃龍要問雪竇。既是作家君王。因甚臂落徑山。杲云。孟八郎漢。又怎麼去。孤峯深頌云。本是山中人。愛說山中話。五月賣松風。人間恐無價。永明頌云。尊者理非謬。玄沙語甚奇。首隨鋒刃落。彼此沒毫釐。幻寄日。大小永明作座主。見解唐突般若。

二十五祖婆舍斯多。罽賓國人。姓婆羅門。父寂行。母常安樂。

初母夢得神劍。因而有孕。既誕。拳左手。遇師子尊者付法。

語在師子章。後至中印度。國王迦勝。設禮供養。有外道無我尊。

先亦爲王禮重。乃於王前論義。冀勝祖自重。謂祖曰。我解。

默論不假言說。祖曰。孰知勝負。彼曰。不爭勝負。但取其義。  
祖曰。汝以何爲義。彼曰。無心爲義。祖曰。汝旣無心。豈得義  
乎。彼曰。我說無心。當名非義。祖曰。汝說無心。當名非義。我  
說非心。當義非名。彼曰。當義非名。誰能辨義。祖曰。汝名非  
義。此名何名。彼曰。爲辨非義。是名無名。祖曰。名旣非名。義  
亦非義。辨者是名。當辨何物。如是往返五十九番。外道杜  
口信伏。妙喜曰。婆舍師多何用。切怛當時若見它道。請師  
默論。不假言說。便云義墮也。卽今莫有與妙喜默  
論者麼。或有衲僧出來。道義墮也。卽今莫有與妙喜默  
也。我也知你在鬼窟裏作活計。於時祖忽面北合掌長吁  
曰。我師師子尊者。今日遇難。斯可傷焉。卽辭王南邁。至南

天潛隱山谷。王天德迎請供養。王有二子。長曰德勝。凶暴而色力充盛。次日曰不如密多和柔而常嬰疾苦。王以問尊者。爲陳因果。王敬信。受有咒術師忌。祖置毒食中。祖知而食之。彼反受毒。遂投祖出家。後六十載。德勝卽位。感外道說。因詰祖曰。師子長者已遇。屬賓國王難。何緣付法。祖出師子尊者所付僧伽黎示勝。勝命焚之。衣出五色光。薪盡如故。勝乃追悔致禮。初勝欲抑尊者。不如密多往諫。因囚之。至是立出。密多密多遂求出家。祖問曰。汝欲出家。當爲何事。密多曰。我若出家。不爲其事。祖曰。不爲何事。密多曰。

不爲俗事。祖曰。當爲何事。密多曰。當爲佛事。祖曰。王子智  
慧天生。必諸聖降迹。卽度出家。侍祖六年。後於王宮受具。  
羯磨之際。大地震動。乃付法。偈曰。聖人說知見。當境無是  
非。我今悟真性。無道亦無理。不如密多受偈已。問衣可傳  
乎。祖曰。此衣爲難故。假以證明。汝身無難。化被十方。何假  
傳衣。不如密多作禮。祖現神變化。三昧火自焚。平地舍利  
可高一尺。德勝王建浮圖。闕之。東晉明帝太甯三年乙酉  
歲也。傳法記云。祖踊身虛空。現十八變。放大光明。照耀天  
地。卽於空中化火自焚。雨舍利不墮地。眾以衣被接  
之。又云。祖又名婆羅多那。又名婆羅多羅。此三名華云。別  
業泉眾。初中天竺上苑有泉。熱不可探。王迦勝以問祖。祖

日泉熱有三。一下有熱石。二鬼業。三神業。此神業也。因命熱香臨泉。爲其懺悔。須臾有神見。謝得度。脫七日而泉清冷如常。泉故中竺北竺。復以二名稱之。

二十六祖不如密多尊者。姓刹帝利。南印度王子。得法後至東印度。其王堅固。奉外道師長爪梵志。祖至。王問曰。師來何爲。曰。將度眾生。曰。以何法度。曰。各以其類度之。梵志卽化一大山於祖頂上。勢且下壓。祖指之。山遽移在彼眾頂上。復以手按地。地動。五百外道皆不能立。梵志怖懼懺禮。祖復按地。地靜。指山山滅。王異日大治齋。集諸外道。懇祖預會。祖初不欲行。而知所會地將陷。乃往。王曰。師肯來耶。



祖曰。吾非應供。來救死耳。此地已爲龍窟。須臾當下陷。王恐與其眾如高原。反顧其地。已淵然成湫矣。王益敬信。祖爲演法。且曰。王國有聖人。當繼我法。先是東印有婆羅門子。年二十。幼失父母。不知名氏。或自言瓔珞。人遂名曰瓔珞童子。巧行閭里。有問汝行何急。卽曰。汝行何緩。問何姓。卽曰。與汝同姓。人莫測之。一日。王與祖同車而出。瓔珞稽首於前。祖曰。汝憶往事否。珞曰。我念往劫中。與師同居。師演摩訶般若。我演甚深修多羅。今日之事。蓋契昔因。祖顧王曰。此大勢至菩薩也。繼後出二人。一人化南印度。一人

緣在震旦。九年卻返此方。卽以昔因故。名爲般若多羅。付法偈曰。真性心地藏。無頭亦無尾。應緣而化物。方便呼爲智。付法已。卽辭王曰。化緣已終。將歸寂滅。願王於最上乘。無忘外護。卽還本座。現形如日。少頃復呈十八變。出三昧火自焚。雨金色舍利。王以金塔闕之。東晉孝武太元十三年戊子也。

二十七祖。般若多羅尊者。東印度人。得法後。至南印度。彼王名香至。尊重供養。度越倫等。又施無價寶珠。時王有三子。曰月淨多羅。曰功德多羅。曰菩提多羅。其季開士也。祖欲

試其所得。乃以所施珠問三王子曰。此珠圓明。有能及否。月淨功德皆曰。此珠七寶中尊。固無踰也。菩提曰。此是世寶。未足爲上。於諸寶中。法寶爲上。此是世光。未足爲上。於諸光中。智光爲上。此是世明。未足爲上。於諸明中心。明爲上。此珠光明。不能自照。要假智光。光辨於此。旣辨此。已卽知是珠。旣知是珠。卽明其寶。若明其寶。寶不自寶。若辨其珠。珠不自珠。珠不自珠者。要假智珠。而辨世珠寶。不自寶者。要假智寶。以明法寶。然則師有其道。其寶卽現。眾生有道心。寶亦然。祖歎其辯慧。乃復問曰。於諸物中。何物無相。

曰。於諸物中。不起無相。又問於諸物中。何物最高。曰。於諸物中人。我最高。又問於諸物中。何物最大。曰。於諸物中。法性最大。祖知是法器。以時尙未至。且默而混之。妙喜曰。說得道理好。歸依佛。及香至。王厭世。眾皆號絕。菩提多羅獨於柩前入定。經七日而出。遂依祖求出家。既受具。祖告曰。如來以正法眼付大迦葉。如是展轉。乃至於我。我今囑汝。聽吾偈曰。心地生諸種。因事復生理。果滿菩提圓。花開世界起。祖付法已。卽於座上起立。舒左右手。各放光明。二十七道。五色晃耀。又踊身虛空。高七多羅樹。化火自焚。空中舍利如雨。

大眾建塔收供。當宋孝武大明元年丁酉也。祖因東印度國王請齋次王。乃問諸人盡轉經。師獨爲何不轉。祖曰。貧道出息不隨眾緣。入息不居蘊界。常轉如是經百千萬億卷。非但一卷兩卷。

指月錄卷之三終

指月錄

卷三終

三



刀

卷三

三

文川〇十

指月錄卷之四

東土祖師

初祖菩提達磨大師者。南天竺國香至王第三子也。姓刹帝利。本名菩提多羅。後於般若多羅尊者得法。尊者謂曰。汝於諸法已得通量。達磨者。通大之義也。宜名達磨。因改今名。祖問尊者。當往何國作佛事者。曰。汝雖得法。未可遠遊。且止南天。待吾滅後六十七載。當往震旦。設大法藥。直接上根。慎勿速行。衰於日下。祖又曰。彼有大士。堪爲法器。否。千載之下。有畱難否。者曰。汝所化之方。獲菩提者。不可勝數。吾滅後六十餘年。彼國有難。水中文布。自善降之。汝至南方。勿住。彼惟好有爲功業。不見佛理。汝縱到彼。亦不可久。畱聽吾偈曰。路逢跨水復逢羊。獨白栖栖暗渡江。日下可憐雙象馬。二株嫩桂久昌昌。又問曰。此後更有何事。

者曰。從是已去。一百五十年。而有小難。聽吾識偈曰。心中雖吉。外頭凶。川下僧房名不中。爲遇毒龍生。武子忽逢小。鼠寂無窮。又問此後如何者。曰。卻後二百年。林下見一人。當得道果。聽吾識曰。震旦雖濶。無別路要假兒孫。腳下行。金雞解銜一粒粟。供養十方羅漢僧。復演祖恭稟教。諸偈皆預識。佛敎隆替。事具寶林傳。及聖胄集。祖恭稟教。義服勤四十年。迨尊者順世。遂演化本國。詩有二師一名佛大先。二名佛大勝多。本與祖同學。佛陀跋陀小乘禪觀。佛大先既遇般若多羅尊者。捨小趣大。與祖並化。時號爲二甘露門矣。而佛大勝多更分徒而爲六宗。第一有相宗。第二無相宗。第三定慧宗。第四戒行宗。第五無得宗。第六寂靜宗。各封已解。別展化源。祖喟然歎曰。彼之一師已陷。

牛跡。況復支離而分六宗。我若不除永纏邪見。言已微現。神力至有相宗所問曰。一切諸法。何名實相。彼眾中有一尊長薩婆羅答曰。於諸相中。不互諸相。是名實相。祖曰。一切諸相而不互者。若名實相。當何定耶。彼曰。於諸相中。實無有定。若定諸相。何名爲實。祖曰。諸相不定。便名實相。汝今不定。當何得之。彼曰。我言不定。不說諸相。當說諸相。其義亦然。祖曰。汝言不定。當爲實相。定不定故。卽非實相。彼曰。定旣不定。卽非實相。知我非故。不定不變。祖曰。汝今不變。何名實相。已變已往。其義亦然。彼曰。不變當在。在不在。

故。故變實相。以定其義。祖曰。實相不變。變卽非實。於有無中。何名實相。薩婆羅心知聖師懸解。潛達。卽以手指虛空曰。此是世間有相。亦能空故。當我此身。得似此否。祖曰。若解實相。卽見非相。若了非相。其色亦然。當於色中。不失色體。於非相中。不礙有故。若能是解。此名實相。彼眾聞已。心意朗然。欽禮信受。祖瞥然匿跡。至無相宗。所而問曰。汝言無相。當何證之。彼眾中有波羅提者。答曰。我明無相。心不現故。祖曰。汝心不現。當何明之。彼曰。我明無相。心不取捨。當於明時。亦無當者。祖曰。於諸有無。心不取捨。又無當者。



諸明無故。彼曰。入佛三昧。尙無所得。何況無相。而欲知之。  
祖曰。相旣不知。誰云有無。尙無所得。何名三昧。彼曰。我說  
不證。證無所證。非三昧故。我說三昧。祖曰。非三昧者。何當  
名之。汝旣不證。非證何證。波羅提闍。祖辨析。卽悟本心。禮  
謝於祖。懺悔往謬。祖記曰。汝當得果。不久證之。此國有魔。  
非久降之。言已。忽然不現。至定慧宗所。問曰。汝學定慧。爲  
一爲二。彼眾中有婆蘭陀者。答曰。我此定慧。非一非二。祖  
曰。旣非一二。何名定慧。彼曰。在定非定。處慧非慧。一卽非  
一二。亦不二。祖曰。當一不一。當二不二。旣非定慧。約何定。

慧彼曰。不一不二。定慧能知。非定非慧。亦復然矣。祖曰。慧非是故。然何知哉。不一不二。誰定誰慧。婆蘭陀聞之。疑心水釋。至第四戒行。宗所問曰。何者名戒。云何名行。當此戒行。爲一爲二。彼眾中有一賢者答曰。一二二一。皆彼所生。依教無染。此名戒行。祖曰。汝言依教。卽是有染。一二俱破。何言依教。此二違背。不及於行。內外非明。何名爲戒。彼曰。我有內外。彼已知竟。旣得通達。便是戒行。若說違背。俱是俱非。言及清淨。卽戒卽行。祖曰。俱是俱非。何言清淨。旣得通故。何談內外。賢者聞之。卽自慚服。至無得宗所問曰。汝

云無得。無得何得。既無所得。亦無得得。彼眾中有寶靜者。答曰。我說無得。非無得得。當說得得。無得是得。祖曰。得既不得。得亦非得。既云得得。得得何得。彼曰。見得非得。非得是得。若見不得。名為得得。祖曰。得既非得。得得無得。既無所得。當何得得。寶靜聞之。頓除疑網。至寂靜宗。所問曰。何名寂靜。於此法中。誰靜誰寂。彼眾中有尊者。答曰。此心不動。是名為寂。於法無染。名之為靜。祖曰。本心不寂。要假寂靜。本來寂故。何用寂靜。彼曰。諸法本空。以空空故。於彼空空。故名寂靜。祖曰。空空已空。諸法亦爾。寂靜無相。何靜何

寂。彼尊者聞師指誨。豁然開悟。於是六眾咸誓歸依。化被南天。聲馳五印。經六十載。度無量眾。後值異見王欲毀佛法。王故祖之姪也。祖憫之。欲開其蒙。而六眾亦各念佛法有難。師將何所匡濟。祖遙知眾意。彈指應之。六眾悉聞云。此我師信響也。皆至祖所。祖曰。一翳蔽空。孰爲翦之。前無相宗。宗勝欲行。祖曰。汝雖辯慧。道力未全。且與王無緣。勝辭祖。竟至王所。廣陳法要。王曰。汝今所解。其法何在。宗勝曰。如王治化。當合其道。王所有道。其道何在。王曰。我所有道。將除邪法。汝所有法。將伏何人。祖不起於座。懸知宗勝。

義墮。召波羅提曰。宗勝不稟吾語。與王論屈。汝急往救。波羅提曰。願假神力言訖。雲起足下。遂乘以見王。王正問宗勝。忽見愕然。忘其所問。而顧波羅提曰。乘空來者。是正是邪。提曰。我非邪正。而來正邪。王心若正。我無邪正。王雖驚異。而驕慢方熾。卽擯宗勝令出。波羅提曰。王旣有道。何擯沙門。我雖無解。願王致問。王怒而問曰。何者是佛。提曰。見性是佛。王曰。師見性否。提曰。我見佛性。王曰。性在何處。提曰。性在作用。王曰。是何作用。我今不見。提曰。今現作用。王自不見。王曰。於我有否。提曰。王若作用。無有不是。王若不



用。體亦難見。王曰。若當用時。幾處出現。提曰。若出現時。當有其八。王曰。其八出現。當爲我說。波羅提卽說偈曰。在胎爲身。處世爲人。在眼曰見。在耳曰聞。在鼻辨香。在口談論。在手執提。在足運奔。徧現俱該沙界。收攝在一微塵。識者知是佛性。不識喚作精魂。王聞偈已。心卽開悟。悔謝前非。咨詢法要。妙喜云。卽今敢問諸人。那箇是佛性。那箇是精魂。王復問波羅提。師承爲誰。提曰。大王之叔。菩提達磨也。王聞。遽勅近臣迎祖至王宮。祖爲王懺悔往非。王聞泣謝。隨召宗勝歸國。近臣曰。宗勝被謫時。已捐軀投崖矣。祖曰。勝尙在。召之當至。初勝

受擯。耻不能正王。遂投身危崖。俄有神人。以手捧承。置於巖上。勝曰。我忝沙門。當與正法爲主。不能抑絕王非。是以捐身自責。神何佑助。願示所以。於是神人乃說偈曰。師壽於百歲八十而造非。爲近至尊故。熏修而入道。雖具少智慧。而多有彼我。所見諸賢等。未嘗生珍敬。二十年功德。其心未恬靜。聰明輕慢故。而獲至於此。得王不敬者。當感果如是。自今不疎怠。不久成奇智。諸聖悉存心。如來亦復爾。勝聞偈欣然。遂宴坐巖間。至是王遣使山中召勝。祖謂王曰。知勝來乎。王曰。未知。祖曰。再命乃來耳。使者至山而勝

辭。果再命乃至。祖念東震旦國。佛記後五百歲。般若智  
燈。運光於彼。遂囑弟子。不若密多羅。住天竺傳法。而躬至  
震旦。乃辭祖塔。別學侶。且謂王曰。勤修自業。吾去一九卽  
回。祖泛重溟。凡三周寒暑。達於南海。實梁普通七年。庚子  
歲。九月二十一日也。廣州刺史蕭昂。具禮迎供。表聞武帝。  
帝遣使齎詔迎請。以十月一日至金陵。帝問曰。朕卽位以  
來。造寺寫經。度僧不可勝紀。有何功德。祖曰。并無功德。帝  
曰。何以無功德。祖曰。此但人天小果。有漏之因。如影隨形。  
雖有非實。帝曰。如何是真功德。祖曰。淨智妙圓。體自空寂。

三

二

一

如是功德。不以世求。帝又問如何是聖諦第一義。祖曰。廓然無聖。帝曰。對朕者誰。祖曰。不識。帝不悟。雪竇頌云。聖諦對朕者誰。還云不識。因茲暗渡江。豈免生荆棘。闔國人追不再來。千古萬古空相憶。休相憶。清風市地有何極。顧視左右云。這裏還有祖師麼。喚來與老僧洗腳。別記云。帝後舉問誌公。公曰。陛下還識此人。不。帝曰。不識。公曰。此是觀音大士。傳佛心印。帝悔欲遣使追請。公曰。莫道遣一使請闔國人去。他未采着。在。圓悟勤云。武帝道不識。且道與達麼道底是同是別。似則也。似是卽未是人。多錯會道。前來達麼是答他。禪後來武帝是對。他誌公問乃相識之識。且得沒交涉。當時誌公恁麼問。且道作麼生。祇對何不一棒打殺。免見塗糊。誌公化在天監十三年。相去已久。此必繆傳。今錄此者。祖知機不契。是月十九日。潛回江北。以勤公拈語也。

十一月二十三日。屆洛陽寓止嵩山少林寺。面壁而坐。終

日默然。人莫之測。謂之壁觀婆羅門。有僧神光。久居伊洛。博覽羣籍。善談玄理。每歎曰。孔老之教。禮術風規。莊易之書。未盡妙理。近聞達磨大士。住止少林。至人不遙。當造玄境。遂詣祖參承。祖常端坐面壁。莫聞誨勵。光自惟曰。昔人求道。敲骨取髓。刺血濟饑。布髮掩泥。投崖飼虎。古尚若此。我又何人。值大雪。光夜侍立。遲明積雪過膝。立愈恭。祖顧而憫之。問曰。汝久立雪中。當求何事。光悲淚曰。惟願和尚慈悲。開甘露門。廣度羣品。祖曰。諸佛無上妙道。曠劫精勤。難行能行。非忍而忍。豈以小德小智。輕心慢心。欲冀真乘。



徒勞勤苦。光聞祖誨。勵潛取利刀。自斷左臂。置於祖前。祖知是法器。乃曰。諸佛最初求道。爲法忘形。汝今斷臂。吾前求亦可在。祖遂因與易名曰慧可。乃曰。諸佛法印。可得聞乎。祖曰。諸佛法印。匪從人得。可曰。我心未甯。乞師與安。祖曰。將心來與汝安。可良久曰。覓心了不可得。祖曰。我與汝安心竟。芭蕉清云。金剛與泥人。揩背團悟。勤云。正當與麼時。法身在甚麼處。越九年。欲返天竺。命門人曰。時將至矣。汝等盡言所得乎。有道副對曰。如我所見。不執文字。不離文字。而爲道用。祖曰。汝得吾皮。尼總持曰。我今所解。如慶喜見阿閼佛國。一見更不再見。

祖曰。汝得吾肉。道育曰。四大本空。五陰非有。而我見處無一法可得。祖曰。汝得吾骨。最後慧可禮拜。依位而立。祖曰。汝得吾髓。乃顧慧可而告之曰。昔如來以正法眼付迦葉大士。展轉囑累。而至於我。我今付汝。汝當護持。并授汝袈裟。以爲法信。各有所表。宜可知矣。可曰。請師指陳。祖曰。內傳法印。以契證心。外付袈裟。以定宗旨。後代澆薄。疑慮競生。云吾西天之人。言汝此方之子。憑何得法。以何證之。汝今受此衣法。卻後難生。但出此衣。并吾法偈。用以表明。其化無礙。至吾滅後二百年。衣止不傳。法周沙界。明道者多。

行道者少。說理者多。通理者少。潛符密證。千萬有餘。汝當  
闡揚。勿輕未悟。一念回機。便同本得。聽吾偈曰。吾本來茲  
土。傳法救迷情。一花開五葉。結果自然成。祖又曰。吾有楞  
伽經四卷。亦用付汝。卽是如來心地要門。令諸眾生開示  
悟入。吾自到此。凡五度中毒。我嘗自出而試之。置石石裂。  
緣吾本離南印。來此東土。見赤縣神州。有大乘氣象。遂踰  
海越漠。爲法求人。際會未諧。如愚若訥。今得汝傳授。吾意  
已終。別記云。祖初居少林寺九年。爲二祖說法。祇教外息  
諸緣。內心無喘心。如墻壁。可以入道。慧可種種說心  
性。會未契理。祖祇遮其非。不爲說。無念心體。可忽曰。我已  
息諸緣。祖曰。莫成斷滅去否。可以不成斷滅。祖曰。此是諸

佛所傳心體。言已。乃與徒眾往禹門千聖寺止三日。有期更勿疑也。城太守楊衍之。早慕佛乘。問祖曰。西天五印。師承爲祖。其道如何。祖曰。明佛心宗。行解相應。名之曰祖。又問。此外如何。祖曰。須明他心。知其今古。不厭有無。於法無取。不賢不愚。無迷無悟。若能是解。故稱爲祖。又曰。弟子歸心三寶。亦有年矣。而智慧昏蒙。尙迷真理。適聽師言。罔知攸措。願師慈悲。開示宗旨。祖知懇到。卽說偈曰。亦不覩惡而生嫌。亦不觀善而勤措。亦不捨智而近愚。亦不拋迷而就悟。達大道兮過量通。佛心兮出度不與凡聖同躔。超然名之曰祖。

銜之聞偈。悲喜交并。曰。願師久住世間。化導羣有。祖曰。吾  
卽逝矣。不可久留。根性萬差。多逢愚難。銜之曰。未審何人。  
弟子爲師。除得否。祖曰。吾以傳佛秘密。利益迷塗。害彼自  
安。必無此理。銜之曰。師若不言。何表通變觀照之力。祖不  
獲已。乃爲識曰。江槎分玉浪。管炬開金鎖。五口相共行。九  
十無彼我。銜之莫測。禮辭而去。時魏氏奉釋。禪雋如林。光  
統律師流支三藏者。僧中鸞鳳。而議多與祖相違。祖玄風  
所被。有識咸歸。彼徒生嫉。數加毒藥。莫能中傷。至第六度。  
以化緣旣畢。遂端居而逝。葬熊耳山。起塔定林寺。其年魏



使宋雲蔥嶺回。見祖手攜隻履。翩翩而逝。雲問師何往。祖曰。西天去。雲歸具說其事。及門人起壙棺空。惟隻履存焉。詔取遺履。少林寺供養。至唐開元十五年丁卯。爲信道者竊在五臺。今不知所在。傳燈載師示寂之日。爲魏莊永安元年戊申十月五日。通論據史辨其訛。故今削去。禾山方曰。死心先師。每舉隻履西歸。語以問衲子。而實難明。諸方或謂之隱顯。或謂不可有兩箇。或謂惟此一事實。若也。怎麼未識祖師意旨。諸人要見麼。濁中清清。清中濁。勿謂麒麟生隻角。西行東向路不差。大用頭頭如啐啄。莫莫玄要靈機休卜度。

二祖慧可大師。武牢人。姬氏子。父寂。以無子。禱祈既久。一夕有異光照室。母遂懷妊。故生而名之曰光。少則超然博極。

載籍尤善談老莊。後覽佛乘。遂盡棄去。依寶靜禪師出家。徧學大小乘義。年三十三。返香山。終日冥坐。又八年。於寂默中。忽見一神人。謂曰。將欲受果。汝其南矣。翌日覺頭痛如刺。欲治之。忽聞空中曰。此換骨也。往見靜述其事。靜視之。見頂骨嶢然。如五峯秀出。以有神異。更名神光。靜語祖曰。汝相吉祥。而神令汝南。彼少林有達磨大士。必汝師矣。祖遂造少室。逮得法。至北齊。天平二年。有一居士。年踰四十。不言名氏。聿來設禮。而問祖曰。弟子身纏風恙。請和尚懺罪。祖曰。將罪來。與汝懺。士良久曰。覓罪了。不可得。祖曰。

與汝懺罪竟。宜依佛法僧住。士曰。今見和尚。已知是僧。未  
審何名佛法。祖曰。是心是佛。是心是法。法佛無二。僧寶亦  
然。士曰。今日始知罪性不在內。不在外。不在中間。如其心  
然。佛法無二也。祖深器之。卽爲剃髮。曰。是吾寶也。宜名僧  
璨。其年三月十八日。於光福寺受具。自茲疾漸愈。執侍經  
二載。祖遂囑累。付以衣法。偈曰。本來緣有地。因地種花生。  
本來無有種。花亦不曾生。又曰。汝受吾教。宜處深山。未可  
行化。當有國難般。若多羅懸記。所謂心中雖吉。外頭凶者。  
是也。吾亦有宿累。今往酬之。汝諦思聖記。勿罹世難。善去。

善行。俟時傳付。祖乃往鄴都化導四眾皈依。三十四載。

遂韜光混跡。變易儀相。或入酒肆。或過屠門。或習街談。或

隨廝役。或問之曰。師是道人。何故如是。祖曰。我自調心。何

關汝事。後至笮城縣匡救寺說法。有辨和法師。正於其

寺講涅槃經。其徒多去之。而從祖。和憤嫉。興謗於邑宰翟

仲侃。侃加祖以非法。祖怡然委順。識真者謂之償債。時年

一百七矣。隋文帝開皇十三年癸丑三月十六也。葬磁州

滏陽縣東北七十里。唐德宗謚大祖禪師。辨和或云道恒

恒問祖語。詆爲邪說。遣徒破祖。其徒至。輒欣服不去。恒有遇之塗者。恒曰。我用爾許功。開爾眼。今反爾耶。其徒曰。我眼本正。因師故

邪恒遂深怒密謀興謗致祖非法皓月供奉問長沙岑和尚古德云了卽業障本來空未了應須償宿債只如師子尊者二祖大師爲甚卻償債去沙曰大德不識本來空月日如何是本來空沙曰業障是日如何是業障沙曰本來空是月無語沙以偈示之曰假有元非有假滅亦非無涅槃償債義一性更非殊

三祖僧璨大師不知何許人以白衣謁二祖得度傳法後隱

於舒之皖公山往來太湖縣司空山當後周毀法祖深自韜晦居無常處積十餘載人無能知者至隋開皇十二年有沙彌道信年始十四來禮祖曰願和尚慈悲乞與解脫法門祖曰誰縛汝曰無人縛祖曰何更求解脫乎信於言下大悟統要云信於是有省又問如何是古佛心祖曰汝今是甚麼心曰我今無心祖曰汝旣無心諸佛豈



有耶信於是。頓息其疑。服勞九載。後於吉州受戒。侍奉尤謹。祖屢試

以玄微。知其緣熟。乃付衣法。偈曰。華種雖因地。從地種華

生。若無人下種。華地盡無生。祖又曰。昔可大師付吾法

後。往鄴都行化三十餘年。今吾得汝。何滯此乎。卽適羅浮

山。優游二載。卻還舊址。逾月。士民奔趨。大設檀供。祖爲四

眾廣宣心要。訖於法會大樹下。合掌立化。隋煬大業二年

丙寅十月十五日也。祖說法三十餘年。絕口不談其姓族

我處得法。祖著信心銘曰。至道無難。惟嫌揀擇。但莫憎愛。洞

然明白。毫釐有差。天地懸隔。欲得現前。莫存順逆。違順相

爭。是爲心病。不識玄旨。徒勞念靜。圓同太虛。無欠無餘。良由取舍。所以不如。莫逐有緣。勿住空忍。一種平懷。泯然自盡。止動歸止。止更彌動。惟滯兩邊。甯知一種。一種不通。兩處失功。遣有沒有。從空背空。多言多慮。轉不相應。絕言絕慮。無處不通。歸根得旨。隨照失宗。須臾返照。勝卻前空。前空轉變。皆由妄見。不用求真。惟須息見。二見不住。慎莫追尋。纔有是非。紛然失心。二由一有。一亦莫守。一心不生。萬法無咎。無咎無法。不生不心。能由境滅。境逐能沉。境由能境。能由境能。欲知兩段。原是一空。一空同兩。齊含萬象。不

見精麤。甯有偏黨。大道體寬。無易無難。小見狐疑。轉急轉遲。執之失度。必入邪路。放之自然。體無去住。任性合道。逍遙絕惱。繫念乖真。昏沉不好。不好勞神。何用疎親。欲取一乘。勿惡六塵。六塵不惡。還同正覺。智者無爲。愚人自縛。法無異法。妄自愛著。將心用心。豈非大錯。迷生寂亂。悟無好惡。一切二邊。良由斟酌。夢幻空花。何勞把捉。得失是非。一時放卻。眼若不寐。諸夢自除。心若不異。萬法一如。一如體玄。兀爾忘緣。萬法齊觀。歸復自然。泯其所以。不可方比。止動無動。動止無止。兩旣不成。一何有爾。究竟窮極。不存軌

則契心平等。所作俱息。狐疑盡淨。正信調直。一切不畱。無可記憶。虛明白照。不勞心力。非思量處。識情難測。真如法界。無他無自。要急相應。惟言不二。不二皆同。無不包容。十方智者。皆入此宗。宗非延促。一念萬年。無在不在。才方目前。極小同大。忘絕境界。極大同小。不見邊表。有卽是無。無卽是有。若不如是。必不須守。一卽一切。一切卽一。但能如是。何慮不畢。信心不二。不二信心。言語道斷。非去來今。

悟圓

勤云。人多錯會道。至道本無難。亦無不難。只是唯嫌揀擇。若恁麼會。一萬年也未夢見在。中峯本禪師作信心銘。闢義解。每兩句下。中以示語。次述義解。乃作闢義。復繫以偈。聊錄二三要之大旨。悉如是矣。至道無難。唯嫌揀擇。



旨曰

三祖

左

初示語云神光烜赫萬靈罔測踞羣象之深淵啓重玄之  
大宅臨濟用金剛王發雷轟霆震之令望影尤難德山遣  
木上座奮風馳電走之威追踪莫及陶形鑄象不居其有  
功負海擎山似覺其無力黃面漢四十九年有手只好拏  
空白拈賊干七百箇有口惟堪掛壁最現成難委悉擬向  
當陽指似伊早是門前起荆棘次述義解云祖師道至道  
無難唯嫌揀擇義解者謂此兩句乃一篇之要綱一銘之  
本旨然信之一言至該悟證非信行之信也如法華之諸  
子於會權入實之際作信解品以述其懷吾祖目之曰至  
道唯佛證之曰菩提眾生昧之曰無明教中彰之爲本覺  
皆一心之異名也至若徧該名相涉入色空異轍殊塗千  
條萬目豈乖優劣靡隔悟迷莫不由斯而著如趙州之柏  
樹子楊岐之金剛圈密庵之破沙盆東山之鐵酸餡異端  
并起邪法難扶則知至道之話行矣該通事理融貫古今  
說箇無難早成剩語然聖凡染淨極目全真揀擇情生迥  
乖至體是謂唯嫌揀擇也下文雖殊悉稟其意闢曰依稀  
相似彷彿不同且至道二字任你意解謂無難之旨須相  
應始得自非心開神悟妙契冥符迴絕見知超出言象者



望無難之旨。不啻天淵。於根境相對差別互陳。不能當處。解脫擬將箇無難。不簡擇底道理。存乎胸臆。又豈止於認賊爲子矣。故於此不能忘言。偈曰。至道不應嫌揀擇。莫言揀擇墮凡情。快須擲瞎娘生眼。白日挑燈讀此銘。良由取捨所以不如。示語云。薦福莫趙州。無雪峯放出南山鰲鼻雲。門打殺東海鯉魚。興化赴村齋。向古廟裏躲。卒風暴雨。丹霞燒木佛。卻敎院主墮眉鬚。疑殺人間幾丈夫。述義解云。祖師道良由取捨。所以不如。義解者。謂此心旣如太虛之圓。無相不具。一切皆如。你於染淨法中。瞥生取捨。則不如也。闍曰。若是真正本色。參學上士。見此等說話。底人便與劈面唾。不爲性燥。蓋像龍不能致雨。故也。偈曰。取旣非如捨。不如是牛誰敢喚。爲驢大千沙界金剛體。也是重栽領下鬚。一種平懷泯然自盡。示語云。不動道場。無生法忍。皓月照窓扉。清風拂屏枕。有佛處不得住。鐵裏燈心無佛處急走過。花鋪蜀錦三千里。外摘楊花十方虛空盡銷隕。易商量。難定準。海底泥牛喫鐵鞭。百草頭邊風凜凜。述義解云。祖師道一種平懷泯然自盡。義解者。謂取捨之情旣盡。聖凡知見無依。自然一切處平常。一切處泯滅。關

日白日青天莫寐語好即今眼見色耳聞聲喚甚麼作平  
懷不平懷偈曰泯然盡處事無涯百草頭邊正眼開生死  
涅槃俱捏碎不知何處著平懷無咎無法不生不心示  
語云太華山非險滄溟海不深盧仝月蝕詩有何難讀伯  
牙流水曲然有知音惟有東山暗號子收來無縫罅放去  
卒難尋攪擾幾多伶俐客摩視擦袴到於今述義解云祖  
師道無咎無法不生不心義解者謂此兩句返上二句而  
言謂無咎則萬法自消不生則一心自寂法消心寂至道  
之體冲然不待得而得矣闢曰昔僧問趙州學人乍入叢  
林乞師指示州云喫粥了也未僧云喫粥了也州云洗鉢  
盂去此僧悟去且道此僧當時悟無咎耶悟無法耶悟不  
生耶悟不心耶試定當看偈曰法法只因無咎咎心多  
謂不生生寒猿夜哭巫山月客路原來不可行中峯老  
人費爾許唇舌要之不出圓悟大師數語也今之人讀此  
銘順文解義未有出於所述義解者然則自昔宗師深斥  
此何哉莫是擬心即差不作義解則得麼咦去去西天路  
迢迢十萬餘莫錯領解賺到臘月  
三十日手忙腳亂懊悔則遲也

四祖道信大師者。姓司馬氏。世居河內。後徙於蘄州廣濟縣。生而超異。幼慕空宗。諸解脫門。宛如宿習。既嗣祖風。攝心無寐。脅不至席者六十年。于隋大業十三載。領徒眾抵吉州。值羣盜圍城。七旬不解。萬眾惶怖。祖愍之。教念摩訶般若。若時賊眾望雉堞間。若有神兵。乃相謂曰。城內必有異人。稍稍引去。唐武德甲申歲。師卻返蘄春。住破頭山。學侶雲臻。一日往黃梅縣。路逢一小兒。骨相奇秀。異乎常童。祖問曰。子何姓。答曰。姓卽有。不是常姓。祖曰。是何姓。答曰。是佛。性祖曰。汝無姓耶。答曰。性空故無。祖默識其法器。卽俾侍。

者至其母所。乞令出家。母以宿緣故。殊無難色。遂捨爲弟子。以至付法傳衣。偈曰。華種有生性。因地華生生。大緣與性合。當生生不生。貞觀癸卯歲。太宗嚮師道味。欲瞻風彩。詔赴京。祖上表遜謝。前後三返。第四度命使曰。如果不起。取首來。使至山諭旨。祖乃引頸就刃。神色儼然。使回以狀聞。帝彌欽重。高宗永徽辛亥歲。閏九月四日。忽垂誠門人曰。一切諸法。悉皆解脫。汝等各自護念。流化未來。言訖。安坐而逝。壽七十有二。塔於本山。明年四月八日。塔戶自開。儀相如生。爾後門人遂不敢復閉焉。



五祖宏忍大師者。廬州黃梅人也。先爲破頭山中栽松道者。嘗請於四祖曰。法道可得聞乎。祖曰。汝已老。脫有聞。其能廣化耶。儻若再來。吾尚可遲汝。乃去。行水邊。見一女子浣衣。揖曰。寄宿得否。女曰。我有父兄。可往求之。曰。諾。我卽敢行。女首肯之。卽回策馬去。女周氏季子也。歸輒孕。父母大惡。逐之。女無所歸。曰。傭紡里中。夕止於眾館之下。已而生一子。以爲不祥。因拋濁港中。明日見之。泝流而上。氣體鮮明。大驚。遂舉之。成童。隨母乞食。里人呼爲無姓兒。逢一智者歎曰。此子缺七種相。不逮如來。後遇信大師得法。嗣化。



於破頭山。咸亨中。有居士姓盧名慧能。自新州來叅謁。祖問曰。汝自何來。盧曰。嶺南。祖曰。欲須何事。盧曰。唯求作佛。祖曰。嶺南人無佛性。若爲得佛。盧曰。人卽有南北。佛性豈然。祖令隨眾作務。盧曰。弟子自心常生智慧。不離自性。卽是福田。未審和尚教作何務。祖曰。這獼獠根性太利。著槽廠去。盧禮足而退。便入碓坊。服勞於杵臼。晝夜不息。經八月。祖知付授時至。告眾曰。正法難解。不可徒記吾言。持爲己任。汝等各自隨意述一偈。若語意冥符。則衣法皆付。時會下七百餘僧。上座神秀者。學通內外。眾所宗仰。咸推

稱曰。若非尊秀。曷敢當之。神秀竊聆眾譽。不復思惟。乃於廊壁書一偈曰。身是菩提樹。心如明鏡臺。時時勤拂拭。莫使惹塵埃。祖因經行。忽見此偈。知是神秀所述。乃讚歎曰。後代依此修行。亦得勝果。其壁本欲令處士盧珍繪楞伽變相。及見題偈在壁。遂止不畫。各令念誦。盧在碓坊。忽聆誦偈。乃問同學。是何章句。同學曰。汝不知和尚求法嗣。令各述心偈。此則秀上座所述。和尚深加歎賞。必將付法傳衣也。盧曰。其偈云何。同學爲誦。盧良久曰。美則美矣。了則未了。同學訶曰。庸流何知。勿發狂言。盧曰。子不信耶。願以

一偈和之。同學不答。相視而笑。盧至夜。密告一童子。引至廊下。盧自秉燭。請別駕張日用於秀偈之側。寫一偈曰。菩提本無樹。明鏡亦非臺。本來無一物。何處惹塵埃。祖後見此偈曰。此是誰作。亦未見性。眾聞祖語。遂不之顧。逮夜。祖潛詣碓坊。問曰。米白也未。盧曰。白也。未有篩。祖以杖三擊其碓。盧卽以三鼓入室。祖告曰。諸佛出世。爲一大事。故隨機大小。而引導之。遂有十地三乘頓漸等旨。以爲教門。然以無上微妙秘密圓明眞實正法眼藏。付於上首大迦葉尊者。展轉傳授二十八世。至達磨。屈于此土。得可大師承

襲。以至於今。以法寶及所傳袈裟。用付於汝。善自保護。無令斷絕。聽吾偈曰。有情來下種。因地果還生。無情既無種。無性亦無生。盧跪受訖。問法則既受。衣付何人。祖曰。昔達磨初至。人未之信。故傳衣以明得法。今信心已熟。衣乃爭端。止於汝身。不復傳也。且當遠隱。俟時行化。所謂受衣之人。命如懸絲也。盧曰。當隱何所。祖曰。逢懷卽止。遇會且藏。盧禮足已。捧衣而出。是夜南邁。大眾莫知。五祖自後不復上堂。大眾疑怪。致問。祖曰。吾道行矣。何更詢之。復問衣法誰得耶。祖曰。能者得。於是眾議盧行者名能。卽共奔逐。祖

既付衣法。復經四載。至上元二年。忽告厭曰。吾今事畢。時可行矣。卽入室安坐而逝。壽七十有四。塔於黃梅東山。代宗

謚曰大滿塔曰法雨。及宋遣師將平江南。祖肉身出血如淚珠。識者知李氏必亡也。

六祖慧能大師。姓盧氏。父行瑫。母李氏。感異夢。覺而異香滿室。因有娠。六年乃生。毫光騰空。黎明有僧來語祖之父曰。此子可名慧能。父曰。何謂也。僧曰。慧者以法慧濟眾生。能者能作佛事。語畢。不知所之。祖不飲母乳。遇夜。神人灌以甘露。三歲父喪。母孀居。家貧甚。幼則樵採鬻薪以養母。一日負薪過市中。聞客讀金剛經。至應無所任而生其心有



所感悟而問客曰。此何法也。曰。此金剛經。黃梅東山五祖忍和尚。恒教人誦此經。祖聞語勃然。思出家求法。乃乞于一客。爲其母備歲儲。遂辭母直抵韶州。遇高行士劉志畧。結爲交友。尼無盡藏者。卽志畧之姑也。嘗讀涅槃經。師暫聽之。卽爲解說其義。尼遂執卷問字。祖曰。字卽不識。義卽請問。尼曰。字尙不識。曷能會義。祖曰。諸佛妙理。非關文字。尼驚異之。告鄉里耆艾。請居寶林寺。寺廢已久。四眾營緝。朝夕奔湊。俄成寶坊。祖曰。我求大法止。此何爲。遂棄之。抵黃梅。參禮五祖。語在五祖章。當是偈後。三鼓入五祖室。五

祖復徵其初悟。應無所住而生其心語。祖言下大徹。遂啓  
五祖曰。一切萬法。不離自性。何期自性本自清淨。何期自  
性本不生滅。何期自性本自具足。何期自性本無動搖。何  
期自性能生萬法。五祖知悟本性。謂祖曰。不識本心。學法  
無益。若識本心。見自本性。卽名丈夫。天人師佛。遂傳衣法。  
黃龍新禪師頌曰。六祖當年不丈夫。倩人書壁自塗糊。分  
明有偈言無物。卻受他家一鉢盂。妙喜曰。且道鉢盂是物  
不是物。若道是物。死心老亦非。丈夫若道非物。爭奈鉢盂  
何。金剛經悟緣。陸氏壇經。初敘祖聞經有悟。不言至應  
無所住。而有開入。惟云聞經有省。至三更入室時。五祖以  
袈裟圍祖。不令人見。爲說金剛經。至應無所住而大徹。此  
從藏本壇經。三更入室。五祖徵金剛經傳燈。不載其語。五祖送祖至九江驛邊。令祖

上船。祖隨卽把櫓。五祖曰。合是吾渡汝。祖曰。迷時師度。悟時自度。度名雖一。用處不同。能蒙師傳法。今已得悟。只合自性自度。五祖云。如是如是。以後佛法由汝大行。祖禮辭。南行者兩月。至大庾嶺。僧惠明。本將軍。司數百人來。欲奪衣鉢。明先趁及祖。擲衣鉢於石。曰。此衣表信。可力爭耶。明舉衣鉢不能動。乃曰。我爲法來。不爲衣來。祖曰。汝旣爲法來。可屏息諸緣。勿生一念。吾爲汝說明。良久。祖曰。不思善。不思惡。正與麼時。那箇是明。上座本來面目。惠明言下大悟。復問曰。上來密語密意外。還更有密意旨否。祖曰。與

汝說者。卽非密也。汝若返照。密在汝邊。明日惠明雖在黃梅。實未省自己面目。今蒙指示。如人飲水。冷暖自知。今行者。卽惠明師也。祖曰。汝若如是。吾與汝同師。黃梅善自護持。明又問。惠明今向甚處去。祖曰。逢袁則止。遇蒙則居。明禮辭。還至嶺下。謂眾曰。向涉崔嵬。杳無蹤跡。當別道尋之。趁眾遂散。後明居袁州蒙山。避祖諱。更名道明。祖後至曹溪。物色之者。稍聞。遂避難於四會之獵人隊中。經十五載。時與獵人隨宜說法。獵人令守網。有獲悉放。每飯時。常以菜寄煮肉鍋。或問則對曰。但喫肉邊菜。儀鳳元年正月八日。忽念說



法時至。遂出至廣州法性寺。值印宗法師講涅槃經。寓止廊廡間。暮夜風颺。利幡聞二僧對論。曰幡動。一曰風動。往復不已。祖曰。不是風動。不是幡動。仁者心動。一眾竦然。雪峯云。大小祖師龍頭蛇尾。好與二十棒。孚上座侍次。敲齒峯云。我與麼道也。好與二十棒。妙喜云。要識孚上座麼。犀因玩月紋生角。要識雪峯麼。象被雷驚花八牙。雪竇舉巴陵示眾云。祖師道不是風動。不是幡動。既不是風。不是幡。風向甚麼處著。有人與祖師作主。出來與巴陵相見。雪竇道風動幡動。既是風幡。向甚麼處著。有人與巴陵作主。亦出來與雪竇相見。復頌云。不是幡兮不是風。衲僧於此作流通。渡河用筏尋常事。南山燒炭北山紅。又不是風。不是幡。何處著。新開作者曾拈卻。如今懜懜癡禪和。漫道玄玄爲獨脚。育王普崇頌云。非風非幡無處著。是風是幡無著處。撩大俊鶻。悉迷踪。踞地金毛還失措。阿阿阿悟不悟。令人卻憶謝三郎。一絲獨釣寒江雨。天台韶云。古聖方便猶如



河沙祖師道非風幡動仁者心動斯乃無上心印法門我輩是祖師門下客合作麼生會祖師意莫道風幡不動汝心妄動莫道不撥風幡就風幡通取莫道風幡動處是什麼有云附物明心不須認物有云色即是空有云非風幡動應須妙會如是解會與祖師意旨有何交涉既不許如是會諸上座合如何知悉若於這裏徹底悟去何法門而是不明百千諸佛方便一時洞了更有甚麼疑情所以古人道一了千明一迷萬惑上座豈是今日會得一則明日又不會也。智證傳楞伽經偈曰由自心執著心似外境轉彼所見非有是故說惟心傳曰曹溪六祖隱晦時號盧居士常客廣州精舍夜經行聞兩僧論風幡一日風動一日幡動六祖前曰肯使俗流輒與高論否正以風幡非動仁者心動耳法空禪師深居五臺山每夜必聞有聲召曰空禪法空患之久而自悟曰皆我自心之境安有外聲哉以法遣之自後遂絕夫言彼所見非有者以風幡相待無有定屬以無定屬緣生則名無生六祖所示見境既爾則空禪所悟聞塵亦然首楞嚴曰見聞如幻翳三界若空華聞復翳根除塵消覺圓淨淨極光通達寂照含虛空卻來觀

世間猶如夢中事者。渠不信。夫幻寄日子少。讀宋人詩。麥浪豈緣風滾滾。荷珠不爲露涓涓。躍然喜謂是風幡公案。好註腳。及讀雪峯雪竇諸大老拈提語。爽然自失。洪公此傳。未可過諸老門限也。

印宗延至上

席。徵詰粵義。見祖言簡理當。不由文字。乃曰。久聞黃梅衣法南來。莫是行者否。祖曰。然。印宗作禮。請衣鉢。出示大眾。令瞻禮。宗復問曰。黃梅付囑。如何指授。祖曰。指授卽無。惟論見性。不論禪定解脫。宗曰。何不論禪定解脫。祖曰。爲是二法。不是佛法。佛法是不二之法。宗又問。如何是佛法不二之法。祖曰。法師講涅槃經。明佛性是佛法不二之法。如高貴德王菩薩白佛言。犯四重禁。作五逆罪。及一闍提等。

當斷善根。佛性否。佛言。善根有二。一者常。二者無常。佛性非常。非無常。是故不斷。名為不二。一者善。二者不善。佛性非善。非不善。是名不二。蘊之與界。凡夫見二。智者了達。其性無二。無二之性。即是佛性。印宗聞說。歡喜合掌。真淨和尚舉印宗問祖不二之法。祖云云。曰。諸禪德。彼時小巧禪道。早是中半了也。如今叢林。多是惟論禪定。解脫無念。無為。且道六祖底。是如今底。是分。即是。不分。即是。若分去。有違有順。有是有非。若不分。又不辨邪正。埋沒我宗。乘譬如人問道。路有直有迂。有險有善。其行路者。可行。即行。可止。即止。大眾還識。泐潭老僧麼。良久云。將此深心。奉塵刹。是則名為報佛恩。

正月十五日。印宗會諸名德。為祖剃髮。二月八日。就法性寺。智光律師。授滿分戒。其戒壇。即宋求那跋陀三

藏之所置也。三藏記云。後當有肉身菩薩在此壇受戒。又梁末真諦三藏於壇之側手植二菩提樹。謂眾曰。卻後一百二十年。有大開士於此樹下演無上乘。度無量眾。祖受戒已於此樹下開東山法門。宛如宿契。次日韋使君請益師陞座告大眾曰。總淨心念摩訶般若波羅密多。復云。善知識。菩提般若之智。世人本自有之。只緣心迷不能自悟。須假大善知識。示導見性。當知愚人智人。佛性本無差別。只緣迷悟不同。所以有愚有智。吾今爲說摩訶般若波羅密法。使汝等各得智慧。志心諦聽。吾爲汝說。善知識。世



人終日口念般若。不識自性般若。猶如說食不飽口。但說空。萬劫不得見性。終無有益。善知識摩訶般若波羅密是梵語。此言大智慧到彼岸。此須心行。不在口念。口念心不行。如幻如化。如露如電。口念心行。則心口相應。本性是佛。離性無別佛。何名摩訶摩訶是大。心量廣大。猶如虛空。無有邊畔。亦無方圓大小。亦非青黃赤白。亦無上下長短。亦無嗔無喜。無是無非。無善無惡。無有頭尾。諸佛刹土。盡同虛空。世人妙性本空。無有一法可得。自性真空。亦復如是。善知識。莫聞吾說空。便即著空。第一莫著空。若空心靜坐。



卽著無記空。善知識世界虛空。能含萬物色像。日月星宿。山河大地。泉源溪礪。草木叢林。惡人善人。惡法善法。天堂地獄。一切大海。須彌諸山。總在空中。世人性空。亦復如是。善知識。自性能含萬法。是大萬法。在諸人性中。若見一切人惡之與善。盡皆不取不捨。亦不染著。心如虛空。名之爲大。故曰摩訶。善知識迷人口說。智者心行。又有迷人空心靜坐。百無所思。自稱爲大。此一輩人。不可與語。爲邪見故。善知識心量廣大。徧周法界。用卽了了分明。應用便知一切。一切卽一一。卽一切。去來自由。心體無滯。卽是般若。善

知識一切般若智皆從自性而生不從外入莫錯用意名爲眞性自用一眞一切眞心量大事不行小道口雖終日說空心中不修此行恰似凡人自稱國王終不可得非吾弟子善知識何名般若般若者唐言智慧也一切處所一切時中念念不愚常行智慧卽是般若行一念愚卽般若絕一念智卽般若生世人愚迷不見般若口說般若心中常愚常自言我修般若念念說空不識眞空般若無形相智慧心卽是若作如是解卽名般若智何名波羅密此是西竺語唐言到彼岸解義離生滅著境生滅起如水有波

浪。卽名爲此岸。離境無生滅。如水常通流。卽名爲彼岸。故號波羅密。善知識。迷人口念。當念之時。惟妄惟非。念念若行。是名眞性。悟此法者。是般若法。修此行者。是般若行。不修。卽凡。一念修行。自身等佛。善知識。凡夫。卽佛。煩惱。卽菩提。前念迷。卽凡。夫。後念悟。卽佛。前念著境。卽煩惱。後念離境。卽菩提。善知識。摩訶般若波羅密。最尊。最上。最第一。無住。無往。亦無來。三世諸佛。從中出。當用大智慧。打破五蘊。煩惱塵勞。如此修行。定成佛道。變三毒爲戒定慧。善知識。我此法門。從一般若。生八萬四千智慧。何以故。爲世人有。

入萬四千塵勞。若無塵勞。智慧常現。不離自性。悟此法者。卽是無念。無憶。無著。不起誑妄。用自眞如性。以智慧觀照。於一切法。不取不捨。卽是見性成佛道。善知識。若欲入甚深法界。及般若三昧者。須修般若行。持誦金剛般若經。卽得見性。當知此功德無量無邊。經中分明讚歎。莫能具說。此法門是最上乘。爲大智人說。爲上根人說。小根小智人。聞心生不信。何以故。譬如大龍下雨於閭浮提城邑聚落。悉皆漂流。如漂棗葉。若雨大海。不增不減。若大乘人。若最上乘人。聞說金剛經。心開悟解。故知本性自有般若之智。

自用智慧。常觀照。故不假文字。譬如雨水。不從天有。元是龍能興致。令一切眾生。一切草木。有情無情。悉皆蒙潤。百川眾流。卻入大海。合爲一體。眾生本性般若之智。亦復如是。善知識。小根之人。聞此頓教。猶如草木根性小者。若被大雨。悉皆自倒。不能增長。小根之人。亦復如是。元有般若之智。與大智人更無差別。因何聞法。不自開悟。緣邪見障重。煩惱根深。猶如大雲。覆蓋於日。不得風吹。日光不現。般若之智。亦無大小。爲一切眾生。自心迷悟。不同迷心外見。修行覓佛。未悟自性。卽是小根。若開悟頓教。不執外修。但



於自心常起正見。煩惱塵勞。常不能染。卽是見性。善知識。內外不住。去來自由。能除執心。通達無礙。能修此行。與般若經本無差別。善知識。一切修多羅及諸文字。皆因人置。因智慧性。方能建立。若無世人。一切萬法。本自不有。故知萬法本自人興。一切經書。因人說有。緣其中人有愚有智。愚爲小人。智爲大人。愚者問於智者。智者與愚人說法。愚人忽悟。解心開卽與智人無別。善知識。不悟卽佛是眾生。一念悟時。眾生是佛。故知萬法盡在自心。何不從自心中頓見。眞如本性。菩薩戒經云。我本元自性清淨。若識自心。

見性皆成佛道。淨名經云。卽時豁然還得本心。善知識。我於忍和尚處。一聞言下便悟。頓見眞如本性。是以將此教法流行。令學道者。頓悟菩提。各自觀心。自見本性。若不自悟。須覓大善知識。解最上乘法者。直示正路。是善知識。有大因緣。所謂化導。令得見性。一切善法。因善知識能發起。故三世諸佛。十二部經。在人性中。本自具有。不能自悟。須求善知識。指示方見。若自悟者。不假外求。若一向執謂。須要他善知識。方得解脫者。無有是處。何以故。自心內有知識。自悟。若起邪迷。妄念顛倒。外善知識。卽有教授救。不可

得。若。起。眞。正。般。若。觀。照。一。剎。那。間。妄。念。俱。滅。識。自。本。性。一。  
悟。卽。至。佛。地。善。知。識。智。慧。觀。照。內。外。明。徹。識。自。本。心。若。識。  
本。心。卽。本。解。脫。若。得。解。脫。卽。是。般。若。三。昧。般。若。三。昧。卽。是。  
無。念。何。名。無。念。若。見。一。切。法。心。不。染。著。是。爲。無。念。用。卽。徧。  
一。切。處。亦。不。著。一。切。處。但。淨。本。心。使。六。識。出。六。門。於。六。塵。  
中。無。染。無。雜。來。去。自。由。通。用。無。滯。卽。是。般。若。三。昧。自。在。解。  
脫。名。無。念。行。若。百。不。思。常。令。念。絕。卽。是。法。縛。卽。名。邊。見。善。  
知。識。悟。無。念。法。者。萬。法。盡。通。悟。無。念。法。者。見。諸。佛。境。界。悟。  
無。念。法。者。至。佛。地。位。善。知。識。後。代。得。吾。法。者。將。此。頓。教。法。

門。於同見同行。發願受持。如事佛故。終身而不退者。定入聖位。然須傳授。從上已來。默傳分付。不得匿其正法。若不。同見同行。在別法中。不得傳付。損彼前人。究竟無益。恐愚人。不解。謗此法門。百劫千生。斷佛種性。善知識。吾有一無相。頌。各須誦取。在家出家。但依此修。若不自修。惟記吾言。亦無有益。聽吾頌曰。說通及心通。如日處虛空。惟傳見性法。出世破邪宗。法卽無頓漸。迷悟有遲疾。只此見性門。愚人不可悉。說卽雖萬般。合理還歸一。煩惱暗宅中。常須生慧日。邪來煩惱至。正來煩惱除。邪正俱不用。清淨至無餘。

菩提本自性起。心卽是妄。淨心在妄中。但正無三障。世人  
若修道。一切盡不妨。常見自己過。與道卽相當。色類自有  
道。各不相妨惱。離道別覓道。終身不見道。波波度一生。到  
頭還自懊。欲得見真道。行正卽是道。自若無道心。闇行不  
見道。若真修道人。不見世間過。若見他人非。自非卻。是左  
他非我不非。我非自有過。但自卻非心。打除煩惱破。憎愛  
不關心。長伸兩腳臥。欲擬化他人。自須有方便。勿令彼有  
疑。卽是自性現。佛法在世間。不離世間覺。離世覓菩提。恰  
如求兔角。正見名出世。邪見是世間。邪正盡打卻。菩提性



宛然。此願是頓教。亦名大法船。迷聞經累劫。悟則刹那間。  
韋刺史問曰。弟子常見僧俗念阿彌陀佛。願生西方。請  
和尚說得生彼否。願爲破疑。祖曰。使君善聽。慧能與說。世  
尊在舍衛城中。說西方引化經文。分明說去。此不遠。若論  
相說。里數有十萬八千。卽身中十惡八邪。便是說遠。說遠  
爲其下根。說近爲其上智。人有兩種法。無兩般迷悟。有殊。  
見有遲疾。迷人念佛求生於彼。悟人自淨其心。所以佛言。  
隨其心淨。則佛土淨。使君東方人。但心淨。卽無罪。雖西方  
人心不淨。亦有愆。東方人造罪。念佛求生西方。西方人造

罪念。佛求生何國。凡愚不了。自性不識。身中淨土。願東願西。悟人在處一般。所以佛言。隨所住處。恒安樂。使君心地。但無不善。西方去此不遙。若懷不善之心。念佛往生難到。今勸善知識。先除十惡。卽行十萬。後除八邪。乃過八千。念念見性。常行平直。到如彈指。便覩彌陀。使君但行十善。何須更念往生。不斷十惡之心。何佛卽來迎請。若悟無生頓法。見西方只在刹那。不悟念佛求生。路遙如何得達。慧能與諸人移西方於刹那間。目前便見。各願見否。眾皆頂禮云。若此處見。何須更願往生。願和尚慈悲。便現西方。普令

得見祖曰。大衆世人。白色身是城。眼耳鼻舌是門。外有五  
門。內有意門。心是地。性是王。王居心上。性在王在。性去  
王無。性在身。心存性去。身心壞。佛向性中作。莫向身外求。  
自性迷。卽是衆生。自性覺。卽是佛。慈悲卽是觀音。喜捨名  
爲勢至。能淨卽釋迦。平直卽彌陀。人我是須彌。邪心是海  
水。煩惱是波浪。毒害是惡龍。虛妄是鬼神。塵勞是魚鱉。貪  
嗔是地獄。愚癡是畜生。善知識常行十善。天堂便至。除人  
我。須彌倒去。邪心海水竭。煩惱無波浪。滅毒害。忘魚龍。絕  
自心。地上覺性如來。放大光明。外照六門。清淨能破六欲。

諸天白性內照。三毒卽除。地獄等罪一時消滅。內外明徹。不異西方。不作此修。如何到彼。大眾聞說。了然見性。悉皆禮拜。俱歎善哉。唱言。普願法界眾生聞者。一時悟解。祖曰。若欲修行。在家亦得。不必在寺。在家能行。如東方人心善。在寺不修。如西方人心惡。但心清淨。卽是自性。西方韋公又問在家如何修行。願爲教授。祖曰。吾與大眾作無相頌。但依此修。常與吾同處。無別若。不依此修。剃髮出家。於道何益。頌曰。心平何勞持戒。行直何用修禪。恩則親養父母。義則上下相憐。讓則尊卑和睦。忍則衆惡無喧。若能鑽木



出火淤泥定生紅蓮。苦口卽是良藥。逆耳必是忠言。改過必生智慧。護短心內非賢。日用常行饒益。成道非由施錢。菩提只向心覓。何勞向外求玄。聽說依此修行。天堂只在目前。祖復曰。善知識。總須依偈修行。見取自性。直成佛道。法不相待。幻寄曰。祖師教人。除人我去。邪心與秀師時時勤拂拭。是同是別。若道是別。別在甚處。若道是同。秀師何以不契黃梅。若道此是第二頭語。祖師又云。依偈修行。直成佛道。不爲第二頭語也。於此微證。始有參學分。不然。特是念言語漢。祖師雖日在前。未如之何。又常用大智慧。打破五蘊煩惱塵勞。祖語也。無念無憶無著。祖訓也。而對薛簡。則斥以智慧。照破煩惱。對臥輪。則云不斷百思想。法道何以不作。也是以喚作竹篋。則觸。不喚作竹篋。則背。不得有言。不得無言。須彌山。乾矢橛。青州布衫。廬陵米價。皆使參學者入壇經之妙筏。必契此而後可。云能讀



壇經也。今人讀此者。率謂明白簡易。無疑於心。而於諸方風馳電轉之機。則又茫若。是未夢見壇經者也。果能契于壇經。彼風馳電轉者。直家常茶飯耳。何復疑哉。

示眾云。善知識。我此法門。以定慧爲本。大眾勿迷。言定慧別。定慧一體。不是二。定是慧體。慧是定用。卽慧之時。定在慧。卽定之時。慧在定。若識此義。卽是定慧等學。諸學道人。莫言先定發慧。先慧發定。各別作此見者。法有二相。口說善相。心中不善。空有定慧。定慧不等。若心口俱善。內外一種。定慧卽等。自悟修行。不在於諍若諍先後。卽同迷人。不斷勝負。卻憎我法。不離四相。善知識。定慧猶如何等。猶如燈光有燈。卽光。無燈卽暗。燈是

光之體光是燈之用。名雖有二。體本同一。此定慧法亦復如是。又云善知識云。何立無念爲宗。只緣口說見性。迷人於境上有念。念上便起邪見。一切塵勞妄想。從此而生。自性本無一法可得。若有所得。妄說禍福。卽是塵勞邪見。故此法門立無念爲宗。善知識無者。無何事。念者。念何物。無者。無二相。無諸塵勞之心。念者。念真如本性。真如卽是念之體。念卽是真如之用。真如自性起念。非眼耳鼻舌能念。真如有性。所以起念。真如若無眼耳鼻舌聲。當時卽壞。善知識真如自性起念。六根雖有見聞覺知。不染萬境。而真

性常自在。故經云。能善分別諸法相。於第一義而不動。  
又云。此門坐禪。元不著心。亦不著淨。亦不是不動。若言著  
心。心元是妄。知心如幻。故無所著也。若言著淨。人性本淨。  
由妄念故。蓋覆真如。但無妄想。性自清淨。起心著淨。卻生  
淨妄。妄無處所。著者是妄。淨無形相。卻立淨相。言是工夫。  
作此見者。障自本性。卻被淨縛。善知識若修不動者。但見  
一切人時。不見人之是非。善惡過患。卽是自性不動。善知  
識。迷人身雖不動。開口便說他人是非。長短好惡。與道違  
背。若起心著淨。卽障道也。無相頌曰。迷人修福不修道。

只言修福便是道。布施供養福無邊。心中三惡元來造。擬將修福欲滅罪。後世得福罪還在。但向心中除罪緣。各自性中真懺悔。忽悟大乘真懺悔。除邪行正。卽無罪。學道常於自性觀。卽與諸佛同一類。吾祖惟傳此頓法。普願見性同一體。若欲當來覓法身。離諸法相。心中洗。努力自見。莫悠悠。後念忽絕。一世休。若悟大乘得見性。虔恭合掌至心求。此頌爲撥無因果者錄南嶽懷讓禪師禮祖。祖曰。何處來。曰。嵩山。祖曰。什麼物。恁麼來。曰。說似一物。卽不中。祖曰。還可修證否。曰。修證卽不無。污染卽不得。祖曰。只此不污染。諸佛



之所護念。汝既如是。吾亦如是。西方般若多羅識汝足下  
出一馬駒。踏殺天下人。應一作病在汝心。不須速說。傳燈祖問什麼  
物怎麼來。讓無語。遂經入載。忽然有省。乃白祖。  
某甲有箇會處。祖曰。作麼全。讓云云。與此同。青原行  
思禪師參祖。問曰。當何所務。即不落階級。祖曰。汝曾作什  
麼來。曰。聖諦亦不爲。祖曰。落何階級。曰。聖諦尙不爲。何階  
級之有。祖深器之。令首眾。永嘉玄覺禪師少習經論。精  
天台止觀法門。閱維摩經。發明心地。後遇左谿朗禪師。激  
勵與東陽策禪師同詣曹溪。初到。振錫繞祖三匝。卓然而  
立。祖曰。夫沙門者。具三千威儀。入萬細行。大德自何方來。



生大我慢。曰。生死事大。無常迅速。祖曰。何不體取無生了。  
無速乎。曰。體卽無生了。本無速。祖曰。如是如是。于時大眾。  
無不愕然。覺方具威儀。參禮。須臾告辭。祖曰。返太速乎。曰。  
本自非動。豈有速耶。祖曰。誰知非動。曰。仁者自生分別。祖  
曰。汝甚得無生之意。曰。無生豈有意耶。祖曰。無意誰當分  
別。曰。分別亦非意。祖歎曰。善哉。少畱一宿。時謂一宿覺。  
僧法海。參問曰。卽心卽佛。願垂指諭。祖曰。前念不生。卽心。  
後念不滅。卽佛。成一切相。卽心。離一切相。卽佛。吾若具說。  
窮劫不盡。聽吾偈曰。卽心名慧。卽佛乃定。定慧等等。  
燈下等字

作意中清淨。悟此法門。由汝習性。用本無生。雙修是正。法  
海言下大悟。以偈讚曰。卽心元是佛。不悟而自屈。我知定  
慧因。雙修離諸物。僧智通看楞伽經約千餘徧。不會三  
身四智禮。祖求解其義。祖曰。三身者。清淨法身。汝之性也。  
圓滿報身。汝之智也。千百億化身。汝之行也。若離本性別  
說。三身卽名有身。無智若悟。三身無有自性。卽名四智。菩  
提。聽吾偈曰。自性具三身。發明成四智。不離見聞緣。超然  
登佛地。吾今爲汝說。諦信永無迷。莫學馳求者。終日說菩  
提。通曰。四智之義。可得聞乎。祖曰。旣會三身。便明四智。何

更問耶。若離三身別譚四智。此名有智無身也。卽此有智。還成無智。復說偈曰。大圓鏡智性清淨。平等性智心無病。妙觀察智見非功。成所作智同圓鏡。五入六七果因轉。但用名言無實性。若於轉處不留情。繁興永處那伽定。轉識爲智者。教中云。轉前五識爲成所作智。轉第六識爲妙觀察智。轉第七識爲平等性智。轉第八識爲大圓鏡智。雖六七因中轉。五入果上轉。但轉其名而不轉其體也。通禮謝。以偈贊曰。三身元我體。四智本心明。身智融無礙。應物任隨形。起修皆妄動。守住匪真精。妙旨因師曉。終無污染名。僧志道覽涅槃經。至諸行無常。是生滅法。生滅滅已。寂滅爲樂。而生疑禮祖求發。

明。祖曰。汝作麼生疑。對曰。一切眾生皆有二身。謂色身。法身也。色身無常。有生有滅。法身有常。無知無覺。經云。生滅滅已。寂滅爲樂者。未審是何身寂滅。何身受樂。若色身者。色身滅時。四大分散。全是苦苦。不可言樂。若法身寂滅。卽同草木瓦石。誰當受樂。又法性是生滅之體。五蘊是生滅之用。一體五用。生滅是常。生則從體起用。滅則攝用歸體。若聽更生。卽有情之類。不斷不滅。若不聽更生。卽永歸寂滅。同於無情之物。如是則一切諸法。被涅槃之所禁伏。尙不得生。何樂之有。祖曰。汝是釋子。何習外道斷常邪見。而



議最上乘法。據汝所解。卽色身外。別有法身。離生滅。求於寂滅。又推涅槃常樂。言有身受者。斯乃執吝生死。耽著世樂。汝今當知。佛爲一切迷人。認五蘊和合。爲自體相。分別一切法。爲外塵相。好生惡死。念念遷流。不知夢幻虛假。枉受輪迴。以常樂涅槃。翻爲苦相。終日馳求。佛愍此故。乃示涅槃真樂。刹那無有生相。刹那無有滅相。更無生滅可滅。是則寂滅現前。當現前之時。亦無現前之量。乃謂常樂。此樂無有受者。亦無不受者。豈有一體五用之名。何況更言涅槃。禁伏諸法。令永不生。斯乃謗佛毀法。聽吾偈曰。無上



大涅槃。圓明常寂照。凡愚謂之死。外道執爲斷。諸求二乘人。目以爲無作。盡屬情所計。六十二見本。妄立虛假名。何爲真實義。唯有過量人。通達無取捨。以知五蘊法。及以蘊中我。外現眾色象。一一音聲相。平等如夢幻。不起凡聖見。不作涅槃解。二邊三際斷。常應諸根用。而不起用想。分別一切法。不起分別想。却火燒海底。風鼓山相擊。眞常寂滅樂。涅槃相如是。吾今強言說。令汝捨邪見。汝勿隨言解。許汝知少分。道聞已。踊躍作禮而退。僧志徹。初名行昌。姓張。少任俠。自南北分化。二宗主雖忘彼我。而徒侶競起愛。

憎。北宗既自立秀師爲六祖。忌祖傳衣。天下所聞。囑行昌。刺祖。祖心通。預知其事。置金十兩於座間。昌懷刃入室。祖舒頸就之。昌揮刃者三。都無所損。祖曰。正劍不邪。邪劍不正。只負汝金。不負汝命。昌驚仆。久而方蘇。求哀悔過。願出家。祖以金授曰。汝且去。恐眾或害汝。他日易形而來。吾當攝受。昌稟旨宵遁。遂出家精進。一日念祖前命。過祖禮覲。祖曰。吾久念汝。汝何來晚。曰。蒙和尚赦罪。今雖出家苦行。難報深恩。其唯傳法度生乎。弟子常覽涅槃經。未曉常無常義。乞和尚慈悲。略爲宣說。祖曰。無常者。卽佛性也有常。

者卽善惡一切諸法分別心也。曰和尚所說大違經文。祖曰吾傳佛心印。安敢違於佛經。曰經說佛性是常。和尚卻言無常。善惡諸法乃至菩提心皆是無常。和尚卻言是常。此則相違。令學人轉加迷惑。祖曰涅槃經吾昔聽尼無盡藏讀誦一遍。便爲講說。無一字一義不合經文。乃至爲汝終無二說。曰學人識量淺昧。願和尚委曲開示。祖曰汝知否。佛性若常。更說甚麼善惡諸法。乃至窮劫無有一人發菩提心者。故吾說無常。正是佛說眞常之道也。又一切諸法若無常者。卽物物皆有自性。容受生死。而眞常性有不

徧之處。故吾說常者。正是佛說真無常義也。佛比爲凡夫  
外道執於邪常。諸二乘人於常計無常。共成八倒。故於涅  
槃了義教中。破彼偏見。而顯說真常真樂真我眞淨。汝今  
依言背義。以斷滅無常。及確定死常。而錯解佛之圓妙最  
後微言。縱覽千徧。有何所益。行昌忽如醉醒。乃說偈曰。因  
守無常心。佛演有常性。不知方便者。猶春池拾礫。我今不  
施功。佛性而見前。非師相授與。我亦無所得。祖曰。汝今徹  
也。宜名志徹。僧志常參祖。祖問汝從何來。欲求何事。曰。  
學人近禮大通和尚。蒙示見性成佛之義。未決狐疑。望賜

開示。祖曰。彼有何言。句汝試舉看。曰。到彼三月。未蒙開示。以爲法切故。中夜哀懇。大通乃曰。汝見虛空否。對曰。見。通曰。汝見虛空有相貌否。對曰。虛空無形。有何相貌。通曰。汝之本性。猶如虛空。返觀自性。了無一物可見。是名正見。無一物可知。是名真知。無有青黃長短。但見本源清淨。覺體圓明。卽名見性成佛。亦名極樂世界。亦名如來知見。學人雖聞此說。猶未決了。乞和尚示誨。令無凝滯。祖曰。彼師所說。猶存見知。故令汝未了。吾今示汝一偈。曰。不見一法存無見。大似浮雲遮日面。不知一法守空知。還如太虛生閃。



電。此之知見。瞥然興錯。認何曾解方便。汝當一念自知非。自己靈光常顯現。常聞偈曰。心意豁然。乃述偈曰。無端起。知見著相求菩提。情存一念悟。甯越昔時迷。自性覺源體。隨照枉遷流。不入祖師室。茫然趣兩頭。禪者智隍初參五祖。自謂已得正受。庵居長坐。積二十年。祖弟子元策遊方至河朔。聞隍之名。造庵問云。汝在此作什麼。隍曰。入定。策曰。汝云入定。爲有心入耶。無心入耶。若無心入者。一切無情草木瓦石。應合得定。若有心入者。一切有情含識之流。亦應得定。隍曰。我正入定時。不見有有無之心。策曰。不

見有有無之心。卽是常定。何出何入。若有出入。卽非大定。  
隍無對。良久問曰。師嗣誰耶。策曰。我師曹溪六祖。隍云。六  
祖以何爲禪定。策曰。我師所說妙湛圓寂。體用如如。五陰  
本空。六塵非有。不出不入。不定不亂。禪性無住。離住禪寂。  
禪性無生。離思禪想。心如虛空。亦無虛空之量。隍聞是說。  
徑來謁祖。祖問曰。仁者何來。隍具述前緣。祖曰。誠如所言。  
汝但心如虛空。不著空見。應用無礙。動靜無心。凡聖情亡。  
能所俱泯。性相如如。無不定時也。燈錄及正法眼藏皆無  
云。祖愍其遠來。便垂開決。隍於是大悟。二十年所得心。都無影響。其夜

河北士庶聞空中有聲云。隍禪師今日得道也。有一童子名神會。年十三。自玉泉來參禮。祖曰。知識遠來艱辛。還將得本來否。若有本。則合識主。試說看。會曰。以無住爲本。見卽是主。祖曰。這沙彌爭合取次語。會曰。和尚坐禪。還見不見。祖以拄杖打三下云。吾打汝痛不痛。對曰。亦痛亦不見。祖曰。吾亦見亦不見。神會問如何。是亦見亦不見。祖云。吾之所見。常見自家過德。不見他人是非好惡。是以亦見亦不見。汝言亦痛亦不痛。如何。汝若不痛。同其木石。若痛。則同凡夫。卽起恚恨。汝向前見不見。是二邊。痛不痛。是生

滅汝自性且不見。敢爾弄人。神會禮拜悔謝。一日祖告眾曰。我有一物。無頭無尾。無名無字。無背無面。諸人還識否。神會出曰。是諸佛之本源。神會之佛性。祖曰。向汝道無名無字。汝便喚作本源佛性。汝向去有把茆蓋頭也。只成個知解宗徒。唐中宗神龍元年。詔遣使薛簡迎祖。祖以疾辭。簡問曰。京城禪德皆云。欲得會道。必須坐禪習定。若不因禪定而得解脫者。未之有也。未審師所說法如何。師曰。道由心悟。豈在坐也。經云。若言如來若坐若臥。是行邪道。何故。無所從來。亦無所去。無生無滅。是如來清淨禪。諸法。



空寂。是如來清淨座。究竟無證。豈況坐耶。簡曰。弟子回京。王上必問。願師慈悲。指示心要。傳奏兩宮。及京城學道者。譬如一燈燃百千燈。冥者皆明。明明無盡。師曰。道無明暗。明暗是代謝之義。明明無盡。亦是有盡相待立名故。淨名經云。法無有比。無相待故。簡曰。明喻智慧。暗喻煩惱。修道之人。若不以智慧照破煩惱。無始生死。憑何出離。祖曰。煩惱卽是菩提。無二無別。若以智慧照破煩惱者。此是二乘見解。羊鹿等機。上智大根。悉不如是。簡曰。如何是大乘見解。祖曰。明與無明。凡夫見二。智者了達。其性無二。無二之



性卽是實性。實性者。處凡愚而不滅。在聖賢而不增。在煩惱而不亂。居禪定而不寂。不斷不常。不來不去。不在中間。及其內外。不生不滅。性相如如。常住不遷。名之曰道。簡曰。師說不生不滅。何異外道。祖曰。外道所說不生不滅者。將滅止生。以生顯滅。滅猶不滅。生說不生。我說不生不滅者。本自無生。今亦不滅。所以不同外道。汝若欲知心要。但一切善惡都莫思量。自然得入清淨心體。湛然常寂。妙用恒沙。簡蒙指教。豁然大悟。禮辭歸闕。表奏師語。詔加褒美。僧問黃梅意旨甚麼人得。祖曰。會佛法人得。曰。和尚還得。

否。祖曰。我不會佛法。

徑山杲頌云。蕉芭蕉芭。有葉無了。忽

裏三十六院東廊下北角頭王和尚。破袈裟。畢竟如何。歸堂喫茶。

蜀僧方辨來謁曰。善

塑祖正色曰。試塑看。方辨不領旨。乃塑祖真。可高七尺。曲

盡其妙。祖觀之曰。汝善塑性。不善佛性。酬以衣物。辨禮謝

而去。有僧舉臥輪禪師偈曰。臥輪有伎倆。能斷百思想。

對境心不起。菩提日日長。祖聞之曰。此偈未明心地。若依

而行之。是加繫縛。因示一偈曰。慧能沒伎倆。不斷百思想。

對境心數起。菩提作麼長。延和壬子七月。

是年初號太極。五月改延

和。八月命門人於新州國恩寺建報恩塔。仍令促工。先天

二年夏末落成。七月一日集徒眾曰。吾至八月欲離世間。汝等有疑。早須相問。爲汝破疑。令汝迷盡。吾若去後。無人教汝。法海等聞。悉皆涕泣。惟有神會神情不動。祖曰。神會小師。卻得善不善等。毀譽不動。哀樂不生。餘者不得數年山中。竟修何道。汝今悲泣。爲憂阿誰。若憂吾不知去處。吾自知去處。吾若不知去處。終不預報於汝。汝等悲泣。蓋爲不知吾去處。若知吾去處。卽不合悲泣。法性本無生滅。去來。汝等盡坐。吾與汝說一偈。名曰真假動靜偈。汝等誦取。此偈與吾意同。依此修行。不失宗旨。眾僧作禮請祖說偈。

偈曰。一切無有真。不以見於真。若見於真者。是見盡非真。若能自有真。離假卽心真。自心不離假。無真何處真。有情卽解動。無情卽不動。若修不動行。同無情不動。若覓真不動。動動上有不動。不動是不動。無情無佛種。善能分別相。第一義不動。但作如此見。卽是真如用。報諸學道人。努力須用意。莫於大乘門。卻執生死智。若言下相應。卽共論佛義。若實不相應。合掌令歡喜。此宗本無諍。諍卽失道意。執逆諍法門。自性入生死。眾聞偈已。普皆作禮。法海再拜問曰。和尚入滅衣法。當付何人。祖曰。吾忝受忍大師衣法。今爲

汝等說法不付其衣。蓋汝等信根純熟。決定不疑。堪任大  
事。據達磨舊記。衣亦不合傳矣。復曰。諸善知識。汝等各各  
淨心。聽吾說法。汝等諸人。自心是佛。更莫狐疑。外無一物  
而能建立。皆是本心生萬種法。故經云。心生種種法生。心  
滅種種法滅。若欲成就種智。須達一相三昧。一行三昧。若  
於一切處。而不住相。於彼相中。不生憎愛。亦無取舍。不念  
利益成壞等事。安閒恬靜。虛融澹泊。此名一相三昧。若於  
一切處。行住坐臥。純一直心。不動道場。眞成淨土。此名一  
行三昧。若人具二三昧。如地有種。含藏長養。成就其實。一



相一行亦復如是。我今說法。猶如時雨。溥潤大地。汝等佛性。譬之種子。遇茲霑洽。悉得發生。承吾旨者。決獲菩提。依吾行者。定證妙果。聽吾偈曰。心地含諸種。普雨悉皆萌。頓悟花情已。菩提果自成。說偈已。復曰。其法無二。其心亦然。其道清淨。亦無諸相。汝等慎勿觀靜。及空其心。此心本淨。無可取捨。各自努力。隨緣好去。七月八日。謂門人曰。吾欲歸新州。汝等速理舟楫。大眾哀留甚堅。祖曰。諸佛出現。猶示涅槃。有來必去。理亦常然。吾此形骸。歸必有所。眾曰。師從此去。早晚可回。祖曰。葉落歸根。來時無口。法雲秀云。非但來時。

無口。去時。又問曰。正法眼藏。傳付何人。祖曰。有道者得。無亦無鼻孔。心者通。又問。後莫有難否。祖曰。吾滅後五六年。當有一人來取吾首。聽吾記曰。頭上養親。口裏須餐。遇滿之難。楊柳爲官。又曰。吾去七十年。有二菩薩從東方。一在家。一出家。同時興化。建立吾宗。締緝伽藍。昌隆法嗣。又問。佛祖傳授次第。祖爲詳述。摩訶迦葉而下。至祖次第。八月三日。復示眾曰。吾滅度後。莫作世情。悲泣雨淚。受人弔問。身著孝服。非吾弟子。亦非正法。但識自本心。見自本性。無動無靜。無生無滅。無去無來。無是無非。無住無往。恐汝等心迷不

會吾意。今再囑汝。令汝見性。吾滅度後。依此修行。如吾在日。若違吾教。縱吾在世。亦無有益。復說偈曰。兀兀不修善。騰騰不造惡。寂寂斷見聞。蕩蕩心無著。說偈已。端坐至三更。謂門人曰。吾行矣。奄然遷化。於時異香滿室。白虹屬地。林木變白。禽獸哀鳴。十一月。廣韶新三郡官僚暨門人僧俗。爭迎真身。莫決所之。乃焚香禱曰。香烟指處。師所歸焉。時香烟直貫曹溪。十一月十三日。遷神龕并衣鉢歸曹溪。次年七月入塔。門人憶念取首之記。以鐵漆固頸入塔。時白光自塔起。上亘天。三日始散。祖春秋七十有六。蓋年二

十四而傳衣。三十九祝髮。說法利生。三十七載。開元十年八月有張滿者。受新羅僧頭。僞服衰經。爲孝子。夜入塔盜。祖首欲持歸。供養。守塔者聞。塔中有聲。起視。滿驚逸。而祖頸微有傷處。刺史柳無忝。縣令楊侃。共督捕。得滿。祖弟子令韜。謂彼意在供養。且佛教慈悲。寬親平等。桺守嘉歎。釋滿不治。

# 指月錄卷之四終

自月錄

卷之四終

三





指月錄卷之五

六祖下第一世

南嶽懷讓禪師。金州杜氏子。唐儀鳳二年四月八日降生。有白氣上屬天。太史奏之高宗。宗問是何祥乎。對曰。國之法器。不染世榮。宗傳勅金州太守韓偕。親往存慰。年十歲。惟樂佛書。有玄靜三藏。告師父母曰。此子若出家。必獲上乘。廣度眾生。至垂拱三年。年十五。依荊州玉泉寺宏景律師出家。通天二年受戒。習毘尼藏。一日歎曰。夫出家者。當爲無爲法。天上人間。無有勝者。遇同學坦然。相與謁嵩山安

公安令詣曹溪。其見六祖悟緣。具六祖章中。師旣得法。侍祖復十五年。先天二年。往衡嶽。居般若寺。開元中有沙門道一。在衡嶽。常習坐禪。師知是法器。往問曰。大德坐禪圖甚麼。一曰。圖作佛。師乃取一磚於彼庵前石上磨。一曰。磨作甚麼。師曰。磨作鏡。一曰。磨磚豈得成鏡耶。師曰。磨磚旣不成鏡。坐禪豈得作佛。一曰。如何。卽是。師曰。如牛駕車。車若不行。打車卽是。打牛卽是一無對。師又曰。汝學坐禪。爲學坐佛。若學坐禪。禪非坐臥。若學坐佛。佛非定相。於無住法。不應取捨。汝若坐佛。卽是殺佛。若執坐相。非達其理。

一聞示誨。如飲醍醐。禮拜問曰。如何用心。卽合無相三昧。  
師曰。汝學心地法門。如下種子。我說法要。譬彼天澤。汝緣  
合故。當見其道。又問道非色相。云何能見。師曰。心地法眼。  
能見乎。道無相。三昧亦復然矣。一曰。有成壞否。師曰。若以  
成壞聚散而見道者。非見道也。聽吾偈曰。心地含諸種。遇  
澤悉皆萌。三昧華無相。何壞復何成。一蒙開悟。心意超然。  
侍奉九秋。日益玄奧。入室弟子。總有六人。師各印可。曰。  
汝等六人。同證吾身。各契其一。一人得吾眉。善威儀。常一  
人得吾眼。善顧盼。智一人得吾耳。善聽理。坦一人得吾鼻。

善知氣

照

一人得吾舌。善譚說。

嚴峻

一人得吾心。善古今。

一道

又曰。一切法皆從心生。心無所生。法無能住。若達心地。所

作無礙。非遇上根。宜慎辭哉。有大德問如鏡鑄像。像成

後。未審光向甚麼處去。師曰。如大德爲童子時。相貌何在。

法眼別云。阿那個

是大德鑄成底像。曰。祇如像成後。爲甚麼不鑑照。師曰。雖

然不鑑照。謾他一點不得。馬大師闡化於江西。師問眾

曰。道一爲眾說法否。眾曰。已爲眾說法。師曰。總未見人持

個消息來。眾無對。因遣一僧去。囑曰。待伊上堂時。但問作

麼生。伊道底言語記將來。僧去。一如師旨。回謂師曰。馬師

云自從胡亂後三十年不曾少鹽醬師然之。徑山杲云雲門卽不然夜  
夢不祥書  
壁大吉  
天寶三年八月十一日圓寂塔於衡嶽諡大  
慧。

吉州青原山靜居寺行思禪師。幼歲出家。叅曹溪得法。語具  
六祖章。歸住青原。六祖將示滅。沙彌希遷問曰。和尚百  
年後。希遷當依附何人。祖曰。尋思去。及祖順世。遷每於靜  
處端坐。寂若忘生。第一座問曰。汝師已逝。空坐奚爲。遷曰。  
我稟遺誡。故尋思耳。座曰。汝有師兄思和尚。今住吉州。汝  
因緣在彼。師言甚直。汝自迷爾。遷聞語。便禮辭祖。龕直詣



靜居參禮。師曰。子何方來。遷曰。曹溪。師曰。將得甚麼來。曰。未到曹溪。亦不失。師曰。若恁麼用去。曹溪作甚麼。曰。若不到曹溪。爭知不失。遷又曰。曹溪大師。還識和尚否。師曰。汝今識吾否。曰。識。又爭能識得。師曰。衆肉雖多。一麟足矣。遷又問和尚。自離曹溪。甚麼時至此間。師曰。我卻知汝早晚離曹溪。曰。希遷不從曹溪來。師曰。我亦知汝去處也。曰。和尚。幸是大人。莫造次。他日師復問遷。汝甚麼處來。曰。曹溪。師乃舉拂子曰。曹溪還有這個麼。曰。非但曹溪。西天亦無。師曰。子莫曾到西天否。曰。若到。卽有也。師曰。未在。更道。曰。

和尙也須道取一半。莫全靠學人。師曰。不辭向汝道。恐已後無人承當。師令遷持書與南嶽讓和尙曰。汝達書了。速回。吾有個鋤斧子。與汝住山。遷至彼。未呈書。便問不慕諸聖。不重已靈。時如何。嶽曰。子問太高。生何不向下問。遷曰。甯可永劫受沉淪。不從諸聖求解脫。嶽便休。名沙曰。大南嶽推倒直至。如今起不得。遷便回。師問子返何速。書信達否。遷曰。書亦不通。信亦不達。去日蒙和尙許個鋤斧子。祇今便請師垂一足。遷便禮拜。尋辭往南嶽。荷澤神會叅師。問甚處來。曰。曹溪師曰。曹溪意旨如何。會振身而立。師曰。猶帶瓦。

礫在。日和尙此間莫有真金與人麼。師曰。設有汝向甚麼處著。玄沙云。果然雲居錫云。祇如玄沙道。果然是真金。是瓦礫。僧問。如何是佛法大意。師曰。廬陵米作麼價。開元二十八年十一月十三日。陸座告眾。跏趺而逝。

### 六祖下第二世

江西道一禪師。漢州什邡縣人。姓馬氏。故俗稱馬祖。或又云馬大師。容貌奇異。牛行虎視。引舌過鼻。足下有二輪文。幼歲於本邑羅漢寺出家。受具於渝州圓律師。開元中。習定於衡嶽。遇讓和尙。發明大事。同叅六人。惟師密授心印。始

居建陽佛迹嶺。遷於臨川。次至南康龔公山。宋高僧傳先

是此峰岫問

魍魅所居人莫敢近。犯者災釁立生。及師至。當宴息時。有神紫衣玄冠致禮。言捨此地爲清淨梵場。語終不見。自爾猛鷲毒螫。大曆中。連帥路嗣恭請師開法。四方學者雲集。變心馴擾。座下。僧問和尚爲甚麼說。卽心卽佛。曰。爲止小兒啼。曰。啼止時如何。師曰。非心非佛。曰。除此二種人來。如何指示。師曰。向伊道不是物。曰。忽遇其中人來時如何。曰。且教伊體會大道。僧問。離四句。絕百非。請師直指西來意。師曰。我今日勞倦。不能爲汝說。問取智藏去。僧問西堂堂云。何不問和尚。僧云。和尚教來問。堂云。我今日頭痛。不能爲汝



說問取海兄去。僧又問百丈。丈云：我到這裏卻不會。僧卻回舉似師。師曰：藏頭白，海頭黑。園悟勤云：若以解路卜度，將古人醍醐上味，著毒藥在裏許，所以不答。總是拍盲地，吸盡西江水，即向汝道。與此公案一般。若會得藏頭白，海頭黑，便會西江水話。這僧將一擔懵懂，換得個不安樂。更勞他三大尊宿，入泥入水，畢竟這僧不瞥地。雖然恁麼，這三個宗師，卻被擔板漢勘破。如今只管向語言上作活計。云：白是明頭，合黑是暗頭，合只管鑽研計較，殊不知古人一句截斷意，根須是向正脉裏自看。始得穩當，所以道：末後一句，始到牢關。把斷要津，不通凡聖。若論此事，如當門按一口劍，相似擬議，則喪身失命。又道：譬如擲劍揮空，莫論及之不及。但向八面玲瓏處會取，不見古人道：這漆桶或云：野狐精，或云：瞎漢，且道與一棒一喝，是同是別？若知千差萬別，只是一般。自然八面受敵，要會藏頭白，海頭黑麼？五祖先師道：封后先生。

問：如何是西



來意。師曰。只今是甚麼意。龐居士問。不昧本來人。請師

高著眼。師直下覷。士曰。一種沒絃琴。唯師彈得妙。師直上

覷。士禮拜。師歸方丈。士隨後曰。適來弄巧成拙。雲峰悅云。

家弄巧成拙。主家弄巧成拙。若揀得出。三十棒。一棒也較

不得。若揀不出。明年更有長條在。惱亂春風。卒未休。妙

喜曰。馬祖覷上。覷下。則不無爭奈。味卻本來人。居士雖然

禮拜。渾圖吞個棗。馬師歸方丈。士隨後入云。適來弄巧成

拙。救得一半。一夕西堂百丈南泉。隨侍翫月。次師問。正恁麼

時。如何。堂曰。正好供養。丈曰。正好修行。泉拂袖便行。師曰。

經八藏。禪歸海。惟有普願獨超物外。泐潭清云。是則全是

道。只爲老婆心切。神鼎恁麼道。大似金沙混雜。玉石不分

只如馬大師道。經八藏。禪歸海。惟有普願獨超物外。甚麼

處是老婆心切處還辨得麼。  
不省這個意。修行徒苦辛。

僧叅次師。乃畫一圓相云。

入也打。不入也打。僧纔入。師便打。僧云。和尚打某甲不得。

師靠拄杖休去。

雪竇顯云。二俱不了。和尚打某甲不得。靠卻拄杖。擬議不來。劈脊便棒。

問

如何是西來意。師便打。曰。我若不打汝。諸方笑我也。問

如何得合道。師曰。我早不合道。百丈問。如何是佛法旨

趣。師曰。正是汝放身命處。有小師耽源行腳回於師前。

畫個圓相。就上拜了。立。師曰。汝莫欲作佛否。曰。某甲不解

捏目。師曰。吾不如汝。小師不對。鄧隱峰辭師。師曰。甚麼

處去。曰。石頭去。師曰。石頭路滑。曰。竿木隨身。逢場作戲。便

去。纔到石頭。卽繞禪牀一匝。振錫一聲。問是何宗旨。石頭曰。蒼天蒼天。峰無語。卻回舉似師。師曰。汝更去問。待他有答。汝便噓兩聲。峰又去。依前問石頭。乃噓兩聲。峰又無語。回舉似師。師曰。向汝道石頭路滑。有僧於師前作四畫。上一畫長。下三畫短。曰。不得道。一畫長三畫短。離此四字外。請和尚答。師乃畫地一畫。曰。不得道。長短答汝了也。忠國師聞別云。何不問老僧。有講僧來問曰。未審禪宗傳持何法。師卻問曰。未審座主傳持何法。主曰。忝講得經論二十餘本。師曰。莫是師子兒否。主曰。不敢。師作噓噓聲。主曰。此是法師。

曰。是甚麼法。主曰。師子出窟法。師乃默然。主曰。此亦是法。  
師曰。是甚麼法。主曰。師子在窟法。師曰。出不入。是甚麼  
法。主無對。百丈代云。見麼。遂辭出門。師召曰。座主。主回首。師曰。是  
甚麼。主亦無對。師曰。這鈍根阿師。洪州廉使問曰。喫酒  
肉。卽是不喫。卽是。師曰。若喫。是中丞祿。不喫。是中丞福。  
師問僧。什麼處來。云。湖南來。師曰。東湖水滿也。未。云。未滿。  
云。許多時。雨水尙未滿。道吾云。滿也。雲巖云。湛湛地。洞山云。什麼劫中。曾欠少。  
一日。謂眾曰。汝等諸人。各信自心。是佛。此心。卽是佛心。達  
麼大師。從南天竺國來。至中華。傳上乘一心之法。令汝等

開悟。又引楞伽經文。以印眾生心地。恐汝顛倒。不自信。此一心之法。各各有之。故楞伽經以佛語心爲宗。無門爲法門。夫求法者。應無所求。心外無別佛。佛外無別心。不取善。不捨惡。淨穢兩邊。俱不依怙。達罪性空。念念不可得。無自性。故三界惟心。森羅萬象。一法之所印。凡所見色。皆是見心。心不自心。因色故有。汝但隨時言說。卽事卽理。都無所礙。菩提道果。亦復如是。於心所生。卽名爲色。知色空故。生卽不生。若了此意。乃可隨時著衣喫飯。長養聖胎。任運過時。更有何事。汝受吾教。聽吾偈曰。心地隨時說。菩提亦



祇甯事理俱無礙。當生卽不生。僧問如何修道。師云。道不屬修。若言修得。修成還壞。卽同聲聞。若言不修。卽同凡夫。曰云何卽得達道。師云。自性本來具足。但於善惡事上不滯。喚作修道人。取善捨惡。觀空入定。卽屬造作。更若向外馳求。轉疎轉遠。但盡三界心量。一念妄想。卽是三界生死根本。但無一念。卽除生死根本。卽得法王無上珍寶。無量劫來。凡夫妄想。諂曲邪僞。我慢貢高。合爲一體。故經云。但以眾法合成此身。起時惟法起。滅時惟法滅。此法起時。不言我起。滅時。不言我滅。前念後念。中念念念。念不相待。念

念寂滅。喚作海印三昧。攝一切法。如百千異流。同歸大海。都名海水。住於一味。卽攝眾味。住於大海。卽混諸流。如人在大海中浴。卽用一切水。所以聲聞悟迷。凡夫悟迷。聲聞不知聖心。本無地位。因果階級。心量妄想。修因證果。住其空定。八萬劫。二萬劫。雖卽已悟。卻迷。諸菩薩觀如地獄苦。沉空滯寂。不見佛性。若是上根眾生。忽遇善知識指示。言下領會。更不歷於階級地位。頓悟本性。故經云。凡夫有反覆心。而聲聞無也。對迷說悟。本旣無迷。悟亦不立。一切眾生。從無量劫來。不出法性三昧。常在法性三昧中。著衣喫

飯言談祇對六根運用。一切施爲盡是法性。不解返源。隨名逐相。迷情妄起。造種種業。若能一念返照。全體聖心。汝等諸人各達自心。莫記吾語。縱饒說得河沙道理。其心亦不增。總說不得。其心亦不減。說得亦是汝心。說不得亦是汝心。乃至分身放光。現十八變。不如還我死灰來。淋過死灰無力。喻聲聞妄修。因證果未淋過。死灰有力。喻菩薩道業純熟。諸惡不染。若說如來權教三藏。河沙却說不可盡。猶如鈎鎖。亦不斷絕。若悟聖心。總無餘事。久立珍重。一日示眾云。道不用修。但莫污染。何爲污染。但有生死心。造

作趣向。皆是污染。若欲直會其道。平常心是道。何謂平常心。無造作。無是非。無取捨。無斷常。無凡聖。故經云。非凡夫行。非聖賢行。是菩薩行。只如今行住坐臥。應機接物。盡是道道。卽是法界。乃至河沙妙用。不出法界。若不然者。云何言心地法門。云何言無盡燈。一切法皆是心法。一切名皆是心名。萬法皆從心生。心爲萬法之根本。故經云。識心達本源。故號爲沙門。名等義等。一切諸法皆等。純一無雜。若於教門中。得隨時自在。建立法界。盡是法界。若立眞如。盡是眞如。若立理。一切法盡是理。若立事。一切法盡是事。舉

一千從事理無差。盡是妙用。更無別理。皆由心之迴轉。譬如月影有若干。眞月無若干。諸源水有若干。水性無若干。森羅萬象有若干。虛空無若干。說道理有若干。無礙慧無若干。種種成立。皆由一心也。建立亦得。掃蕩亦得。盡是妙用。妙用盡是自家。非離眞而有立處。立處卽眞。盡是自家體。若不然者。更是何人。一切法皆是佛法。諸法卽是解脫。解脫者。卽是眞如。諸法不出於眞如。行住坐臥。悉是不思議用。不待時節。經云。在在處處。則爲有佛。佛是能仁。有智慧。善機情。能破一切眾生疑網。出離有無等縛。凡聖情盡。



人法俱空。轉無等輪。超於數量。所作無礙。事理雙通。如天起雲。忽有還無。不留蹤跡。猶如畫水。成交不生。不滅。是大寂滅。在纏名如來藏。出纏號淨法身。體無增減。能大能小。能方能圓。應物現形。如水中月。滔滔運用。不立根苗。不盡有爲。不住無爲。有爲是無爲之用。無爲是有爲之依。不住於依。故云如空無所依。心生滅義。心真如義。心真如者。喻如明鏡照像。鏡喻於心。像喻於法。若心取法。卽涉外因。卽是生滅義。不取於法。卽是真如義。聲聞耳聞佛性。菩薩眼見佛性了達無二。名平等性。性無有異。用則不同。在迷爲

識在悟爲智。順理爲悟。順事爲迷。迷則迷自本心。悟則悟自本性。一悟永悟。不復更迷。如日出時。不合於暗。智慧日出。不與煩惱暗俱。了心境界。妄想卽除。妄想旣除。卽是無生。法性本有。有不假修。禪不屬坐。坐卽有著。若見此理。真正合道。隨緣度日。坐起相隨。戒行增薰。積於淨業。但能如是。何慮不通。久立珍重。師於貞元四年正月中。登建昌

石門山。於林中經行。見洞壑平坦。謂侍者曰。吾之朽質。當於來月歸茲地矣。及歸。遂示疾。院主問和尚近日尊候如何。師曰。日面佛。月面佛。

雪竇顯頌云。日面佛。月面佛。五帝三皇是何物。二十年來曾苦爲。

君幾下蒼龍窟。屈堪  
述明眼衲僧莫輕忽。

二月一日沐浴。跏趺入滅。世壽八十。僧臘六十。元和中。追謚大寂禪師。

南嶽石頭希遷禪師。端州高要陳氏子。母懷。師則不能茹

葷。幼而徇齊。旣冠。然諾自許。鄉民多殺牛祀鬼神。師數毀祠奪牛歸。歲恒數十。後造曹溪得度。見青原得法。一日。原問師曰。有人道嶺南有消息。師曰。有人不道嶺南有消息。曰。若恁麼。大藏小藏。從何而來。師曰。盡從這裏去。原然之。門人道悟。問曹溪意旨。誰人得。師曰。會佛法人得。曰。師還得否。師曰。不得。曰。爲甚麼不得。曰。我不會佛法。僧

問如何是解脫。師曰。誰縛汝。問如何是淨土。師曰。誰垢汝。問如何是涅槃。曰。誰將生死與汝。師問新到從甚麼處來。曰。江西來。師曰。見馬大師否。曰。見。師乃指一橛柴曰。馬師何似這個。僧無對。卻同舉似馬祖。祖曰。汝見橛柴大小。曰。沒量大。祖曰。汝甚有力。曰。何也。祖曰。汝從南嶽負一橛柴來。豈不是有力。問如何是西來意。師曰。問取露柱。曰。學人不會。師曰。我更不會。大顛問道。有道無俱。是謗。請師除。師曰。一物亦無。除個甚麼。師卻問。併卻咽喉唇吻。道將來。顛曰。無這個。師曰。若恁麼。汝卽得入門。道悟問。如

何是佛法大意。師曰。不得不知。曰。向上更有轉處也。無師  
曰。長空不礙白雲飛。問如何是禪。師曰。碌甌。問如何  
是道。師曰。木頭。師因看肇論。至會萬物爲己者。其唯聖  
人乎。乃拊几曰。聖人無己。靡所不己。法身無象。誰云自他。  
圓鑑靈照於其間。萬象體立而自現。境智非一。孰云去來。  
至哉斯語也。遂掩卷。不覺寢。夢與六祖同乘一龜。游泳深  
池之內。覺而念曰。靈龜者。智也。深池者。性海也。吾與祖師  
同乘靈智。游性海矣。遂著叅同契曰。竺土大仙心。雪竇著  
語云。誰是能東西密相付。惜取人根有利鈍。作麼道無南北祖。且  
舉



欸靈源明皎潔。呵掌枝派暗流注。亦未執事原是迷。展開

契理亦非悟。拈卻門門一切境。捨短回互不回互。以頭回

而更相涉。這個是不爾依位住。莫錯認色本殊質象。豈辨

聲元異樂苦。還同暗合上中言。負人明明清濁句。口宜四

大性自復。隨所依。如子得其母。可知火熱風動搖。春冰水濕

地堅固。從旦至暮。眼色耳音聲。海宴鼻香舌舐酢。可據然依一

一法。重報。依根葉分布。好明本末須歸宗。惟我尊卑用其

語。不令。當明中有暗。暗必勿以暗相遇。明遠當暗中有明。

一見。勿以明相觀。無異明暗各相對。若為比如前後步。不

此萬物自有功。旨爾當言及用處。縱橫十字事存函蓋合。子細

理應箭鋒挂。莫教錯承言須會宗。未兆非相勿自立規矩。笑出觸

目不會道。又何妨運足焉知路。惡也不進步非近遠。唱彌迷隔

山河固。和彌寡謹白叅玄人。聞必同歸光陰莫虛度。誠哉是言也上

堂。吾之法門。先佛傳授。不論禪定精進。唯達佛之知見。卽

心卽佛。心佛眾生。菩提煩惱。名異體一。汝等當知自己心

靈體離斷常。性非垢淨。湛然圓滿。凡聖齊同。應用無方。離

心意識。三界六道。惟自心現。水月鏡像。豈有生滅。汝能知

之無所不備。師於唐天寶初。至衡山南寺。寺之東有石。

狀如臺。乃結庵其上。時號石頭和尚。南嶽鬼神多顯跡。聽法。師皆與授戒。偶一日見負米登山者。師問之。知爲送供者。師愍之。明日卽移庵下。梁端貞元六年示寂。德宗諡無際大師。

指月錄卷之五終

指月錄卷之六

旁出法嗣

僧那禪師。姓馬氏。少而神雋。年二十一。講禮易於東海。聽者如市。一遇二祖。遂投出家。自是手不執筆。盡棄世典。惟一衣一鉢。一坐一食。奉頭陀行。後謂門人慧滿曰。祖師心印。非專苦行。但助道耳。若契本心。發隨意真光之用。則苦行如握土成金。若惟務苦行。而不明本心。爲憎愛所縛。則苦行如黑月夜。履於險道。汝欲明本心者。當審諦推察。遇色遇聲。未起覺觀時。心何所之。是無耶。是有耶。既不墮有無。

處所。則心珠獨朗。常照世間。而無一塵許間隔。未嘗有一刹那頃斷續之相。滿後亦奉頭陀行。惟蓄二鉢。冬則乞補。夏則捨之。心無怖畏。睡而不夢。常行乞食。所至伽藍。則破柴製履。住無再宿。貞觀十六年。於洛陽善會寺側。宿古墓中。遇大雪。旦入寺。見曇曠法師。曠怪所從來。滿曰。法有來耶。曠遣尋來處。四邊雪積五尺許。曠曰。不可測也。嘗示人曰。諸佛說心。令知心相虛妄。今乃重加心相。深違佛意。又增論議。殊乖大理。後於陶冶中。無疾坐化。

向居士幽栖林野。木食礪飲。北齊天保初。聞二祖盛化。乃致



書曰。影由形起。響逐聲來。弄影勞形。不識形爲影本。揚聲止響。不知聲是響根。除煩惱而趣涅槃。喻去形而覓影離。眾生而求佛果。喻默聲而求響。故知迷悟一塗。愚智非別。無名作名。因其名則是非生矣。無理作理。因其理則爭論起矣。幻化非真。誰是誰非。虛妄無實。何空何有。將知得無所得。矢無所失。未及造謁。聊申此意。伏望答之。二祖回示曰。備觀來意。皆如實。真幽之理。竟不殊。本迷摩尼。謂瓦礫豁然。自覺是真珠。無明智慧等無異。當知萬法卽皆如。愍此二見之徒輩。申辭措筆作斯書。觀身與佛不差別。何須

更覓彼無餘。居士捧披祖偈。乃申禮覲。密承印記。

牛頭山法融禪師。年十九。學通經史。尋閱大部般若。曉達真空。忽一日歎曰。儒學世典。非究竟法。般若真觀。出世舟航。遂隱茅山。投師落髮。後入牛頭山。幽棲寺北巖之石室。有百鳥銜花之異。唐貞觀中。四祖遙觀氣象。知彼山有異人。乃躬自尋訪。問寺僧。此間有道人否。曰。出家兒那個不是道人。祖曰。阿那個是道人。僧無對。別僧曰。此去山中十里許。有一嬾融。見人不起。亦不合掌。莫是道人麼。祖遂入山。見師端坐自若。曾無所顧。祖問曰。在此作甚麼。師曰。觀心。

祖曰。觀是何人心。是何物。師無對。便起作禮曰。大德高棲。何所。祖曰。貧道不決所止。或東或西。師曰。還識道信禪師否。祖曰。何以問他。師曰。嚮德滋久。冀一禮謁。祖曰。道信禪師。貧道是也。師曰。因何降此。祖曰。特來相訪。莫更有宴息之處否。師指後面曰。別有小庵。遂引祖至庵所。遶庵。惟見虎狼之類。祖乃舉兩手作怖勢。師曰。猶有這個在。祖曰。這個是甚麼。師無語。少選。祖卻於師宴坐石上。書一佛字。師覩之。竦然。祖曰。猶有這個在。師未曉。乃稽首請說真要。祖曰。夫百千法門。同歸方寸。河沙妙德。總在心源。一切戒門。

定門慧門。神通變化。悉自具足。不離汝心。一切煩惱業障。本來空寂。一切因果。皆如夢幻。無三界可出。無菩提可求。人與非人性。相平等。大道虛曠。絕思絕慮。如是之法。汝今已得。更無闕少。與佛何殊。更無別法。汝但任心自在。莫作觀行。亦莫澄心。莫起貪嗔。莫懷愁慮。蕩蕩無礙。任意縱橫。不作諸善。不作諸惡。行住坐臥。觸目遇緣。總是佛之妙用。快樂無憂。故名爲佛。師曰。心既具足。何者是佛。何者是心。祖曰。非心。不問佛。問佛。非不心。師曰。既不許作觀行。於境起時。心如何對治。祖曰。境緣無好醜。好醜起於心。心若不

旨司錄

卷二十六 牛頭融

四

強名妄情。從何起。妄情既不起。真心任徧知。汝但隨心。自在。無復對治。即名常住法身。無有變異。吾受璨大師頓教法門。今付於汝。汝今諦受吾言。只住此山。向後當有五人達者。紹汝玄化。僧問南泉。牛頭未見四祖時。爲甚百鳥銜花供養。泉云。只爲步步蹋佛階梯。僧云。見後爲甚麼不來。泉云。直饒不來。猶較王老師一線道。雲門舉云。南泉只解步步登高。不解從空放下。僧問如何。是步步登高。門云。香積世界如何。是從空放下。門云。填溝塞壑。僧問老宿。牛頭未見四祖時如何。曰。如條貫葉云。見後如何。曰。秋夜紛紛。僧問趙州。牛頭未見四祖時如何。州曰。飽柴飽水。曰。見後如何。曰。飽柴飽水。一尊宿答前兩問。皆云。賊不打貧兒家。住後法席之盛。擬黃梅唐永徽中。徒眾乏糧。師往丹陽緣化。去山八十里。躬負米一石八斗。朝往暮



還供僧三百。二時不闕。三年。邑宰蕭元善請於建初寺講大般若經。聽者雲集。至滅靜品。地爲之震動。博陵王問曰。境緣色發時。不言緣色起。云何得知緣。乃欲息其起。師曰。境色初發時。色境二性空。本無知緣者。心量與知同。照本發非發。爾時起自息。抱暗生覺緣。心時緣不逐。至如未生前。色心非養育。從空本無念。想受言念生。起發未曾起。豈用佛教令。問曰。閉目不見色。境慮乃便多。色既不關心。境從何處發。師曰。閉目不見色。內心動慮多。幻識假成用。起名終不過。知色不關心。心亦不關人。隨行有相轉。鳥去。

空中真。問曰。境發無處所。緣覺了知生。境謝覺還轉。覺乃  
變爲境。若以心曳心。還爲覺所覺。從之隨隨去。不離生滅  
際。師曰。色心前後中。實無緣起境。一念自疑忘。誰能計動  
靜。此知自無知。知知緣不會。當自檢本形。何須求域外。前  
境不變謝。後念不來今。求月執玄影。討跡逐飛禽。欲知心  
本性。還如視夢裏。譬之六月冰。處處皆相似。避空終不脫。  
求空復不成。借問鏡中像。心從何處生。問曰。恰恰用心時。  
若爲安隱好。師曰。恰恰用心時。恰恰無心用。曲談名相勞。  
直說無繁重。無心恰恰用。當用恰恰無。今說無心處。不與

有心殊。問曰。智者引妙言。與心相會當言。與心路別。合則萬倍乘。師曰。方便說妙言。破病大乘道。非關本性談。還從空化造。無念爲真常。終當絕心路。離念性不動。生滅無乖誤。谷響既有聲。鏡像能回顧。問曰。行者體境有。因覺知境。以前覺及後覺。并境有三心。師曰。境用非體覺。覺罷不應思。因覺知境。以前覺及後覺。并境有三心。問曰。住定俱不轉。將爲正三昧。諸業不能牽。不知細無明。徐徐躡其後。師曰。復聞別有人。虛執起心量。三中事不成。不轉還虛妄。心爲正受縛。爲之淨業障。心塵萬分一。不了說。

無明細細習因起。徐徐名相生。風來波浪轉。欲靜水還平。  
更欲前塗說。恐畏後心驚。無念大獸吼。性空下霜雪。星散  
穢草摧。縱橫飛鳥落。五道定紛綸。四魔不前卻。既如猛火  
燎。還如利劍斫。問曰。賴覺知萬法。萬法本來然。若假照用  
心。只得照用心。不應心裏事。師曰。賴覺知萬法。萬法終無  
賴。若假照用心。應不在心外。問曰。隨隨無揀擇。明心不現  
前。復慮心闇昧。在心用功行。智障復難除。師曰。有此不可  
有。尋此不可尋。無揀卽真擇。得闇出明心。慮者心冥昧。存  
心託功行。何論智障難。至佛方爲病。問曰。折中消息間。實

亦難安帖。自非用行人。此難終難見。師曰。折中欲消息。消息非難易。先觀心處。心次推智。中智第三。照推者。第四通。無記第五。解脫名。第六等真偽。第七知法本。第八慈無爲。第九徧空陰。第十雲雨被。最盡彼無覺。無明生本智。鏡像現三業。幻人化四衢。不住空邊盡。當照有中無。不出空有內。未將空有俱。號之名折中。折中非言說。安帖無處安。用行何能決。問曰。別有一種人。善解空無相。口言定亂一復道。有中無。同證用常寂。知覺寂常。屬用心會真理。復言用無用智慧。方便多言亂與理合。如如理自如。不由識心會。



旨曰錄

卷六牛頭融

既知心會非。心心復相泯。如是難知法。永劫不能知。同此  
用心人。法所不能化。師曰。別有證空者。還如前偈論。行空  
守寂滅。識見暫時翻。會真是心量。終知未了原。又說息心  
用多智。疑相似。良由性不明。求空具勞已。永劫住幽識。抱  
相多不知。放光便動地。於彼欲何爲。問曰。前件看心者。復  
有羅縠難。師曰。看心有羅縠。幻心何待看。況無幻心者。從  
容下口難。問曰。久有大基業。心路差互間。得覺微細障。卽  
達於真際。自非善巧師。無能決此理。仰惟我大師。當爲開  
要門。引導用心者。不令失正道。師曰。法性本基業。夢境成

差互實相微細身。色心常不悟。忽逢混沌土。哀怨愍羣生。  
託疑廣設間。抱理內常明。生死幽徑徹。毀譽心不驚。野老  
顯分答。法相媿來儀。蒙發羣生藥。還如色性爲。顯慶元  
年。邑宰蕭元善。請住建初師。辭不克。遂命入室。上首智巖。  
付囑法印。將下山。謂眾曰。吾不復踐此山矣。時鳥獸哀號。  
踰月不止。庵前有四大桐樹。仲夏之月。忽然凋落。明年正  
月二十三日。不疾而逝。窆於雞籠山。

牛頭山智巖禪師。曲阿華氏子。弱冠智勇過人。隋大業中。爲  
郎將。常以弓挂濾水囊。隨所至。自汲用。累立戰功。年四十。

遂乞出家。入舒州皖公山。從寶月禪師。一日宴坐。覩異僧。身長丈餘。謂之曰。卿八十生出家。宜加精進。言訖不見。嘗在谷中入定。山水暴漲。師怡然不動。其水自退。有獵者遇之。遂改過修善。復有昔同從軍者二人。聞師隱遯。共入山尋之。既見。謂曰。郎將狂耶。何爲住此。師曰。我狂欲醒。君狂正發。夫嗜色淫聲。貪榮冒寵。流轉生死。何由自出。二人感歎而去。師後謁融禪師。發明大事。嘗謂師曰。吾受信大師眞訣。所得都亾。設有一法勝過涅槃。吾說亦如夢幻。夫一塵飛而翳天。一芥墮而覆地。汝今已過此。見我復何云。

牛頭山智威禪師得法於法持禪師。法持嚴公法孫也。師嘗有偈示門人慧忠曰。莫繫念念成生死河。輪迴六趣海。無見出長波。忠答曰。念想由來幻。性自無終始。若得此中意。長波當自止。師又示偈曰。余本性虛無緣。妄生人我如何息。妄情還歸空處坐。忠答曰。虛無是實體。人我何所存。妄情不須息。卽汎般若船。師知其了悟。遂付法。初忠纔見師。師卽曰。山主來也。及忠嘗出叅訪。師院中凌霄藤盛夏盡萎。左右欲伐之。師曰。不可。忠還則復茂矣。忠還果然。旣授法。出居延祚寺。奉法益嚴。生平一衲不易。器用惟一鐺。嘗

有供僧穀兩廩。盜者窺伺虎爲守之。縣令張遜至山謁忠。問有何弟子。曰有三五人。遜曰可得見乎。忠敲禪牀。三虎哮吼而出。遜驚怖而退。其神跡頗多。不具載。有安心偈曰。人法雙淨。善惡兩忘。直心真實。菩提道場。大曆四年六月十五日。集僧布薩訖。命侍者淨髮浴身。至夜有瑞雲覆其精舍。天樂四聞。詰旦怡然坐化。風雨遽作。震折林木。復有白虹貫於巖壑。五年春茶毘。獲舍利不可勝計。

安國玄挺禪師。初叅威禪師。侍立次有講華嚴僧。問真性緣起。其義云何。威良久。師遽召曰。大德正興一念問時。是真



性中緣起。其僧言下大悟。妙喜云。一念未興時。不可無緣起也。或云。一念未興。喚甚麼作

緣起。我也只要汝恁麼道。

天柱崇慧禪師。僧問。達磨未來此土時。還有佛法也無。師曰。未來且置。卽今事作麼生。曰。某甲不會。乞師指示。師曰。萬古長空。一朝風月。僧無語。師復曰。闍黎會麼。曰。不會。師曰。自己分上作麼生。干他達磨來與未來作麼。他家來大似賣卜漢。見汝不會。爲汝錐破卦文。纔生吉凶。盡在汝分上。一切自看。僧曰。如何是解卜底人。師曰。汝纔出門時。便不中也。問。亡僧遷化向甚麼處去也。師曰。瀟嶽峰高。長積

翠。舒江明月色光輝。

徑山道欽禪師馬祖令人送書到書中作一圓相師發緘於

圓相中著一點卻封回

忠國師云欽師猶被馬師惑徑山杲云馬師仲冬嚴寒欽師孟夏

漸熱雖然寒熱不同彼此不失時節忠國師因甚卻道欽師猶被馬師惑還委悉麼無風荷葉動決定有魚行雪實云徑山被惑且置若將呈似國師別作個甚麼伎倆免被惑去有老宿云當時坐卻便休亦有道但與劃破若與麼只是不識羞敢謂天下老師各具金剛眼睛廣作神通變化還免得麼雪竇見處也要諸人共知只這馬師當時畫出早是自惑了也師在唐代宗宮中見代宗來起立宗曰師何

以起師曰檀越何得向四威儀中見貧道

妙喜云不向四威儀中又如何

見國

崔趙公問弟子出家得否師曰出家乃大丈夫之

事。非將相之所能爲。崔於是有省。

天台山雲居智禪師。嘗有華嚴院僧繼宗。問見性成佛。其義云何。師曰。清淨之性。本來湛然。無有動搖。不屬有無淨穢。長短取舍。體自翛然。如是明見。乃名見性。性卽佛。佛卽性。故曰。見性成佛。曰。性旣清淨。不屬有無。因何有見。師曰。見無所見。曰。旣無所見。何更有見。師曰。見處亦無。曰。如是見時。是誰之見。師曰。無有能見者。曰。究竟其理如何。師曰。汝知否。妄計爲有。卽有能所。乃得名迷。隨見生解。便墮生死。明見之人。卽不然。終日見。未嘗見。求名處體相。不可得能。

所俱絕名爲見性。曰。此性徧一切處否。師曰。無處不徧。曰。凡夫具否。師曰。上言無處不徧。豈凡夫而不具乎。曰。因何諸佛菩薩不被生死所拘。而凡夫獨繫此苦。何曾得徧。師曰。凡夫於清淨性中。計有能所。卽墮生死。諸佛大士。善知清淨性中。不屬有無。卽能所不立。曰。若如是說。卽有能了不了人。師曰。了尙不可得。豈有能了人乎。曰。至理如何。師曰。我以要言之。汝卽應念清淨性中。無有凡聖。亦無不了人。凡之與聖。二俱是名。若隨名生解。卽墮生死。若知假名不實。卽無有當名者。又曰。此是極究竟處。若云。我能了。

彼不能了。卽是大病。見有淨穢。凡聖亦是。大病作無凡聖。解又屬撥無因果。見有清淨性。可栖止。亦大病作。不栖止。解亦大病。然清淨性中。雖無動搖。且不壞。方便應用。及興慈運悲。如是興運之處。卽全清淨之性。可謂見性成佛矣。繼宗踊躍禮謝而退。

烏窠道林禪師。見秦望山長松盤屈如蓋。遂栖止其上。故謂之烏窠禪師。復有鵲巢於其側。自然馴狎。亦目爲鵲巢和尚。有侍者會通。一日欲辭去。師問曰。汝今何往。對曰。會通爲法出家。和尚不垂慈誨。今往諸方學佛法去。師曰。若是



佛法。吾此間亦有少許。曰。如何是和尙佛法。師於身上扣

起布毛吹之。通遂領悟玄旨。

大瀉秀云。可惜這僧認他口頭聲色。以當平生。不知自己

光明。蓋天蓋地。妙喜曰。恁麼批判也。未夢見鳥窠在。泐潭準和尚。因侍者告辭。書偈授之云。鳥窠吹布毛。老婆爲侍者。今古道。雖同寶峰。不然也。二月三月時。和風滿天下。在處百花開。遠近山如畫。歧路春禽鳴。高巖春水瀉。頭頭三昧門。虛明周大野。好個眞消息。書送汝歸舍。衲僧未後句。噓。是何言歟。通後居招賢寺。茂齡爲六宮使。唐德宗甚眷遇。春時見昭陽宮。華卉敷榮。方玩賞間。忽聞空中有聲曰。虛幻之相。開謝不停。能壞善根。仁者安可嗜之。通遂感動。哀懇德宗。求出家。篤畱不可。遂賜歸。曰。韜光法師而詣林公。不納。通乞韜光堅白曰。通七歲蔬食。十一受五戒。今年二十有二。而志不緣世法。并未嘗娶。今特以欲出家而休官。向願甚確。乞師拯度。林公乃與披剃。受具。通居常卯齋。晝夜精進。誦大乘經。而習安般三昧。未幾得法。後因武宗廢教。入山深遯。莫知所如。俗姓吳氏。名元卿。杭州人。

初師自徑山歸。至孤山永福寺。有辟支佛塔。時道俗共爲法會。師振錫而入。韜光法師問曰。此之法會。何以作聲。師曰。無聲。誰知是會。白居易守杭時。入山謁師。問曰。禪師住處甚危險。師曰。太守危險尤甚。白曰。弟子位鎮江山。何險之有。師曰。薪火相交。識性不停。得非險乎。又問。如何是佛法大意。師曰。諸惡莫作。眾善奉行。白曰。三歲孩兒也。解恁麼道。師曰。三歲孩兒。雖道得。八十老人。行不得。白作禮而退。者域者。天竺神僧也。晉惠未至洛陽。神通顯著。有高足僧竺法行。請域說法。域曰。眾集乃可。法行乃集眾。域陞座。日守口攝身。意慎勿犯諸惡。修行一切善如是。得度世言已。便默。法行復請曰。願上人爲授所未聞。如

斯偈義八歲童子亦已諳誦。域笑曰：八歲雖誦，百歲不行。誦之何益？人皆知敬得道者，不知行之自得道。悲夫！吾言雖少，行者益多也。

長慶四年二月十日，告侍者曰：吾今報盡言。

訖坐。

有云：名圓修者，或師謚耶。

嵩嶽慧安國師得法黃梅，徧歷名勝，至嵩少云：是吾終焉之地也。自爾禪者輻輳，有坦然懷讓二僧來參，問曰：如何？是祖師西來意？師曰：何不問自己意？曰：如何？是自己意？師曰：當觀密作用。曰：如何？是密作用？師以目開合示之。然於言下知歸，讓乃即謁曹溪。初，隋煬帝嘗徵師，不赴。及唐高宗徵師，亦不赴。武后時，以師禮迎師至輦下，后嘗問師甲

子多少。師曰。不記。后曰。何不記耶。師曰。生死之身。其若循環。環無起盡。焉用記爲。況此心流注。中間無閒。見漚起滅者。乃妄想耳。從初識至動相滅時。亦只如此。何年月可記乎。后稽顙信受。中宗卽位。益加欽禮。神龍三年。辭歸嵩嶽。三月三日。囑門人曰。吾死。將尸向林中。待野火焚之。俄爾萬回公來見師。猖狂握手言論。旁侍傾耳。都不體會。至入日。閉戶偃身而寂。春秋一百二十八。門人遵旨。昇置林中。果野火自然闌維。得舍利八十粒。先天二年。建浮圖供奉。壽州道樹禪師。得法於北宗秀。卜壽州三峰山。結茅而居。常



有野人服色素樸。言談詭異。時忽化作佛。及菩薩羅漢。天仙等形。或放神光。或呈聲響。師之學徒覩之。皆不能測。如此涉十年。後寂無形影。師告眾曰。野人作多色伎倆眩惑於人。只消老僧不見不聞。伊伎倆有窮。吾不見不聞無盡。嵩嶽破竈墮和尚。不稱名氏。言行叵測。隱居嵩嶽山塢。有廟甚靈。殿中惟安一竈。遠近祭祀不輟。烹宰物命甚多。師一日領寺僧入廟。以杖敲竈三下。曰。咄。此竈只是泥瓦合成。聖從何來。靈從何起。恁麼烹宰物命。又打三下。竈乃傾破墮落。須臾有一人青衣戕冠。設拜師前。師曰。是甚麼人。曰。



我本此廟竈神。久受業報。今日蒙師說無生法。得脫此處。生在天中。特來致謝。師曰。是汝本有之性。非吾強言。神再禮而沒。少選。侍僧問曰。某等久侍和尚。不蒙示誨。竈神得甚麼徑旨。便得生天。師曰。我只向伊道是泥瓦合成。別也。無道理。爲伊侍僧無言。師曰。會麼。僧曰。不會。師曰。本有之性。爲甚麼不會。侍僧等乃禮拜。師曰。破也。破也。墮也。墮也。後義豐禪師舉似安國師。安歎曰。此子會盡物。我一如可謂如朗月處空。無不見者。難搆伊語脉。豐問曰。未審甚麼人搆得他語脉。安曰。不知者。僧問物物無形。時如何。師曰。禮卽唯汝非我。不禮卽唯我非汝。其僧乃禮謝。師曰。本有之物。物非

物也。所以道心能轉物。卽同如來。

嵩嶽元珪禪師。伊闕人。姓李氏。得法安國師。隱於嶽之龐塢。一日有神人。率羣從謁師。師覩其貌奇偉非常。乃問曰。善來仁者。胡爲而至。彼曰。師甯識我耶。師曰。吾觀佛與衆生等。吾一目之。豈分別耶。彼曰。吾此嶽神也。能生死於人。師安得一目我哉。師曰。吾本不生汝焉能死。吾視身與空等。視吾與汝等。汝能壞空與汝乎。苟能壞空及汝。吾則不生不滅也。汝尙不能如是。又安能生死吾耶。神稽首曰。我亦聰明正直於餘神。詎知師有廣大之智辯乎。願授以正戒。

令我度世師曰。汝既乞戒。卽旣戒也。所以者何。戒外無戒。又何戒哉。神曰。此理也。我聞茫昧。止求師戒。我身爲門弟子。師卽爲張座秉鑪。正几曰。付汝五戒。若能奉持。卽應曰。能不能。卽曰否。曰。謹受教。師曰。汝能不姪乎。曰。我亦娶也。師曰。非此謂也。謂無懼欲也。曰。能。師曰。汝能不盜乎。曰。何乏我也。焉有盜取哉。師曰。非此謂也。謂嚮而福淫。不供而禍善也。曰。能。師曰。汝能不殺乎。曰。實司其柄。焉曰不殺。師曰。非此謂也。謂有濫誤疑混也。曰。能。師曰。汝能不妄乎。曰。我正直焉有妄乎。師曰。非謂此也。謂先後不合天心也。曰。

能師曰。汝能不遭酒敗乎。曰能。師曰。如上。是爲佛戒也。又  
言。以有心奉持。而無心拘執。以有心爲物。而無心想身。能  
如是。則先天地生。不爲精。後天地死。不爲老。終日變化而  
不爲動。畢盡寂默。而不爲休。信此。則雖娶非妻也。雖嚮非  
取也。雖柄非權也。雖作非故也。雖醉非惛也。若能無心於  
萬物。則懼欲不爲姪。福淫禍善。不爲盜。濫誤疑混。不爲殺。  
先後違天。不爲妄。惛荒顛倒。不爲醉。是謂無心也。無心。則  
無戒。無戒。則無心。無佛。無眾生。無汝。及無我。孰爲戒哉。神  
曰。我神通亞佛。師曰。汝神通十句。五能。五不能。佛則十句。

七能三不能。神竦然避席跪啓曰：可得聞乎？師曰：汝能戾上帝東天行而西七曜乎？曰不能。師曰：汝能奪地祇融五嶽而結四海乎？曰不能。師曰：是謂五不能也。佛能空一切相，成萬法智，而不能卽滅定業。佛能知羣有性，窮億劫事，而不能化導無緣。佛能度無量有情，而不能盡眾生界。是爲三不能也。定業亦不牢久，無緣亦是一期。眾生界本無增減。傳燈作且無一人能主其傳燈作有法。有法無主，是謂無法。無法無主，是謂無心。如我解佛，亦無神通也。但能以無心通達一切法爾。神曰：我誠淺昧，未聞空義。師所授戒，我當



奉行今願報慈德。效我所能。師曰。我觀身。無物。觀法。無常。塊然更有何欲耶。神曰。師必命我爲世間事。展我小神功。使已發心。初發心。未發心。不信心。必信心。五等人。目我神跡。知有佛有神。有能有不能。有自然有非自然者。師曰。無爲是。無爲是。神曰。佛亦使神護法。師甯隙判佛耶。願隨意垂誨。師不得已而言曰。東巖寺之障。莽然無樹。北岫有之。而背非屏擁。汝能移北樹於東嶺乎。神曰。已聞命矣。然昏夜必有喧動。願師無駭。卽作禮而去。師門送而目觀之。見儀衛逶迤如王者之狀。其夕果有暴風吼雷。棟宇搖蕩。師

曰。神言徵矣。眾可無怖。詰旦和霽。則北巖松栢盡移東嶺。森然行植。師謂其徒曰。毋令外人將妖我。開元四年丙辰歲。囑門人曰。吾始居寺東嶺。吾滅汝必置吾骸於彼。言訖若委蛻焉。

終南山惟政禪師。得法於普寂。結廬太乙。唐文宗嗜蛤蜊。海民供遞甚勞。一口御饌中有擘不張者。帝以其異。卽焚香禱之。乃開見菩薩形儀。梵相具足。遂貯以金粟檀合。賜興善寺。令僧眾瞻禮。問羣臣曰。斯何祥也。或奏師可備顧問。乃召師問其事。師曰。臣聞物無虛應。此乃啟陛下之信心。

耳。故契經云。應以此身得度者。卽現此身而爲說法。帝曰。菩薩身已現。第未聞說法。師曰。陛下覩此爲常耶。非常耶。信耶。非信耶。帝曰。希有之事。朕深信焉。師曰。陛下已聞說法。竟帝大悅。詔天下寺院各立觀音像。留師內道場。師累乞歸。乃詔住聖壽寺。武宗甫卽位。師忽入終南隱居。人間何故。曰。吾避仇矣。後闍維。收舍利四十九粒而建塔焉。嵩山峻極和尚。僧問。如何是修善行人。師曰。擔枷帶鎖。曰。如何是作惡行人。師曰。修禪入定。曰。某甲淺機。請師直指。師曰。汝問我惡。惡不從善。汝問我善。善不從惡。僧良久。師曰。

會麼。曰。不會。師曰。惡人無善念。善人無惡心。所以道善惡如浮雲。俱無起滅。處僧於言下大悟。後破竈墮聞舉。乃曰。此子會盡諸法。無生。

妙喜曰。爭奈在。罽。懷前作妄想何。

司空山本淨禪師。絳州人。張氏子。幼歲披緇。於曹溪受記。住司空山。後因唐玄宗中。使楊光庭採常春藤至山。見師議論超遠。還奏闕庭。詔至內道場。與兩街名僧碩學。共揚佛理。有遠禪師者。問曰。禪師所見。以何爲道。師曰。無心是道。遠曰。道因心有。何得言無心是道。師曰。道本無名。因心名道。心名若有。道不虛然。窮心既無。道憑何立。二俱虛妄。總

是假名。遠曰。禪師見有身心。是道與否。師曰。山僧身心本來是道。遠曰。適言無心是道。今又言身心本來是道。豈不相違。師曰。無心是道。心泯道無。心道一如。故言無心是道。身心本來是道。道亦本是身心。身心本既是空。道亦窮源無有。遠曰。觀禪師形質甚小。卻會此理。師曰。大德只見山僧相。不見山僧。無相見相者。是大德所見。經云。凡所有相。皆是虛妄。若見諸相非相。卽見真道。若以相爲實。窮劫不能見道。遠曰。今請禪師於相上說於無相。師曰。淨名經云。四大無主。身亦無我。無我所見。與道相應。大德若以四大



有主是我若有。我見窮却不可會道也。遠聞語失色。師有偈曰。四大無主。復如水遇曲逢直。無彼此。淨穢兩處不生心。壅決何曾有二意。觸境但似水無心。在世縱橫有何事。志明禪師問。若言無心是道。瓦礫無心亦應是道。又曰。身心本來是道。四生十類皆有身心。亦應是道。師曰。大德若作見聞覺知解會。與道懸殊。卽是求見聞覺知之者。非是求道之人。經云。無眼耳鼻舌身意。六根尙無見聞覺知。憑何而立。窮本不有。何處存心。焉得不同草木瓦礫。明杜口。師有偈曰。見聞覺知無障礙。聲香味觸常三昧。如鳥空中。

只麼飛無取無捨無憎愛。若會應處。本無心。始得名爲觀。  
自在。眞禪師問道。旣無心。佛有心否。佛之與道。是一是一。  
師曰。不一不二。曰。佛度眾生。爲有心故。道不度人。爲無心。  
故。一度一不度。何得無二。師曰。若言佛度眾生。道無度者。  
此是大德妄生二見。如山僧卽不然。佛是虛名。道亦妄立。  
二俱不實。總是假名。一假之中。如何分二。曰。佛之與道。從。  
是假名。當立名時。是誰爲立。若有立者。何得言無。師曰。佛。  
之與道。因心而立。推窮立心。心亦是無。心旣是無。卽悟二。  
俱不實。知如夢幻。卽悟本空。強立佛道二名。此是二乘人。

見解師因說無修無作偈曰。見道方修道。不見復何修。道性如虛空。虛空何所修。徧觀修道者。撥火覓浮漚。但看弄傀儡。線斷一時休。法空禪師問。佛之與道。俱是假名。十二分教。亦應不實。何以從前尊宿。皆言修道。師曰。大德錯會經意。道本無修。大德強修。道本無作。大德強作。道本無事。強生多事。道本無知。於中強知。如此見解。與道相違。從前尊宿不應如是。自是大德不會。請思之。師有偈曰。道體本無修。不修自合道。若起修道心。此人不曾道。棄卻一真性。卻入鬧浩浩。忽逢修道人。第一莫向道。安禪師問道。既假

名。佛云妄立。十二分教亦是接物度生。一切是妄。以何爲真。師曰。爲有妄故。將真對妄。推窮妄性。本空。真亦何曾有。故。故知真妄總是假名。二事對治。都無實體。窮其根本。一切皆空。曰。旣言一切是妄。妄亦同真。真妄無殊。復是何物。師曰。若言何物。何物亦妄。經云。無相似。無比況。言語道斷。如鳥飛空。安慙伏。師有偈曰。推真真無相。窮妄妄無形。返觀推窮心。知心亦假名。會道亦如此。到頭亦只甯。達性禪師問。禪師至妙至微。真妄雙泯。佛道兩忘。修行性空。名相不實。世界如幻。一切假名。作此解時。不可斷絕眾生善惡。

二根。師曰。善惡二根。皆因心有。窮心若有。根亦非虛。推心  
既無。根因何立。經云。善不善法。從心化生。善惡業緣。本無  
有實。師有偈曰。善既從心生。惡豈離心有。善惡是外緣。於  
心實不有。捨惡送何處。取善令誰守。傷嗟二見人。攀緣兩  
頭走。若悟本無心。始悔從前咎。又有近臣問曰。此身從何  
而來。百年之後。復歸何處。師曰。如人夢時。從何而來。睡覺  
時。從何而去。曰。夢時不可言無。既覺不可言有。雖有有無。  
來往無所。師曰。貧道此身。亦如其夢。示偈曰。視生如在夢。  
夢裏實是鬧。忽覺萬事休。還同睡時。悟智者會悟。夢迷人



信。夢。鬧。會。夢。如。兩。般。一。悟。無。別。悟。富。貴。與。貧。賤。更。無。分。別。  
路。上。元。二。年。歸。寂。諡。大。曉。禪。師。

南陽慧忠國師。諸暨冉氏子。得法曹溪。居南陽白崖山。黨子  
谷。四十餘年。不下山。道行升聞。肅宗以師禮迎。居千福寺。  
西天大耳三藏到京。云得他心通。帝命師試驗。三藏纔  
見師。便禮拜。立於右邊。師問曰。汝得他心通那。對曰。不敢。  
師曰。汝道老僧卽今在甚麼處。曰。和尚是一國之師。何得  
卻去西川看競渡。良久。再問。汝道老僧卽今在甚麼處。曰。  
和尚是一國之師。何得卻在天津橋上看弄胡孫。師良久。

復問汝道老僧只今在甚麼處。藏罔測。師叱曰。這野狐精。

他心通在甚麼處。藏無對。後有僧問玄沙沙曰。汝道前兩

藏第三度不見國師。未審國師在甚麼處。州云。在三藏鼻

孔上。僧後問玄沙。既在鼻孔上。爲甚麼不見沙云。只爲太

近。白雲端云。國師若在三藏鼻孔上。一日喚侍者者

有甚難見。殊不知國師在三藏眼睛上。

應諾。如是三召三應。師曰。將謂吾孤負汝。卻是汝孤負吾。

妙喜云。叢林中喚作國師。三喚侍者話。自此便有一路索。

惟雪竇見透。古人骨髓云。國師三喚侍者。點卽不到。喜云。

灼然侍者三應。到卽不點。喜云。卻不恁麼。將謂吾孤負汝。

誰知汝孤負吾。謾雪竇不得。喜云。誰道復召大眾云。好個。

謾雪竇不得。雖然如是。雪竇亦謾妙喜不得。妙喜亦謾諸。

人不得。諸人亦謾露柱不得。玄沙云。侍者卻會雪竇云。停。

囚長智喜云。兩彩一賽。雲門道作麼生。是國師孤負侍者。

處。會得也是無端。雪竇云。元來不會。喜云。雪峰道底。雲門。

又云作麼生是侍者孤負國師處粉骨碎身未報得雪竇云無端無端喜云塚生招箭法眼云且去別時來雪竇云謾我不得喜云卻是法眼會與化云一直引眾盲雪竇雲端的眼喜云親言出親口玄覺徵問僧云甚處是侍者會處僧云若不會爭解恁麼應覺云汝少會在又云若於此見得去便識玄沙喜云慚惶殺人翠巖芝云國師侍者總欠會在喜云猶較些子投子云抑逼人作麼雪竇云躲根漢喜云理長卽就復云惟有趙州多口阿師下得個注腳令人疑著僧問國師三喚侍者意旨如何州云如人暗中書字字雖不成文彩已彰雪竇便喝喜云且道這一喝在國師侍者分上在趙州分上隨後喝一喝復云若不是命根五色索子斷如何透得這裏過雪竇云若有人問雪竇雪竇便打也要諸方檢點喜云作賊人心虛雪竇復有一頌云師資會遇意非輕喜云此語有兩負門無事相將草裏行喜云普州人送賊負汝負吾人莫問喜云放待冷來看任從天下競頭爭喜云只今休去便休去若覓了時無了時復云你若求玄妙解會只管理會國師三喚侍者話那裏是國師孤負侍者處那裏是侍者孤負國師處有甚

麼交涉。鵝王擇乳，素非鵝類，遮個便是國師用劍刃。

南

上事。

又云：國師還見侍者麼？侍者還見國師麼？

泉到叅師，問甚麼處來。曰：江西來。師曰：還將得馬師真來。

否。曰：只這是。師曰：背後底響。南泉便休。

長慶云：大似不知。保福云：幾不到。

和尚此間。雲居錫云：此二尊宿盡扶背後，只如南泉休去爲當扶面前扶背後。

肅宗問如何。

是十身調御。師乃起立曰：會麼？帝曰：不會。師曰：與老僧過。

淨瓶來。又曰：如何？是無諍三昧。師曰：檀越踢毘盧頂上行。

帝曰：此意如何？師曰：莫認自己清淨法身。

妙喜曰：諸人要見忠國師麼？只

在你眼睛裏開眼也，蹉過合眼也，蹉過既在眼晴裏爲甚麼卻蹉過妙喜恁麼道也，蹉過不少。

肅宗到。

師指石師子云：陛下這石師子奇特。下取一轉語。帝曰：朕



旨司案

卷六 忠國師

三十一

下語不得。請師下語。師曰。山僧罪過後。耽源問皇帝還會麼。師曰。皇帝會。且置。你作麼生會。玄沙備云。大小國師。被侍者勘破。肅宗請看戲。師曰。檀越有甚心情看戲。妙喜舉云。法雲圓通禪師曰。且道國師在甚處著。到妙喜且問諸人。且道圓通禪師在甚處著。到於斯見得三老相去不遠。師因丹霞來訪。值睡次。乃問侍者。耽源云。國師在否。者曰。在。即在。祇是不見客。霞云。太深遠。生者云。莫道上座。佛眼也覷不見。霞云。龍生龍子。鳳生鳳兒。師睡起。侍者舉似師。師打二十棒。趁出。丹霞聞云。不謬為南陽國師。天童華云。侍者喫棒出院。千載一時。然歸宗豈免眼熱。丹霞雖是好手。爭奈落在國師網子裏。諸人還辨得麼。苟或未然。猶握金鞭。問歸客。夜深誰共御街行。徑



山果云。國師幸自高眠。侍者播揚家醜。不因多口。丹霞爭見國師。哮吼敢問大眾。國師既在。爲甚麼不見客。向這裏見得破。非唯知航源落節。亦見自己。有出身之路。雖然如是。莫將間學解。埋沒祖師心。

師問紫璘

供奉。甚處來。云。城南來。師云。城南草作何色。云。作黃色。師

乃問童子。城南草作何色。云。作黃色。師云。只這童子。亦可

簾前。賜紫對御談玄。

妙喜云。你道國師說老婆禪。拖泥帶水得麼。

師問紫璘

供奉。佛是甚麼義。曰。覺義。師曰。佛曾迷否。曰。不曾迷。師曰。

用覺作麼。

妙喜曰。若不入水。爭見長人。

供奉註思益經。師曰。凡註經。

須會佛義始得。曰。若不會佛意。爭解註經。師令侍者盛一

碗水。中著七粒米。碗面安一隻箸。問奉是甚麼義。奉無語。

師曰。老僧意尙不會。何況佛意。

鴻山果云。供奉先鋒有作。殿後無功。當時纔見國師。

問是甚麼義。只對云。草本不勞拈出。踢倒便行。直饒國師通身是口。也無說處。

師問禪客從何

方來。禪客曰。南方來。師曰。南方有何知識。曰。知識頗多。師

曰。如何示人。曰。彼方知識。直下示學人。卽心是佛。佛是覺

義。汝今悉具見聞覺知之性。此性善能揚眉瞬目。去來運

用。徧於身中。捏頭頭知。捏腳腳知。故名正徧知。離此之外

更無別佛。此身卽有生滅。心性無始以來。未曾生滅。身生

滅者。如龍換骨。蛇蛻皮。人出故宅。卽身是無常。其性常也。

南方所說。大約如此。師曰。若然者。與彼先尼外道。無有差

別。彼云。我此身中有一神性。此性能知痛癢。身壞之時。神則出去。如舍被燒。舍主出去。舍卽無常。舍主常矣。審如此者。邪正莫辨。孰爲是乎。吾比遊方。多見此色。近尤盛矣。聚卻三五百眾。目視雲漢。云是南方宗旨。把池壇經改換。添糅鄙談。削除聖意。惑亂後徒。豈成言教。苦哉。吾宗喪矣。若以見聞覺知是佛性者。淨名不應云。法離見聞覺知。若行見聞覺知。是則見聞覺知。非求法也。僧又問法華下義。開佛知見。此復若爲。師曰。他云。開佛知見。尙不言菩薩二乘。豈以眾生癡倒。便同佛之知見耶。僧又問。阿那個是佛心。

師曰。牆壁瓦礫是。僧曰。與經大相違也。涅槃云。離牆壁無情之物。故名佛性。今云是佛心。未審心之與性。爲別不別。師曰。迷卽別。悟卽不別。曰。經云。佛性是常。心是無常。今云不別何也。師曰。汝但依語而不依義。譬如寒月。水結爲冰。及至暖時。冰釋爲水。眾生迷時。結性成心。眾生悟時。釋心成性。若執無情無佛性者。經不應言三界惟心。宛是汝自違經。吾不違也。問。無情既有佛性。還解說法否。師曰。他熾然常說。無有間歇。曰。某甲爲甚麼不聞。師曰。汝自不聞。曰。誰人得聞。師曰。諸聖得聞。曰。眾生應無分耶。師曰。我爲眾

生說。不爲諸聖說。曰。某甲聾瞽。不聞無情說法。師應合聞。師曰。我亦不聞。曰。師既不聞。爭知無情解說法。師曰。賴我不聞。我若得聞。則齊於諸聖。汝則不聞。我說法。曰。眾生畢竟得聞否。師曰。眾生若聞。卽非眾生。曰。無情說法。有何典據。師曰。不見華嚴云。刹說眾生說。三世一切說。眾生是有情乎。曰。師但說無情。有佛性。有情復若爲。師曰。無情尙爾。況有情耶。曰。若然者。南方知識云。見聞覺知。是佛性。應不合判。同外道。師曰。不道他無佛性。外道豈無佛性耶。但緣見錯。於一法中而生二見。故非也。曰。若俱有佛性。且殺有



情卽結業互酬。損害無情。不聞有報。師曰。有情是正報。計我我所而懷結恨。卽有罪報。無情是其依報。無結恨心。是以不言有報。曰。教中但見有情作佛。不見無情受記。且賢劫千佛。孰是無情佛耶。師曰。如皇太子未受位時。唯一身耳。受位之後。國土盡屬於王。甯有國土別受位乎。今但有情受記作佛之時。十方國土。悉是遮那佛身。那得更有無情受記耶。曰。一切眾生。盡居佛身之上。便利穢污佛身。穿鑿踐蹋佛身。豈無罪耶。師曰。眾生全體是佛。欲誰爲罪。曰。經云。佛身無罣礙。今以有爲罣礙之物。而作佛身。豈不乖。

於聖旨。師曰。大品經云。不可離有爲而說無爲。汝信。色是空否。曰。佛之誠言。那敢不信。師曰。色既是空。甯有望礙。曰。眾生佛性既同。只用一佛修行。一切眾生應時解脫。今既不爾。同義安在。師曰。汝不見華嚴六相義云。同中有異。異中有同。成壞總別。類例皆然。眾生佛雖同一性。不妨各各自修自得。未見他食我飽。曰。有知識示學人。但自識性了。無常時。拋卻鼓漏子一邊著。靈臺智性。迥然而去。名爲解脫。此復若爲。師曰。前已說了。猶是二乘外道之量。二乘厭離生死。欣樂涅槃。外道亦云。吾有大患。爲吾有身。乃趣乎。

冥諦。須陀洹人入萬劫。餘三果人六四二萬劫。辟支佛一萬劫。住空定中。外道入萬劫。住非非想中。二乘劫滿。猶能回心向大。外道還卽輪回。曰。佛性一種爲別。師曰。不得一種。曰。何也。師曰。或有全不生滅。或半生半滅。半不生滅。曰。孰爲此解。師曰。我此間佛性。全無生滅。汝南方佛性。半生半滅。半不生滅。曰。如何區別。師曰。此則身心一如。身外無餘。所以全不生滅。汝南方身是無常。神性是常。所以半生半滅。半不生滅。曰。和尚色身。豈得便同法身。不生滅耶。師曰。汝那得入於邪道。曰。學人早晚入邪道。師曰。汝不見金。

剛經。色見聲求。皆行邪道。今汝所見。不其然乎。

雲門云。身心一如。身

外無餘山河大地。何處有耶。

神鼎諱云。國師與麼道。龍

頭蛇尾。

東禪觀云。國師與這僧離色聲相見。即色聲相

見。若離色聲相見。何異南方知識半生半滅。若即色聲相

見。又道色見聲求。是行邪道。眾中莫有為國師作主者麼。

我且問你。既是身心一如。身外無

曰。某甲曾讀大小乘教

餘。為甚麼泡幻之身。不同法體。

亦見有說不生不滅中道見性之處。亦見有說此陰滅彼

陰生。身有代謝。而神性不滅之文。那得盡撥同外道斷常

二見。師曰。汝學出世無上正真之道。為學世間生死斷常

二見耶。汝不見肇公云。譚真則逆俗。順俗則違真。違真故

迷性而莫返。逆俗故言淡而無味。中流之人。如存若亡。下

士拊掌而笑之。汝今欲學下士笑於大道乎。曰。師亦言。卽心是佛。南方知識亦爾。那有異同。師不應自是而非他。師曰。或名異體同。或名同體異。因茲濫矣。只如菩提涅槃。眞如佛性。名異體同。眞心妄心。佛智世智。名同體異。緣南方錯將妄心言是眞心。認賊爲子。有取世智稱爲佛智。猶如魚目而亂明珠。不可雷同。事須甄別。曰。若爲離得此過。師曰。汝但子細返觀陰入界處。一一推窮。有纖毫可得否。曰。子細觀之。不見一物可得。師曰。汝壞身心相耶。曰。身心相空。有何可壞。師曰。身心外更有物否。曰。身心無外。甯有物。



耶師曰。汝壞世間相耶。曰。世間相卽無相。那用更壞。師曰。若然者。卽離過矣。常州僧靈覺問曰。發心出家。本擬求佛。未審如何用心。卽得。師曰。無心可用。卽得成佛。曰。無心可用。阿誰成佛。師曰。無心自成佛。成佛亦無心。曰。佛有大不可思議。爲能度眾生。若也無心。阿誰度眾生。師曰。無心是真度生。若見有生可度者。卽是有心。宛然生滅。曰。今旣無心。能仁出世。說許多教迹。豈可虛言。師曰。佛說教亦無心。曰。說法無心。應是無說。師曰。說卽無。無卽說。曰。說法無心。造業有心否。師曰。無心卽無業。今旣有業。心卽生滅。何

得無心。曰。無心卽成佛。和尚卽今成佛未。師曰。心尙自無。誰言成佛。若有佛可成。還是有心。有心卽有漏。何處得無。心曰。旣無佛可成。和尚還得佛用否。師曰。心尙自無用。從何有。曰。茫然都無。莫落斷見否。師曰。本來無見。阿誰道斷。曰。本來無見。莫落空否。師曰。無空可落。曰。有可墮否。師曰。空旣是無。墮從何立。曰。能所俱無。忽有人持刀來取命。爲是有是無。師曰。是無。曰。痛否。師曰。痛亦無。曰。痛旣無。死後生何道。師曰。無死無生亦無道。曰。旣得無物自在。饑寒所逼。若爲用心。師曰。饑卽喫飯。寒卽著衣。曰。知饑知寒。應是

有心師曰我問汝有心。心作何體段。曰心無體段。師曰汝既知無體段。卽是本來無心。何得言有。曰山中逢見虎狼。如何用心。師曰見如不見。來如不來。彼卽無心。惡獸不能加害。曰寂然無事。獨脫無心。名爲何物。師曰名金剛大士。曰金剛大士有何體段。師曰本無形段。曰旣無形段。喚何物作金剛大士。師曰喚作無形段。金剛大士曰金剛大士有何功德。師曰一念與金剛相應。能滅殞伽沙劫生死重罪。得見殞伽沙諸佛。其金剛大士功德無量。非口所說。非意所陳。假使殞伽沙劫住世說。亦不可得盡。曰如何是一

念相應。師曰。憶智俱忘。卽是相應。曰。憶智俱忘。誰見諸佛。  
師曰。忘卽無。無卽佛。曰。無卽言無。何得喚作佛。師曰。無亦  
空。佛亦空。故曰無卽佛。佛卽無。曰。旣無纖毫可得。名爲何  
物。師曰。本無名字。曰。還有相似者否。師曰。無相似者。世號  
無比獨尊。汝努力依此修行。無人能破壞者。更不須問。任  
意游行。獨脫無畏。常有河沙賢聖之所覆護。所在之處。常  
得河沙天龍八部之所恭敬。河沙善神來護。永無障礙。何  
處不得逍遙。妙喜舉至殯伽沙劫住世說亦不可得盡止  
復云。遮僧當下大悟。如睡夢覺。如蓮花開。似  
這般底。便是金剛圈栗棘蓬。你若吞不得透不得。不見古  
人行履處。定起謗無疑。透得這裏。方能作大舟航。不著此

岸不著彼岸不著中流善知識下得這般手腳入得這般  
窠窟方始爲得人師家若不具許多差別眼目如心性上  
得個解路入處底定不愛擊石火閃電光卻愛這般說話  
又卻錯做實法會了如一機一境一棒一喝上得個入處  
底定不愛這般說話又是錯會了真所謂所見不同互有  
得失教中所謂菩薩見水如甘露天人見水如琉璃凡夫  
見水是水餓鬼見水如膿血是也或有個愛高禪底衲子  
出來道妙喜有如是等見耶卽向他道逢人但恁麼舉

僧問古德云青青翠竹盡是法身鬱鬱黃花無非般若  
有人不許云是邪說亦有信者云不思議不知若爲師曰  
此蓋普賢文殊境界非諸凡小而能信受皆與大乘了義  
經意合故華嚴經云佛身充滿於法界普現一切羣生前  
隨緣赴感靡不周而常處此菩提座翠竹旣不出於法界



豈非法身乎。又般若經云。色無邊。故般若亦無邊。黃花既  
不越於色。豈非般若乎。深遠之言。不省者難爲措意。於是  
禪客作禮而去。又華嚴座主問大珠和尚曰。禪師何故不  
許青青翠竹。盡是法身。鬱鬱黃花。無非般若。珠曰。法身無  
象。應翠竹以成形。般若無知。對黃花而顯相。非彼黃花翠  
竹而有般若法身。故經云。佛真法身。猶如虛空。應物現形。  
如水中月。黃花若是般若。般若卽同無情。翠竹若是法身。  
翠竹還能應用。座主會麼。云不會。珠云。若見性人。道是亦  
得。道不是亦得。隨用而說。不滯是非。若不見性人。說翠竹。

著翠竹。說黃花著黃花。說法身滯法身。說般若不識般若。

所以皆成諍論。座主禮謝而去。

妙喜云。國師主張青青翠竹。盡是法身。主張到底大

珠破青青翠竹。不是法身。直破到底。老漢將一個主張底。一個破底。收作一處。更無拈提。不敢動著他。一絲毫。要你

學者具眼。透國師底金剛圈。又吞大珠底栗棘蓬。具眼者。辨得出。不具眼者。未必不笑。又云。眾中商量道。二尊宿恁

麼切磋。一人得其體。一人得其用。得者。事上建立。得其體者。理上掃除。所謂實際理地。不受一塵。佛事門中。不

捨一法。我為法王。於法自在。或抑或揚。無得無失。恁麼見解。喚作矮子看戲。妙喜見處。也要諸人共知。不見道。破驢

脊上足。蒼蠅。

僧問。若為得成佛去。師曰。佛與眾生一時放卻。

當處解脫。曰。作麼生得相應去。師曰。善惡不思。自見佛性。

曰。若為得證法身。師曰。越毘盧之境界。曰。清淨法身。作麼

生得。師曰：不著佛求耳。曰：阿那個是佛？師曰：卽心是佛。曰：心有煩惱否？師曰：煩惱性自離。曰：豈不斷耶？師曰：斷煩惱者，卽名二乘煩惱不生。名大涅槃。曰：坐禪看靜，此復若爲？師曰：不垢不淨，甯用起心而看淨相？問：禪師見十方虛空，是法身否？師曰：以想心取之，是顛倒見。問：卽心是佛，可更修萬行否？師曰：諸聖皆具二嚴，豈撥無因果耶？師將涅槃，辭代宗。代宗曰：師滅度後，弟子將何所記？師曰：告檀越造取一所無縫塔。帝曰：就師請取塔樣。師良久曰：會麼？帝曰：不會。師曰：貧道去後，弟子應真，卻知此事。乞詔問之。大

歷十年十二月十九日。右脇而逝。塔於黨子谷。後詔應真

問前語。真良久曰。聖上會麼。帝曰。不會。真述偈曰。湘之南。

雪竇著語云。潭之北。兩手鳴。中有黃金充一國。山形挂無

獨掌不浪鳴。影樹下合同船。海晏琉璃殿上無知識。拈了也。復頌云。無

不許蒼龍蟠。層落落。影團團。千古萬古與人看。

永嘉玄覺禪師到曹溪。語具六祖章中。回溫江。學者輻輳號

真覺大師。著證道歌。及禪宗悟修圓旨。自淺之深。慶州刺

史魏靜。緝敘成十篇。名永嘉集。并行於世。西竺稱為東土大乘論。

證道歌曰。君不見。絕學無為閒道人。不除妄想不求真。無

明實性卽佛性。幻化空身卽法身。法身覺了無一物。本源  
自性。天真佛。五陰浮雲空去來。三毒水泡虛出沒。證實相。  
無人法。刹那滅卻阿鼻業。若將妄語誑眾生。自招拔舌塵  
沙劫。頓覺了。如來禪。六度萬行體中圓。夢裏明明有六趣。  
覺後空空無大千。無罪福無損益。寂滅性中莫問覓。比來  
塵鏡未曾磨。今日分明須剖析。誰無念。誰無生。若實無生  
無不生。喚取機關木人問。求佛施功早晚成。放四大。莫把  
捉。寂漠性中隨飲啄。諸行無常一切空。卽是如來大圓覺。  
決定說。表真乘。有人不肯任情徵。直截根源佛所印。摘葉



尋枝我不能。摩尼珠。人不識。如來藏裏親收得。六般神用。空不空。一顆圓光色。非色淨五眼。得五力。唯證乃知難可。測鏡裏看形。見不難。水中捉月拈爭得。常獨行。常獨步。達者同遊涅槃路。調古神清風自高。貌頓骨剛。人不顧。窮釋子。口稱貧。實是身貧。道不貧。貧則身常披縷褐。道則心藏無價珍。無價珍。用無盡。利物應機終不恡。三身四智體中圓。八解六通心地印。上士一決一切了。中下多聞多不信。但自懷中解垢衣。誰能向外誇精進。從他謗。任他非。把火燒天徒自疲。我聞恰似飲甘露。銷融頓入不思議。觀惡言。

是功德。此則成吾善知識。不因訕謗起冤親。何表無生慈。  
忍力。宗亦通。說亦通。定慧圓明不滯空。非但我今獨達了。  
恒沙諸佛體皆同。師子吼。無畏說。百獸聞之皆腦裂。香象  
奔波失卻威。天龍寂聽生欣悅。遊江海。涉出川。尋師訪道  
爲參禪。自從認得曹溪路。了知生死不相干。行亦禪。坐亦  
禪。語默動靜體安然。縱遇鋒刀常坦坦。假饒毒藥也閒閒。  
我師得見然燈佛。多劫曾爲忍辱仙。幾回生。幾回死。生死  
悠悠無定止。自從頓悟了無生。於諸榮辱何憂喜。入深山。  
住蘭若。岑峯幽邃長松下。優游靜坐野僧家。聞寂安居實

瀟灑覺卽了。不施功。一切有爲法。不同住相。布施。生天福。猶如仰箭射虛空。勢力盡。箭還墜。招得來生不如意。爭似無爲實相門。一超直入如來地。但得本。莫愁末。如淨琉璃含寶月。既能解此如意珠。自利利他終不竭。江月照松風。吹。永夜清宵何所爲。佛性戒珠心地印。霧露雲霞體上衣。降龍鉢。解虎錫。兩鉤金環。鳴厯厯。不是標形虛事持。如來寶杖親蹤跡。不求真。不斷妄。了知二法空。無相。無相。無空。無不空。卽是如來眞實相。心鏡明。鑒無礙。廓然瑩徹周沙界。萬象森羅影現中。一顆圓明非內外。豁達空。撥因果。莽

莽蕩蕩招殃禍。棄空著有病亦然。還如避溺而投火。捨妄  
心。取真理。取捨之心。成巧僞。學人不了用修行。真成認賊  
將爲子。損法財。滅功德。莫不由斯心意識。是以禪門了卻  
心。頓入無生知見力。大丈夫秉慧劍。般若鋒。今金剛。砍非  
但能摧外道心。早曾落卻天魔膽。震法雷。擊法鼓。布慈雲  
兮灑甘露。龍象蹴蹋潤無邊。三乘五性皆醒悟。雪山肥膩  
更無雜。純出醍醐。我常納一性圓通一切性。一法徧含一  
切法。一月普現一切水。一切水月一月攝。諸佛法身入我  
性。我性還共如來合。一地具足一切地。非色非心非行業。

彈指圓成八萬門。刹那超卻三祇劫。一切數句非數句。與  
吾靈覺何交涉。不可毀。不可讚。體若虛空。沒涯岸。不離當  
處。常湛然。覓卽知君不可見。取不得。捨不得。不可得。中祇  
麼得。默時說。說時默。大施門開。無壅塞。有人問我解何宗。  
報道摩訶般若力。或是或非人不識。逆行順行天莫測。吾  
早曾經多劫修。不是等閒相誑惑。建法幢。立宗旨。明明佛  
敕曹溪是。第一迦葉首傳燈。二十八代西天記。法東流。入  
此土。菩提達磨爲初祖。六代傳衣天下聞。後人得道何窮  
數。眞不立。妄本空。有無俱遣。不空空。二十空門元不著。一



性如來體自同心。是根。法是塵。兩種猶如鏡上痕。痕垢盡  
除光始現。心法雙亡。性卽眞。嗟末法惡時世。眾生福薄難  
調治。去聖遠兮邪教深。魔強法弱多怨害。聞說如來頓教  
門。恨不滅除令瓦碎。作在心。殃在身。不須怨。訢更尤人。欲  
得不招無間業。莫謗如來正法輪。梅檀林無別樹。鬱密森  
沉。師子住境。靜林閒。獨自遊走。獸飛禽皆遠去。師子兒眾  
隨後。三歲卽能大哮吼。若是野干逐法王。百年妖怪虛開  
口。圓頓教。勿人情。有疑不決直須爭。不是山僧逞人我。修  
行恐落斷常坑。非不非。是不是。差之毫釐失千里。是卽龍

女頓成佛。非卽善星生陷墜。吾早年來積學問。亦曾討疏。尋經論。分別名相。不知休入海筭沙。徒自困卻。被如來苦訶責。數他珍寶。有何益。從來蹭蹬覺虛行。多年枉作風塵客。種性邪。錯知解。不達如來圓頓制。二乘精進非道心。外道聰明無智慧。亦愚癡。亦小駭。空拳指上生實解。執指爲月。枉施功。根境法中虛捏怪。不見一法。卽如來。方得名爲觀自在。了卽業障本來空。未了先須償宿債。饑逢王膳不能餐。病遇醫王爭得瘥。在欲行禪。知見力。火中生蓮終不壞。勇施犯重悟無生。早時成佛於今在。師子吼。無畏說深。

嗟。懞。懂。頑。皮。韌。祇。知。犯。重。障。菩。提。不。見。如。來。開。秘。訣。有。二。  
比。丘。犯。姪。殺。波。離。螢。光。增。罪。結。維。摩。大。士。頓。除。疑。猶。如。赫。  
日。銷。霜。雪。不。思。議。解。脫。力。妙。用。河。沙。也。無。極。四。時。供。養。敢。  
辭。勞。萬。兩。黃。金。亦。銷。得。粉。骨。碎。身。未。足。酬。一。句。了。然。超。百。  
億。法。中。王。最。高。勝。河。沙。如。來。同。印。證。我。今。解。此。如。意。珠。信。  
受。之。者。皆。相。應。了。了。見。無。一。物。亦。無。人。亦。無。佛。大。千。沙。界。  
海。中。漚。一。切。聖。賢。如。電。拂。假。使。鐵。輪。頂。上。旋。定。慧。圓。明。終。  
不。失。日。可。冷。月。可。熱。眾。魔。不。能。壞。真。說。象。駕。崢。嶸。謾。進。塗。  
誰。見。螳。螂。能。拒。轍。大。象。不。遊。於。兔。徑。大。悟。不。拘。於。小。節。莫。

將管見謗蒼蒼未了吾今爲君決。

慈明和尚示眾云無明實性卽佛性幻化空身

卽法身諸仁者若也信得去不妨省力可謂善財入彌勒樓閣無邊法門悉皆周徧得大無礙悟法無生是謂無生法忍無邊刹境自他不隔于毫端十世古今始終不離於當念且問諸人阿那個是當念只如諸人無明之性卽是汝本覺妙明之性蓋謂不了生死根源妄執爲實隨妄所轉致墮輪迴受種種苦若能同光反照自悟本來真性不生不滅故曰無明實性卽佛性幻化空身卽法身只如四大五蘊不淨之身都無實義如夢如幻如影如響從無量劫來流浪生死貪愛所使無暫休息出此入彼積骨如昆富羅山飲乳如四大海水何故爲無智慧不能了知五蘊本空都無所實逐妄受生貪欲所拘不得自在故所以世尊云諸苦所因貪欲爲本若滅貪欲無所依止汝等若能了知幻身虛假本來空寂諸見不生無我人眾生壽者諸法皆如故曰幻化空身卽法身法身覺了無一物惟聽法說法虛玄大道無著真宗故曰本源自性天真佛又曰五陰浮雲空去來三毒水泡虛出沒若如是者是爲度一切



苦厄乃至無量無邊煩惱知解悉皆清淨是爲清淨法身。若到遮個田地便能出此入彼捨身受身。地獄天堂此界他方縱橫自在任意浮沉應物舒光隨機逗教喚作千百億化身與麼說話可謂無夢說夢和泥合水撒屎撒尿不識好惡乃呵呵大笑云。若向禪僧門下十萬八千未夢見他汗臭氣在。雖然如是事不得一向但以假名字引導於衆生喝。一喝。

永嘉集篇目大旨。

慕道志儀第一。夫欲修道。

先須立志。及事師儀則。彰乎軌訓。故標第一明慕道儀式。

戒僞奢意第二。初雖立志修道。善識軌儀。若三業僞奢。

妄心擾動。何能得定。故次第二明戒僞奢意也。淨修三

業第三。前戒僞奢略標綱要。今予細檢責令粗過不生。故

次第三明淨修三業。戒乎身口意也。奢摩他頌第四。已



檢責身口。令粗過不生。次須入門。修道漸次。不出定慧五種起心。六種料揀。故次第四明奢摩他頌也。毘婆舍那頌第五。非戒不禪。非禪不慧。上既修定。定久慧明。故次第五明毘婆舍那頌也。優畢叉頌第六。偏修於定。定久則沉。偏學於慧。慧多心動。故次第六明於優畢叉頌等於定慧。令不沉動。使定慧均等。捨於二邊。三乘漸次第七。定慧既均。則寂而常照。三觀一心。何疑不遣。何照不圓。自解雖明。悲他未悟。悟有深淺。故次第七明三乘漸次也。事理不二第八。三乘悟理。理無不窮。窮理在事。了事卽理。故

次第八明事理不二。卽事而真。用祛倒見也。勸友人書  
第九事理既融。內心自瑩。復悲遠學。虛擲寸陰。故次第九  
明勸友人書也。發願文第十。勸友人雖是悲他。專心在  
一情。猶未普。故次第十明發願文。誓度一切。復次觀心  
十門。初則言其法爾。次則出其觀體。三則語其相應。四則  
警其上慢。五則戒其疎怠。六則重出觀體。七則明其是非。  
八則簡其詮旨。九則觸塗成觀。十則妙契立源。第一言  
法爾者。夫心性虛通。動靜之源莫二。真如絕慮緣計之念  
非殊。惑見紛馳。窮之則唯一寂靈源。不狀鑒之則以千差。

千差不同。法眼之名自立。一寂非異。慧眼之號斯存。理量  
 雙消。佛眼之功圓著。是以三諦一境。法身之理常清。三智  
 一心。般若之明常照。智境冥合。解脫之應隨機。非縱非橫。  
 圓伊之道立會。故知三德妙性。宛爾無乖。一心深廣難思。  
 何出要而非路。是以卽心爲道者。可謂尋流而得源矣。  
 第二出其觀體者。只知一念。卽空不空。非空非不空。第  
 三語其相應者。心與空相應。則譏毀讚譽。何憂何喜。身與  
 空相應。則刀割香塗。何苦何樂。依報與空相應。則施與劫  
 奪。何得何失。心與空不空相應。則愛見都忘。慈悲普救。身

與空不空相應。則內同枯木。外現威儀。依報與空不空相應。則永絕貪求。貨財給濟。心與空不空。非空非不空相應。則實相初明。開佛知見。身與空不空。非空非不空相應。則此塵入正受。諸塵三昧起。依報與空不空。非空非不空相應。則香臺寶閣。嚴土化生。第四警其上慢者。若不爾者。則未相應也。第五戒其疎怠者。然渡海應須上船。非船何以能渡。修心必須入觀。非觀無以明心。心尚未明。相應何日。思之勿自恃也。第六重出觀體者。只知一念卽空。不空。非有非無。不知卽念卽空。不空。非非有非非無。第

七明其是非者。心不是有。心不是無。心不非有。心不非無。是有是無。卽墮是非。有非無。卽墮非如是。只是是非之非。未是非是非之是。今以雙非破兩是。是破非是。猶是非。又以雙非破兩非。非破非非。卽是是如是。只是非是非非之是。未是不非不非。不是不非。是非之惑。綿微難見。神清慮靜。細而研之。第八簡其詮旨者。然而至理無言。假文言以明其旨。旨宗非觀。藉修觀以會其宗。若旨之未明。則言之未的。若宗之未會。則觀之未深深觀。乃會其宗。的言必明其旨。旨宗既其明會。言觀何得復存耶。第九



觸塗成觀者。夫再演言詞。重標觀體。欲明宗旨。無異言觀。  
有逐方移方。方五燈作移五燈言上方同移作言則言理無差。無差則觀旨  
不異。不異之旨。卽理無差之理。卽宗。宗旨一而名二。言觀  
明其弄引耳。第十妙契玄源者。夫悟心之士。寤執觀而  
迷旨。達教之人。豈滯言而惑理。理明則言語道斷。何言之  
能議。旨會則心行處滅。何觀之能思。心言不能思議者。可  
謂妙契環中矣。先天二年十月十七日。安坐示滅。塔于  
西山之陽。

西京荷澤神會禪師。見六祖語。具六祖章中。弟子光寶問眼。

旨丁錄

卷六 神會

四二

耳緣聲色時。爲復抗行。爲有回互。師曰。抗互且置。汝指何法。爲聲色之體乎。寶曰。如師所說。卽無有聲色可得。師曰。汝若了聲色體空。亦信眼耳諸根。及與凡與聖平等如幻。抗行回互。其理昭然。寶頓領悟。卽日發去。隱於蒙山。一日鄉信至。報二親俱亡。師入堂白槌曰。父母俱喪。請大眾念摩訶般若。眾纔集。師便打槌曰。勞煩大眾下座。

圭峰宗密禪師。果州西充何氏子。髫齡通明。儒典弱冠將赴舉。見圓和尚。遽落髮受具。一日赴府吏任灌齋。以次受經。得圓覺讀之。感悟流涕。歸白圓。圓曰。此佛授汝耳。汝當大

宏圓頓之教。令徧叅。因謁荆南忠公。

南忠公

曰。傳教人也。復

謁洛陽照公。

奉國神照

曰。菩薩中人也。抵襄陽。得清涼國師

華嚴疏於病僧處。夙未經目。卽爲眾講說。聽者雲集。有泰

恭者。不勝慶遇。至斷臂酬恩。師遣書先詣清涼。敘師資禮。

講畢。乃躬詣觀國師執弟子禮。觀國師曰。毘盧華藏。能隨

我遊者。其汝乎。師預觀之室。曰。臻玄奧。筌象都亾。同住鄆

縣草堂寺。未幾。住終南圭峰寺。太和徵至都。賜紫。天子而

下。悉歸慕叅扣。相國裴休。獨稱入室。師以禪教互相非毀。

乃著禪源詮。以通之。其都序略曰。禪是天竺之語。具云禪

那。此云思惟修。亦云靜慮。皆定慧之通稱也。源者是一切眾生本覺真性。亦名佛性。亦名心地。悟之名慧。修之名定。定慧通明爲禪。此性是禪之本源。故云禪源。亦名禪那。理行者。此之本源是禪理。忘情契之是禪行。故云理行。然今所述諸家述作。多譚禪理。少說禪行。故且以禪源題之。今時有人。但曰真性爲禪者。是不達理行之旨。又不辨華竺之音也。然非離真性別有禪體。但眾生迷真合塵。卽名散亂。背塵合真。方名禪定。若直論本性。卽非真非妄。無背無合。無定無亂。誰言禪乎。況此真性。非惟是禪門之源。亦是

萬法之源。故名法性。亦是眾生迷悟之源。故名如來藏。

識。出楞伽經亦是諸佛萬德之源。故名佛性。涅槃經亦是菩薩萬

行之源。故名心地。梵網經云行菩薩道之根本萬行不出六波羅密。禪

者。但是六中之一。當其第五。豈可都目真性爲一禪行哉。

然禪定一行。最爲神妙。能發起性上無漏智慧。一切妙用。

萬行萬德。乃至神通光明。皆從定發。故三乘人欲求聖道。

必須修禪。離此無門。離此無路。至於念佛求生淨土。亦修

十六觀禪。及念佛三昧。般舟三昧等也。又真性卽不垢不

淨。凡聖無差。禪門則有淺有深。階級殊等。謂帶異計。欣上



厭下而修者是外道禪。正信因果亦以欣厭而修者是凡夫禪。悟我空偏真之理而修者是小乘禪。悟我法二空所顯真理而修者是大乘禪。上四類皆有四色四空之異也。若頓悟自心本來清淨。元無煩惱。無漏智性。本自具足。此心即佛。畢竟無異。依此而修者是最上乘禪。亦名如來清淨禪。亦名一行三昧。亦名真如三昧。此是一切三昧根本。若能念念修習。自然漸得百千三昧。達磨門下展轉相傳者。是此禪也。達磨未到。古來諸家所解。皆是前四禪八定。諸高僧修之。皆得功用。南嶽天台。令依三諦之理。修三止三觀。教義雖最。

圓妙。然其趣入門戶次第。亦只是前之諸禪行相。唯達磨  
所傳者。頓同佛體。迥異諸門。故宗習者。難得其旨。得則成  
聖。疾證菩提。失卽成邪。速入塗炭。先祖革昧防失。故且人  
傳一人。後代已有所憑。故任千燈千照。泊乎法久成弊。錯  
謬者多。故經論學人疑謗亦眾。原夫佛說頓教漸教。禪開  
頓門漸門。二教二門。各相符契。今講者偏彰漸義。禪者偏  
播頓宗。禪講相逢。胡越之隔。宗密不知。夙生何作。熏得此  
心。自謂解脫。欲解他縛。爲法忘於軀命。惑人切於神情。亦  
淨名經云。若自有縛。能解他縛。無有每歎人與法差。法爲  
是處。然欲罷不能。疑是宿習難改。故

人病故別撰經律論疏大開戒定慧門。顯頓悟資於漸修。證師說符於佛意。意既本末而委示。文乃浩博而難尋。況學雖多。秉志者少。況迹涉名相。誰辨金鑰。徒自疲勞。未見機感。雖佛說悲增是行。而自慮愛見難防。遂捨眾入山。習定均慧。前後息慮。相繼十年。微細習情。起滅彰於靜慧。差別法義。羅列現於空心。虛隙日光。纖埃擾擾。清潭水底。影像昭昭。豈比夫空守默之癡禪。但尋文之狂慧者也。然本因了自心。而辨諸教。故懇情於心宗。又因辨諸教。而解修心。故虔誠於教義。教也者。諸佛菩薩所畱經論也。禪也者。

諸善知識所述句偈也。但佛經開張羅大千八部之眾。禪  
偈撮略就此方一類之機。羅眾則莽蕩難依。就機則指的  
易用。今之纂集意在斯焉。蕭俛相公呈已見解。請師注  
釋。荷澤云。見清淨體。於諸三昧八萬四千諸波羅密門。皆  
於見上一時起用。名為慧眼。若當真如相應之時。師注善惡不思  
空有不念。下細。萬法俱從思想緣念而生皆是萬化寂滅。虛空故云化也。既一念不生則  
萬法不起。故不待此時更無所見。照體獨立三昧諸波羅  
泯之自然寂滅也。夢智上階密門亦一時空寂。更無所得。散亂與三昧此岸與彼岸是  
見性無生。則定亂真妄。不審此是見上一時起用否。性圓然見  
一時空寂。故無所得也。

明理絕相。累卽絕相。爲妙用。住相爲執情。於入萬法門。一皆爾。一法有爲。一塵。一法空。爲一用。故云。見清淨體。則一時起。山南溫造尙書。問悟理息妄之人。不復結業。一用矣。期壽終之後。靈性何依。師曰。一切眾生。無不具有覺性。靈明空寂。與佛何殊。但以無始劫來。未曾了悟。妄執身爲我相。故生愛惡等情。隨情造業。隨業受報。生老病死。長劫輪迴。然身中覺性。未曾生死。如夢被驅役。而身本安閒。如水作冰。而溼性不易。若能悟此性。卽是法身。本自無生。何有依托。靈靈不昧。了了常知。無所從來。亦無所去。然多生妄執。習以性成。喜怒哀樂。微細流注。真理雖然。頓達此情。難



以卒除。須常覺察。損之又損。如風頓止。波浪漸停。豈可一生所修。便同諸佛力用。但可以空寂爲自體。勿認色身。以靈知爲自心。勿認妄念。妄念若起。都不隨之。卽臨命終時。自然業不能繫。雖有中陰所向。自由天上人間。隨意寄托。若愛惡之念已泯。卽不受分段之身。自能易短爲長。易粗爲妙。若微細流注。一切寂滅。唯圓覺大智。朗然獨存。卽隨機應現。千百億化身。度有緣眾生。名之爲佛。宗密先有八句偈。顯示此意。曾於尙書處誦之。奉命解釋。今謹注釋。如後偈曰。作有義事。是惺悟心。義謂義理。非謂情義。思義意。明凡所作爲。先詳利害。須有

所以當於道理然後行之方免同惛醉顛狂之人也就佛法中有三種義即可爲之一資益色身之事謂衣食醫藥房舍等世間義也二資益法身謂戒定慧六波羅密等第一義也三弘正法利濟羣生也乃至爲法諸餘緣事通世出世作無義事是狂亂心謂凡所作爲若不緣上三般事也間狂人醉人所往不揀處所所作不量是非今既不擇有何義利但縱情妄念要爲卽爲故如狂也上四句述業因也下四句述狂亂隨情念臨終被業牽既隨妄念欲作卽受果報云狂亂隨情念臨終被業牽作不以悟理之智簡擇是非猶如狂人故臨終時牽於業道被業所引受當來報故涅槃經云無明卽主貪愛魔王役使身心策如僮僕惺悟不由情臨終能轉業情中欲作而察理不應卽須應卽須便作但由是非之理不由愛惡之情卽臨命終時業不能繫隨意自在天上人間也通而言之但朝暮之間所作被情塵所牽卽臨終被業所牽而受生若所作所爲由於覺智不由情塵卽臨終由我自在而受生不由業也

旨司錄

圭峯

尺

當知欲驗臨終受生自在不自在，但驗尋常行心於塵境  
自由不自由。林間錄引師前偈曰：閱唐史李訓之敗，被  
綠衣詭言黜官，走終南，依密，密欲匿之，其徒不可，乃奔鳳  
翔。爲盤屋吏所執，訓死，仇士良捕密詰之，怡然曰：與訓遊  
久，吾法遇難則救，初無愛憎，死固吾分。子謂比丘與唐士  
大夫交者多，或見傳記多犯法辱教，而圭峯獨超然如此，  
爲史者亦欣然點筆疾書，蓋其履踐之明也。觀其偈，則無  
不欲透脫情境，譬如香象擺壞鐵鎖，自在而去，豈若蠅爲  
唾所污哉？智證傳引此偈曰：朝奉大夫孫于之嫂，年十九  
而寡，自誓一飯終身，誦法華經，不復嫁。于守高安，嫂年已  
七十餘，面目光澤，舉止輕利。政和六年夏六月，忽收經帙，  
料理服玩，與侍妾于問其故，笑曰：我更三日死矣。果如期  
而逝。韓子蒼問于曰：人之將終，有前知者，何術致之？于曰：  
譬如牛乳，以醇發之，雖緣緣之中，無有作者，久而成熟，忽  
自外來，生乳中故，非自能生，以醇發之，故緣緣成熟，忽  
成就，乃有偈，其畧曰：酪出乳中，無別法，死而何苦？欲先  
知，如某夫人，華年休息，白首見效，凡五十餘年，心心無間，自  
然前知，化日酪出乳中也。然觀圭峯偈語，恐于死時未得

自在。以省理障故。如本朝太祖皇帝將問罪江南後主。遣其臣徐鉉入對。欲以舌辨存國。既見曰。江南國主如子。事父以事陛下。奈何欲伐之。太祖曰。父子異居。可乎。鉉愕然。無以對。今平生知誦圭峰之偈語。至於臨終。爲徐鉉之愕然。是也。林間錄又引師答溫尚書書具載其辭。復列韓侍郎與晦堂問答。而覺範於後稍有評并錄於此。韓侍郎宗古。以書問晦堂。老師曰。昔聞和尚開悟。曠然無疑。但無始以來。煩惱習氣。未能頓盡。爲之奈何。晦堂答曰。敬承中書諭及昔時開悟。曠然無疑。但無始以來。煩惱習氣。未能頓盡。爲之奈何。然心外無剩法者。不知煩惱習氣。是何物。而欲盡之。若起此心。翻成認賊爲子也。從上以來。但有言說。乃是隨病設藥。縱有煩惱習氣。但以如來知見治之。皆是善權方便。誘引之說。若是定有習氣。可治。卻見心外有法。而可盡之。譬如靈龜曳尾於塗。拂迹迹生。可謂將心用心。轉見病深。苟能明達心外無法。法外無心。心法既無。更欲教誰頓盡耶。伏奉來論。畧敘少答。以爲山中之信耳。二老古今之宗師也。其隨宜方便。自有意味。初無優劣。然圭峰所答之詞。正韓公所問之意。而語不失宗。開廓正



見以密較之晦堂所得多矣。又林間錄曰：草堂禪師牋要曰：心體靈知不昧如一摩尼珠圓照空淨都無差別之相。以體明故對物時能現一切色相。色自差而珠無變易。如珠現黑時人以珠爲黑者非見珠也。離黑覓珠者亦非見珠也。以明黑都無爲珠者亦非見珠也。馬祖說法卽妄明真正如以黑爲珠神秀說法令妄盡方見覺性者離妄求真正如離黑覓珠牛頭說法一切如夢本來無事真妄俱無正如明黑都無爲珠獨荷澤於空相處指示知見了了常知正如正見珠體不顧眾色也。密以馬祖之道如珠之黑是大不然卽妄明真方便語耳。畧知教乘者皆了之。豈馬祖應聖師遠識爲震旦法主出其門下者如南泉百丈大達歸宗之徒皆博綜三藏熟爛真妄之論爭服膺師尊之而其道乃止於如珠之黑而已哉。又以牛頭之道一切如夢真妄俱無者是大大不然觀其作心王銘曰：前際如空知處迷宗分明照境隨照冥濛縱橫無照最微最妙知法無知無知知要一一皆治知見之病而荷澤公然立知見優劣可見而謂其道如明黑都無爲珠者豈不重欺吾人哉。至如北秀之道頓漸之理三尺童子知之所論當論



其用心秀公爲黃梅上首頓宗直指縱曰機器不逮然亦  
飲聞飽參矣豈自甘爲漸宗徒耶蓋祖道於時疑信半天  
下不有漸何以顯頓哉至於紛爭者皆兩宗之徒非秀心  
也便謂其道止如是恐非通論吾聞大聖應世成就法道  
其權非一有冥權有顯權冥權卽爲異道爲非道  
顯權則爲親友爲知識庸詎知秀公非冥權也者

指月錄卷之六終

指月錄卷之七

未詳法嗣

泗州塔頭侍者及時鎖門有人問既是三界大師爲甚麼被

弟子鎖侍者無對

法眼代云弟子鎖大師鎖法燈代云還我鎖匙來又老宿代云吉州鎖虔

州鎖

或問僧承聞大德講得肇論是否曰不敢曰肇論有物不遷義是否曰是或人遂以茶盞就地撲破曰這個是遷不遷

無對

法眼代撫掌三下

有道流在佛殿前背坐僧曰道士莫背佛道流曰大德本教

旨司錄

卷七 泗州塔頭 未詳法嗣

中道佛身充滿於法界。向甚麼處坐得。僧無對。法眼代云。識得汝。

又有一行者隨法師入佛殿。行者向佛而唾。法師曰。行

者少去就。何以唾佛。行者曰。將無佛處來與某甲唾。法師

無對。湧山云。仁者卻不仁者不仁者。卻仁者。仰山代法。師云。但唾行者。又云。行者若有語。即向伊道。還我無

行者處來。

台州六通院僧。欲渡船。有人問。既是六通。為甚麼假船。無對。

天台韶代云。不欲驚眾。

聖僧像被屋漏滴。有人問。既是聖僧。為甚麼有漏。天台韶代云。無漏不

是聖僧。

死魚浮於水上。有人問僧。魚豈不是以水爲命。曰。是。曰。爲甚。

麼。卻向水中死。無對。天龍機代云。是伊爲甚。麼不向岸上死。

江南相馮延巳。與數僧遊鍾山。至一人泉。問一人泉。許多人爭得足。一僧對曰。不教欠少。乃別云。誰人欠少。法眼別云。誰是不足者。

有施主婦人。入院行眾。僧隨年錢。僧云。聖僧前著一分。婦人

曰。聖僧年多少。無對。法眼代云。心期滿處。卽知。

偃臺感山主到圓通院相看。第一座問曰。圓通無路。山主爭

得到來。無對。歸宗柔代云。不期又待相見。

有僧入冥見地藏菩薩。地藏問是你平生修何業。僧曰念法華經。曰止止不須說。我法妙難思。爲是說是不說。無對。歸宗

柔代云此回歸去敢請流通

鷄子趁鴿子。飛向佛殿欄杆上。顫有人問僧。一切眾生。在佛

影中。常安常樂。鴿子見佛。爲甚麼卻顫。無對。法燈代云怕佛

官人問僧名甚麼。曰無揀。官人曰。忽然將一碗沙與上座。又

作麼生。曰謝官人供養。法眼別云此猶是揀底

廣南有僧住庵。國主出獵。人報庵主。大王來請起。曰非但大王佛來亦不起。王問佛豈不是汝師。曰是。王曰見師爲甚。



麼不起。無對。法眼代云。未足酬恩。

僧問圓通和尚。一塵纔起。大地全收。還見禪床麼。圓通曰。喚

甚麼作塵。又問法燈。燈曰。喚甚麼作禪牀。東禪齊云。此二尊宿語。還明伊

問處不明。伊問處若明。伊問處還得盡善也未。試斷看。忽然向伊道。你指示我。更要答話。又作麼生會。莫道又答一

轉子。

有僧與童子上經了。令持經著函內。童子曰。某甲念底著向

那裏。法燈代云。汝念甚麼經。

先淨照禪師問楞嚴大師。經中道。若能轉物。即同如來。若被物轉。即名凡夫。祇如昇元閣。作麼生轉。嚴無對。汾陽代云。彼此老大

有僧到曹溪守衣鉢。僧提起衣曰。此是大庾嶺頭提不起底。

曰。爲甚麼在上座手裏無對。

雲門云彼此不了。又云將謂是師子兒。

昔高麗國來錢塘刻觀音聖像。及舁上船。竟不能動。因請入

明州開元寺供養。後有設問。無刹不現身聖像爲甚麼不

去高麗國。

長慶稜代云。現身雖普。觀相生偏。法眼別云。識得觀音未。

有人問僧點甚麼燈。僧曰。長明燈。曰。甚麼時點。曰。去年點。曰。

長明何在。無對。

長慶稜代云。若不如。知公不受。人瞞。法眼別云。利動君子。

有官人入鎮州天王院。覩神像。因問院主曰。此是何功德。曰。

護國天王曰。祇護此國。徧護餘國。曰。在秦爲秦。在楚爲楚。

日臘月二十九日打破鎮州城。天王向甚處去。主無對。

老宿有偈曰。五蘊山頭一段空。同門出入不相逢。無量劫來

賃屋住。到頭不識主人公。

有老宿云。既。不識他。當初問甚麼人賃。

有僧持鉢到長者家。偶爲犬傷。長者指袈裟曰。龍披一縷金。

翅不吞。大師全披法服。爲甚卻被狗咬。

宋太宗幸相國寺。問看經僧曰。是甚麼經。曰。仁王經。曰。既是

寡人經。因甚卻在卿手裏。無對。

雪竇代云。皇天無親。惟德是輔。

幸開寶

塔。問僧卿是甚人。曰。塔主。曰。朕之塔。因甚卿作主。無對。

雪竇

代云。闍國咸知。

僧朝宗問甚處來。曰。廬山臥雲庵。曰。朕聞臥雲

深處不朝天。因甚到此無對。雪竇代云。難逃至化。僧入對次。奏曰。

陛下還記得麼。曰。甚處相見來。曰。靈山一別。直至如今。曰。

以何為驗。無對。雪竇代云。貧道得得而來。京寺回祿。藏經燬。僧乞宣

賜。召問。昔日摩騰不燒。如今為甚卻燒。無對。雪竇代云。陛下不忌付囑。

宗嘗夢神人報曰。請陛下發菩提心。因早朝宣問左右

街。菩提心作麼生發。無對。雪竇代云。實謂古今罕聞。

茶陵郁山主。不曾行腳。因廬山有化士至。論及宗門中事。教

看僧問法燈。百尺竿頭。如何進步。燈曰。噫。凡三年。一日乘

驢度橋。一蹋橋板而墮。忽然大悟。遂有頌云。我有神珠一

顥久被塵勞關鎖。今朝塵盡光生。照破山河萬朶。因茲更不遊方。師爲白雲端禪師得度師。

唐朝因禪師。微時嘗運椎擊土次。見一大塊。戲椎猛擊之。應手而碎。豁然大悟。

樓子和尙。不知何許人。亦不知其名氏。一日偶經遊街市間。於酒樓下整鞵帶次。聞樓上人唱曲云。你旣無心。我也休。忽然大悟。因號樓子焉。

神照本如法師。嘗以經王此字應訛請益四明尊者。者震聲曰。汝名本如。師卽領悟。作偈曰。處處逢歸路。頭頭達故鄉。本來



成現事。何必待思量。

臨安府上竺圓智證悟法師。台州林氏子。依白蓮仙法師。問其變之道。蓮指行燈曰。如此燈者。離性絕非。本自空寂。理則具矣。六凡四聖。所見不同。變則在焉。師不契。後因掃地誦法華經。至知法常無性。佛種從緣起。始諭旨。告蓮。蓮然之。師領徒以來。常患本宗學者。膠於筆錄。至以天台之傳。爲文字之學。南宗鄙之。乃謁護國此庵元禪師。夜語次。師舉東坡宿東林偈。坡偈溪聲便是廣長舌。山色豈非清淨身。夜來八萬四千偈。他日如何舉似人。且曰。也不易到此田地。庵曰。尙未見路徑。何言到耶。曰。溪

聲便是廣長舌。山色豈非清淨身。若不到此田地。如何有  
這個消息。庵曰。是門外漢耳。曰。和尚不吝。可爲說破。庵曰。  
卻祇從這裏。猛著精彩。覷捕看。若覷捕得他破。則亦知本  
命元辰落著處。師通夕不寐。及曉鐘鳴。去其秘蓄。以前偈  
別曰。東坡居士太饒舌。聲色關中欲透身。溪若是聲山是  
色。無山無水好愁人。持以告此庵。庵曰。向汝道是門外漢。  
師禮謝。俄有化馬祖殿瓦者。求語發揚。師書曰。寄語江  
西老古錐。從教日炙與風吹。不是兒孫無料理。要見冰消  
瓦解時。此庵見之。笑曰。須是這閻黎始得。

公期和尙。因往羅漢路。逢一騎牛公子。師問羅漢路向甚麼處去。公拍牛曰。道道。師喝曰。這畜生。公曰。羅漢路向甚麼處去。師卻拍牛曰。道道。公曰。直饒恁麼。猶少蹄角在。師便打。公拍牛便走。

福州山東雲頂禪師。有居士問。洞山道有一物。上挂天下挂地。未審是甚麼物。師曰。擔鐵枷。喫鐵棒。曰。天地黑。山河走。師曰。閻老殿前添一鬼。北邙山下臥千年。曰。快活快活。師曰。也是野狐吞老鼠。

昔有一老宿。一夏不爲師僧說話。有僧歎曰。我祇恁麼空過。

一夏不敢望和尚說佛法。得聞正因兩字也得。老宿聞乃

曰。闍黎莫暫速。若論正因一字也。無道了扣齒云。適來無

端。不合與麼道。隣壁有一老宿聞曰。好一金羹。被一顆鼠

糞污卻。

雪竇代云。誰家金裏無一兩顆。

又一老宿畜一童子。并不知軌

則。有一行腳僧到。乃教童子禮儀。晚間見老宿外歸。遂去

問訊。老宿怪訝。遂問童子曰。阿誰教你。童曰。堂中某上座。

老宿喚其僧來。問上座傍家行腳。是甚麼心行。這童子養

來二三年了。幸自可憐生。誰教上座教壞伊。快束裝起去。

黃昏雨淋淋地被趂出。

法眼云。古人恁麼顯露些子家風。甚怪且道。意在於何。

昔有二庵主旬日不相見忽相會上庵主問下庵主多時不相見向甚麼處去下庵主曰在庵中造個無縫塔上庵主曰某甲也要造一個就兄借取塔樣子下庵主曰何不早說卻被人借去了也

法眼云且道是借他樣不借他樣

昔有一老宿曰祖師九年面壁爲訪知音若恁麼會得喫鐵棒有日在又一老宿曰祖師九年面壁何不慚惶若恁麼會得更買草鞋行腳三十年

瑯琊覺云旣不然且道祖師面壁意作麼生良久云欲得

不招無間業莫謗如來正法輪

昔有一老宿因僧問師子捉兔亦全其力捉象亦全其力未



審全個甚麼力。老宿曰。不欺之力。法眼別云。不會古人語。

昔有婆子供養一庵主。經二十年。常令一二八女子送飯給侍。一日令女子抱定曰。正恁麼時如何。主曰。枯木倚寒巖。三冬無煖氣。女子舉似婆婆。婆曰。我二十年祇供養得個俗漢。遂遣出燒卻庵。

昔有婆子臨齋入趙州法堂云。這一堂師僧。總是婆婆生得底。唯有大底孩兒忤逆不孝。州纔顧視。婆便出去。

昔有跨驢人問眾僧何往。僧曰。道場去。其人曰。何處不是道場。僧毆之曰。這漢沒道理。向道場裏跨驢不下。

鑒法師在姚秦臨刑時說偈曰四大元無主五陰本來空將

頭臨白刃猶似斬春風

玄沙云大小筆法師臨死猶寐語

雙溪布衲如禪師因嵩禪師戲以詩悼之曰繼祖當吾代生緣行可規終身常在道識病嬾尋醫貌古筆難寫情高世莫知慈雲布何處孤月自相宜師讀罷舉筆答曰道契平生更有誰閒卿於我最心知當初未欲成相別恐誤同叅一首詩投筆坐亡六十年後塔戶自啟真容儼然

處州法海立禪師因徽宗革本寺作神霄宮師陞座謂眾曰都緣未徹所以說是說非蓋爲不真便乃分彼分此我身

尙且不有。身外烏足道哉。正眼觀來。一場笑具。今則聖君  
垂旨。更僧寺作神霄。佛頭添個冠兒。筭來有何不可。山僧  
今日不免橫擔拄杖。高挂鉢囊。向無縫塔中安身立命。於  
無根樹下嘯月吟風。一任乘雲仙客。來此咒水書符。叩牙  
作法。他年成道。白日上昇。堪報不報之恩。以助無爲之化。  
祇恐不是玉。是玉也大奇。然雖如是。且道山僧轉身一句。  
作麼生道。還委悉麼。擲下拂子。竟爾趨寂。郡守具奏。詔仍  
改寺額曰眞身。又汝州天甯明禪師改德士日登座謝恩  
畢乃曰。木簡信手拈來。坐具乘時放下。雲  
散水流去。寂然天  
地空。卽斂目而逝。

幽棲禪師因僧爲師造壽塔畢。師乃領眾看塔。卽入塔內端坐云。一客不煩。兩主人便告寂。眾僧競喚云。和尚許多年住世。不可便卽恁麼去。遂昇歸。主事辦齋了。師復上堂告眾曰。不得喚作是。不得喚作非。汝喚作甚麼。時有僧出承聞。和尚有言。不得喚作是。不得喚作非。未審喚作甚麼。師便珍重告寂。

魏府老洞華嚴嘗示眾曰。佛法在日用處。行住坐臥處。喫茶喫飯處。語言相問處。所作所爲處。舉心動念。又卻不是也。又曰。時當缺減。人壽少有。登六七十者。汝輩入我法中。整

頓手腳未穩。早是三四十年。須臾衰病至。衰病至則老至。老至則死。至前去幾何。尙復恣意。何不初中後夜。純靜去。文潞公鎮北京。洞老來謁別。文潞公曰。法師老矣。復何往。對曰。入滅去。潞公笑。謂其戲語。歸與子弟言。其道韻深穩。談笑有味。非常僧也。使人候之。果入滅矣。歎異久之。及闍維。親往視火。以琉璃瓶置座前。祝曰。佛法果靈。願舍利填吾瓶。言卒。煙自空而降。布入瓶中。烟滅如所願。潞公自是竭誠內典。恨知之暮也。

太癩蜀僧。居眾嘗歎佛法混濫。異見蜂起。乃曰。我叅禪若得。

旨。目錄

卷七 未詳法嗣



真正知見。當不惜口業。遂發願禮馬祖塔。長年不輟。忽一日。塔放白光。感而有悟。後徧至叢林。勘驗老宿。過雪竇山。前云。這老漢。口裏水漉漉地。雪竇聞其語。意似不平。及太見雪竇。竇云。你不肯老僧那。太云。老漢果然口裏水漉漉地。遂搥一坐具。便出。直歲不甘。中路令人毆打。損太一足。太云。此是雪竇老漢使之。他日須折一足償我。後果如其言。太後至都下。放意市肆中。有官人請居家供養。太屢告辭。官人確留。愈加敬禮。每使侍妾饋食。一日見官人至。故挑其妾。官人以此改禮。遂得辭去。不數日。鬧市中端坐而

化。

歐陽文忠公昔官洛中。一日遊嵩山。卻去僕吏。放意而往。至一山寺。入門。修竹滿軒。霜清鳥啼。風物鮮明。文忠休於殿陛。旁有老僧。閱經自若。與語不甚顧答。文忠異之。問曰。道人住山久。如對曰。甚久也。又問誦何經。對曰。法華經。文忠曰。古之高僧。臨生死之際。類皆談笑脫去。何道致之耶。對曰。定慧力耳。又問。今乃寂寥。無有何哉。老僧笑曰。古之人。念念在定。慧臨終。安得亂。今之人。念念在散。亂臨終。安得定。文忠大喜。不自知膝之屈也。謝希深有文記其事。

鹽官會下有一主事僧。忽見一鬼使來追。僧告曰。某甲身爲主事。未暇修行。乞容七日得否。使曰。待爲白王。若許。卽七日後來。不然。須臾便至。言訖不見。至七日後。覓其僧了。不可得。後有人舉問一僧。若被覓著時。如何抵擬他。洞山代云。被他覓得也。

昔有官人作無鬼論。中夜揮毫次。忽見一鬼出云。汝道無我。聲。五祖演云。老僧當時若見。但以手作鵲鳩嘴向伊道。谷呱呱。

昔有古德。一日不赴堂。侍者請赴堂。德曰。我今日在莊上喫油糍飽也。侍者曰。和尙不曾出入。德曰。汝去問莊主者方

出門忽見莊主來謝和尚到莊。徑山果頌云和尚不赴堂莊主謝臨屈一字入公門

九牛拔不出頌古指爲南泉事會元列於鵝湖字章中

昔有外道問一入定僧云輪王眾生種非佛非羅漢。不受後有身。是甚麼義。僧便入定。以問彌勒。卻出定述彌勒語答云。譬如陶師埏埴成器。

唐僧元曉者海東人。初航海而至。將訪道於名山。獨行荒陂。夜宿塚間。渴甚。引手掬於穴中。得泉甘涼。黎明視之。觸髅也。大惡之。盡欲嘔去。忽猛省。大嘆曰。心生則種種法生。心滅則觸髅不二。如來大師曰。三界唯心。豈欺我哉。遂不復

求師還海東疏華嚴經。林間錄曰。玄沙備禪師。薪於山中。僧曰。是你靈潤法師。山行野燒。迅飛而來。同遊者皆避之。潤安步如常。曰。心外無火。火實是心。謂火可逃。無由免火。火至而滅。嚴陽尊者。單丁住山。蛇虎就手而食。歸宗常公。刈草見蛇。交之。傍僧曰。人聞歸宗。今日乃見一龕行沙門。常曰。你龕我龕耶。吾聞親近般若。若有四種驗心。謂就理就事。入就出。就事理之外。宗門又有四藏鋒之用。親近以自治。藏鋒之用。以治物。

唐修雅法師聽誦法華經歌。山色沉沉。松烟冪冪。空林之下。盤陀之石。石上有僧。結跏橫錫。誦白蓮經。從旦至夕。左之右之。虎跡狼跡。十片五片。異花狼藉。偶然相見。未深枯識。知是古之人。今之人。是曇彥。是曇翼。我聞此經。有深旨覺。



帝稱之眞妙義。合目冥心子細聽。醍醐滴入焦腸裏。佛之意。今祖之髓。我之心。今經之旨。可憐彈指及舉手。不達目前。今正是大矣哉。甚奇特。空王要使羣生得。光輝一萬八千土。土土皆作黃金色。四生六道一光中。狂夫猶自問彌勒。我亦當年學空寂。一得無心便休息。今日親聞誦此經。始覺驢乘匪端的。我亦當年不出戶。不欲紅塵沾步武。今日親聞誦此經。始覺行行皆寶所。我亦當年愛吟咏。將謂冥搜亂禪定。今日親聞誦此經。何妨筆研資眞性。我亦當年狎兒戲。將謂光陰半虛棄。今日親聞誦此經。始覺聚沙

非小事。我昔曾遊山與水。將謂他山非故里。今日親聞誦  
此經。始覺山河無寸地。我昔心猿未調伏。常將金鎖虛拘  
束。今日親聞誦此經。始覺是心卽是佛。師誦此經經一字。  
字字爛嚼醍醐味。醍醐之味珍且美。不在唇。不在齒。只在  
勞生方寸裏。師誦此經經一句。句句白牛親動步。白牛之  
步疾如風。不在西。不在東。只在浮生日用中。日用不知一  
何苦。酒之腸。飯之腑。長者揚聲喚不迴。何異聾。何異瞽。世  
人之耳非不聰。耳聰特向經中聾。世人之目非不明。目明  
特向經中盲。合聰不聰。合明不明。轆轤上下。浪死虛生。世

人縱識師之音。誰人能識師之心。世人總識師之形。何人能識師之名。師名醫王行佛。令來與眾生治心病。能使迷者醒。狂者定。垢者淨。邪者正。凡者聖。如是則非但人恭敬。亦合龍讚詠。鬼讚詠。佛讚詠。豈特背覺合塵之徒。不稽首而歸命。

僧文通慧者。河南開封府白雲寺僧也。其師令掌盥盆。偶有市鮮者。濯於盆。文恚擊之。遽隕。因潛奔華州總持寺。久之爲長老。蓋二十年餘矣。一日忽語其徒曰。二十年前一段公案。今日當了。眾問故。曰。日午當自知之。遂趺坐以俟時。

張浚統兵至關中。一卒持弓矢至法堂。瞪目視文。將射之。文笑曰。老僧相待久矣。卒曰。素未相面。今見而恚心。不可遏。卽欲相戕。何耶。文語以昔故。卒遽說偈曰。冤冤相報何時了。劫劫相纏豈偶然。不若與師俱解釋。如今立地往西天。視之已立化矣。文卽索筆書偈曰。三十三年飄蕩。做了幾番模樣。誰知今日相逢。卻是在前變障。書畢泊然而化。

一統志

指月錄卷之七終

指月錄卷之八

六祖下第三世

洪州百丈山懷海禪師。福州長樂人。王氏子。兒時隨侍母入寺拜佛。指佛像問母曰。此爲誰。母曰。佛也。師曰。形容與人無異。我後亦當作佛。卅歲離塵。三學該練。叅馬大師爲侍者。檀越每送齋飯來。師纔揭開盤蓋。馬大師便拈起一片胡餅示眾云。是甚麼。每每如此。經三年。一日侍馬祖行次。見一羣野鴨飛過。祖曰。是甚麼。師曰。野鴨子。祖曰。甚處去也。師曰。飛過去也。祖遂把師鼻扭。負痛失聲。祖曰。又道飛



過去也。師於言下有省。

雪竇頌野鴨子。知何許。馬祖見來。相共語。話盡雲山水。月情依然不。

會還飛去。卻

把住道道。卻歸侍者寮。哀哀大哭。同事問曰。汝憶父母。

耶。師曰無。曰被人罵耶。師曰無。曰哭作甚麼。師曰我鼻孔

被大師扭得痛不徹。同事曰有甚因緣不契。師曰汝問取

和尚去。同事問大師曰海侍者有何因緣不契。在寮中哭

告和尚爲某甲說。大師曰是伊會也。汝自問取他。同事歸

寮曰和尚道汝會也。教我自問汝。師乃呵呵大笑。同事曰

適來哭。如今爲甚卻笑。師曰適來哭。如今笑。同事罔然。次

日馬祖陞座。眾纔集。師出捲卻席。祖便下座。師隨至方丈。

祖曰。我適來未曾說話。汝爲甚便卷卻席。師曰。昨日被和  
尙扭得鼻頭痛。祖曰。汝昨日向甚處畱心。師曰。鼻頭今日  
又不痛也。祖曰。汝深明昨日事。師作禮而退。師再叅。侍  
立次。祖目視繩牀角拂子。師曰。卽此用。離此用。祖曰。汝向  
後開兩片皮。將何爲人。師取拂子豎起。祖曰。卽此用。離此  
用。師挂拂子於舊處。祖振威一喝。師直得三日耳聾。未幾  
住大雄山。以所處巖巒峻極。故號百丈。四方學者磨至。一  
日。謂眾曰。佛法不是小事。老僧昔被馬大師一喝。直得三  
日耳聾。黃檗聞舉。不覺吐舌。師曰。子已後莫承嗣馬祖去。

麼。槩曰。不然。今日因和尚舉。得見馬祖大機大用。然且不識馬祖。若嗣馬祖。已後喪我兒孫。師曰。如是如是。見與師齊。減師半德。見過於師。方堪傳授。子甚有超師之見。槩便禮拜。馮山問仰山。百丈再參馬祖。因緣此二尊宿意旨。如知識。幾人得大機。幾人得大用。馮云。馬祖出八十四人。善大用。餘者盡是唱導之師。馮云。如是如是。汾州云。悟去便休。更說甚麼。三日耳。龔石門云。若不三日耳。龔爭得悟去。汾州云。我與麼道。較他石門半月程。東林總云。當言不避截舌。當鑪不避火。迸佛法豈可曲順人。東林今日向驪龍窟內爭珠去也。百丈大智不無他。三日耳。龔汾州石門爭免個。二俱瞎漢。只這三老還曾悟去也。無良久云。祖禪不了殃及兒孫。又汾陽頌云。每因無事侍師前。師指拈云。奇怪。諸禪德。如今列其派者甚多。究其源者極少。總

道百丈於喝下大悟還端的也無然刀刀相似魚魯參差  
若是明眼漢瞞他一點不得只如馬祖道汝向後開兩片  
皮將何爲人百丈監起拂子爲復如蟲禦木爲復啐啄同  
時諸人要會三日耳聾麼大冶精金應無變色圓悟勤云  
雪竇道諸人要見三日耳聾麼大冶精金應無變色這語  
句沉卻多少人了也雪竇要出氣露一機一境千古萬古  
撲不破諸人且莫錯會好大慧杲自泐潭準和尚處將謁  
圓悟勤過張無盡一日無盡謂曰余閱雪竇拈古至百丈  
再參馬祖因緣曰大冶精金應無變色投卷歎曰審如是  
豈得有臨濟今日耶遂作一頌曰馬師一喝大雄峯深入  
觸體三日聾黃檗聞之驚吐舌江西從此立宗風後平禪  
師致書云去夏讀臨濟宗派乃知居士得大機大用且求  
頌本余作頌寄之曰吐舌耳聾師已曉提掇得哭蒼天  
盤山會裏鬬筋斗到此方知普化顛諸方往往以余聰明  
博記少知余者師自江西法席來必能辨優劣試爲余言  
之大慧曰公見處與真淨死心合張曰何謂也大慧舉真  
淨頌曰客情步步隨人轉有大威光不能現突然一喝雙  
耳聾那吒眼開黃檗面死心拈云雲巖要問雪竇旣是大



治精金。應無變色。爲甚麼卻三日耳聾。諸人要知麼。從前  
 汗馬無人識。祇要重論蓋代功。張拊几曰。不因公語爭見  
 眞淨死心用處。若非二大老。難顯雪竇馬師爾。  
 住後馬師寄三襄。誓至師集眾  
 上堂。開書了。拈拄杖。指襄曰。道得。卽不打破。道不得。卽打  
 破。眾無語。師打破歸方丈。  
 馬祖一日問師。甚麼處來。師  
 曰。山後來。祖曰。逢著一人麼。曰。不逢著。祖曰。爲甚麼不逢  
 著。曰。若逢著。卽舉似和尚。祖曰。甚麼處得這消息來。曰。某  
 甲罪過。祖曰。卻是老僧罪過。有僧哭入法堂來。師曰。作  
 麼。曰。父母俱喪。請師選日。師曰。明日來。一時埋卻。  
 五峰雲巖侍立次。師問滄山。併卻咽喉唇吻。作麼生道。山



曰。卻請和尚道。師曰。不辭向汝道。恐已後喪汝兒孫。又問五峰。峰曰。和尚也須併卻。師曰。無人處斫額望汝。又問雲巖。巖曰。和尚有也未。師曰。喪我兒孫。雪竇頌云。卻請和尚道。虎頭生角出荒草。十洲春盡花凋殘。珊瑚樹林日杲杲。和尚也併卻。龍蛇陣上看謀畧。令人長憶李將軍。萬里秋空飛一鶚。和尚有也未。金毛師子不踞地。兩兩三三舊路行。大雄山下空彈指。師每上堂。有一老人隨眾。聽法。一日眾退。唯老人不去。師問汝是何人。老人曰。某非人也。於過去迦葉佛時。曾住此山。因學人問大修行。人還落因果也無。某對云。不落因果。遂五百生墮野狐身。今請和尚代一轉語。貴脫野狐身。師曰。汝問。老人曰。大修行。人

還落因果也無。師曰。不昧因果。老人於言下大悟。作禮曰。某已脫野狐身。住在山後。敢乞依亡僧津送。師令維那曰。椎告眾。食後送亡僧。大眾聚議。一眾皆安。涅槃堂又無病人。何故如此。食後。師領眾至山後巖下。以杖挑出一死野狐。乃依法火葬。師至晚上堂。舉前因緣。黃檗便問。古人錯祇對一轉語。墮五百生野狐身。轉轉不錯。合作個甚麼。師曰。近前來向汝道。槩近前打師一掌。師笑曰。將謂胡鬚赤。更有赤鬚胡。時瀉山在會下作典座。司馬頭陀舉野狐話。問典座作麼生。座撼門扇三下。司馬曰。太粗生。座曰。佛法

不是這個道理。真淨頌云：不落藏鋒不昧分，要伊從此脫。

真如喆頌云：大治洪鑪烹佛烹祖，規模鎔盡識者罔措。

僧問徑山杲云：大修行人還落因果也？無前百丈道不

落因果，為甚麼墮野狐身？徑云：逢人但恁麼舉，僧曰：祇如

後百丈道不昧因果，為甚麼脫野狐身？徑云：逢人但恁麼

舉，僧云：或有人問徑山大修行底人，還落因果也？無未審

和尚向他道甚麼？徑曰：向你道逢人但恁麼舉，杲復有頌

云：不落不昧石頭塊，陌路相逢銀山粉碎，拍手呵呵笑。

一場明州有個憨布袋，雪峰道圓禪師依積翠日宴坐

下板，聞二僧舉野狐話，一云：不昧因果也未脫得野狐身。

一云：不落因果又何曾墮野狐來？師聞之聳然，因詣積翠

庵，渡澗猛省，因見南公敘其事未終，涕交頤，南公令就侍

者榻熟睡，睡覺忽起作偈曰：不落不昧僧俗本無忌諱，丈

夫氣宇如王爭受囊藏，被蓋一條柳標甚。問如何是奇

縱橫野狐跳入金毛隊，南公見為之助喜。

特事師曰：獨坐大雄峰，僧禮拜，師便打。普請鏹地次忽

有一僧聞鼓鳴舉鑊頭大笑便歸。師曰：俊哉！此是觀音入理之門。師歸院，乃喚其僧問：適來見甚麼道理？便恁麼。曰：適來肚饑，聞鼓聲歸喫飯。師乃笑。鏡清云：當時瀉山有此一僧。鼓山云：當時瀉山無此一僧。圍悟勤云：這僧洪音大振，直得一千五百人大善知識，眼目定動，及乎勘證將來，卻打個背翻筋斗。若不是瀉山爭見汗馬功高？後來道有此一僧，只得一半道無此一僧，只得一半。今日板聲鐘聲魚聲鼓聲齊振，或有個拍手呵呵大笑，直向伊道：觀世音菩薩來也。此章或列于瀉山，章故諸師皆云：瀉山此從傳燈錄。此僧問西堂：有問有答，卽且置。無問無答時如何？堂曰：怕爛卻那。師聞舉，乃曰：從來疑這個老兄。曰：請和尚道。師曰：一合相不可得。師謂眾曰：有一人長不喫飯，不道饑，有一人



旨司錄

百丈

六

終日喫飯不道飽。臨濟示眾云，一人在孤峯頂上，無出身之路，一人在十字街頭，亦無背面。那個在前，那個在後，不作維摩詰，不作傳大士，珍重。又云，有一人淪劫在途中，不離家舍，有一人離家舍，不在途中。阿那箇合受人天供養，妙喜拈臨濟語云：賊身已露。雲巖問：每日區區爲阿誰？師曰：有一人要。巖曰：因甚麼不教伊自作？師曰：他無家活。雲巖次道吾問：與阿誰？巖曰：有一人要。曰：何不教伊自煎茶？曰：幸有某甲在。又藥山問雲巖：作甚麼？巖曰：擔屎。山曰：那個聲？巖曰：在山。曰：汝來去爲誰？巖曰：替他東西。山曰：何不教并行？巖曰：和尚莫謗他。山曰：不合恁麼道。巖曰：如何道？山曰：還曾擔麼？師令僧去章敬處，見伊上堂說法，你便展開坐具禮拜起，將一隻鞋以袖拂卻上塵，倒頭覆下。其僧到章敬，一依師旨。章敬云：老僧罪過。黃龍新云：百丈逞盡神通，不如章敬道個老僧罪過。



僧問。抱璞投師。請師一鑑。師曰。昨夜南山虎。齧大蟲。曰。不謬真詮。爲甚麼不垂方便。師曰。掩耳偷鈴。漢曰。不遇中郎鑑。還同野舍薪。師便打。僧曰。蒼天蒼天。師曰。得與麼多口。曰。罕遇知音。拂袖便行。師曰。百丈今日輸卻一半。佛鑑云。雖得一場榮。則至晚。侍者問。和尚被這僧不肯了。便休。師便卻一雙足。打者曰。蒼天蒼天。師曰。罕遇知音者。作禮。師曰。一狀領過。趙州叅師。問。近離甚處。曰。南泉。師曰。南泉近日有何言句。曰。未得之人。直須悄然。師曰。悄然一句。且置。茫然一句。作麼生道。州進前三步。師便喝。州作縮身勢。師曰。大好悄。

然州便出去。

或作州日未得之人直須悄然師便喝州作怕勢師曰大好悄然州作舞而出

師

有時說法竟大眾下堂乃召之。大眾回首。師曰。是甚麼。

目之爲百丈下堂句

上堂。靈光獨耀。迴脫根塵。體露真常。不拘文。

字。心性無染。本自圓成。但離妄緣。卽如如佛。

問如何是

大乘頓悟法要。師曰。汝等先歇諸緣。休息萬事。善與不善。

世出世間。一切諸法。莫記憶。莫緣念。放捨身心。令其自在。

心如木石。無所辨別。心無所行。心地若空。慧日自現。如雲

開日出相似。但歇一切攀緣。貪嗔愛取。垢淨情盡。對五欲

八風不動。不被見聞覺知所縛。不被諸境所惑。自然具足。

522

念妄想顛倒取相而有知心與境本不相到。當處解脫。一  
諸法當處寂滅。當處道場。又本有之性不可名目。本來  
不是。凡不是聖。不是垢淨。亦非空有。亦非善惡。與諸染法  
相應。名人天二乘界。若垢淨心盡。不住繫縛。不住解脫。無  
一切有爲無爲縛脫心量。處於生死。其心自在。畢竟不與  
諸妄虛幻塵勞蘊界生死諸入和合。迥然無寄。一切不拘。  
去留無礙。往來生死如門開。相似夫學道人。若遇種種苦  
樂稱意不稱意事。心無退屈。不念名聞利養衣食。不貪功  
德利益。不爲世間諸法之所滯礙。無親無愛。苦樂平懷。粗

衣遮寒。糲食活命。兀兀如愚如聾。稍有相應分。若於心中。廣學知解。求福求智。皆是生死。於理無益。卻被知解。境風之所漂溺。還歸生死海裏。佛是無求人。求之即乖。理是無求理。求之即失。若著無求。復同於有求。若著無爲。復同於有爲。故經云。不取於法。不取非法。不取非法。又云。如來所得法。此法無實無虛。若能一生心。如木石相似。不被陰界五欲八風之所漂溺。即生死因斷。去住自由。不爲一切有爲因果所縛。不被有漏所拘。他時還以無因縛爲因。同事利益。以無著心。應一切物。以無礙慧。解一切縛。亦云應。



病與藥。

問如今受戒身口清淨已具諸善得解脫否師

曰少分解脫未得心解脫亦未得一切處解脫曰如何是  
心解脫及一切處解脫師曰不求佛法僧乃至不求福智  
知解垢淨情盡亦不守此無求爲是亦不住盡處亦不欣  
天堂畏地獄縛脫無礙卽身心及一切處皆名解脫汝莫  
言少分戒身口意淨便以爲了不知河沙戒定慧門無漏  
解脫都未涉一毫在努力向前須猛究取莫待耳聾眼暗  
面皺髮白老苦及身悲愛纏綿眼中流淚心裏悵惶一無  
所據不知去處到恁麼時節整理手腳不得也縱有福智

名聞利養。都不相救。爲心眼未開。唯念諸境。不知返照。復不見佛道。一生所有善惡業緣。悉現於前。或欣或怖。六道五蘊。俱時現前。盡敷嚴好舍宅。舟船車輦。光明顯赫。皆從自心貪愛所現。一切惡境。皆變成殊勝之境。但隨貪愛重處。業識所引。隨著受生。都無自由分。龍畜良賤。亦總未定。問如何得自由分。師曰。如今得。卽得。或對五欲。入風情。無取捨。慳嫉貪愛。我所情。盡垢淨俱亡。如日月在空。不緣而照。心心如木石。念念如救頭然。亦如香象渡河。截流而過。更無疑滯。此人天堂地獄。所不能攝也。夫讀經看教。語言。

皆須宛轉歸就自己。但是一切言教。祇明如今鑒覺自性。但不被一切有無諸境轉。是汝導師能照破一切有無諸境。是金剛慧。卽有自由獨立分。若不能恁麼會得。縱然誦得十二韋陀典。祇成憎上慢。卻是謗佛。不是修行。但離一切聲色。亦不住於離。亦不住於知解。是修行。讀經看教。若准世間是好事。若向明理人邊數。此是壅塞人。十地之人。脫不去。流入生死河。但是三乘教。皆治貪瞋等病。祇如今念念若有貪瞋等病。先須治之。不用求覓義句知解。知解屬貪。貪變成病。祇如今但離一切有無諸法。亦離於離。透

過三句外。自然與佛無差。既自是佛。何慮佛不解。語祇恐不是佛。被有無諸法縛。不得自由。以理未立。先有福智。被福智載去。如賤使貴。不如先立理。後有福智。若要福智。臨時作得。撮土成金。撮金爲土。變海水爲酥酪。破須彌爲微塵。撮四大海水。入一毛孔。於一義作無量。義於無量。義作一義。伏惟珍重。夫語須辨。緇素須識。總別語須識。了義不了義。教語了義。教辨清。不了義。教辨濁。說穢法。邊垢揀。凡說淨法。邊垢揀。聖從九部教說。向前眾生無眼。須假人雕琢。若於聾俗人前說。直須教渠出家持戒。修禪學慧。若

是過量俗人。亦不得向伊與麼說。如維摩詰傳大士等類。若於沙門前說。他沙門已受白四羯磨訖。具足全是戒定慧力。更向他與麼說名非時語。說不應時。亦名綺語。若是沙門。須說淨法邊垢。須說離有無等法。離一切修證。亦離於離。若於沙門中剝除習染。沙門除貪瞋病不去。亦名聾俗。亦須教渠修禪學慧。若是二乘僧。他歇得貪瞋病去盡。依住無貪將爲是。是無色界。是障佛光明。是出佛身血。亦須教渠修禪學慧。須辨清濁語。濁法者。貪瞋愛取等多名也。清法者。菩提涅槃解脫等多名也。只如今鑑覺。但於清



濁兩流。凡聖等法。色聲香味觸法。世間出世間法。都不得有纖毫愛取。既不愛取。依住不愛取。將爲是。是初善。是住調伏心。是聲聞人。是戀筏不捨人。是二乘道。是禪那果。既不愛取。亦不依住。不愛取。是中善。是半字教。猶是無色界。免墮二乘道。免墮魔民道。猶是禪那病。是菩薩縛。既不依住。不愛取。亦不作。不依住。知解。是後善。是滿字教。免墮無色界。免墮禪那病。免墮菩薩乘。免墮魔王位。爲智障地。障行障故。見自己佛性。如夜見色。如云佛地。斷二愚。一微細所知愚。二極微細所知愚。故云有大智人。破塵出經卷。若

透得三句過。不被三段管。敎家舉喻如鹿三跳出網。喚作  
鄺外佛。無物拘繫得渠。是屬然燈後佛。是最上乘。是上上  
智。是佛道上立。此人是佛。有佛性。是導師。是使得無所礙  
風。是無礙慧。於後能使得因果福智自由。是作車運載因  
果。處於生。不被生之所留。處於死。不被死之所礙。處於五  
陰。如門開。不被五陰礙。去住自由。出入無難。若能與麼。不  
論階梯勝劣。乃至蟻子之身。但能與麼。盡是淨妙國土。不  
可思議。此猶是解縛語。彼自無瘡。勿傷之也。佛瘡。菩薩等  
瘡。但說有無等法。盡是傷也。有無管一切法。十地是濁流。

河眾。作清流說。豎清相。說濁過患。向前十大弟子。舍利弗。富樓那。正信阿難。邪信善星等。個個有榜樣。個個有則候。一一被導師說破。不是四禪。八定。阿羅漢等。住定八萬劫。他是依執所行。被淨法酒醉。故聲聞人聞佛法。不能發無上道心。所以斷善根人。無佛性。教中喚作解脫深坑。可畏之處。一念心退。墮地獄。猶如箭射。亦不得一向說退。亦不得一向說不退。祇如文殊觀音。勢至等。卻來須陀洹地。同類誘引。不得言他退。當與麼時。祇喚作須陀洹人。祇如今鑑覺。但不被一切有無諸法管。透三句。及一切逆順境得。

過。聞百千萬億佛出世間。如不聞相似。亦不依住。不聞亦  
不作。不依住。知解說他。這個人退不得。量數管他不著。是  
佛常住世間。而不染世法。說佛轉法輪退。亦是謗佛法僧。  
說佛不轉法輪不退。亦是謗佛法僧。肇公云。菩提之道。不  
可圖度。高而無上。廣不可極。淵而無下。深不可測。語也。堞  
生招箭言。鑑覺猶不是。從濁辨清許。說如今鑑覺。是除鑑  
覺外。別有盡是魔說。若守住如今鑑覺。亦同魔說。亦名自  
然外道說。如今鑑覺。是自己佛。是尺寸語。是圖度語。似野  
干鳴。猶屬藕膠門。本來不認自知自覺。是自己佛。向外馳

求覓佛。假善知識。說出自知自覺作藥。治個向外馳求病。既不向外馳求。病瘥須除藥。若執住自知自覺。是禪那病。是徹底聲聞。如水成冰。全冰是水。救渴難望。亦云必死之病。世醫拱手。無始不是佛。莫作佛解。佛是眾生邊藥。無病不要喫藥。藥病俱消。喻如清水。佛是甘草和水。亦如蜜和水。極是甘美。若同清水邊數。則不著。不是無。是本有。亦云此理。是諸人本有。諸佛菩薩。喚作示珠人。從來不是個物。不用知渠解渠。不用是渠非渠。但割斷兩頭句。割斷有句。不有句。割斷無句。不無句。兩頭迹不現。兩頭捉汝不著。量



數管汝不得。不是欠少。不是具足。非凡非聖。非明非暗。不是有知。不是無知。不是繫縛。不是解脫。不是一切名目。何以不是實語。若爲雕琢虛空。作得佛相貌。若爲說道虛空。是青黃赤白。作得如云。法無有比。無可喻故。法身無爲。不墮諸數。故云聖體無名。不可說如實理。空門難湊。喻如大末蟲。處處能泊。惟不能泊於火燄之上。眾生心亦爾。處處能緣。惟不能緣於般若之上。叅善知識。求覓一知一解。是善知識。魔生語見故。若發四宏誓願。願度一切眾生。盡然後我始成佛。是菩薩發智。魔誓願不相捨故。若持齋戒。修

禪學慧是有漏善根。縱然坐道場。示現成等正覺。度恆沙數人。盡證辟支佛果。是善根魔起。貪著故。若於諸法都無貪染。神理獨存。住甚深禪定。更不昇進。是三昧魔。久耽玩故。至上涅槃。離欲寂靜。是魔業。若智慧脫。若干魔網不去。縱解百本韋陀經。盡是地獄滓。若覓如佛相似。無有是處。如今聞說不著一切善惡。有無等法。卽爲墮空。不知棄本。逐末。卻是墮空也。求佛求菩提。及一切有無等法。是棄本逐末。祇如今粗食助命。補破遮寒。渴則掬水喫。餘外但是。一切有無等法。都無纖毫繫念。此人漸有輕明分。善知識。

不執有。不執無。脫得十句魔語。師語錄中又云。祇如今但無十句濁心。貪心。愛心。染心。瞋心。執心。住心。依心。著心。取心。戀心。但是一句。各有三句。個個透過三句外。但是一切照用。任聽縱橫。但是一切舉動。施爲。語默。啼笑。盡是佛慧。未審十出語。不繫縛人。所句濁心。卽十句魔語。否要當不外此意。有言說。不自稱師。說如谷響。言滿天下。無口過。堪依止。若道我能說。能解。說我是和尚。汝是弟子。者。過同於魔說。無端說道。目擊道存。是佛。不是佛。是菩提涅槃。解脫等。無端說一知一解。見舉一手。豎一指。云是禪。是道。者。個語繫縛人。未有住時。祇是重增比丘繩索。縱然不說。亦有口過。甯作心師。不師於心。不了義教。有人天師。有導師。了義教中。

不爲人天師。不師於法。未能依得玄鑑。且依得了義教。猶有相親分。若是不了義教。祇合聾俗人前說。祇如今但不依住一切有無諸法。亦不住無依住。亦不作不依住知解。是名大善知識。亦云惟佛一人是大善知識。爲無兩人餘者。盡名外道。亦名魔說。如今祇是說破兩頭句。一切有無境法。但莫貪染。及解縛之事。無別語句教人。若道別有語句教人。別有法與人者。此名外道。亦名魔說。須識了義教。不了義教語。須識遮語。不遮語。須識生死語。須識藥病語。須識逆順喻語。須識總別語。說道修行得佛。有修有證。是



心是佛。卽心卽佛。是佛說。是不了義教語。是不遮語。是總語。是升合擔語。是揀穢法邊語。是順喻語。是死語。是凡夫前語。不許修行得佛。無修無證。非心非佛。亦是佛說。是了義教語。是遮語。是別語。是百石擔語。是三乘教外語。是逆喻語。是揀淨法邊語。是生語。是地位人前語。從須陀洹向上。直至十地。但有語句。盡屬法塵垢。但有語句。盡屬煩惱。邊收。但有語句。盡屬不了義教。了義教是持。不了義教是犯。佛地無持。犯了義。不了義教。盡不許也。從苗辨地。從濁辨清。祇如今鑑覺。若從清邊數。鑑覺亦不是清。不鑑覺亦



不是清。清亦不是。不清亦不是。聖亦不是。不聖亦不是。見水濁。說水濁過患。水若清。都無可說。說卻濁他水。若有無問之間。亦有無說之說。佛不爲佛說法。平等真如法界。無佛不度衆生。佛不住佛名。眞福田。須辨主客語。貪染一切有無境法。被一切有無境惑亂。自心是魔。王照用屬魔民。祇如今鑑覺。但不依住一切有無諸法。世間出世間法。亦不作不住知解。亦不依住無知解。自心是佛。照用屬菩薩。心心是主宰。照用屬客塵。如波說水。照萬象以無功。若能寂照。不自玄旨。自然貫串於古今。如云神無照功。至功當

存能一切處爲導師。眾生性識他爲未曾踏佛階梯。是藕膠性多時黏著有無諸法。乍哭玄旨藥不得。乍聞格外語。他信不及。所以菩提樹下。四十九日默然思惟。智慧冥朦。難說無可比喻。說眾生有佛性。亦謗佛法僧。說眾生無佛性。亦謗佛法僧。若言有佛性。名執著謗。若言無佛性。名虛妄謗。如云說佛性有。則增益謗。說佛性無。則損減謗。說佛性亦有亦無。則相違謗。說佛性非有非無。則戲論謗。始欲不說。眾生無解脫之期。始欲說之。眾生又隨語生解。益少損多。故云。我甯不說法。疾入於涅槃。向後返尋過去諸佛。

皆說三乘法。向後假偈說。假立名字。本不是佛。向渠說是佛。本不是菩提。向渠說是菩提。涅槃解脫等。知渠擔百石。擔不起。且與渠一升一合擔。知渠難信了義教。且與渠說不了義教。且得善法流行。亦勝於惡法。善果限滿。惡果便到。得佛則有眾生到。得涅槃則有生死到。得明則有暗到。但是有漏。因果翻覆。無有不相酬獻者。若欲免見翻覆之事。但割斷兩頭句。量數管不著。不佛不眾生。不親不疎。不高不下。不平不等。不去不來。但不著文字。隔渠兩頭捉汝不得。免苦樂相形。免明暗相酬。實理真實。亦不真實。虛妄。

亦不虛矣。不是量數物。喻如虛空。不可修治。若心有少許作解。卽被量數管著。亦如卦兆。被金木水火土管。亦如藕膠五處俱黏。魔王捉得自在還家。夫教語皆三句相連。初中後善。初直須教渠發善心。中破善心。後始名好善。菩薩卽非菩薩。是名菩薩法。非法非非法。總與麼也。若祇說一句。令眾生入地獄。若三句一時說。渠自入地獄。不干教主事。說到如今。鑑覺是自己佛。是初善。不守住如今。鑑覺是中善。亦不作不守住知解。是後善。如前屬然燈後佛。祇是不凡亦不聖。真錯說佛非凡非聖。此土初祖云。無能無聖。

爲佛聖。若言佛聖者。亦非。九品精靈。龍畜等類。及釋梵已來。皆能通變。上品精靈。亦知古今百劫時事。豈得是佛。如阿修羅王。身極長大。敵兩倍須彌山。與帝釋戰時。知力不如。領百萬兵眾。入藕絲孔裏藏。通變辯才不少。他且不是佛教語。節級奢緩。升降不同。未悟未解。喚作貪瞋。悟了喚作佛慧。故云。不異舊時人。只異舊時行履處。問。斬草伐木。掘地墾土。爲有罪。報相否。師云。不得定言有罪。亦不得定言無罪。有罪無罪。事在當人。若貪染一切有無等法。有取捨心在。透三句不過。此人定言有罪。若透三句外。心如



虛空亦莫作虛空想。此人定言無罪。又云。罪若作了。道不見有罪。無有是處。若不作罪。道有罪。亦無有是處。如律中本迷煞人。及轉相煞。尚不得煞罪。何況禪宗下相承。心如虛空。不停畱一物。亦無虛空相。將罪何處安著。古若有今。今亦有古。古若有佛。今亦有佛。如今若得。直至未來際。得祇如今一念。一念不被一切有無等法。管自古自今。佛祇是人人祇是佛。亦是三昧定。不用將定入定。不用將禪想禪。不用將佛覓佛。如云。法不求法。法不得法。法不行法。法不見法。自然得法。不以得更得。所以菩薩應如是正念。

於法罄然獨存。亦無知獨存之法。智性自如。如非因所置。亦名體結。亦名體集。不是智知。不是識識。絕思量處。凝寂體盡。忖度永亡。如海大流盡。波浪不復生。亦云如大海水。無風而而之波。忽知而而之波。此是細中之粗。亡知於知。還如細中之細。是佛境界。從此初知名三昧之頂。亦名三昧王。亦名爾焰智。出生一切諸三昧。灌一切諸法。王子頂。於一切色聲香味觸法。剎土成等正覺。內外通達。悉無有閼。一色一塵。一佛一色。一切佛一切色。一切塵一切佛一切色聲香味觸法。亦復如是。一一徧滿一切剎土。此是細

中之粗是善境界。是一切上流知覺聞見。亦是一切上流  
出生入死度。一切有無等。是上流所說。亦是上流涅槃。是  
無上道。是無等等咒。是第一之說。於諸說中最爲極深。無  
人能到。諸佛護念。猶如清波。能說一切水清濁深流廣大  
之用。諸佛護念。行住坐臥。若能如是。是我時爲現清淨光明  
身。又云。如汝自等語等。我亦如然。一佛刹聲。一佛刹香。一  
佛刹味。一佛刹觸。一佛刹事。悉皆如是。從此上至蓮花藏  
世界。縱廣總皆如是。若守初知爲解。名頂結。亦名墮頂結。  
是一切塵勞之根本。自生知見。無繩自縛。所知故。繫世有

二十五。又散一切諸煩惱門。縛著於他。此初知。二乘見之。  
 名爲爾欲識。亦名微細煩惱。即便斷除。既得除已。名爲回。  
 神住空窟。亦名三昧酒所醉。亦名解脫魔所縛。世界成壞。  
 定力所持。漏向別國土。都不覺知。亦名解脫深坑。可畏之。  
 處。菩薩悉皆遠離。爲求無上菩提涅槃。猶是邪願。於自。  
 己五陰被人割截。都無煩惱。亦無一念生彼我心。若依住。  
 無一念將爲是。此名法塵垢。十地之人。脫不去。流入生死。  
 河。而彼心持我慢。識逐利名者云。我得一切無礙。祇是自。  
 誑。此土初祖云。心有所是。必有所非。若貴一物。則被一。

物惑。信被信惑。不信。又成謗。莫貴莫不貴。莫信莫不信。

問如何是有情無佛性。無情有佛性。師云。從人至佛。是聖情執。從人至地獄。是凡情執。祇如今。但於凡聖二境。有染愛心。是名有情無佛性。祇如今。但於凡聖二境。及一切有無諸法。都無取捨心。亦無無取捨知解。是名無情有佛性。祇是無其情繫。故名無情。不同木石太虛。黃花翠竹之無情。將爲有佛性。若言有者。何故經中不見受記。而得成佛者。祇如今。鑑覺但不被有情改變。喻如翠竹。無不應機。無不知時。喻如黃花。又云。若踏佛階梯。無情有佛性。未踏佛



階梯有情無佛性。

大小百丈作小乘見解莫是未曾見南陽

未悟未解時名

母。悟了名子。亦無無悟解知解。是名母子俱喪。一切言

教。祇是治病。爲病不同。藥亦不同。所以有時說有佛。有時

說無佛。實語治病。病若得瘥。個個是實語。治病若不瘥。個

個是虛妄語。實語是虛妄語。生見故。虛妄是實語。斷眾生

顛倒故。爲病是虛妄。祇有虛妄藥相治。聖地。習凡。因佛

入眾生中。同類誘引化導。同渠餓鬼。肢節火然。與渠說般

若波羅密。令渠發心。若一向在聖地。憑何得至彼共渠語。

佛入諸類與眾生作船筏。同渠受苦。無限勞極。佛入苦處。

亦同眾生受苦。佛祇是去住自由。不同眾生。佛不是虛空。受苦何得不苦。若說不苦。此語違負。等閒莫說。錯說佛神通自在。不自在。且慙媿人。不敢說佛是有爲。是無爲。不敢說佛自由。不自由。除讚藥。方外。不欲得露現。兩頭醜陋。教云。若人安佛菩提。置有所是邊。其人得大罪。亦云。如不識佛人前。向渠與麼說。無過如無漏牛乳。能治有漏病。其牛者。不在高原。不居下隰。此牛乳堪作藥。高原喻於佛。下隰喻於眾生。如云。如來實智法身。辯才無礙。升騰自在。不生不滅。是明。生老病死。疼痛癰瘡。是暗。喫菌羹。患痢疾而終。

是暗。爲藏明頭跡。明暗都遣。莫取無取。亦無無取。他不明不暗。王宮生納耶輸。陁羅八相成道。聲聞外道妄想所計。如云非雜食身。純陁云。我知如來決定不受不食。第一須具兩隻眼。照破兩頭事。莫祇帶一隻眼。向一邊行。卽有那一邊。到功德天。黑暗女相隨。有智主人。二俱不受。祇如今心如虛空相似。學始有所成。西國高祖云。雪山喻大涅槃。此土初祖云。心心如木石。三祖云。兀爾忘緣。曹溪云。善惡都莫思量。先師云。如迷人不辨方所。肇公云。閉智塞聰。獨覺冥冥者矣。文殊云。心同虛空故。敬禮無所觀。甚深修多。

羅不聞不受持。祇如今。但是一切有無諸法。都不見不聞。  
六根杜塞。若能與麼學。與麼持經。始有修行分者。個語逆  
耳苦口。可中與麼作得。至第二第三生。能同無佛處。坐大  
道場。示現成等正覺。變惡爲善。變善爲惡。使惡法教化十  
地菩薩。使善法教地獄餓鬼。能向明處解明縛。能向暗處  
解暗縛。又云。從色界向上。布施是病。慳貪是藥。從色界向  
下。慳貪是病。布施是藥。又云。從人至佛。是得從人  
至地獄。是失。是非亦然。三撮金成土。撮土成金。百般作得。  
祖云。得失是非。一時放卻。變弄自由。於恒沙世界外。有求救者。婆伽婆。卽披三十二  
相。現其人前。同渠語音。與渠說法。隨機感化。應物殊形。變

現諸趣。離我我所。獨屬彼邊事。猶是小用。亦是佛事門中。收大用者。大身隱於無形。大音匿於希聲。如木中之火。如鐘鼓之聲。因緣未具時。不可言其有無。傍報生天。棄之如涕唾。菩薩六度萬行。如乘死屍過岸。如在牢獄。廁孔得出。佛披三十二相。喚作垢膩之衣。無善纏。無惡纏。無佛纏。無眾生纏。量數亦然。乃至都無一切量數纏。故云。佛是出纏過量人。貪愛知解義句。如母愛子。惟多與兒酥喫。消與不消。都總不知。此語喻十地受人天尊貴煩惱。生色界無色界禪定福樂煩惱。不得自在神通。飛騰隱顯。徧至十方。



諸佛淨土聽法之煩惱。學慈悲喜捨因緣煩惱。學空平等  
中道煩惱。學三明六通四無閼煩惱。學大乘心發四宏誓  
願煩惱。初地二地三地四地明解煩惱。五地六地七地諸  
知見煩惱。八地九地十地菩薩雙照二諦煩惱。乃至學佛  
果百萬阿僧祇諸行煩惱。惟貪義句知解。不知卻。是繫縛  
煩惱。故云見河能漂香象。若執本清淨本解脫。自是佛  
自是禪道解者。卽屬自然外道。若執因緣修成證得者。卽  
屬因緣外道。執有卽屬常見外道。執無卽屬斷見外道。執  
亦有亦無。卽屬邊見外道。執非有非無。卽屬空見外道。亦

云愚癡外道。祇如今。但莫作佛見。涅槃等見。都無一切有。無等見。亦無無見。名正見。無一切聞。亦無無聞。名正聞。文殊是七佛祖師。亦云是娑婆世界第一主首菩薩。無端作見佛想。聞法想。被佛威神力故。左降二鐵圍山。不是不解。特與諸學人作標則。令諸後學人。莫作與麼見聞。但無一切有無等法。有無等見。一一個個透過三句外。是名如意寶。是名寶華承足。若作佛見法見。但是一切有無等見。名眼翳。見所見故。亦名見纏。亦名見蓋。亦名見孽。祇如今念念及一切見聞覺知。及一切塵垢。祛得盡。但是一塵一

色總是一佛。但起一念。總是一佛。三世五陰。念念誰知其數。是名佛。闡塞虛空。是名分身佛。師嘗云。但有舉心動念。盡名破戒。此念云何。名分身佛。天魔波旬。覓菩薩一念起處。便擬撲倒。此起念處。可覓否。若不可覓。見佛聞法。底文殊云。何降二鐵圍山。信著一切法。名信不具。亦名信不圓。亦名偏信不具。故名一闡提。如今欲得慕直悟解。但人法俱泯。人法俱絕。人法俱空。透三句外。是名不墮諸數人。是信法者。佛是纏外人。無纖毫愛取。亦無無愛取。知解是名具足六度萬行。若要莊嚴具種種皆有。如不要。則亦不失。他使得因果福智自由。問從上祖宗皆有密語。遞相傳授如何。師曰。無。

有密語。如來無有秘密藏。祇如今鑑覺。語言分明。覓形相了。不可得是密語。從須隨洄向上。直至十地。但有語句。盡屬法之塵垢。但有語句。盡屬煩惱邊收。但有語句。盡屬不了義教。但有語句。盡不許也。了義教俱非也。更討甚麼密語。供養者淨三業。前際無煩惱可斷。中際無自性可守。後際無佛可成。是三際斷。是三業清淨。是三輪空。是三檀空。云何比丘。給侍於佛。所謂不漏六根者。亦名莊嚴空。無諸漏。林樹莊嚴空。無諸染。花果莊嚴空。無佛眼。問語也。堞生招箭。言旣堞生。不得無患。患累旣同。緇素奚別。師云。

但卻發箭。塗中相扶。如有相差。必有所傷。谷中尋響。累劫無形。響在口邊。得失在於來問。卻問所歸。還被於箭。問大通智勝佛。十劫坐道場。佛法不現前。不得成佛道。如何。師云。劫者滯也。亦云住也。住一善。滯於十善。西國云。佛此土云。覺自己鑑覺。滯著於善。善根人無佛性。故云佛法不現前。不得成佛道。觸惡住惡。名眾生覺。觸善住善。名聲聞覺。不住善惡二邊。不依住。將爲是者。名二乘覺。亦名辟支佛覺。既不依住善惡二邊。亦不作不依住。知解。名菩薩覺。既不依住。亦不作無依住。知解。始得名爲佛覺。如云佛不



住佛名真福田。若於千萬人中。忽有一人得者。名無價寶。能於一切處爲導師。無佛處云是佛。無法處云是法。無僧處云是僧。名轉大法輪。僧問臨濟大通智勝佛十劫坐道場。佛法不現前。不得成佛。道未審此意如何。乞師指示。濟云大通者。是自己於處處達其萬法。無性無相。名爲大通。智勝者。於一切處不疑。不得一法。名爲智勝。佛者。心清淨光明透徹。法界得名爲佛。十劫坐道場者。十波羅密是佛法。不現前者。佛本不生。法本不滅。云何更有現前。不得成佛。道者。佛不應更作佛。古人云。佛常在世間。而不染世間。法道流。你欲得作佛。莫隨萬物心。生種種法。生心滅種種法。滅一心不生。萬法無咎。世與出世。無佛無法。亦不現前。亦不會失。設有者。皆是名言章句。接引小兒。施設藥病。表顯名句。且名句不自名句。還是你目前昭昭靈靈。鑒覺聞知。照燭底安。一切名句。洪覺範智證傳曰。經蓋嘗言。若人散亂心入於塔廟中。一稱南無佛。皆已成佛道。豈一部之經。首尾自相違戾。日子論此經。

旨司錄

卷八

百丈

三

蓋皆象也。聖人非不欲正言，以有不可勝言者。惟象爲能盡其意。佛意以智身，不可以三昧處求。故也以智體無所住，無所依。故若生想念，願樂見之，卽如所應現。無有處所依止，故猶如空谷響，但有應物之音。若呼之，卽應。無有處所可得，故華嚴經曰：有欲見普賢身及座者，但生想念，卽見普也。夫於散亂心時，一念佛號，便得覺道。但生想念，卽見普賢。而十劫在定，謂佛法不現，徧會推求，謂普賢不見，非鈍根所知之境也。幻寄曰：三師談法華，如韓嬰說詩斷章，取義好處，不無欲見。大通智勝，只得一邊。常嗟今日所依之命，饑不得食，則死。寒不得衣，則死。被四大把定，不如先達者，入火不燒，入水不溺，要燒便燒，要溺便溺，去住自由。十地菩薩亦水不能溺，火不能燒。倘要燒，且不可得燒他。被量數管定，佛則不與麼，使得四大風水自由。瑯琊云：藥王十地，何以燒得？幻寄云：瑯琊未識藥王。

智濁照清。慧清識濁。在佛名照慧。在菩薩名智。在二乘及  
 眾生邊名識。亦名煩惱。在佛名果。中說因。在眾生名因。中  
 說果。在佛名轉法輪。在菩薩名法輪轉。在菩薩名瓔珞莊  
 嚴具。在眾生名五陰叢林。在佛名本地無明。是無明明。故  
 云無明爲道體。不同眾生暗蔽無明。彼是所。此是能。彼是  
 所聞。此是能聞。不一不異。不斷不常。不來不去。是生語句。  
 是出轍語句。不明不暗。不佛不眾生。總與麼也。師凡作  
 務執勞。必先於眾。主者不忍密收作具而請息之。師曰。吾  
 無德。爭合勞於人。既徧求作具不獲。則亦不食。故有一日。

不作。一日不食之語流播諸方。唐元和九年正月十七日歸寂。諡大智禪師。

池州南泉普願禪師。鄭州新鄭人。姓王。依大隗山大慧禪師受業。嵩嶽受具。初習相部及毘尼。既遊講肆。厯聽楞伽華嚴。入中百門觀。精練玄義。後扣大寂之室。頓然忘筌。得遊戲三昧。一日爲眾僧行粥次。馬祖問桶裏是甚麼。師曰。這老漢合取口作恁麼語。祖便休。自是同叅。無敢詰問。貞元十一年。憩錫池陽。不下南泉三十餘載。諸方目爲郢匠。南泉山下有一庵。主人謂曰。近日南泉和尚出世。何不去。



禮見主曰非但南泉出世直饒千佛出興我亦不去師聞  
乃令趙州去勘州去便設拜主不顧州從東過西又從西  
過東主亦不顧州曰草賊大敗遂拽下簾子便歸舉似師  
師曰我從來疑著這漢次日師與沙彌攜茶一瓶盞三隻  
到庵擲向地上乃曰昨日底昨日底主曰昨日底是甚麼  
師於沙彌背上拍一下曰賺我來賺我來拂袖便回雪竇顯云  
大小南泉趙州被這擔板漢勘破趙州問道非物外物外非道如何是  
物外道師便打州捉住棒云已後莫錯打人師曰龍蛇易  
辨衲子難瞞雪竇顯云趙州如龍無角似蛇有足當翫月時不管盡法無民直須喫棒了趁出



次。僧問幾時得似這個去。師曰。王老師二十年前亦恁麼來。曰。卽今作麼生。師便歸方丈。師一日問黃檗。黃金爲世界。白銀爲壁落。此是甚麼人居處。檗曰。是聖人居處。師曰。更有一人居何國土。檗乃叉手立。師曰。道不得。何不問王老師。檗卻問。更有一人居何國土。師曰。可惜許。師問黃檗。定慧等學。明見佛性。此理如何。檗曰。十二時中。不依倚一物。師曰。莫是長老見處麼。檗曰。不敢。師曰。漿水錢。且置草鞋錢。教阿誰還。妙喜曰。不見道路逢劍客。須呈劍。不是詩人莫獻詩。師參百丈涅槃和尚。丈問從上諸聖。還有不爲人說底法麼。師曰。

有。丈曰。作麼生是不爲人說底法。師曰。不是心。不是佛。不是物。丈曰。說了也。師曰。某甲只恁麼和尚作麼生。丈曰。我又不是大善知識。爭知有說不說。師曰。某甲不會。丈曰。我忒煞爲你說了也。雪竇顯頌云。佛祖從來不爲人柄。僧今古競頭走。明鏡當臺列象殊。一一面南看北斗。斗柄垂無處。討拈得鼻孔失卻口。師與魯祖歸宗杉山四人離馬祖處。各謀住庵。於中路相別次。師插下拄杖云。道得也被這個礙道不得也。被這個礙。宗拽拄杖打師一下云。也只是這個王老師說甚麼礙不礙。魯云。只此一句語大播天下。宗曰。還有不播者麼。魯曰。有。宗曰。作麼生是不播者。魯作

掌勢。師同魯祖杉山歸宗喫茶次。魯祖提起茶盞云。世

界未成時。便有這個。師云。今人祇識這個。未識世界宗云。

是。師云。師兄莫同此見麼。宗卻拈起盞云。向世界未成時。

道得麼。師作掌勢。宗以面作承掌勢。麻谷持錫到章敬。

遶禪牀三匝。振錫一下。卓然而立。敬云。是是。雪竇云。錯。谷又到。

師處亦遶禪牀三匝。振錫一下。卓然而立。師云。是不是。

雪竇云。錯。谷云。章敬道是。和尚爲甚麼道不是。師云。章敬卽是。

是。汝不是。此是風力所轉。終成敗壞。雪竇頌云。此錯彼錯。切忌拈卻。四海浪平。

百川潮落。古策風高。十二門門。門門有路。空蕭索。非蕭索。作百好求。無病藥。圓悟勤云。須是明取兩錯。始得雪竇要提。

活潑潑處。所以如此。若是皮下有血底漢。自然不向言句中作解會。有者道雪竇代麻谷下這兩錯。有甚麼交涉。殊不知古人著語。鎖斷要關。這邊也是。那邊也是。畢竟不在此。兩頭慶藏主道。持錫遶禪牀。如是不是。俱錯。其實亦不在此。滄山喆云。章敬道是也。落在麻谷穀中。南泉道不是也。落在麻谷穀中大滌。即不然。忽有人持錫遶禪牀。三而卓然而立。但向伊道。未到這裏好與三十棒。鹽官謂眾曰。虛空爲鼓。須彌爲

椎。甚麼人打得。眾無對。有僧舉似師。師云。王老師不打這

破鼓的。

法眼別云。王老師不打。黃龍心云。南泉法眼只知瞻前。不知顧後。且如鹽官道。虛空爲鼓。須彌爲

椎。什麼處是破處。還檢點得出麼。直饒檢點得破處分明。我更問你覓鼓在。

師與歸宗麻谷

同去叅禮南陽國師。師於路上畫一圓相曰。道得即去。宗便於圓相中坐。谷便作女人拜。師曰。怎麼則不去也。宗曰。



是什麼心行。師乃相喚便回。更不去禮國師。雪竇頌云。由基箭射猿繞。

樹何太直。千個與萬個。是誰會中的。相呼相喚歸去來。曹溪路上休登陟。復云。曹溪路坦平。為甚麼休登陟。

有一座主辭師。師問甚麼處去。對曰。山下去。師曰。第一不

得謗王老師。對曰。爭敢謗和尚。師乃噴嚏曰。多少主便出

去。雲居膺云。非師本意。先曹山云。賴也。石霜云。不為人勘酌。長慶云。請領話。雲居錫云。座主當時出去。

是會不會。師曰。掩方丈門。將灰圍卻門外。曰。若有人道得

即開。或有祇對多未愜師意。趙州曰。蒼天師便開門。陸

大夫與師見人雙陸。指骰子曰。恁麼不恁麼。正恁麼信彩

去時如何。師拈起骰子曰。臭骨頭十八。陸大夫向師道。



肇法師也甚奇怪。解道天地與我同根。萬物與我一體。師

指庭前牡丹花曰。大夫時人見此一株花。如夢相似。陸岡

測。雪竇頌云。聞見覺知非一一。山河不在鏡中觀。霜天月

落夜將半。誰共澄潭照影寒。圓悟勤云。南泉小睡語。雪

竇大睡語。雖然作夢。卻作得個好夢。前頭說一體。這裏說

不同。聞見覺知非一一。山河不在鏡中觀。若道在鏡中觀。

然後方曉了。則不離鏡處。山河大地草木叢林。莫將鏡鑑

若將鏡鑑。便為兩段。但只可山是山。水是水。是法住法位。

世間相常住。山河不礙眼光。且道向甚麼處觀。還會麼。到

這裏向霜天月落夜將半。這邊與你打併了也。那邊你自

相度。還知雪竇以本分事為人麼。誰共澄潭照影寒。為復

自照。為復共人照。須是絕機絕解。方到這境界。即今也不

要澄潭。也不待霜天月落。即今作麼生。徑山杲云。若向

理上看。非但南泉謾他。陸亘大夫一點不得。亦未摸著他

腳跟。下一莖毛在。若向事上看。非但陸亘大夫謾他。南泉

一點不得。亦未夢見他。汗臭氣在。或有出來道。大小徑山

旨司錄

卷八 南泉

三

說事說理。只向他道。但向理事上會取。復有頌云。天地同根。伸一問。未曾抬步。已入家。無陰陽地。花重發。王本無瑕。卻有瑕。法昌遇一日。與訥首座看花壇次。乃問南泉道。時人見此一株花。如夢相似。且道你見似個甚麼。訥云。只是一株花。遇云。與麼則你也在南泉窠窟裏。訥云。古人意作麼生。遇云。拈磚來。訥過磚了。又問。遇云。古佛過去久矣。師入宣州。陸亘大夫出迎。指城門曰。人人盡喚作雍門。未審和尚喚作甚麼。師曰。老僧若道。恐辱大夫風化。曰。忽然賊來作麼生。師曰。老僧罪過。陸又問。弟子家中有一片石。或時坐。或時臥。如今擬鑄作佛。得否。師曰。得。陸曰。莫不得否。師曰。不得。雲巖云。坐卽佛。坐卽非佛。不坐卽非佛。不坐卽非佛。天童覺云。轉功就位。轉位就功。還他洞上父子。且問父母未生時。鼻孔道。南泉意作麼生。直是針錐不入。

在甚麼處。師曰：父母已生了，鼻孔在甚麼處。師問神山：

何處來。神山云：打羅來。師曰：手打腳打，山無語。師曰：你問

我，我與你道。山如問。師曰：分明記取。已後遇明眼人舉似

他。師問座主講甚麼經。座主云：彌勒下生經。師云：彌勒

幾時下生。主云：現在天宮。未來。師云：天上無彌勒，地下無

彌勒。洞山汾舉問雲居膺，居云：天上無彌勒，地下無彌勒。

雲巖曾問老人，直得火鑪振動，今日被子問，直得通身汗

流。太陽玄云：如今老僧舉起，也有解問者，致將一問來。

乃云：地動也。徑山杲云：禪牀動，火鑪動，地動，即不無三

個老漢要見南泉，直待彌勒下生，始得。忽有個漢出來，這

天上無彌勒，地下無彌勒，卻教甚麼人下生。師住庵時，

有一僧到庵師向伊道我上山去作務待齋時作飯自喫了。送一分上來。少時其僧作飯自喫了。卻一時打破家事。就牀臥。師待不見來。便歸庵見僧臥。師亦就伊邊臥。僧便起去。師住後曰。我往前往庵時。有個靈利道者。直至如今不見。翠巖芝云。兩個漢前不至村後不至店。問十二時中以何爲境。師曰。何不問王老師。曰。問了也。師曰。還曾與汝爲境麼。僧問。師歸丈室。將何指南。師曰。昨夜三更失卻牛。天明起來失卻火。師因東西兩堂爭猫兒。師遇之。白眾曰。道得即救取猫兒。道不得即斬卻也。眾無對。師便斬之。趙州自外歸。



師舉前語示之。州脫履安頭上而出。師曰：子若在，即救得。

貓兒也。

又歸宗禪師刻草次，有講僧來參，忽有一蛇過。師

曰：你粗我粗，曰：如何是粗？師豎起鉏頭，曰：如何是細？師作

斬蛇勢，曰：與麼則依而行之？師曰：依而行之，且置。你甚處

見我斬蛇？僧無對。雪峰問德山：南泉斬貓意如何？德山

以拄杖便打，趁出。復召云：會麼？峰云：不會。山云：我與麼老

婆心，猶自不會。鹽官尚禪師問覺印：南泉斬貓意旨如

何？印曰：須是南泉始得。印以前語詰之，尚不能對。至僧

堂，忽大悟云：古人道從今日去，更不疑。天下老和尚，皆頭

信有之矣。述偈呈印曰：須是南泉第二機，不知不覺驀頭

錐。覷面若無青白眼，還如鸛鷀守空池。舉未絕印，豎拳云：

正當恁麼時，作麼生？尚掀倒禪牀，印遂喝。尚云：賊過後張

弓。園悟勤云：這斬貓話，天下叢林商量浩浩地，有者道：

提起處便是，有底道在斬處，且得都沒交涉。他若不提起，

時亦市而地，作盡道理，殊不知古人他有定乾坤底眼。有

定乾坤底劍，你且道畢竟是誰斬貓兒？只如南泉提起云：



道得卽不斬當時忽有人道得且道南泉斬不斬所以道正令當行十方坐斷出頭天外看誰是個中人其實當時元不斬此話亦不在斬與不斬處此事知如此分明不在情塵意見上討若向情塵意見上討則孤負南泉去但向當鋒劍刃上看是有也得無也得有不無也得所以古人道窮則變變則通而今人不解變通只管語句上走南泉怎麼提起不可教人合下得甚語只要教人自薦各各自用自知若不怎麼會卒摸索不著又云南泉云子若在救得猫兒真個怎麼不怎麼南泉云道得卽不斬如擊石火似閃電光趙州頭戴草鞋出他叅活句不叅死句句日日新時時新千聖移易一絲毫不得須是運出自己家珍方見古人全機大用真淨云大眾只如赤眼斬蛇向其僧道我粗你粗且道古人見處作麼生遂舉拂子云今日歸宗舉拂子與當時歸宗斬蛇是同是別良久云人人有個天真佛妙用縱橫總不知今日分明齊指出斬蛇舉拂更由誰又云南泉斬猫兒歸宗斬蛇叢林中商量還有優劣也無優劣且止只如趙州戴轆鞋出去又作麼生若也於此明得德山訶佛罵祖有甚麼過於此不明丹霞燒木佛

院主眉鬚落。所以禍福無門。惟人自召。喝一喝下座。妙  
喜云。歸宗斬蛇。南泉斬猫兒。學語之流。多謂之當機妙用。  
亦謂之大用現前。不存軌則。殊不知總不是。這般道理。具  
超方眼。舉起便知落處。若大法不明。打瓦鑽龜。何時是了。  
雪竇顯南泉斬猫頰。兩堂都是杜禪和。撥動烟塵。不奈  
何。賴得南泉行正令。一刀兩段。任偏頗。趙州戴鞋頰。公  
案原來問趙州。長安城裏任閒遊。草鞋頭戴無人會。歸到家山即便休。師示眾云。喚作如

如。早是變了也。如今師僧須向異類中行。歸宗云。雖行畜  
生行。不得畜生報。師云。孟八郎漢。又與麼去也。德山密云。

也。保甯勇頌云。張公移住在深村。被賊潛身入後門。鍋  
子一時偷去了。更來敲瓦玩兒孫。道吾宗智禪師離藥  
山見師。師問。闍黎名甚麼。吾曰。宗智。師曰。智不到處。作麼  
生宗。吾曰。切忌道著。師曰。灼然道著。即頭角生。三日後。吾  
與雲巖在後架把針。師見。乃問。智頭隨。前日道智不到處。  
切忌道著。道著即頭角生。合作麼生行履。吾便抽身入僧

堂師便歸方丈。吾又來把針。雲巖曰：師弟爲何不祇對和尚？吾曰：你不妨靈利。巖不薦。卻問師：智頭隨爲甚不祇對和尚？師曰：他卻向異類中行。巖曰：如何是異類中行？師曰：不見道，智不到處切忌道著。道著卽頭角生，直頑向異類中行。巖亦不會。吾乃與巖歸藥山。巖舉前話問山。山曰：子作麼生會巖無對山？乃大笑。巖復問：如何是異類中行？山曰：吾今日困倦，且待別時來。巖曰：某甲特爲此事歸來。山曰：且去。巖便出。吾在方丈聞巖不薦，不覺敲得指頭血出。卻下來問巖。師兄去問和尚。那因緣作麼生？巖曰：和尚不與某甲說。吾便低頭。趙州問：異卽不問如何是類？師以兩手拓地。州近前一踏，踏倒。卻向涅槃堂裏叫悔。師云：悔。師令侍者問曰：悔個甚麼？州曰：悔不更與兩踏。師云：文殊普賢昨夜三更相打，每人與二十棒，趁出院了也。趙州云：和尚棒教誰喫？師曰：王老師過在甚麼處？州乃作禮。石庵招頌是賊識賊，精識精。南泉無過，強惺惺。趙州禮拜歸堂去，前箭猶輕，後箭深。徑山杲頌：南泉無過，口能招。

禍趙州禮拜草賊大敗徑山不管

師曰我十八上便解

結案據欵文殊普賢且過一邊

作活計

趙州云我十八上便解破家散宅

師示眾云江西馬祖說即心

即佛王老師不恁麼道不是心不是佛不是物恁麼道有

過麼趙州禮拜而出時有一僧隨問趙州曰上座禮拜便

出意作麼生州曰汝卻問取和尚僧乃問適來論上座意

作麼生師曰他卻領得老僧意旨

黃龍心云古人恁麼道譬若管中窺豹但見一

斑設使入林不動草入水不動波猶是騎馬向水凌上行

若是射鵬手何不向蛇頭揩癢良久云鴛鴦繡出自金針

經山杲云兩個老漢雖善靴師問僧云夜來好風僧

裏動指頭殊不知旁觀者醜

云夜來好風師云吹折門前一株松僧云吹折門前一株



松。次問一僧云。夜來好風。僧云。是甚麼風。師云。吹折門前

一株松。僧云。是甚麼松。師云。一得一失。趙州到一庵主處問有麼有麼主豎

起拳頭。州日。水淺不是泊船處。便行又到一庵主處。問有

麼有麼。主亦豎起拳頭。州日。能縱能奪。能殺能活。便作禮。

趙州聞沙彌喝向侍者日。教伊去。者乃教去。沙彌便珍

重。州日。沙彌得入門。侍者在門外。法眼因僧來。叅次。眼

以手指簾。尋有二僧齊上堂。王老師自小養一頭水牯

去。捲簾眼云。一得一失。牛擬向溪東牧。不免犯他國王水草。擬向溪西牧。不免犯

他國王水草。不如隨分納些些。總不見得。雲門云。且道牛內納牛外納。直

饒你。詔得納處分明。我更問你。覓牛在。雲峰悅云。說甚

納些子。盡乾坤大地。色空明暗。情與無情。總在翠巖這裏。

放行則隨緣。有地。把住則逃竄。無門。且上堂。王老師賣

道。放行好。把住好。幻寄云。隨邪逐惡漢。



身去也。還有人買麼。一僧出口。某甲買。師曰。不作貴。不作

賤。汝作麼生買。僧無對。臥龍代云。屬某甲去也。禾山代云。是何道理。趙州代云。明年與

和尚縫一領布衫。雪竇顯云。雖然作家競買。要且不善

輸機。且道南泉還肯麼。雪竇也擬酬個價。直令南泉進且

無門。退亦無地。不作貴。不作賤。

作麼生買。別處容和尚不得。師云。三世諸佛。不知有

狸奴。白牯。卻知有。大滄智云。三世諸佛。既不知有。狸奴白

牯。又何曾夢見。灼然須知。向上有。知有

底人。始得。且作麼生。是知有底人。喫官酒。臥官街。當處死

當處埋。沙場無限。英雄漢。堆山積嶽。露屍骸。徑山杲頌

三世諸佛。不知有。老老大大。外邊走。眼皮蓋盡。五須彌。大

洋海裏。翻筋斗。狸奴白牯。卻知有。瀑布不溜。青山走。卻笑

無端。王老師。錯認簸箕作熨斗。師巡堂次。牽一頭牛入堂。首座以手拊

牛背一下。師便休去。趙州以草二束。放在首座前。師至

旨司錄

南泉

三

莊所莊主預備迎奉。師曰。老僧居常出入。不與人知。何得排辦如此。莊主曰。昨夜土地報道和尚今日來。師曰。王老師修行無力。被鬼神覷見。侍者便問和尚。既是善知識。爲甚麼被鬼神覷見。師曰。土地前更下一分飯。玄覺云。甚麼更下一分飯。雲居錫云。是賞伊罰伊。只如土地前見是南泉。不是南泉。天童覺云。老僧當時若見莊主與麼道。便與捉住云。放汝不得。何故。不見道。來說是非者。便是是非人。因聖顥云。南泉被這僧一問。不免向鬼窟裏作活計。師問維那。今日普請作甚麼。對曰。拽磨。師曰。磨從你拽不得。動著磨中心樹子。那無語。保福代云。比來拽磨。如今卻不成。法眼代云。怎麼。卽不拽也。上堂。然燈佛道了也。若心相所思。出生諸法。虛

假不實。何以故。心尙無有。云何出生諸法。猶如形影分別。虛空。如人取聲。安置篋中。亦如吹網。欲令氣滿。故老宿云。不是心。不是佛。不是物。且教你兄弟行履。據說十地菩薩。住首楞嚴三昧。得諸佛秘密法藏。自然得一切禪定。解脫神通妙用。至一切世界。普現色身。或示現成等正覺。轉大法輪。入涅槃。使無量人。毛孔演一句經。無量劫。其義不盡。教化無量億千眾生。得無生法忍。尙喚作所知愚。極微細。所知愚。與道全乖。大難大難。珍重。上堂。諸子。老僧十八上解作活計。有解作活計者。出來共你商量。是住山人始。

得良。从顧視大眾。合掌曰。珍重。無事各自修行。大眾不去。  
師曰。如聖果大。可畏。勿量大人。尙不奈何。我且不是渠。渠  
且不是我。渠爭奈我何。他經論家。說法身爲極則。喚作理。  
盡三昧。義盡三昧。似老僧向前。被人教返本還源去。幾恁  
麼會。禍事。兄弟近日禪師太多。覓個癡鈍人。不可得不道。  
全無於中。還少。若有出來。共你商量。如空劫時。有修行人。  
否。有無作麼。不道。阿你尋常。巧唇薄舌。及乎問著。總皆不  
道。何不出來。莫論佛出世時事。兄弟。今時人。擔佛著肩上。  
行。聞老僧言。心不是佛。智不是道。便聚頭擬推。老僧無你。

推處。你若束得虛空作棒。打得老僧著。一任推。時有僧問。從上祖師。至江西大師。皆云。卽心是佛。平常心是道。今和尚云。心不是佛。智不是道。學人悉生疑惑。請和尚慈悲指示。師乃抗聲答曰。你若是佛。休更涉疑。卻問老僧。何處有恁麼傍家疑佛來。老僧且不是佛。亦不曾見祖師。你恁麼道。自覓祖師去。曰。和尚恁麼道。教學人如何扶持得。師曰。你急手托虛空著。曰。虛空無動相。云。何托。師曰。你言無動相。早是動也。虛空何解。道我無動相。此皆是你情見。曰。虛空無動相。尚是情見。前遣某甲托何物。師曰。你旣知不應。



言托擬何處扶持他。曰。卽心是佛。旣不得。是心作佛否。師曰。是心是佛。是心作佛。情計所有。斯皆想成。佛是智人。心是采集主。皆對物時。他便妙用。大德莫認心。認佛設認得。是境被他喚作所知。愚故。江西大師云。不是心。不是佛。不是物。且教你後人。恁麼行履。今時學人。披個衣服。傍家疑。恁麼閒事。還得否。曰。旣不是心。不是佛。不是物。和尚今卻云。心不是佛。智不是道。未審若何。師曰。你不認心。是佛。智是道。老僧勿得心來。復何處著。曰。總旣不得。何異太虛。師曰。旣不是物。比什麼太虛。又教誰異不異。曰。不可無他。不

是心不是佛。不是物。師曰。你若認這個。還成心佛去也。曰。請和尚說。師曰。老僧自不知。曰。何故不知。師曰。教我作麼生說。曰。可不許學人會道。師曰。會甚麼道。又作麼生會。曰。某甲不知。師曰。不知卻好。若取老僧語。喚作依通人。設見彌勒出世。還被他擣卻頭毛。曰。使後人如何。師曰。你且自看。莫憂他。後人曰。前不許某甲會道。今復令某甲自看。未審如何。師曰。冥會妙會。許你作麼生會。曰。如何是妙會。師曰。還欲學老僧語。縱說是老僧說。大德如何。曰。某甲若自會。卽不煩和尚乞慈悲指示。師曰。不可。指東指西。賺人。你

當哆哆和和時。恁麼不來問老僧。今時巧黠。始道我不會。圖甚麼。你若此生出頭來。道我出家作禪師。如未出家時。曾作甚麼來。且說看。共你商量。曰。恁麼時某甲不知。師曰。既不知。卽今認得。可可是邪。曰。認得。既不是。不認。是否。師曰。認不認。是什麼語話。曰。到這裏某甲轉不會也。師曰。你若不會。我更不會。曰。某甲是學人。卽不會。和尚是善知識。合會。師曰。這漢向你道不會。誰論善知識。莫巧黠。看他江西老宿在日。有一學士問。如水無筋骨。能勝萬斛舟。此理如何。老宿云。這裏無水亦無舟。論什麼筋骨。兄弟。他學士

便休去。可不省力。所以數數向道。佛不會道我自修行用。知作麼。曰。如何修行。師曰。不可思量得。向人道恁麼修。恁麼行。大難。曰。還許學人修行否。師曰。老僧不可障得你。曰。某甲如何修行。師曰。要行卽行。不可專尋他輩。曰。若不因善知識指示。無以得會。如和尚每言修行。須解始得。若不解。卽落他因果。無自由分。未審如何修行。卽免落他因果。師曰。更不要商量。若論修行。何處不去得。曰。如何去得。師曰。你不可逐背。應是輩字尋得。曰。和尚未說教。某甲作麼生尋。師曰。縱說何處覓去。且如你從旦至夜。忽東行西行。你向

不商量道去得不得。別人不可知得你。曰。當東行西行。總不思量。是否。師曰。恁麼時。誰道是不是。曰。和尚每言我於一切處而無所行。他拘我不得。喚作徧行三昧。普現色身。莫是此理否。師曰。若論修行。何處不去。不說拘與不拘。亦不說三昧。曰。何異有法得菩提道。師曰。不論異不異。曰。和尚所說修行。迢然與大乘別。未審如何。師曰。不管他別不別。兼不曾學來。若論看教。自有經論座主。他教家實大可畏。你且不如聽去好。曰。究竟令學人作麼生會。師曰。如汝所問。元只在因緣邊看。你且不奈何緣。是認得六門頭事。



你但會佛那邊卻來我與你商量。兄弟莫恁麼尋逐。不住  
恁麼不取古人語。行菩薩行。唯一人行。天魔波旬。領諸眷  
屬。常隨菩薩後。覓心行起處。便擬撲倒。如是經無量劫。覓  
一念異處。不可得。方與眷屬禮辭。讚歎供養。猶是進修位。  
中下之人。便不奈何。況絕功用處。如文殊普賢。更不話他。  
兄弟作麼生道行。是無覓。一日行底人。不可得。今時傍家。  
從年至歲。只是覓究竟作麼生。空弄唇舌。生解曰。當恁麼。  
時。無佛名。無眾生名。使某甲作麼圖度。師曰。你言無佛名。  
無眾生名。早是圖度了也。亦是記他言語曰。若如是。悉屬

佛出世時事了。不可不言。師曰。你作麼生言。曰。設使言。言亦不及。師曰。若道言不及。是及語。你虛恁麼尋逐。誰與你爲境。曰。旣無爲境者。誰是那邊人。師曰。你若不引教來。卽何處論佛。旣不論佛。老僧與誰論這邊那邊。曰。果雖不住道。而道能爲因。如何。師曰。是他古人。如今不可不奉戒。我不是渠渠。不是我作得。伊如狸奴白牯行履。卻快活。你若一念異。卽難爲修行。曰。云何一念異難爲修行。師曰。纔一念異。便有勝劣二根。不是情見。隨他因果。更有什麼自由。分。曰。每聞和尚說報化非眞佛。亦非說法者。未審如何。師

曰緣生故非曰報化既非眞佛法身是眞佛否師曰早是  
應身也曰若恁麼卽法身亦非眞佛師曰法身是眞非眞  
老僧無舌不解道你教我道卽得曰離三身外何法是眞  
佛師曰這漢共八九十老人相罵向你道了也更問甚麼  
離不離擬把楔釘他虛空曰伏承華嚴經是法身佛說如  
何師曰你適來道什麼語其僧重道或作問師顧視歎曰若  
是法身說你向甚麼處聽曰某甲不會師曰大難大難傳燈  
至此云好去珍重遂止汝看亮座主是蜀中人解講三十  
而師語錄復有下文二本經論於江西講次來見開元寺老宿宿問見說座主

解講經。是否。主云不敢。宿云將什麼講。主云將心講。宿云心如工倣兒。意如和伎者。爭解講得。主云莫是虛空講得。宿云卻是虛空講得。主拂袖便行。宿召座主。主回首。宿云是什麼主。便開悟。兄弟看他快利麼。僧云據和尚說。卽法身說法。師云若如是會。早是應身了也。僧云既是應身。豈無說法者。師云我不知。云某不會。師云不會卻好。免與他分疎。問教中道法身大士會處。卽見法身佛。地位菩薩。卽見報身佛。二乘唯見化身佛。莫是此理否。師曰我眼不會看。教兼無耳孔。不會聽你。自看取。若如是憶持。卽已後始

不奈何。如似弄珠說珠。光徧有金盤在。卽得忽被拈卻。金盤去何處。弄珠向什麼處尋他。光徧與不徧。學人禮拜和尚笑云。大難大難。古人罵你喚作田獵。漁捕喚作搬糞。人好去珍重。示眾。真理一如。潛行密用。無人覺知。呼爲無滲智。亦云無滲。不可思議。等空不動性。非生死流。道是大道無礙。涅槃妙用。自足始與一切行處而得自在。故云於諸行處無所而行。亦云徧行三昧。普現色身。只爲無人知。他用處無蹤跡。不屬見聞覺知。真理自通妙用。自足大道無形。真理無對。所以不屬見聞覺知。無麤細想。如云不聞。



聞是大涅槃道。這個物不是聞。不聞。僧問。大道不屬見聞。覺知未審。如何契會。師云。須會冥契。自通亦云了。因非從見聞覺知。有見知屬緣。對物始有者。個靈妙不可思議。不是有對。故云妙用自通。不依傍物。所以道通不是依通。事須假物方始得見。所以道非明暗法。離有離無。潛理幽通。無人覺知。亦云冥會真理。非見聞覺知。故云息心達本源。故號如如。佛畢竟無依自在。人亦云本果不從生因之所生。文殊云。惟從了因之所了。不從生因之所生。從上已來。只教人會道。更不別求。若思量作得道理。盡屬句義。三乘

五性義理。無不喚作行履。處處受用。具足卽得。若論道卽不是。一向耽著。被他識拘。亦云世間智。教云一向耽著。三藏學者。爲田獵漁捕。爲利養故。煞害大乘。亦云貪欲成性。所以云佛不會道。我自修行。我自有妙用。亦云正因了六波羅密空。卽物拘我不得。所以祖師西來。恐你諸人迷著。因果地位。故來傳法救迷情。頓悟花情已。性是花種性。亦云菩提花。故江西老宿云。不是心。不是佛。不是物。先祖雖說。卽心卽佛。是一時間語。空拳黃葉止啼之說。如今多有。人喚心作佛。喚智爲道。見聞覺知皆是道。若如是會者。何

殊演若達多。迷頭認影。設使認得。亦不是汝本來頭。故大  
士誦迦旃延。以生滅心說實相法。皆是情見。若言卽心卽  
佛者。如兔馬有角。非心非佛。牛馬無角。汝心若是佛。亦何  
用非他。有無形相。以何是道。所以教中不許甯作心師。不  
師於心。心如工伎兒。意如和伎者。故云佛有道心。不離見  
聞覺知。皆屬因緣而有。皆是照物而有。不可常照。所以心  
智俱不是道。且大道非明暗法。離有無數。數不能及。如空  
劫時。無佛名。無眾生名。與麼時。正是道。只是無人覺知。見  
他數不及他。喚作無名大道。早屬名句了也。所以眞理一

如更無思想。纔有思想。卽被陰拘。便有眾生名。有佛名。佛出世來。喚作三界智人。只如未出世時。喚作什麼。佛出世。只令人會道。體非凡聖。喚作還源歸本。體解大道。今日旣如是會道。卽無量劫來六道四生皆有去來。是暫時行履處。先聖本行集云。我無所不行。一切眾生雖在如是行處。爲無了。因故生貪欲名。爲在纏。不得自在。暫時歧路。雲駛月運。舟行岸移。眾生妄想。物無不住。豈況理能遷變。今旣如是會。卻向裏許行履。不同前時。爲了因會本果故。了陰界空。六波羅密空。所以得其自在。若不向裏許行履。如何。



摧剉得五種貪。二種欲。不守住聲聞。隨於劫數。所以諸佛  
菩薩具福智。二嚴爲了因。了六波羅密空體者。個受用所  
以不存知見。始得自在。若有知見。卽屬地位。便有分劑心  
量。被因果隔。喚作酬因答果佛。不得自在。所以大聖訶他  
爲內見外見。情量不盡。二障二愚。所以見河能漂香象。眞  
理無形。如何知見。大道無形。理絕思量。今日行六波羅密。  
先用了因會本果故。了此物是方便受用。始得自由。去住  
自在。無障礙。亦云方便勤莊嚴。亦云微妙淨法身。具相三  
十二。只是不許分劑心量。若無如是心。一切行處。乃至彈



指合掌。皆是正因。萬善皆同無終。

此字應是作字

始得自在。所以

天魔外道。求我不得。喚作無住心。亦云無滲智。不思議妙

用自在。菩提涅槃。皆是修行人境界。皆屬明句。若會本來

非凡物。卽水不能洗水。何以故。本來無物故。經云。我王庫

中。實無如是刀。又大功德天。黑暗女。有智主人。二俱不受。

所以道非明暗。故云性海。不是覺海。覺海涉緣。卽須對物。

他便妙用。無人覺知。喚作極微細透金色水塵。菩薩所因。

喚作受用具。若水不洗水。卽體不是明暗。亦云無滲智。又

云無礙智。若如是。卽一切處拘我不得。如今更別求建立。

義句覓勝負。知解語言。言眾生劣。有佛聖救眾生。求佛菩提。皆屬貪欲。亦云破戒比丘。與道懸隔。大道無明。未曾有暗。非三界攝。非去來今。如來藏實不覆藏。師子何曾在窟。五陰本空。何曾有處所。且法身無爲。不墮諸數。法無動搖。不依六塵。故經云。佛性是常心。是無常。所以智不是道心。不是佛。如今且莫喚心作佛。莫作見聞覺知會者。個物且本來無許多名字。妙用自通數量。管他不得。是大解脫。所以道人心無住處。蹤跡不可尋。故云無滲智。不思議智。看他池州崔使君問五祖大師云。徒眾五百。何以能大師獨

受衣傳信。餘人爲甚麼不得。五祖云。四百九十九人。盡會佛法。惟有能大師是過量人。所以傳衣信。崔云。故知道非愚智。便告大眾。總須記取。師云。記得屬第六識。不堪無事珍重。又云。暫時披垢膩之衣。來爲人說破。不是凡聖物。他家早晚與人爲因。亦不會與人爲果。若與人爲因。卽不自在。被因果所拘。不得自由。佛未出世時。無人會得。若出世邊論。還許少分會。但以冥理自通。無師自爾。本自無物。由是見聞覺知。卽是報化。所以三十二相異體故。若離彼卽同如來。報化佛總打卻。何處存立。不是不許。只如彌勒。

又作凡夫。他熾然行六波羅密。他家觸處去得。因什麼便  
不許他。他不曾滯著凡聖。所以那邊會了。卻來這邊行履。  
始得自由分。今時學人多分出家。不肯入家。好處卽認惡  
處。卽不認。爭得。所以菩薩行於非道。是爲通達佛道。他家  
去住得自由。且如何。若知卽被知處所拘。若不恁麼爭得。  
不許他。他者個定。不會變異。若不定。卽屬造化也。他那個  
早晚會變動。所以十二分教。決定不是我。我卽向十二分  
教中行履得。若十二分教是我。卽受變也。又云。大道一  
如。無師自爾。若能如如不變。故不會迷。報化非真佛。莫認。

法身。凡聖果報皆是影。若認著。卽屬無常生滅也。粗細而論。纖毫不立。窮理盡性。一切全無。如世界未成時。洞然空廓。無佛名。無眾生名。始有少分相應。直向那邊會了。卻來這裏行履。不證凡聖果位。據本而論。實無少法可得。豈況三乘五性差別名數。但是有因有果。盡屬無常生滅也。又云。心如枯木。始有少許相應。又云。但會取無量劫來。性不變異。卽是修行。妙用而不住。便是菩薩行。達諸法空。妙用自在。色身三昧熾然。行六波羅密空。處處無礙。遊於地獄。猶如變觀。准法華變當作園不可道伊不得作用。眾生無量。



幼來迷於本性。不自了體。雲塵暫翳。著諸惡欲。雲駛月運。舟行岸移。暫時歧路。不得自在。種種受苦。不自覺知。乃至今日。會取從來性。與今日不別。師將順世。第一座問和尚。百年後向甚麼處去。師曰。山下作一頭水牯牛去。座曰。某甲隨和尚去。還得也無。師曰。汝若隨我。卽須銜取一莖草來。師乃示疾。大和八年甲寅十二月二十五日。凌晨告門人曰。星翳燈幻。亦久矣。勿謂吾有去來也。言訖而逝。世壽八十七。僧臘五十八。

指月錄卷之八終

抄月金

卷ノ

男

指月錄卷之九

六祖下第三世

鹽官海昌院齊安國師。有講僧來參。師問座主蘊何事業。對

南嶽曰。講華嚴經。師曰。有幾種法界。曰。廣說則重重無盡。略說

有四種。師豎起拂子曰。這個是第幾種法界。主沉吟。師曰。

思而知。慮而解。是鬼家活計。曰。下孤燈。果然失照。保福問云。若禮

拜卽喫和尚棒。禾山代云。某甲不煩和尚莫怪。法眼代拊掌三下。妙喜曰。兩段不同。收歸上科。僧問。

大梅。如何是西來意。大梅曰。西來無意。師聞乃曰。一個棺

材。兩個死漢。玄沙云。鹽官是作家。雪竇云。三個也有復頌云。活中死眼。無作有用。方寸不移。十方獨

弄巧拙不到處鹽官有出身親言出親口雞犬聞比隣

黃龍新云雪竇道三個也有是死漢是活漢具眼者請試

甄別昭覺勤

云一串穿卻師一日喚侍者曰將犀牛扇子來者曰

破也師曰扇子既破還我犀牛兒來者無對投子代云不

角不全資福代作圓相心中書牛字石霜代云若還

和尚即無也保福云和尚年尊別請人好雲居舜云

三秋當時正須扇子為侍者不了事雖然如是鹽官太絮

何不大家割捨侍者當時若見鹽官道扇子既破還我犀

牛兒來便向道已颺

在搥搥誰上了也

廬山歸宗寺智常禪師上堂從上古德不是無知解他高尙

之士不同常流今時不能自成自立虛度時光諸子莫錯

用心無人替汝亦無汝用心處莫就他覓從前祇是依他

解發言皆滯光不透脫祇爲目前有物。問如何是玄旨。  
師曰無人能會曰向者如何師曰有向卽乖曰不向者如  
何師曰誰求玄旨又曰去無汝用心處曰豈無方便門令  
學人得入師曰觀音妙智力能救世間苦曰如何是觀音  
妙智力師敲鼎蓋三下曰子還聞否曰聞師曰我何不聞  
猶無語師以棒趁下。大愚一日辭師師問甚麼去愚曰  
諸方學五味禪去師曰諸方有五味禪我這裏只有一味  
禪愚便問如何是一味禪師便打愚忽然大悟云嗟我會  
也師云道道愚擬開口師又打趁出愚後到黃檗舉前話。



槩上堂曰。馬大師出八十四人善知識。問著個個。肩漉漉。

地祇有歸宗較些子。

資福先云。歸宗幸是好一味禪。無端

人來辭去。諸方學五味禪。只向他道。善爲道路。若是個漢。必然別有生涯。

師入園取菜次。乃

畫圓相圍。卻一株。語眾曰。輒不得動著。這個眾不敢動。少

頃。師復來。見菜猶在。便以棒趁眾僧曰。這一隊漢。無一個

有智慧底。

刺史李渤。問教中所言。須彌納芥子。渤卽不

疑。芥子納須彌。莫是妄談否。師曰。人傳使君讀萬卷書籍。

還是否。曰。然。師曰。摩頂至踵。如椰子大。萬卷書向何處著。

李俛首而已。李異日又問。一大藏教。明得個甚麼邊事。師

舉拳示之。曰。還會麼。曰。不會。師曰。這個措大。拳頭也不識。曰。請師指示。師曰。遇人則塗中授與。不授卽世諦流布。師有頌云。歸宗事理絕。日輪正當午。自在如師子。不與物依怙。獨步四山頂。優游三大路。欠。呿。飛禽墜。嚙。呻。眾邪怖。機。豎。箭。易。及。影。沒。手。難。覆。施。張。若。弓。伎。裁。剪。如。尺。度。巧。鏤。萬。般。名。歸。宗。還。似。土。語。默。音。聲。絕。旨。妙。情。難。措。棄。個。眼。還。聾。取。個。耳。還。瞽。一。鏃。破。三。關。分。明。箭。後。路。可。憐。大。丈。夫。先。天。爲。心。祖。

明州太梅山法常禪師。初叅大寂。問如何是佛。寂曰。卽心是。

佛師卽大悟。遂之四明。梅子眞舊隱。縛茆燕處。寂聞師住山。乃令僧問和尚。見馬大師得個甚麼。便住此山。師曰。大師向我道。卽心是佛。我便向這裏住。僧曰。大師近日佛法。又別。師曰。作麼生。曰。又道非心非佛。師曰。這老漢惑亂人。未有了日。任他非心非佛。我祇管卽心卽佛。其僧回舉似寂寂。曰。梅子熟也。龐居士欲驗師。特相訪。纔見。更問。久嚮大梅。未審梅子熟也未。師曰。熟也。你向甚麼處下口。士曰。百雜碎。師伸手曰。還我核子來。士無語。大愚芝云。此二人前不至村後店。不至僧問如何是佛法大意。師曰。蒲花桺絮。竹針麻線。

夾山與定山同行。言語次。定山曰。生死中無佛。卽無生死。夾山曰。生死中有佛。卽不迷生死。互相不肯。同上山見師。夾山便舉問。未審二人見處。那個較親。師曰。一親一疎。夾山復問。那個親。師曰。且去。明日來。夾山明日再上問。師曰。親者不問。問者不親。夾山住後。自云。當時失一隻眼。英邵武舉此問。法昌遇云。此個公案。作麼生。遇便打。英云。一場龍餓。遇云。你試下轉語。英云。一狀領過。遇云。矮子看戲。大梅山旁有石庫。相傳神仙置藥之所。一夕。師夢神人告之曰。君非凡夫。石庫中有聖書。受之者爲地下主。不然亦爲帝王。師於夢中答曰。昔僧稠不顧仙經。其卷自亡。吾以涅槃爲樂。厥



壽何嘗與天偕老耶。神曰：此地靈府，俗人居此，立致變怪。

師曰：吾寓跡梅尉之鄉耳，非久據也。

幻寄曰：道流還識大梅意麼？作麼生是涅槃樂？急須著眼看仙人。莫看仙人手中扇。

忽一日謂其徒曰：來莫可抑，往莫

可追。從容間聞鼯鼠聲，乃曰：卽此物非他物。汝等諸人善

自護持。吾今逝矣。言訖示滅。

永明壽禪師讚云：師初得道，卽心是佛，最後示徒，物非他

物窮萬法源，徹于聖身，真化不移，何妨出沒。雪竇顯云：這漢生前鹵莽，死後顛預，卽此物非他物，是何物？還有分付處也。無有般漢不解截斷大梅脚跟，只管道貪程太速。

池州魯祖山寶雲禪師尋常見僧來，便面壁。南泉聞乃云：我

尋常向僧道佛未出世時，會取尙不得一個半個。他潛麼？



驢年去

魯祖節文在甚麼處

保福問長慶祇如

讓於人

萬中無一個

羅山云陳老師當時若見背上與

五火抄

何故為伊解放不解收玄沙云我當時若見也與

五火抄

雲居錫云羅山玄沙總恁麼道為復一級別有道

理若擇得出許上座佛法有去處玄覺云且道玄沙五火

抄打伊

著不著

徑山杲云

師因僧問如何是不言言

魯祖不得

南泉幾

乎覷破壁

師因僧問如何是不言言

師曰汝口在甚麼處曰無口師曰將甚麼喫飯僧無對

代云他不

喫甚麼飯

泐潭常與和尚南泉至見師面壁泉乃拊師背師問汝是阿

誰曰普願師曰如何曰也尋常師曰汝何多事

妙喜曰也須驗過

泐潭法會禪師問馬祖如何是祖師西來意祖曰低聲近前

來向沒道師便近前。祖打一擱曰。六耳不同謀。且去。來日來。師至來日獨入法堂曰。請和尚道。祖曰。且去。待老漢上堂出來問。與汝證明。師忽有省。遂曰。謝大眾證明。乃繞法堂一匝便去。

洛京佛光如滿禪師。唐順宗問佛從何方來。滅向何方去。旣言常住世。佛今在何處。師答曰。佛從無爲來。滅向無爲去。法身等虛空。常住無心處。有念歸無念。有住歸無住。來爲眾生來。去爲眾生去。清淨真如海。湛然體常住。智者善思惟。更勿生疑慮。帝又問佛向王宮生。滅向雙林滅。住世四

十九。又言無法說。山河與大海。天地及日月。時至皆歸盡。誰言不生滅。疑情猶若斯。智者善分別。師答曰。佛體本無爲。迷情妄分別。法身等虛空。未會有生滅。有緣佛出世。無緣佛入滅。處處化眾生。猶如水中月。非常亦非斷。非生亦非滅。生亦未曾生。滅亦未曾滅。了見無心處。自然無法說。帝聞大悅。益重禪宗。

五洩山靈默禪師。初謂馬祖。次謁石頭。便問一言相契。卽住。不契。卽去。石頭據坐。師便行。頭隨後召曰。闍黎。師回首。頭曰。從生至死。祇是這個。回頭轉腦作麼。師言下大悟。乃捫

折拄杖而棲止焉。

洞山云當時若不是五洩先師大難承。當然雖如此猶涉在途。長慶云險。

玄覺云那個是涉在途處有僧云爲伊三十寸途中薦得所以。在途玄覺云爲復薦得自己爲復薦得三十寸若是自己爲甚麼成三十寸若是三十寸爲甚麼悟去。且道洞山意作麼生莫亂說子細好。

元和十三年三

月二十三日沐浴焚香端坐告眾曰法身圓寂示有去來。

千聖同源萬靈歸一吾今渥散胡假興哀無自勞神須存

正念若遵此命真報吾恩倘固違言非吾之子時有僧問

和尚向甚麼處去師曰無處去曰某甲何不見師曰非眼

所覩。

洞山云作家。

言畢奄然而化。

幽州寶積禪師因於市肆行見一客人買豬肉語屠家曰精



底割一斤來屠家放下刀。又手曰。長史。那個不是精底。師  
於此有省。又一日出門。見人舁喪歌。郎振鈴云。紅輪決定  
沉西去。未審魂靈往那方。幕下孝子哭曰。哀哀師身心。踴  
躍歸舉似馬祖。祖印可之。住盤山寶積。僧問。如何是道。  
師便咄。僧曰。學人未曉。師曰。去。上堂。心若無事。萬法不  
生意。絕。不。機。織。塵。何。立。道。本。無。體。因。體。而。立。名。道。本。無。名。  
因。名。而。得。號。若。言。卽。心。卽。佛。今。時。未。入。不。微。若。言。非。心。非。  
佛。猶。是。指。蹤。極。則。向。上。一。路。千。聖。不。傳。學。者。勞。形。如。猿。捉。  
影。慈。明。曰。向。上。一。路。千。聖。不。然。楊。岐。曰。口。上。著。白。雲。  
端。頌。盤。山。向。上。路。何。言。罕。見。行。人。耳。有。穿。口。上。著。來。無。



咬處方知千聖不能傳。徑山杲頌不傳不然海口難宣。崑崙頂上駕起鐵船。

上堂。夫心月孤。

懸光吞萬象。光非照境。境亦非存。光境俱亡。復是何物。喜妙。

云。千年常禪德。譬如擲劍揮空。莫論及之不及。斯乃空輪。

無跡。劍刃無虧。若能如是。心心無知。妙喜云。咄咄咄。我王。

眼藏作二則。全心即佛。全佛即人。人佛無異。始為道矣。已下語不錄。

上堂。禪德。可中學道。似地擎山。不知山之孤峻。如石含玉。

不知玉之無瑕。若如此者。是名出家。故導師云。法本不相。

礙。三際亦復然。無為無事人。猶是金鎖難。所以靈源獨耀。

道絕無生。大智非明。真空無跡。真如凡聖。皆是夢言。佛及。

涅槃并爲增語。禪德直須自看。無人替代。上堂。三界無

法。何處求心。四大本空。佛依何住。璿璣不動。寂爾無言。覲

面相呈。更無餘事。珍重。掩室開頌。山舍無塵。分外清。石榴

覺流鶯時一聲。愚谷困頌。依依楊柳。欲藏鴉。社後東風

捲落花。理策邀朋。何處好。山南山北。看桑麻。雪竇顯頌。

三界無法。何處求心。二句。三界無法。何處求心。白雲

爲蓋。流水作琴。一曲。兩曲。無人會。兩過夜。塘秋水深。師

將順世。告眾曰。有人邈得吾真。否眾將所寫真呈。皆不契

師意。普化出曰。某甲邈得。師曰。何不呈似老僧。化乃打筋

斗而出。師曰。這漢向後。掣風狂去在。師乃奄化。

麻谷寶徹禪師侍馬祖行次。問如何是大涅槃。祖曰。急。師曰。

三才錄 麻谷

急個甚麼。祖曰。看水。師同南泉歸宗。謁徑山路。逢一婆。乃問徑山路向甚處去。婆曰。驀直去。師曰。前頭水深。過得否。婆曰。不濕脚。師又問。上岸稻得與麼好。下岸稻得與麼。怯。婆曰。總被螃蟹喫卻也。師曰。禾好香。婆曰。沒氣息。師又問。婆在甚處住。婆曰。祇在這裏。三人至店。婆煎茶一瓶。攜盞三隻。至謂曰。和尚有神通者。卽喫茶。三人相顧。問婆曰。看老朽自逞神通去也。於是拈盞傾茶便行。

東寺如會禪師。常患門徒誦大寂卽心卽佛之談不已。謂佛於何住。而曰卽心。心如畫師。而云卽佛。遂示眾曰。心不是。

佛智不是道。劍去遠矣。爾方刻舟。虛堂愚頌云。昨日因過竹院西隣家。稚子隔溪

啼。山寒水肅。半黃落。無數歸鴉。卜樹棲。

仰山叅師問汝是甚處人。仰曰。廣

南人。師曰。我聞廣南有鎮海明珠。是否。仰曰。是。師曰。此珠如何。仰曰。黑月卽隱。白月卽現。師曰。還將得來也。無。仰曰。將得來。師曰。何不呈似老僧。仰又手近前曰。昨到瀉山。亦被索此珠。直得無言可對。無理可伸。師曰。眞師子兒。善能哮吼。仰禮拜了。卻入客位。具威儀。再上人事。師纔見。乃曰。已相見了也。仰曰。恁麼相見。莫不當否。師歸方丈。閉卻門。仰歸舉似瀉山。瀉曰。寂子是甚麼心行。仰曰。若不恁麼爭。

識得他。

西堂智藏禪師與百丈南泉同入大寂之室。李尚書嘗問僧。  
馬大師有甚麼言教。僧曰。大師或說卽心卽佛。或說非心  
非佛。李曰。總過這邊。李卻問師。馬大師有甚麼言教。師呼  
李翺。李應諾。師曰。鼓角動也。普請次。師曰。因果歷然。爭  
奈何。爭奈何。有僧出以手托地。師曰。作甚麼。曰。相救相救。  
師曰。大眾。這個師僧猶較些子。僧拂袖便走。師曰。師子身  
中蟲。自食師子肉。昭覺勤云。西堂洞明綱要始終正令全  
提這僧異類中行。爭奈龍頭蛇尾。敢問  
大眾。因果歷然一句。作麼生。道是。  
則龍女頓成佛。否則善星生陷墜。  
僧問有問有答。賓主



歷然無問無答時如何。師曰。怕爛卻那。後有僧舉問長慶云。相逢盡道休  
官好林下何。曾見一人。有一俗士問。有天堂地獄否。師曰。有曰。有。

佛法僧寶否。師曰。有更有多問。盡答言有曰。和尚怎麼道。  
莫錯否。師曰。汝曾見尊宿來耶。曰。某甲曾叅徑山和尚來。  
師曰。徑山向汝作麼生道。曰。他道一切總無。師曰。汝有妻  
否。曰。有。師曰。徑山和尚有妻否。曰。無。師曰。徑山和尚道無。  
即得俗士禮謝而去。

越州大珠慧海禪師建州朱氏子。初叅馬祖。祖問從何處來。  
曰。越州大雲寺來。祖曰。來此擬須何事。曰。來求佛法。祖曰。

我這裏一物也無。求甚麼佛法。自家寶藏不顧。拋家散走。作麼。曰。阿。那個是慧海寶藏。祖曰。卽今問我者。是汝寶藏。一切具足。更無欠少。使用自在。何假外求。師於言下。自識本心。不由知覺。踊躍禮謝。師事六載。後以受業。師老。遂歸奉養。晦跡藏用。人莫能識。潛著頓悟入道要門論一卷。法姪。彛。晏。竊呈馬祖。祖覽訖。告衆曰。越州有大珠。圓明光透。目在無遮障處也。衆因尋訪。依附師。謂曰。我不會禪。并無一法。可示於人。僧問。擬伸一問。師還對否。師曰。深潭月影。任意撮摩。問如何是佛。師曰。清談對面。非佛而誰。衆皆茫

然。法眼云是僧良久。又問師說何法度人。師曰。貧道未曾  
有一法度人。曰。禪師家渾如此。師卻問大德說何法度人。  
曰。講金剛經。師曰。講幾座來。曰。二十餘座。師曰。此經是阿  
誰說。僧抗聲曰。禪師相弄。豈不知是佛說耶。師曰。若言如  
來有所說法。則爲謗佛。是人不解我所說義。若言此經不  
是佛說。則是謗經。請大德說看。僧無對。師少頃又問。經云。  
若以色見我。以聲音求我。是人行邪道。不能見如來。大德  
且道。阿那個是如來。曰。某甲到此卻迷去。師曰。從來未悟。  
說甚卻迷。曰。請禪師爲說。師曰。大德講經二十餘座。卻不

識如來。僧禮拜曰。願垂開示。師曰。如來者是諸法如義。何得忘卻。曰。是諸法如義。師曰。大德是亦未是。曰。經文分明。那得未是。師曰。大德如否。曰。如。師曰。木石如否。曰。如。師曰。大德如同木石如否。曰。無二。師曰。大德與木石何別。僧無對。良久。卻問如何得大涅槃。師曰。不造生死業。曰。如何是生死業。師曰。求大涅槃。是生死業。捨垢取淨。是生死業。有得有證。是生死業。不脫對治門。是生死業。曰。云何卽得解脫。師曰。本自無縛。不用求解。直用直行。是無等等。曰。禪師如和尚者。實謂希有。禮謝而去。上堂。諸人幸自好個無。

事人苦死造作。要擔枷落獄作麼。每日至夜奔波道。我叅禪學道。解會佛法。如此轉無交涉也。只是逐聲色走。有何歇時。貧道聞江西和尚道。汝自家寶藏。一切具足。使用自在。不假外求。我從此一時休去。自己財寶。隨身受用。可謂快活。無一法可取。無一法可捨。不見一法生滅。相不見一物去來。相徧十方界。無一微塵許。不是自家財寶。但自子細觀察自心。一體三寶。常自現前。無可疑慮。莫尋思。莫求覓。心性本來清淨。故華嚴經云。一切法不生。一切法不滅。若能如是解。諸佛常現前。又淨名經云。觀身實相。觀佛亦



然若不隨聲色動念。不逐相貌生解。自然無事去。莫久立珍重。此日大眾普集。久而不散。師曰。諸人何故在此不去。貧道已對面相呈。還肯休麼。有何事可疑。莫錯用心。枉費氣力。若有疑情。一任諸人恣意早問。時有僧問。云何是佛。云何是法。云何是僧。云何是一體三寶。曰。心是佛。不用將佛求佛。心是法。不用將法求法。佛法無二。和合爲僧。卽是一體三寶。經云。心佛與眾生。是三無差別。身口意清淨。名爲佛出世。三業不清淨。名爲佛滅度。喻如嗔時無喜。喜時無嗔。唯是一心。實無二體。本智法爾。無漏現前。如蛇化爲。

龍不改其鱗。眾生同心作佛。不改其面。性本清淨。不待修成。有證有修。卽同增上慢者。真空無滯。應用無窮。無始無終。利根頓悟。用無等等。卽是阿耨菩提。心無形相。卽是微妙色身。無相卽是實相。法身性相體空。卽是虛空。無邊身。萬行莊嚴。卽是功德法身。此法身者。乃是萬化之本。隨處立名。智用無盡。名無盡藏。能生萬法。名本法藏。具一切智。名智慧藏。萬法歸如。名如來藏。經云。如來者。卽諸法如義。又云。世間一切生滅法。無有一法不歸如也。維摩座主問。經云。彼外道六師等。是汝之師。因其出家。被師所墮。汝

亦隨墮。其施汝者。不名福田。供養汝者。墮三惡道。謗於佛。毀於法。不入眾數。終不得滅度。汝若如是。乃可取食。今請禪師明爲解說。師曰。迷徇六根者。號之爲六師。心外求佛。名爲外道。有物可施。不名福田。生心受供。墮三惡道。汝若能謗於佛者。是不著佛求。毀於法者。是不著法求。不入眾數者。是不著僧求。終不得滅度者。智用現前。若有如是解者。便得法喜禪悅之食。又問般若經云。度九類眾生。皆入無餘涅槃。又云。實無眾生得滅度者。此兩段經文。如何會通。前後人說。皆云。實度眾生。而不取眾生相。常疑未決。請

師爲說曰。九類眾生。一身具足。隨造隨成。是故無明爲耶。  
生煩惱。包裹爲胎生。愛水浸潤爲濕生。歛起煩惱爲化生。  
悟卽是佛。迷號眾生。菩薩只以念念心爲眾生。若了念念。  
心體俱空。名度眾生也。智者於自本際上。度於未形未形。  
俱空。卽知實無眾生得滅度者。道光座主問曰。禪師用。  
何心修道。師曰。老僧無心可用。無道可修。曰。卽無心可用。  
無道可修。云何每日聚眾。勸人學禪修道。師曰。老僧尙無。  
卓錫之地。甚麼處聚眾來。老僧尙無舌。何曾勸人來。曰。禪。  
師對面妄語。師曰。老僧尙無舌。勸人焉。解妄語。曰。某甲卻。

不會禪師語論也。師曰。老僧自亦不會。講止觀座主問。禪師辨得魔否。師曰。起心是天魔。不起心是陰魔。或起不起。是煩惱魔。我正法中。無如是事。曰。一心三觀。義又如何。師曰。過去心已過去。未來心未至。現在心無住。於其中間。更用何心起觀。曰。禪師不解止觀。師曰。座主解否。曰。解。師曰。如智者大師說。止破止。說觀破觀。住止沒生死。住觀心神亂。且爲當將心止心。爲復起心觀觀。若有心觀。是常見法。若無心觀。是斷見法。亦有亦無。成二見法。請座主子細說看。曰。若如是問。俱說不得也。師曰。何曾止觀。維摩座



主問經云。諸菩薩各入不二法門。維摩默然。是究竟否。師曰。未是究竟。聖意若盡。第三卷更說何事。座主良久曰。請禪師爲說。未究竟之意。師曰。如經第一卷是引眾。呵十大弟子住心。第二諸菩薩各說入不二法門。以言顯於無言。文殊以無言顯於無言。維摩不以言。不以無言。故默然。收前言語故。第三卷從默然起說。又顯神通作用。座主會麼。曰。奇怪如是。師曰。亦未如是。曰。何故未是。師曰。且破人執情。作如此說。若據經意。只說色心空寂。令見本性。教捨僞行。入真行。莫向言語紙墨上討意度。但會淨名兩字。使得。

淨者。本體也。名者。跡用也。從本體起跡用。從跡用歸本體。  
 體用不二。本跡非殊。所以古人道。本跡雖殊。不思議一也。  
 一亦非一。若識淨名兩字假號。更說甚麼究竟與不究竟。  
 無前無後。非本非末。非淨非名。只示衆生本性。不思議解。  
 脫。若不見性人。終身不見此理。講華嚴座主問禪師信。  
 無情是佛否。師曰。不信。若無情是佛者。活人應不如死人。  
 死驢死狗。亦應勝於活人。經云。佛身者。卽法身也。從戒定。  
 慧生。從三明六通生。從一切善法生。若說無情是佛者。大。  
 德如今便死。應作佛去。入井救人。問佛法在於三際否。師曰。

現在無相。不在其外。應用無窮。不在於內。中間無住處。三際不可得。曰。此言大混。師曰。汝正說混之一字時。在內外否。曰。弟子究檢。內外無蹤跡。師曰。若無蹤跡。明知上來語不混。曰。如何得作佛。師曰。是心是佛。是心作佛。曰。眾生入地獄。佛性入否。師曰。如今正作惡時。更有善否。曰。無。師曰。眾生入地獄。佛性亦如是。張湯兒時詰鼠案三藏法師問。真如有變易否。師曰。有變易。藏曰。禪師錯也。師卻問三藏。有真如否。曰。有。師曰。若無變易。決定是凡僧也。豈不聞善知識者。能回三毒爲三聚淨戒。回六識爲六神通。回煩惱作

菩提同無明爲大智。真如若無變易。三藏真是自然外道也。藏曰。若爾者。真如卽有變易也。師曰。若執真如有變易。亦是外道。曰。禪師適來說真如有變易。如今又道不變易。如何卽是的當。師曰。若了了見性者。如摩尼珠現色。說變亦得。說不變亦得。若不見性人。聞說真如變易。便作變易解會。說不變易。便作不變易解會。藏曰。固知南宗實不可測。問三教同異。師曰。大量者用之卽同。小機者執之卽異。總從一性上起用。機見差別成三。迷悟由人。不在教之同異也。

旨司錄

卷九 杉山水潦茗溪

杉山智堅禪師。初與歸宗南泉行脚時。路逢一虎。各從虎邊過了。泉問歸宗。適來見虎。似個甚麼。宗曰。似個猫兒。宗卻問師。師曰。似個狗子。又問南泉。泉曰。我見是個大蟲。智云。三個老漢聚頭寐語。若要徹。一時叅取這大蟲始得。師喫飯次。南泉收生飯。乃曰。生。生。生。師曰。無生。泉曰。無生猶是末。泉行數步。師召曰。長老。泉回頭曰。作麼。師曰。莫道是末。普請擇蕨次。南泉拈起一莖曰。這個大好供養。師曰。非但這個。百味珍羞。他亦不顧。泉曰。雖然如是。個個須嘗過始得。翠巖芝云。只如杉山與麼道。還有免得麼。若免得去。未具眼在。若免不得。又違前話。



水潦和尚問馬祖如何是西來的的意。祖乃當胸踏倒。師大

悟。起來拊掌呵呵大笑云。也大奇。也大奇。百千三昧。無量

妙義。只向一毛頭上。一時識得根源去。乃作禮而退。師後

告眾云。自從一喫馬祖踏。直至如今。笑不休。蔣山泉云。忽然瞥地。更是

好笑

澧州茗溪道行禪師嘗曰。吾有大病。非世所醫。後僧問曹山

古人曰。吾有大病。非世所醫。是甚麼病。山曰。攢簇不得底病。曰。一切眾

生。還有此病也。無。山曰。人人盡有。曰。和尚還有此病也。無。

山曰。正覓起處。不得。曰。一切眾生。為甚麼不病。山曰。一切

眾生。若病。即非眾生。曰。未審諸佛。還有此病也。無。山曰。有

曰。既有為甚麼不

病。山曰。為伊惺惺。

撫州石鞏慧藏禪師。本以弋獵爲務。惡見沙門。因逐鹿從馬

祖菴前過。祖乃逆之。師遂問。還見鹿過否。祖曰。汝是何人。  
曰。獵者。祖曰。汝解射否。曰。解射。祖曰。汝一箭射幾個。曰。一  
箭射一個。祖曰。汝不解射。曰。和尚解射否。祖曰。解射。曰。一  
箭射幾個。祖曰。一箭射一羣。曰。彼此生命。何用射他。一羣。  
祖曰。汝旣知如是。何不自射。曰。若教某甲自射。直是無下  
手處。祖曰。這漢曠劫無明煩惱。今日頓息。師擲下弓。投祖  
出家。雪竇顯云。馬師一箭一羣。信彩射得有甚用處。不如  
石鞏一箭一個。卻是好手。雪竇今日效古人之作擬  
放一箭高聲唱曰。看箭又云中也。翠巖芝云。馬祖一箭  
一羣。猶未善。在山僧一箭射蠢動。舍靈無不中者。雖然如

是只道得一半更有。一日在廚作務次。祖問作甚麼。曰。一半。畱與諸上座道。牧牛。祖曰。作麼生牧。曰。一回入草去。驀鼻拽將回。祖曰。子真牧牛。師便休。師住後。常以弓箭接機。載三平章。問西堂汝還解捉得虛空麼。堂曰。捉得。師曰。作麼生捉。堂以手撮虛空。師曰。汝不解捉。堂卻問師。兄作麼生捉。師把西堂鼻孔拽。堂作忍痛聲曰。太煞拽人鼻孔。直欲脫去。師曰。直須恁麼捉。虛空始得。

袁州南源道明禪師。洞山叅方上法堂。師曰。已相見了也。山便下去。明日卻上。問曰。昨日已蒙和尚慈悲。不知甚麼處。

是與某甲已相見處。師云。心心無間斷。流入於性海。山曰。幾合放過。

中邑洪恩禪師。仰山問如何得見佛性義。師曰。我與汝說個譬喻。如一室有六牕。內有一獼猴。外有獼猴。從東邊喚猩猩。猩猩卽應。如是六牕俱喚俱應。仰山禮謝起曰。適蒙和尚譬喻。無不了知。更有一事。祇如內獼猴睡著。外獼猴欲與相見。又且如何。師下繩牀執仰山手作舞曰。猩猩與汝相見了。譬如螻蛄蟲在蚊子眼睫上作窠。向十字街頭叫云。土曠人稀。相逢者少。雲居錫云。中邑當時若不得仰山這一句。何處有中邑也。信相宗。

顯禪師舉至與汝相見了也。曰：諸人要見二老麼？我也與你說個譬喻。中邑大似個金師。仰山將一塊金來使金師酬價。金師亦盡價相酬。臨成交易，賣金底更與貼秤。金師雖然暗喜，未免心中偷疑。何故？若非細作定，是賊賊。

潭州三角山總印禪師示眾曰：凡說法須用應時應節。時有僧出問曰：四黃四赤時如何？師曰：三月杖頭挑。曰：爲甚麼滿肚皮貯氣？師曰：爭奈一條繩。何曰：如何得出氣去？師曰：直待皮穿。僧問：如何是三寶？師曰：禾麥豆。曰：學人不會。師曰：大眾欣然奉持。又示眾云：若論此事，貶上眉毛早已蹉過了也。時麻谷出問：貶上眉毛卽不問，如何是此事？師云：蹉過也。谷乃掀禪牀。師便打。雪竇顯云：兩個有頭無尾。漢眉毛未曾貶上說。



甚麼此事。蹉過尋有僧問。眉毛爲甚不貶上。竇便打。  
長慶代云。悄然。妙喜拈曰。蹉過麻谷也。不知。

汾州無業禪師。謁馬祖。祖覩狀貌奇偉。語音如鐘。乃曰。巍巍  
堂堂。其中無佛。師禮跪而問曰。三乘文學。粗窮其旨。常聞  
禪門。卽心是佛。實未能了。祖曰。祇未了底心。卽是更無別  
物。師曰。如何是祖師西來密傳心印。祖曰。大德正鬧在。且  
去。別時來。師纔出。祖召曰。大德。師回首。祖曰。是甚麼。師便  
領悟。乃禮拜。祖曰。這鈍漢。禮拜作麼。  
雲居錫云。甚麼處是汾州正鬧。高僧傳  
云。馬祖謂師曰。只未了底心。卽是更無別物。不了時。卽是迷。若了。卽是悟。迷卽眾生。悟卽是佛。道不離眾生。豈更有別佛。亦猶手作拳。拳全手也。師言下豁然開悟。涕淚悲泣。向大寂曰。本謂佛道長遠。勤苦曠劫。方始得成。今日始知。

法身實相本自具足一切萬法從心所生但有名字無有實者大寂曰如是如是一切法性不生不滅一切諸法本自空寂經云諸法從本來常自寂滅相又云畢竟空寂舍又云諸法空爲座此卽諸佛如來住此無所住處若如是知卽住空寂舍坐法空座舉足下足不離道場言下便了更無漸次所謂不動足而登涅槃山者也贊公述此不知其所自來中不載正闢語尤不可曉姑附錄廣聞見

師旣住後學舌致問多答之曰莫妄想擊節錄舉僧問汾州無業國師如何是佛國師云莫妄想雪竇拈云塞卻鼻孔僧又問如何是佛國師云卽心是佛雪竇拈云塞卻鼻孔僧又問如何是麼時舌頭又挂卻鼻孔又塞卻還有轉身吐氣處也無便打

師曰諸佛不會出世亦無一法與人但隨病施方遂有十二分教如將密果換苦葫蘆淘汝諸人業根又云他古德道人得意之後茅茨石室向折脚鐺中煮飯喫過

三二十年。名利不干懷。財寶不爲念。大忘人世。隱跡巖叢。  
君王命而不來。諸侯請而不赴。豈同我輩貪名愛利。汨沒  
世塗如短販人。又云學般若菩薩。不得自謾。如水稜上  
行。似劒刃上走。臨終之時。一毫凡情聖量不盡。纖塵思念  
未忘。隨念受生。輕重五陰。向驢胎馬腹裏託質。泥犁鑊湯  
裏煮。煤一徧了。從前記持憶想。見解智慧。都盧一時失卻。  
依前再爲螻蟻。從頭又作蚊蚋。雖是善因而遭惡果。且圖  
甚麼。兄弟只爲貪欲成性。二十五有。向脚跟下繫著。無成  
辦之期。祖師觀此土眾生。有大乘根性。惟傳心印。指示迷

情得之者。卽不揀凡之與聖。愚之與智。且多虛不如少實。大丈夫兒。如今直下便休歇去。頓息萬緣。越生死流。迴出常格。靈光獨照。物累不拘。巍巍堂堂。三界獨步。何必身長丈六。紫磨金輝。項佩圓光。廣長舌相。若以色見我。是行邪道。設有眷屬莊嚴。不求自得。山河大地。不礙眼光。得大總持。一聞千悟。都不希求。一餐之直。汝等諸人。倘不如是。祖師來至此土。非常有損有益。有益者。百千人中。撈漉一個。半個。堪爲法器。有損者。如前已明。從他依三乘教法修行。不妨卻得四果三賢。有進修之分。所以先德云了。卽業障。



本來空。未了還須償宿債。唐憲宗屢召師皆辭疾不赴。

暨穆宗卽位。思一瞻禮。乃命兩街僧錄靈卓等齎詔迎請。至彼作禮曰。皇上此度恩旨。不同常時。願和尚且順天心。不可言疾也。師微笑曰。貧道何德。累煩聖主。且請前行。吾從別道去矣。乃澡身剃髮。至中夜告弟子惠愔等曰。汝等見聞覺知之性。與太虛同壽。不生不滅。一切境界。本自空寂。無一法可得。迷者不了。卽爲境惑。一爲境惑。流轉不窮。汝等當知。心性本自有之。非因造作。猶如金剛。不可破壞。一切諸法。如影如響。無有實者。經云。惟此一事實。餘二則



非真常。了一切空。無一物當情。是諸佛用心處。汝等勤而行之。言訖。跏趺而逝。茶毘曰。祥雲五色。異香四徹。所獲舍利。璨若珠玉。

信州鵝湖大義禪師。唐憲宗詔入麟德殿論義。有法師問。如何是四諦。師曰。聖上一帝。三帝何在。法師無語。又問。欲界無禪。禪居色界。此土憑何而立。禪師曰。法師祇知欲界無禪。不知禪界無欲。曰。如何是禪。師以手點空。法師又無對。帝曰。法師講無窮經論。祇這一點。尙不奈何。師卻問諸碩德曰。行住坐臥。畢竟以何爲道。有對知者是道。師曰。不可。

以智知。不可以識識。安得知者是乎。有對無分別者是。師曰。善能分別諸法相。於第一義而不動。安得無分別是乎。有對四禪入定是。師曰。佛身無爲。不墮諸數。安在四禪入定耶。眾皆杜口。妙喜曰。相罵饒你接。師卻舉順宗問尸利。嘴相唾饒你潑水。禪師大地眾生如何得見性成佛。利曰。佛性猶如水中月。可見不可取。因謂帝曰。佛性非見必見。水中月如何攫取。帝乃問何者是佛性。師對曰。不離陛下所問。帝默契。有僧乞置塔。李勣尙書問曰。教中不許將尸搭下過。又作麼生。僧無對。卻特詣師。舉前語請答。師曰。他得大闡提。

京兆興善惟寬禪師。僧問狗子還有佛性否。師曰有。曰和尚還有否。師曰我無。曰一切眾生皆有佛性。和尚因何獨無。師曰我非一切眾生。曰既非眾生。莫是佛否。師曰不是佛。曰究竟是何物。師曰亦不是物。曰可見可思否。師曰思之不及。議之不得。故曰不可思議。問道在何處。師曰祇在自前。曰我何不見。師曰汝有我故。所以不見。曰我有我故。即不見。和尚還見否。師曰有汝有我。展轉不見。曰無我無汝。還見否。師曰無汝無我。阿誰求見。

常州芙蓉太毓禪師。因行食到龐居士前。士擬接。師乃縮手。

旨引錄

卷九 松山紫玉

三

曰。生心受施。淨名早訶。去此一機。居士還甘否。士曰。當時善現豈不作家。師曰。非關他事。士曰。食道口邊。被他奪卻。師乃下食。士曰。不消一句。昭覺勤云。善現作家。芙蓉奇特。盡被龐居士一時領過了也。只如居士道。不消一句。且道是那一句。端坐受供養。施主蒙安樂。利山和尚。僧問。眾色歸空。空歸何所。師曰。舌頭不出口。曰。爲甚麼不出口。師曰。內外一如故。松山和尚。同龐居士喫茶。士舉橐子曰。人人盡有分。爲甚麼道不得。師曰。祇爲人人盡有。所以道不得。士曰。阿兄爲甚麼卻道得。師曰。不可無言也。士曰。灼然灼然。師便喫茶。士

曰。阿兄喫茶。爲甚麼不揖客。師曰。誰士曰。龐公。師曰。何須更揖。後丹霞聞乃曰。若不是松山。幾被個老翁惑亂。一上士聞之。乃令人傳語霞曰。何不會取未舉橐子時。矢上加尖旁觀

噦嘔

唐州紫玉山道通禪師。于頓相公問。如何是黑風吹其船舫。漂墮羅刹鬼國。師曰。于頓客作漢。問怎麼事作麼。于公失色。師乃指曰。這個便是漂墮羅刹鬼國。公又問。如何是佛。師喚明公。公應諾。師曰。更莫別求。藥山聞曰。噫。可惜于家漢。生理向紫下山中。公聞乃謁見藥山。山問曰。聞相公在。



紫玉山中大作佛事。是否。公曰不敢。乃曰。承聞有語相救。

今日特來。山曰。有疑。但問。公曰。如何。是佛山。召于頓。公應。

諾。山曰。是甚麼。公于此有省。

昭慶共羅山舉次。慶云。藥山一等是道。甚是奇特。雲泥有。

隔羅山云。大師也不得草草。當時賴過于相公。可中草窠裏。若

云。還知于相。是煨了金麼。

五臺山隱峰禪師。鄧氏子。屢參馬祖。石頭法席。後於馬祖言。

下相契。師問石頭。如何得合道去。頭曰。我亦不合道。師。

曰。畢竟如何。頭曰。汝被這個得多少時耶。石頭剗草次。

師在左側。叉手而立。頭飛剗子向師前。剗一株草。師曰。和。

尙祇刻得這個。不刻得那個。頭提起刻子。師接得便作刻。

草勢頭曰。汝祇刻得那個。不知刻得這個。師無對。洞山云。還有推

草麼。

師推車次馬祖。展脚右路上坐。師曰。請師收足。祖曰。

已展不縮。師曰。已進不退。乃推車碾損祖脚。祖歸法堂。執

斧子曰。適夾碾損老僧脚底出來。師便出於祖前。引頸。祖

乃置斧。到南泉。值眾叅次。泉指淨瓶曰。銅瓶是境。瓶中

有水。不得動著。境與老僧將水來。師拈起淨瓶向泉面前

瀉泉便休。到瀉山便入堂。於上板頭解放衣鉢。瀉聞師

叔到。先具風儀下堂內相看。師見來。便作臥勢。瀉便歸方

旨司錄

隱峰 無了

三

丈師乃發去。少間。瀉山問侍者。師叔在否。曰。已去。瀉曰。去時有甚麼語。曰。無語。瀉曰。莫道無語。其聲如雷。師在襄州破威儀堂。只著襯衣。於砧椎邊拈椎云。道得。卽不打。於時大眾默然。師便打一下。法眼益云。鄧隱峰奇怪甚奇怪。要且不打著。又云。其時一眾出。自偶然。翠巖芝云。此語有勘破處。且道勘破阿誰去。雪竇云。果然果然。師冬居衡嶽。夏止清涼。唐元和中。薦登五臺。路出淮西。屬吳元濟阻兵。違拒王命。官軍與賊軍交鋒。未快勝負。師曰。吾當去解其患。乃擲錫空中。飛身而過。兩軍將士仰觀。事符預夢。鬪心頓息。師旣顯神異。慮成惑眾。遂入五臺。於金剛窟前將示滅。先

問眾曰。諸方遷化。坐去。臥去。吾嘗見之。還有立化也。無曰。有。師曰。還有倒立者否。曰。未嘗見有。師乃倒立而化。亭亭然。其衣順體。時眾議昇就茶毘。屹然不動。遠近瞻觀。驚歎無已。師有妹爲尼。時亦在彼。乃拊而咄曰。老兄疇昔不循法律。死更熒惑於人。於是以手推之。憤然而跽。遂就閻維。收舍利建塔。

綱洋無了禪師。嘗有虎逐鹿入庵。師以杖格虎。鹿得脫去。將示化。述偈曰。八十年來辨西東。如今不要白頭翁。非長非短。非大小。還與諸人色相同。無來無去兼無在。了卻本來。

自性空。偈畢。儼然告寂。瘞於正堂。垂二十載。爲山泉淹沒。門人發塔。見全身水中而浮。聞王聞之。遣使昇八府庭供養。忽臭氣遠聞。王焚香祝之。曰。可還龜洋舊址建塔。言訖。異香普薰。傾城瞻禮。遂塔於龜洋。

隱峰無了。皆於化後假四大說法。

南嶽西園曇藏禪師。一日自燒浴次。僧問。何不使沙彌。師撫

掌三下。

僧舉似曹山。山云。一等是拍手撫掌。就中西園奇怪。俱胝一指頭禪。蓋爲承當處。不諦當。僧卻問曹

山西園撫掌。豈不是奴兒婢子邊事。山云。是云。向上更有事也。無山云。有云。如何。是向上事。山叱云。這奴兒婢子。

東廚有一大蟒。長數丈。張口呀氣。毒焰熾然。侍者請避之。師曰。死可逃乎。彼以毒來。我以慈受。毒無實性。激發則



强慈苟無緣。冤親一揆。言訖。其蟒按首徐行。倏然不見。

磁州馬頭峰神藏禪師。上堂。知而無知。不是無知。而說無知。

便下座。

南泉云。恁麼依師道。始道得一半。黃檗云。不是南泉駁他。要圓前話。中庵空頌云。從頭數到一二

三。倒數卻成三。二。一。直饒會盡。大衍筭。招指巡文。數不出。幻寄曰。大小諸祖師。俱說不了話。若問如何。是了話。咄。

潭州華林善覺禪師。常持錫杖。夜出林麓間。七步一振錫。一

稱觀音名號。夾山問。遠聞和尚念觀音。是否。師曰。然。山曰。

騎卻頭時如何。師曰。出頭。即從汝騎。不出頭。騎甚麼。山無

對。僧叅。方展坐具。師曰。緩緩。曰。和尚見甚麼。師曰。可惜。

許磕破鐘樓。其僧從此悟入。觀察使裴休訪之。問曰。還

目録

卷九 華林 烏曰

三

有侍者否。師曰。有一兩個。祇是不可見客。裴曰。在甚麼處。師乃喚大空。小空。時二虎自庵後而出。裴覩之。驚悸。師語虎曰。有客。且去。二虎哮吼而去。裴問曰。師作何行業。感得如斯。師乃良久曰。會麼。曰。不會。師曰。山僧常念觀世音。音。湛頌云。僧來展具已。輪籌常念觀音獨不休。雕虎風生君未會。可憐空磕破鐘樓。烏曰。和尚。今紹二上座。參。師乃問二禪客。發足甚麼處。予曰。江西。師便打。予曰。久知和尚有此機要。師曰。汝既不會。後面個師僧。祇對看。紹擬近前。師便打。曰。信知同坑無異土。叅堂去。雪竇顯云。宗師眼目。須是恁麼。如金翅鳥。擘海直取龍吞。有般漢。眼目未辨東西。拄杖不知顛倒。只

拈月金

卷九

三

管說照用同時人境俱奪。圓悟云雪竇明辨古今分別邪正。若不知有爭。恁麼道。雖然只見烏白。放行要明。烏白把住處麼。直得釋迦彌勒。猶爲走。問僧近離甚處。曰。定使據令而行。盡大地人并須喫棒。州。師曰。定州法道。何似這裏。曰。不別。師曰。若不別。更轉彼中去。便打。僧曰。棒頭有眼。不得草草打人。師曰。今日打著一個也。又打三下。僧便出去。師曰。屈棒元來有人喫在。曰。爭奈杓柄在和尙手裏。師曰。汝若要。山僧同與汝。僧近前奪棒。打師三下。師曰。屈棒屈棒。曰。有人喫在。師曰。草草打著個漢。僧禮拜。師曰。卻與麼去也。僧大笑而出。師曰。消得恁麼。消得恁麼。佛性泰頌。相見不虛圖。分明付與渠。汝醉我扶起。我倒汝還扶。交互爲賓主。相將入。

帝都高歌大笑九衢裏天上人間我與爾雪竇頰呼卽  
易遣還難互換機鋒子細看劫石固來猶可壞滄溟深處  
立須乾烏曰老烏曰老幾何般與他杓柄太無端幻寄  
日多少人在雪竇頰上敲磚打瓦不知雪竇命脉在烏曰  
上棒頭

石曰和尚初叅馬祖祖問甚麼處來師曰烏曰來祖曰烏曰  
近日有何言句師曰幾人於此茫然祖曰茫然且置悄然  
一句作麼生師乃近前三步祖曰我有七棒寄打烏曰你  
還甘否師曰和尚先喫某甲後甘

鎮州金牛和尚每日做飯供養眾僧至齋時舁飯桶到堂前  
作舞呵呵大笑曰菩薩子喫飯來長慶稜云大似因齋慶讚大光誨因僧問云

長慶道因齋慶讚意旨如何光乃作舞僧禮拜光云見甚道理便禮拜僧卻作舞光云這野狐精雪竇顯云雖然如是金牛不是好心圓悟勤云且道大光云這野狐精與藏頭白海頭黑是同是別這漆桶又道好師僧且道是同是別雪竇顯頌前箭猶輕後箭深誰云黃葉是黃金曹溪波浪如相似無限平人被陸沉

亮座主蜀人也頗講經論因蔡馬祖祖問見說座主大講得經論。是否。師曰。不敢。祖曰。將甚麼講。師曰。將心講。祖曰。心如工伎兒。意如和伎者。爭解講得。師抗聲曰。心既講不得。虛空莫講得麼。祖曰。卻是虛空講得。師不肯。便出。將下階。祖召曰。座主。師回首。祖曰。是甚麼。師豁然大悟。便禮拜。祖曰。這鈍根阿師。禮拜作麼。師曰。某甲所講經論。將謂無人。



及得。今日被大師一問。平生功業。一時冰釋。禮謝而退。乃  
隱於洪州西山。更無消息。僧問真淨如何。是道真淨曰。寶  
空始出塵。汝今求佛道。虛空向汝道甚麼。其僧於是。大悟  
於言下。妙喜曰。如今講人。纔聞宗師說。卻是虛空講得。  
便向虛空裏。東撈西摸。

百靈和尚。一日與龐居士路次相逢。問曰。南嶽得力句。還會  
舉向人也無。士曰。曾舉來。師曰。舉向甚麼人。士以手自指  
曰。龐公。師曰。直是妙德空生也。讚歎不及。士卻問阿師得  
力句。是誰得知。師戴笠子便行。士曰。善爲道路。師更不回  
首。徑山杲云。這個話端。若不是龐公。幾乎錯舉似人。雖然  
如是。百靈輸他龐老一著。何故。當時若不得個破笠頭。

遮卻驕驕有甚面目見他龐公

則川和尚摘茶次。龐蘊曰。法界不容身。師還見我否。師曰。不是老師。泊答公話。士曰。有問有答。蓋是尋常。師乃摘茶不聽。士曰。莫怪適來容易借問。師亦不顧。士喝曰。這無禮儀。老漢待我一一舉向明眼人。師乃拋卻茶籃。便歸方丈。雪竇曰。則川只解把定封疆。不能同生同死。當時好與將下幞頭。誰敢喚作龐居士。一日在方丈內坐。士來見。乃曰。只知端居丈室。不覺僧到。叅時。師垂下一足。士便出行。三兩步。卻回。師乃收足。士曰。可謂自由自在。師曰。我是主。士曰。阿師只知有主。不知有客。師喚侍者點

茶士作舞而出。達磨一宗。掃地盡矣。

忻州打地和尙。自江西領旨。常晦其名。凡學者致問。唯以棒打地示之。時謂之打地和尙。一日被僧藏卻棒。然後致問。師但張其口。僧問門人曰。祇如和尙每日有人問。便打地。意旨如何。門人卽於竈內取柴一片。擲置金中。妙喜曰。養子不及父家門一世衰。

潭州秀溪和尚。谷山問聲色純真。如何是道。師曰。亂道作麼。山卻從東過。西立。師曰。若不恁麼。卽禍事也。山又從西過。東立。師乃下禪牀。方行兩步。被谷山捉住曰。聲色純真事。

旨曰錄

卷九

秀溪 槐樹 淨孟

三

作麼生。師便打一掌。山曰。三十年後要個人下茶也無在。師曰。要谷山這漢做甚麼。山呵呵大笑。

江西裨樹和尚臥次。道吾近前牽被覆之。師曰。作麼。吾曰。蓋覆。師曰。臥底是坐底。是吾曰。不在這兩處。師曰。爭奈蓋覆何。吾曰。莫亂道。

浮盃和尚。凌行婆來禮拜。師與坐喫茶。婆乃問盡力道不得底句。分付阿誰。師曰。浮盃無剩語。婆曰。未到浮盃不妨疑著。師曰。別有長處。不好拈出。婆歛手哭曰。蒼天中更添冤苦。師無語。婆曰。語不知偏正。理不識倒邪。爲人卽禍生。後

有僧舉似南泉。泉曰。苦哉。浮盃被這老婆摧折。一上婆後。聞笑曰。王老師猶少機關在。澄一禪客逢見行婆。便問。怎生是南泉。猶少機關在。婆乃哭曰。可悲可痛。一罔措。婆曰。會麼。一合掌而立。婆曰。伎死禪和。如麻似粟。一舉似趙州。州曰。我若見這臭老婆。問教口瘡。一曰。未審和尚怎生問他。州便打一曰。爲甚麼。卻打某甲。州曰。似這伎死漢。不打。更待幾時。連打數棒。婆聞。卻曰。趙州合喫。婆手裏棒。後僧舉似趙州。州哭曰。可悲可痛。婆聞此語。合掌歎曰。趙州眼光。爍破四天下。州令僧問。如何是趙州眼。婆乃豎起拳頭。



僧回舉似趙州。州作偈曰。當機覲面提。覲面當機疾。報汝  
凌行婆。哭聲何得失。婆以偈答曰。哭聲師已曉。已曉復誰  
知。當時摩竭國。幾喪目前機。

潭州龍山和尚。洞山與密師伯行脚。見溪流菜葉。洞曰。深山  
無人。因何有菜隨流。莫有道人。居否。乃相與撥草蹊行。五  
七里間。忽見師。羸形異貌。放下行李。問訊。師曰。此山無路。  
闍黎從何處來。洞曰。無路且置。和尚從何而入。師曰。我不  
從雲水來。洞曰。和尚住此山多少時耶。師曰。春秋不涉。洞  
曰。和尚先住。此山先住。師曰。不知。洞曰。爲甚麼。不知。師曰。

我不從人天來。洞曰和尚得何道理。便住此山。師曰我見  
兩個泥牛鬪入海。直至於今絕消息。洞山始具威儀禮拜。  
便問如何。是主中賓。師曰青山覆白雲。曰如何是賓中主。  
師曰長年不出戶。曰賓主相去幾何。師曰長江水上波。曰  
賓主相見有何言說。師曰清風拂白月。洞山辭退。師乃述  
偈曰。三間茅屋從來住。一道神光萬境閑。莫把是非來辨  
我。浮生穿鑿不相關。又曰。一池荷葉衣無數。滿地松花食  
有餘。剛被世人知住處。又移茅屋入深居。因燒庵不知所  
如。故人亦稱隱山和尚。

濠溪和尚。問僧甚處來。僧云。定州來。師曰。定州近日有甚奇特事。僧曰。某甲旦過。但聞鹽貴米賤。苦無奇特事。師曰。我這裏也只如此。粗粥淡飯。與僧別無奇特事。你又來這裏覓個甚麼。僧曰。某甲不會。乞師慈悲。師曰。賴你不會。若會。我卽輸汝一半道理。首座晚間上問曰。和尚適來勸僧爲甚麼。道輸汝一半道理。師云。賴得汝舉。老僧泊合忘卻。首座曰。請和尚爲某甲說。師曰。你卽忘前失後。我又失後忘前。座方去。師喚轉曰。卻不得舉著。近日師僧但說鹽貴米賤。并不將佛法爲事。頻頻舉著。喪卻你性命不難。

襄州居士龐蘊者。衡州衡陽縣人也。字道平。世本儒業。少悟  
塵勞。志求真諦。唐貞元初。謁石頭。乃問不與萬法爲侶者。  
是甚麼人。頭以手掩其口。豁然有省。後與丹霞爲友。一日  
石頭問曰。見老僧以來。日用事作麼生。士曰。若問日用事。  
卽無開口處。乃呈偈曰。日用事無別。惟吾自偶諧。頭頭非  
取捨。處處沒張乖。朱紫誰爲號。邱山絕點埃。神通并妙用。  
運水及搬柴。頭然之曰。子以緇耶。素耶。士曰。願從所慕。遂  
不剃染。後叅馬祖。問曰。不與萬法爲侶者。是甚麼人。祖曰。  
待汝一口吸盡西江水。卽向汝道。士於言下頓領平旨。大慧

龍公



語錄云。士初謁馬祖。問如水無筋骨。能勝萬斛舟時如何。祖曰。我這裏無水。亦無舟。說甚麼筋骨。士於言下頓息。諸緣遂向南嶽見石頭云云。與此少異。至藥山。山命十禪客相送。至門首。士乃指空中雪曰。好雪。片片不落別處。有全禪客曰。落在甚處。士遂與一掌。全曰。也不得。草草。士曰。恁麼稱禪客。閻羅老子未放你在全。曰。居士作麼生。士又掌曰。眼見如盲口說如瘧。士見丹霞。霞作走勢。士曰。猶是拋身勢。作麼生。是噤呻勢。霞便坐。士以拄杖劃地作七字。霞於下劃個一字。士曰。因七見一。見一忘七。霞便起去。士曰。更坐少時。猶有第二句在。霞曰。向這裏著。語得麼。士遂哭出去。或作士以拄杖



畫地作七字於下畫個一字曰  
因七見一見一忘七霞便起去

偈心如境亦如無實亦

無虛有亦不管無亦不拘不是聖賢了事凡夫易復易即

此五蘊有真智十方世界一乘同無相法身豈有二若捨

煩惱入菩提不知何方有佛地又護生須是殺殺盡始

安居會得個中意鐵船水上浮

圓悟舉此偈云且道殺個甚麼殺眾生物命凡夫見

解殺六賊煩惱座主見解殺佛殺祖大闡提人見解納僧  
分上畢竟殺個甚麼誠定當看僧問未審殺個甚麼師曰  
大有人疑著曰學人到這裏直得步步絕行蹤時如何悟  
曰未有金剛王寶劍在圓悟又云只如護生須用殺且道  
殺個甚麼便有禪和子道不是殺物命只是殺無明賊殺  
煩惱賊殺六根六塵賊殺爭人爭我賊雖然一期也似要  
且未夢見衲僧脚跟頭既是護生須是明殺意如何是殺  
意嶮若向個裏辨得出便可放一線道浩浩之中管取坐

斷天下人舌頭。然後始殺得盡。然雖如是。釋迦老子也。殺不盡。迦葉也。殺不盡。西天二十八祖也。殺不盡。唐土六祖也。殺不盡。要明不盡底。須是放卻從前已後見解。明暗。妙理性殊勝奇特。潔淨剷除。不留毫末。也不到極盡處。只如正盡處。合作麼。生還委悉麼。深山大澤。無人到。聚頭正好共商量。中峰本云。莫是殺人與護生。一念平等麼。恁麼商量。瞎人眼目。

修行有女名靈照。常驚竹漉籬。以供朝夕。有偈曰。有男不

婚。有女不嫁。大家團欒頭。共說無生話。

徑山杲示羅快然云。昔龐居士有言。

有男不婚。有女不嫁。大家團欒頭。共說無生話。後來元豐間。有個士人。謂之無爲居士。姓楊名傑。字次公。嘗參前輩於宗門中。有真實得力處。曾和龐公此偈云。男大須婚。女大須嫁。討甚閑工夫。更說無生話。者兩個俗漢子。將他十方常住。一片田地。不向官中印契。各自分疆列界。道我知有。而時時向無佛處稱尊。當時亦有個不平底。謂之海印。

信禪師時住蘇州定慧。因見無爲此偈。亦有一偈曰。我無男婚。我無女嫁。困來便打眠。誰管無生話。這三個老漢說此三偈。快然居士開眼也著。合眼也著。不開不合也著。妙喜只得冷地看看。卽不無。畢竟快然居士向開眼處著。到耶合眼處著。到耶不開不合處著。到耶若向開眼處著。到則落在龐公圈。積裏若合眼處著。到則落在楊無爲圈。積裏在不開不合處著。到則落在海印禪師圈。積裏快然見恁麼說。定道總不恁麼。若總不恁麼。又落在妙喜圈。積裏要出三老圈。積則易。要出妙喜圈。積則難。快然畢竟如何。出得待歸。延平嫁了女。卻緩緩地來爲你說破。龐婆入鹿門寺作齋。維那請疏意回向。婆拈梳子。插向髻後。曰。回向了也。便出去。士一日庵中獨坐。驀地云。難難。石油麻樹上攤。龐婆接聲云。易易。百草頭上祖師意。靈照云。也不難。也不易。饑來喫飯。困來睡。妙喜曰。此三人同行。不同步。同得不同失。

若以心意識博量卜度非獨不見三人落著處十二時中亦自昧卻本地風光不見本來面目未免被難易不難易牽挽不得自在欲得自在將此三人道底作一句看妙喜已是拖泥帶水下注腳了也。士坐次問

靈照曰古人道明明百草頭明明祖師意作麼生照曰老

老大大作這個語話士曰你作麼生照曰明明百草頭明

明祖師意士乃笑徑山杲云龐居士先行不到靈照女末後太過直饒齊行齊到若到雲門一坑

埋卻且道過在甚麼處明士賣竹漉籬下橋喫撲靈照

見亦去爺邊倒士曰你作甚麼照曰見爺倒地某甲相扶

士曰賴是無人見士將入滅謂靈照曰視曰早晚及午

以報照遽報曰已中矣而有蝕也士出戶觀次靈照即登



父座合掌坐。士笑曰：我女子捷矣。於是更延七日。州牧于公頓問疾。次士謂之曰：但願空諸所有，慎勿實諸所無。好去。世間皆如影響。言訖，枕于公膝而化。遺命焚棄江湖。土語錄載無名子序焚棄江湖下復云：旋遣使人報諸妻。子妻聞之曰：這愚癡女與無知老漢不報而去，是何忍也。因往告子，見斷畚曰：龐公與靈照去也。子釋鉏應之曰：良人亦立而亡去。母曰：愚子癡一何甚也。亦以焚化眾皆奇之。未幾其妻乃徧詣鄉間告別歸隱，自後沉跡曼然，莫有知其所歸者。其事更奇卓并志之此。

澧川藥山惟儼禪師。絳州韓氏子。年十七出家。納戒衡嶽。博通經論。嚴持戒律。一日歎曰：大丈夫當離法自淨。誰能屑屑事細行於布巾耶。首造石頭之室。便問三乘十二分教。



某甲粗知嘗聞南方直指人心見性成佛實未明了。伏望和尚慈悲指示。頭曰。恁麼也不得。恁麼也不得。恁麼不得。子作麼生。師因措頭曰。子因緣不在此。且往馬大師處去。師稟命恭禮馬祖。仍伸前問。祖曰。我有時教伊揚眉瞬目。有時不教伊揚眉瞬目。有時揚眉瞬目者。是有時揚眉瞬目者。不是子作麼生。師於言下契悟。便禮拜。祖曰。你見甚麼道理。便禮拜。師曰。某甲在石頭處。如蚊子上鐵牛。祖曰。汝既如是。善自護持。

法雲秀云。石頭有個無孔鐵椎。大似分付不著。

藥山雖過江西悟去。爭奈平地上契交。有甚麼扶策處。具眼者試辨看。五祖演云。老僧在眾日。聞兄弟每商量道。

卽心卽佛也不得不卽心卽佛也不得若恁麼說話敢稱  
禪客殊不知古人文武兼備韜畧雙全山僧見處也要諸  
人共知只見波濤湧不見海龍宮徑山杲侍奉三年一  
云好個話端阿誰會舉舉得十分未敢相許  
日祖問子近日見處作麼生師曰皮膚脫落盡惟有一真  
貫祖日子之所得可謂協於心體布於四肢既然如是將  
三條篋束取肚皮隨處住出去師曰某甲又是何人敢言  
住山祖曰不然未有常行而不住未有常住而不行欲益  
無所益欲爲無所爲宜作舟航無久住此師乃辭祖返石  
頭一日在石上坐次石頭問曰汝在這裏作麼曰一物不  
爲頭曰恁麼卽閒坐也曰若閒坐卽爲也頭曰汝道不爲

不爲個甚麼。曰。干聖亦不識。頭以偈讚曰。從來共住不知名。任運相將只麼行。自古上賢猶不識。造次凡流豈可明。妙喜曰。物是實價錢是足陌。石頭垂語曰。言語動用沒交涉。師曰。非

言語動用亦沒交涉。頭曰。我這裏針劄不入。師曰。我這裏如石上栽花。頭然之。住藥山後。海眾四集。遵布衲浴佛。

師曰。這個從汝浴。還浴得那個麼。遵曰。把將那個來。師乃

休。長慶云。邪法難扶。予覺云。且道長慶恁麼道。在賓在

主。眾中喚作浴佛語。亦曰兼帶語。且道盡善不盡善。

黃龍南禪師住同安日。示眾云。今朝四月八。我佛降生之日。天下精藍皆悉浴佛。記得舉浴佛公案云云。大眾古人再示一言半句。亦無巧妙。今人用盡心力。安排終不到他境界。眾中商量。或有道。這個是銅像。那個是法身。銅像有

形可以洗滌法身無相如何洗得藥山只知其一不知其  
二被遵公靠倒直得口似匾擔不勝懨懨又云古德垂問  
只要驗人問汝那個便道把將那個來正是隨聲逐色齟  
他言句上他圈積藥山見伊不會所以便休又道藥山恁  
麼來早是無事生事好肉上割瘡遵公不見來病卻向灸  
瘡癰上更著艾燭有云古人得了逢場作戲無可不可何  
高何低彼此知有自是後人強生分別如前所解蓋不遇  
人一失其源迷而不復所以只憑識心思量計較以當宗  
乘殊不知有作思惟從有心起用此思惟辨於佛境如取  
螢火燒須彌山縱經塵劫終不能著是故行脚高人切須  
自看從上來事合作麼生畢竟將何敵他生死勿以少許  
粗浮識見自作障礙佛法不是這個道理同安今日不避  
口業與汝諸人說破此二尊宿一出入未見輸贏三十  
年後不得錯舉幻寄曰同安且須自檢一出入未見  
輸贏何異他逢場作戲何高何低坐次道吾雲巖侍立  
三十年後求錯舉者便是幻寄

師指案山上枯榮二樹問道吾曰枯者是榮者是吾曰榮



者是師曰。灼然一切處光明燦爛去。又問雲巖。枯者是榮者。是巖曰。枯者是。師曰。灼然一切處放教枯澹去。高沙彌忽至。師曰。枯者是榮。者是彌曰。枯者從他枯。榮者從他榮。師顧道吾雲巖曰。不是不是。草堂清頌云。雲巖寂寂無窠臼。燦爛宗風早。道吾深信高禪。知此意。閒行閒坐。任榮枯。院主報打鐘也。請和尚上堂。師曰。汝與

我擎鉢盂去。曰。和尚無手來多少時。師曰。汝祇是枉披袈裟。曰。某甲祇恁麼。和尚如何。師曰。我無這個眷屬。謂雲巖曰。與我喚沙彌來。巖曰。喚他來作甚麼。師曰。我有個折腳鎗子。要他提上挈下。巖曰。恁麼則與和尚出一隻手去。



也。師便休。園頭栽菜次。師曰。栽卽不障汝栽。莫教根生。

曰。旣不教根生。大眾喫甚麼。師曰。汝還有口麼。頭無對。

問平田淺草。麀鹿成羣。如何射得麀中主。師曰。看箭。僧放

身便倒。師曰。侍者。拖出這死漢。僧便走。師曰。弄泥團漢。有

甚麼限。雪竇顯拈云。這僧三步雖活。五步須死。復頌云。麀中主。君看取。下一箭。走三步。五步若活。成羣趁虎。

正眼從來付獵人。復高聲云。看箭。看經次。僧問和尚。尋常不許人看經。

爲甚麼。卻自看。師曰。我祇圖遮眼。曰。某甲學和尚。還得也。

無。師曰。你若看牛皮也須穿。長慶云。眼有何過。衆覺云。且道長慶會藥山意。不會藥山

意。汾陽昭頌徹底更何疑。覩穿會者稀。叮嚀由付囑。句句是平機。師看經次。柏巖云。和

長慶云。眼有何過。衆覺云。且道長慶會藥山意。不會藥山

尚休。猱人得也。師捲卻經云。日頭早晚。巖云。正當午也。師云。猶有這文彩在。巖云。某甲無亦無。師云。汝太煞聰明。巖云。某甲只恁麼。和尚尊意如何。師云。我跛跛挈挈。百醜千拙。且恁麼過。師與道吾說。若溪上世爲節察來。吾曰。和尚上世曾爲甚麼。師曰。我痿痿羸羸。且恁麼過。時曰。憑何如此。師曰。我不曾展他書卷。師晚參云。我有一句子。待特牛生兒。卽向汝道。時有僧便出云。特牛生兒也。祇是和尙不道。師喚侍者將燈來。其僧便抽身入眾。洞山价云。這僧會只是不肯禮拜。投子青云。且道甚麼處。是這僧會底道理。若道得。可爲這僧雪屈。若道不得。卻被藥山瞞。昭覺勤云。夾山

卽不然有一句子威音已前道與諸人了。或有問明頭合暗頭合。只向伊道。龍遇水時添意。氣虎逢山色長威。猶

師問龐居士。一乘中還著得這個事麼。士曰。某甲祇管日求升合。不知還著得麼。師曰。道居士不見石頭得麼。士曰。拈一放一。未爲好手。師曰。老僧住持事繁。士珍重便出。師曰。拈一放一。的是好手。士曰。好個一乘問宗。今日失卻也。師曰。是是。師因僧問學人有疑。請師決。師曰。待上堂時來。與闍黎決疑。至晚上堂。眾集。師曰。今日請決疑。上座在甚麼處。其僧出眾而立。師下禪牀。把住曰。大眾。這僧有疑。便與一推卻。歸方丈。問飯頭。汝在此多少時也。曰。三

年。師曰。我總不識汝。飯頭罔測。發憤而去。問僧年多少也。僧云。七十二也。師云。是年七十二。那。僧云。是。師便打。師坐次。僧問。兀兀地思量甚麼。師曰。思量個不思量底。曰。不思量底。如何思量。師曰。非思量。問己事未明。乞和尚指示。師良久曰。吾今爲汝道一句。亦不難。祇宜汝於言下便見去。猶較些子。若更入思量。卻成吾罪過。不如且各合口。免相累及。師令供養主抄化。甘贄行者問甚麼處來。曰。藥山來。甘曰。作麼。曰。教化。甘曰。將得藥來麼。曰。行者有甚麼病。甘便捨銀兩錠。意山中有人。必不受此。主歸納疏。師

問曰。子歸何速。主舉前話。師曰。速送還他。子著賊了也。主遂送還。甘曰。由來有人益金以施。師久不陞座。一日院主白云。大眾久思和尚示誨。曰。打鐘著時。大眾纔集定。便下座歸方丈。妙喜曰。葛院主隨後問云。和尚許爲大眾說話。爲甚麼一言不措。師曰。經有經師。律有律師。爭怪得老僧。妙喜曰。笑殺人。薦福懷云。藥山還見院主麼。院主還見藥山麼。三十年後遇著作家。不得錯舉。問學人。擬歸鄉時如何。師曰。汝父母徧身紅爛。臥在荆棘林中。汝歸何所。曰。恁麼則不歸去也。師曰。汝卻須歸去。汝若歸鄉。示汝個休糧方子。曰。便請。師曰。二時上堂。不得敲破。



一粒米。師與雲巖遊山。腰間刀響。巖問甚麼物作聲。師抽刀。鷲口作斫勢。朗州刺史李鄩。問師何姓。師曰。正是時。李不委。卻問院主某甲。適來問和尚姓。和尚曰。正是時。未審姓甚麼。主曰。恁麼則姓韓也。師聞乃曰。得恁麼不識好惡。若是夏時對他。便是姓熱。李初嚮師。化屢請不赴。乃躬謁師。師執經卷。不顧侍者曰。太守在此。李性褊急。乃曰。見面不如聞名。拂袖便出。師曰。太守何得貴耳賤目。李回拱謝。問曰。如何是道。師以手指上下曰。會麼。曰。不會。師曰。雲在青天水在瓶。李欣然作禮。述偈曰。鍊得身形似。

鶴形干株松下兩函經。我來問道無餘話。雲在青天水在瓶。李又問如何是戒定慧。師曰。貧道這裏無此閒家具。李罔測。平旨。師曰。太守欲保任此事。須向高高山頂立。深深海裏行。聞閣中物捨不得。便爲滲漏。張無盡頌云。雲在青落深坑。溪花不耐風霜。天水在瓶。眼光隨指。苦說甚深深海底行。師一夜登山經行。忽雲開見月。大嘯一聲。應豐陽東九十里許居民。盡謂東家明晨迭相推問。直至藥山。徒眾曰。昨夜和尚山頂大嘯。李贈詩曰。選得幽居愜野情。終年無送亦無迎。有時直上孤峰頂。月下披雲嘯一聲。上堂。祖師祇教保護。若貪嗔起來。切須防。

禦。莫教振

直庚反

觸。是你欲知枯木石頭。卻須擔荷。實無枝

葉可得。雖然如此。更宜自看。不得絕卻言語。我今爲汝說

這個語。顯無語底。他那個本來無耳目等貌。時有僧問云

何有六趣。師曰。我此要輪。雖在其中。元來不染。問不了身

中煩惱。時如何。師曰。煩惱作何相狀。我且要你考看。更有

一般底。只向紙背上記持言語。多被經論惑。我不曾看經

論策子。汝只爲迷事走失。自家不定。所以便有生死心。未

學得一言半句。一經一論。便說甚麼菩提涅槃。世攝不攝。

若如是解。卽是生死。若不被此得失繫縛。便無生死。汝見

律師說甚麼。尼薩耆突吉羅。最是生死本。雖然恁麼窮生  
死。且不可得上。至諸佛下。至螻蟻盡。有此長短好惡大小  
不同。若也不從外來。何處有閒漢掘地獄待你。你欲識地  
獄道。只今鑊湯煎煮者。是欲識餓鬼道。卽今多虛少實。不  
令人信者。是欲識畜生道。見今不識仁義。不辨親疎者。是  
豈須披毛戴角。斬割倒懸。欲識人天。卽今清淨威儀。持瓶  
挈鉢者。是保任免隨諸趣。第一不得棄這個。這個不是易  
得。須向高高山頂立。深深海底行。此處行不易。方有少相  
應。如今出頭來。盡是多事人。覓個癡鈍人。不可得。莫只記



策子中言語。以爲自己見知。見他不解者。便生輕慢。此輩盡是闡提外道。此心直不中。切須審悉。恁麼道。猶是三界邊事。莫在衲衣下空過。到這裏更微細在。莫將謂等閒須知珍重。太和八年十一月六日。臨示寂。叫曰。法堂倒。法堂倒。眾皆持柱撐之。師舉手曰。子不會我意。乃告寂。弟子奉全身塔於院東隅。

鄧州丹霞天然禪師。本習儒業。將入長安。應舉。方宿於逆旅。忽夢白光滿室。占者曰。解空之祥也。遇禪者問曰。仁者何往。曰。選官去。禪者曰。選官何如。選佛曰。選佛當往何所。禪



者曰。今江西馬大師出世。是選佛之場。仁者可往。遂直造江西。纔見祖。師以手拈幞頭額。祖顧視良久曰。南嶽石頭。是汝師也。遽抵石頭。還以前意投之。頭曰。著槽廠去。師禮謝。八行者房。隨次執爨役。凡三年。忽一日。石頭告眾曰。來日。剗佛殿前草。至來日。大眾諸童行。各備鋤鑿。剗草。獨師以盆盛水沐頭。於石頭前胡跪。頭見而笑之。便與剃髮。又爲說戒。師乃掩耳而出。再往江西。謁馬祖。祖未參禮。便入僧堂內。騎聖僧頸而坐。時大眾驚愕。遽報馬祖。祖躬入堂視之。曰。我子天然。師卽下地。禮拜曰。謝師賜法號。因名天然。

祖問從甚處來。師曰石頭。祖曰石頭路滑。還蹉倒汝麼。師曰若蹉倒即不來也。乃杖錫觀方。過慧林寺。遇天大寒。取木佛燒火向。院主訶曰何得燒我木佛。師以杖子撥灰曰吾燒取舍利。主曰木佛何有舍利。師曰既無舍利更取兩尊燒。主自後眉鬚墮落。保甯勇云院主眉鬚墮落即且置且道丹霞眉毛還在也無若也見得與古佛同參若也不見切忌撥無因果。真淨上堂云丹霞燒木佛院主眉鬚墮落。驀拈拄杖云不是木佛便擲下云誰敢燒你。擬即眉鬚墮落。不擬又且如何。高聲云行者拈取拄杖。天童華云諸方商量道院主忽起疑心以致斯禍。不知院主買鐵得金一場富貴。僧問雲峰悅丹霞燒木佛意旨如何。峰曰橫三豎四。院主爲甚麼。眉鬚墮落。峰曰七通八達。僧舉問天甯卓甯曰猫兒會上樹。僧曰早知如是悔不如是。甯曰惜取眉毛。僧問雲峰

旨司錄 卷之九 丹霞

志璿丹霞燒木佛院主爲甚麼眉鬚墮落。雲曰：一人傳虛，萬人傳實。曰：恁麼則不落也。雲曰：兩重公案。曰：學人未曉。特伸請益。雲曰：筠袁虔吉頭上插筆。文殊道頌云：彭祖入百乞延壽，秦皇登位便求仙。昨夜天津橋上過，石崇猶自送窮船。謁南陽忠國師。初見國師語，明日再往禮拜。見國師便展坐具。國師曰：不用不用。師退後，國師曰：如是如是。師卻前進。國師曰：是不是。師繞國師一匝便出。國師曰：去聖時遙，人多懈怠。三十年後覓此漢也難得。訪龐居士見女子靈照洗菜次。師曰：居士在否。女子放下菜籃叉手而立。師又問居士在否。女子提籃便行。師遂回。須臾居士歸。女子乃舉前話。士曰：丹霞在麼。女曰：去也。士曰：赤

土塗牛妳。蔣山勤云。丹霞從猫辨地靈照。因語識人。放下菜籃。當處發生。提起菜籃。隨處滅盡。居士云。未土塗牛妳。屋裏販揚州。且道畢。竟如何。各自散去。免增話會。

又一日訪龐居士。至門。

首相見。師乃問居士在否。士曰。饑不擇食。師曰。龐老在否。士曰。蒼天蒼天。便入宅去。師曰。蒼天蒼天。便回。師問龐居士。昨日相見。何似今日。士曰。如法舉。昨日事來。作個宗眼。師曰。祇如宗眼。還著得龐公麼。士曰。我在你眼裏。師曰。某甲眼窄。何處安身。士曰。是眼何窄。是身何安。師休去。士曰。更道取一句。便得此話圓。師亦不對。士曰。就中這一句。無人道得。師與龐居士行次。見一泓水。士以手指曰。便。



與麼也還辨不出。師曰。灼然是辨不出。士乃戽水潑師二  
掬。師曰。莫與麼。莫與麼。士曰。須與麼。須與麼。師卻戽水潑  
士三掬。師曰。正與麼時。堪作甚麼。士曰。無外物。師曰。得便  
宜者少。士曰。誰是落便宜者。士來訪師。於師前立少時。  
便出去。師不顧。士卻來坐。師卻來士前立少時。便歸方丈。  
士曰。汝出我入。未有事在。師曰。這老翁出出入入。有甚了  
期。士曰。畧無些子慈悲。師曰。引得個漢到這田地。士曰。把  
甚麼引。師拈起士幞頭曰。恰似個師僧。士拈幞頭安師頭。  
上曰。恰似個俗人。師應諾三聲。士曰。猶有些子氣息在。師



拋下幘頭曰。恰似個烏紗巾。士亦應諾三聲。師曰。昔時氣息爭解。忘得。士彈指三下曰。動天動地。師因去馬祖處。路逢一老人與一童子。師問公住何處。老人曰。上是天下。是地。師曰。忽遇天崩地陷。又作麼生。老人曰。蒼天蒼天。童子噓一聲。師曰。非父不生其子。老人便與童子入山去。問僧甚麼處宿。曰。山下宿。師曰。甚麼處喫飯。曰。山下喫飯。師曰。將飯與闍黎喫。底人還具眼也。無。僧無對。長慶問保福。將飯與人喫。感恩有分。爲甚麼不具眼。福云。施者受者。二俱瞎。漢慶云。盡其機來。還成瞎否。福云。道某甲瞎得麼。予覺徵云。且道長慶明丹霞意。爲復自用家財。天童華云。丹霞旣已龍頭蛇尾。長慶保福只得將錯就錯。雖然。二三老宿。且不可。

知老應作者僧落處具擇法眼者試請辨看雪竇顯頌  
盡機不成瞎按牛頭喫草四七二三諸祖師寶器持來成  
過咎過咎深無處尋天上人間司陸沉汾陽昭代僧云  
若不上山爭識丹霞保甯勇代僧云今日被和尚勘破  
上堂阿你渾家切須保護一靈之物不是你造作名邈  
得更說甚薦與不薦吾往日見石頭亦祇教切須自保護  
此事不是你談話得阿你渾家各有一坐具地更疑甚麼  
禪可是你解底物豈有佛可成佛之一字永不喜聞阿你  
自看善巧方便慈悲喜捨不從外得不著方寸善巧是文  
殊方便是普賢你更擬趁逐甚麼物不用經求落空去今  
時學者紛紛擾擾皆是參禪問道我此間無道可修無法

可證。一飲一啄。各自有分。不用疑慮。在在處處。有恁麼底。若識得釋迦。卽者凡夫是。阿你須自看取。莫一盲引眾盲。相將入火坑。夜裏暗雙陸。賽采若爲生。無事珍重。長慶四年六月。告門人曰。備湯沐浴。吾欲行矣。乃戴笠策杖。受屨垂一足。未及地而化去。

潭州大川禪師。江陵僧叅。師問幾時發足。江陵僧提起坐具。師曰。謝子遠來。下去。僧遶禪牀一市。便出。師曰。若不恁麼。爭知眼目端的。僧拊掌曰。苦殺人。泊合錯判諸方。師曰。甚得禪宗道理。僧舉似丹霞。霞曰。於大川法道。卽得我這裏。不然曰。未審此間作麼。生霞曰。猶較大川三

步在僧禮拜霞曰錯判諸方者多。洞山云不是丹霞難分玉石。幻寄云這僧中大川老拳卻還丹霞毒手。洞山道不是丹霞難分玉石。如今分也是王是石。

潮州靈山大顛寶通禪師初參石頭。頭問那個是汝心。師曰見言語者是。頭便喝出。經旬日。師卻問前者既不是。除此外何者是心。頭曰除卻揚眉瞬目將心來。師曰無心可將來。頭曰元來有心。何言無心。無心盡同謗。師於言下大悟。妙喜曰且道大顛悟得個甚麼。異日侍立次。頭問汝是參禪僧。是州縣白。頭曰是參禪僧。頭曰何者是禪。師曰揚眉瞬目。頭曰除卻揚眉瞬目外將你本來面目呈看。師曰請和尚除卻。



揚眉瞬目外鑒。頭曰。我除竟。師曰。將呈了也。頭曰。汝既將呈我心如何。師曰。不異和尚。頭曰。不關汝事。師曰。本無物。頭曰。汝亦無物。師曰。既無物。卽真物。頭曰。真物不可得。汝心見量。意旨如此也。大須護持。佳後上堂。夫學道人。須識自家本心。將相示。方可見道。多見時輩。祇認揚眉瞬目。一語一默。驀頭印可。以爲心要。此實未了。吾今爲你諸人。分明說出。各須聽受。但除卻一切妄運想念。見量卽汝真心。此心與塵境。及守認靜默時。全無交涉。卽心是佛。不待修治。何以故。應機隨照。泠泠自用。窮其用處了。不可得。



喚作妙用。乃是不心大須護持。不可容易。

僧問其中人

相見時如何。師曰。早不其中也。曰。其中者如何。師曰。不作

個問。韓文公一日相訪。問師春秋多少。師提起數珠曰。

會麼。公曰。不會。師曰。晝夜一百八。公不曉。遂回。次日再來。

至門前見首座舉前話問。意旨如何。座扣齒三下。及見師

理前問。師亦扣齒三下。公曰。元來佛法無兩般。師曰。是何

道理。公曰。適來問首座亦如是。師乃召首座問。是汝如此

對否。座曰。是。師便打。趁出院。

汾陽昭頌云。解展機鋒是大顛。明知不是小因緣。一般扣

齒叢林異。出院韓公始得聞。

文公又一日白師曰。弟子軍州事繁。佛

法省要處。乞師一語。師良久。公罔措。時三平爲侍者。乃敲禪牀三下。師曰。作麼。平曰。先以定動。後以智拔。公乃曰。和尚門風高峻。弟子於侍者邊得個入處。僧問。苦海波深。以何爲船筏。師曰。以木爲船筏。曰。怎麼卽得度也。師曰。盲者依前盲。瘡者依前瘡。一日。將痒和子廊下行。逢一僧問。訛次。師以痒和子驀口打曰。會麼。曰。不會。師曰。大顛老野狐。不會孤負人。

漳州長髯曠禪師。曹溪禮祖塔回。叅石頭。頭問。甚麼處來。曰。嶺南來。頭曰。大庾嶺頭。一鋪功德。成就也未。師曰。成就久。

矣。祇欠點眼在頭曰。莫要點眼麼。師曰。便請頭乃垂下一足。師禮拜頭曰。汝見個甚麼道理。便禮拜。師曰。據某甲所見。如紅爐上一點雪。系覺徵云。且道長髭具眼祇對不具。不具眼。又道成就久矣。且作麼生。商量。法燈代云。和尚可謂眼昏。師見僧問訊次。師曰。步步是汝證明處。汝還知麼。曰。某甲不知。師曰。汝若知。我堪作甚麼。僧禮拜師曰。我不堪。汝卻好。龐居士到。師陞座。眾集定。士出口。各請自檢好。卻於禪牀右立。時有僧問。不觸主人翁。請師答話。師曰。識龐公麼。曰。不識。士便搦住曰。苦哉苦哉。僧無對。士便拓開。師少間卻問。適來這僧還

喫棒否。士曰待伊甘始得。師曰居士祇見錐頭利。不見鑿頭方。士曰恁麼說話。某甲卽得外人聞之。要且不好。師曰。不好個甚麼。士曰阿師祇見錐頭尖。不見鑿頭利。僧叅遶禪牀一匝。卓然而立。師曰若是石頭法席一點也用不著。僧又遶禪牀一匝。師曰卻是恁麼時不易道個來處。僧便出去。師乃喚僧不顧。師曰這漢猶少教詔在。僧卻回曰。有一人不從人得不受教詔。不落階級。師還許麼。師曰逢之不逢。逢必有事。僧乃退身三步。師卻遶禪牀一匝。僧曰不惟宗眼分明。亦乃師承有據。師乃打三棒。問僧甚處



來曰。九華山控石菴。師曰。菴主是甚麼人。曰。馬祖下尊宿。師曰。名甚麼。曰。不委他法號。師曰。他不委你。不委曰。尊宿眼在甚麼處。師曰。若是菴主親來。今日也須喫棒。曰。賴遇和尚放過某甲。師曰。百年後討個師僧也難得。李行婆來。師乃問憶得在絳州時事麼。婆曰。非師不委。師曰。多虛少實在。婆曰。有甚麼處。師曰。念你是女人。放你拄杖。婆曰。某甲終不見尊宿過。師曰。老僧過在甚麼處。婆曰。和尚無過。婆豈有過。師曰。無過底人作麼生。婆乃豎拳曰。與麼總成顛倒。師曰。實無諱處。師見僧乃擒住曰。師子兒。野干屬。



僧以手作撥眉勢。師曰。雖然如此。猶欠哮吼。在。僧擒住師。曰。偏愛行此一機。師與一擲。僧拍手三下。師曰。若見同風。汝甘與麼否。曰。終不由別人。師作撥眉勢。僧曰。猶欠哮吼。在。師曰。料想不由別人。僧問。不負從上諸聖。如何是長髭第一句。師曰。有口不能言。曰。爲甚麼口不能言。師乃頌云。石師子。木女兒。第一句。諸佛機。言不得也。大奇。直下是。莫狐疑。良久云。是第一句。第二句。曰。不一不二。師曰。見利忘錐。猶自多在。僧禮拜。師拈起盞子云。直下不負從上諸聖。曰。直指人心。見性成佛。又作麼生。師放下盞子。便歸方。

丈僧隨後入。師翹一足云。大地不容針。汝從何處來。曰。直是維摩也。緘口不得。師曰。偶爾之間。又逢猛虎。僧便作虎聲。師以拄杖作亞鎗勢。僧卻把住云。大地不容針。何處得這個來。師曰。不但維摩。文殊也。緘口不得。曰。著箭虎不可當。師與一掌。推出方丈。

潭州招提寺慧朗禪師。初參馬祖。祖問汝來何求。曰。求佛知見。祖曰。佛無知見。知見乃魔耳。汝自何來。曰。南嶽來。祖曰。汝從南嶽來。未識曹溪心要。汝速歸彼。不宜他往。師歸石頭。便問如何是佛。頭曰。汝無佛性。師曰。蠢動含靈。又作麼。

旨司錄

卷九 慧朗 振朗 石樓

生頭曰。蠢動含靈。卻有佛性。曰。慧朗爲甚麼。卻無。頭曰。爲汝不肯承當。師於言下信入。住後。凡學者至。皆曰。去去。汝無佛性。其接機大約如此。時謂大朗。

長沙興國寺振朗禪師。初參石頭。便問。如何是祖師西來意。頭曰。問取露柱。曰。振朗不會。頭曰。我更不會。師俄省悟。住後。有僧來參。師召上座。僧應諾。師曰。孤負去也。曰。師何不鑒。師乃拭目而視之。僧無語。時謂小朗。

汾州石樓禪師。僧問。未識本來性。乞師方便指。師曰。石樓無耳朶。曰。某甲自知非。師曰。老僧還有過。曰。和尚過在甚麼。

處師曰。過在汝非處。僧禮拜。師便打。問僧近離甚處。曰。漢國。師曰。漢國主人還重佛法麼。曰。苦哉。賴遇問著某甲。若問別人。卽禍生。師曰。作麼生。曰。人尙不見。有何佛法可重。師曰。汝受戒得多少。夏曰。三十夏。師曰。大好不見有人便打。

鳳翔府法門寺。佛陀禪師。尋常持一串數珠。念二種名號。曰。一釋迦。二元和三佛陀。自餘是甚麼。碗躡邱。乃過一珠。終而復始。事跡異常。人莫能測。

豐州大同濟禪師。米胡領眾來。纔欲相見。師便拽轉禪牀。面

旨司錄

卷九 佛陀大同

三

壁而坐。米於背後立少時。卻回客位。師曰。是卽是。若不驗。破已後。遭人貶剝。令侍者請米。米卻拽轉禪牀。便坐。師乃遶禪牀一匝。便歸方丈。米卻拽倒禪牀。領眾便出。訪龐居士。士曰。憶在母胎時。有一則語。舉似阿師。切不得作道理。主持師曰。猶是隔生也。士曰。向道不得作道理。師曰。驚人之句。爭得不怕。士曰。如師見解。可謂驚人。師曰。不作道理。卻成作道理。士曰。不但隔一生兩生。師曰。粥飯底僧。一任檢責。士鳴指三下。一日見龐居士來。便掩卻門。曰。多知老翁。莫與相見。士曰。獨坐獨語。過在阿誰。師便開門。纔



出。被士把住曰。師多知。我多知。師曰。多知且置。閉門開門。  
卷之與舒。相較幾許。士曰。祇此一問。氣急殺人。師默然。士  
曰。弄巧成拙。問十二時中如何合道。師曰。汝還識十二  
時麼。曰。如何是十二時。師曰。子丑寅卯。僧禮拜。師示頌曰。  
十二時中。那事別。子丑寅卯。吾今說。若會。惟心萬法空。釋  
迦彌勒從茲決。一日問龐居士。是個語言。古今少人避  
得。只如龐公。還避得麼。曰。諾。師再舉前話。士曰。甚麼處去  
來。師曰。非但如今。古人亦有此語。士作舞而出。師曰。風  
顛老。風顛老。自過教誰檢。士來訪。提起策籬喚曰。大同。

師大同師。師不顧。士曰。石頭一宗。瓦解冰消。師曰。若不得  
龐公輩。灼然如此。士拋下策籬曰。甯教不直一文錢。師曰。  
錢雖不直。欠他又爭得。士作舞而退。師乃提起策籬曰。龐  
公龐公。士曰。你要我策籬。我要你木杓。師作舞而退。士撫  
掌笑曰。歸去來。歸去來。

南嶽青原宗派未定法嗣

荊州天皇道悟禪師。婺州東陽張氏子。神儀挺異。幼而生知。  
年十四。懇求出家。父母不許。遂減食飲。父母不得已。許之。  
及出家。精修梵行。風雨昏夜。宴坐邱塚。離諸怖畏。謁徑山。

國一受心法。服勤五載。復謁馬祖。重印前解。依止二夏。後謁石頭。而致問曰。離卻定慧。以何法示人。頭曰。我這裏無奴婢。離個甚麼。曰。如何明得。頭曰。汝還撮得虛空麼。曰。恁麼則不從今日去也。頭曰。未審汝早晚從那邊來。曰。道悟不是那邊人。頭曰。我早知汝來處也。曰。師何以職誣於人。頭曰。汝身現在。曰。雖然如是。畢竟如何。示於後人。頭曰。汝道誰是後人。師從此頓悟。罄殫前二哲匠言下。有所得心。妙喜曰。且道悟得個甚麼。後居天竺。客無貴賤。皆坐而揖。江陵尹右僕射裴公稽首問法。師接之無加禮。裴愈歸向。元和丁

亥四月示疾。命弟子先期告終。至晦日。大眾問疾。師驀召  
典座。座近前。師曰。會麼。曰。不會。師拈枕子。拋於地上。即便  
告寂。壽六十。臘三十五。嗣石頭住城東。弟子三人。慧真。文  
資。幽閑。協律郎符載。撰碑。傳燈所  
錄。悉同符碑。而誤  
以能潭列師法嗣。

天王道悟禪師。渚宮崔氏漢子。王之胤。十五出家。二十三受  
戒。三十謁石頭。頻沐指示而不契。次謁忠國師。三十四。與  
國師侍者應真。南還謁馬祖。祖曰。識取自心。本來是佛。不  
屬漸次。不假修持。體自如如。萬德圓滿。師於言下大悟。祖  
囑曰。汝若住持。莫離舊處。師蒙旨已。便返荆門。去郭不遠。

結草爲廬。節使來訪。師不爲加禮。使怒。擒師擲江中。及歸。見徧衙火發。且聞空中天王神嗔責聲。遂哀悔。設拜。烟焰頓息。宛然如初。乃躬往江邊迎師。見師在水。都不濕衣。益自敬重。於府西造天王寺供師。龍潭信問從上相承底事如何。師曰。不是明汝來處。不得潭曰。這個眼目。幾人具得。師曰。淺草易爲長蘆。僧問。如何是玄妙之說。師曰。莫道我解佛法好。曰。爭奈學人疑滯何。師曰。何不問老僧曰。卽今問了也。師曰。去。不是汝存泊處。師常云。快活快活。及臨終時。叫苦苦。又云。閻羅王來取我也。院主問曰。和尚



當時被節使拋向水中。神色不動。如今何得恁麼地。師舉  
枕子云。汝道當時是。如今是。院主無對。便入滅。當元和三  
年。林間錄作十。戊子十月十三日也。年八十二。坐六十三  
夏。嗣馬祖住城西。弟子一人。龍潭崇信。荆南節度使丘玄  
素撰碑。又唐聞人歸登南嶽碑。圭峰答裴相國宗趣狀。  
權德輿馬祖塔銘。皆以天王爲馬祖。嗣佛國白達觀頴。呂  
夏卿張無盡。皆著辯證傳燈之誤。獨其時同其地。同其參  
謁石頭馬祖。同故猶不能不闕疑。且藥山叅石頭。謂因  
緣當在馬祖處。山旋於馬祖處大悟。而竟嗣頭。皆釋迦之  
屑。何彼此  
是分析耶。

指月錄卷之九終

指月錄卷之十

六祖下第四世

洪州黃檗希運禪師。閩人也。幼於本州黃檗山出家。額間隆  
南嶽起如珠。音辭朗潤。志意冲澹。後遊天臺。逢一僧。與之言笑。  
如舊相識。熟視之。目光射人。乃偕行。屬澗水暴漲。捐笠植  
杖而止。其僧率師同渡。師曰。兄要渡。自渡。彼卽褰衣躡波。  
若履平地。回顧曰。渡來渡來。師曰。咄。這自了漢。吾早知當  
斫汝脛。其僧歎曰。真大乘法器。我所不及。言訖不見。至洛  
京行乞。吟添鉢聲。有一嫗出棘扉間曰。太無厭生。師曰。汝

猶未施責我無厭。何耶。嫗笑而掩扉。師異之。進而與語。多所發藥。師須臾辭去。嫗告之曰。可往南昌見馬大師。至南昌。馬大師已示寂。遂往石門謁塔。時百丈禪師廬於塔旁。乃往參丈。丈問巍巍堂堂。從何方來。師曰。巍巍堂堂。從嶺南來。丈曰。巍巍堂堂。當爲何事。師曰。巍巍堂堂。不爲別事。便禮拜。問曰。從上宗乘。如何指示。丈良久。師曰。不可。教後人斷絕去也。丈曰。將謂汝是個人。乃起入方丈。師隨後入。曰。某甲特來。丈曰。若爾。則他後不得孤負吾丈。一日。舉再參。馬祖被喝話。師遂領旨。見百丈章丈一日。問師甚麼處去來。

曰。太雄山下采菌子來。丈曰。還見大蟲麼。師便作虎聲。丈拈斧作斫勢。師卽打丈一摑。丈吟吟而笑。便歸上堂曰。大雄山下有一大蟲。汝等諸人也須好看。百丈老漢。今日親遭一口。碧巖集載師叅丈不爲別事後云。丈因深器之。次日辭丈云。何處去。師云。禮拜馬大師去。丈云。大師已遷化去也。圓悟云。你道黃檗恁麼問。是知來問。是不知來問。師云。某甲特去禮拜。福緣淺薄。不及一見。未審平日常有何言句。丈舉再叅。被一喝。三日耳聾。語師聞不覺吐舌。丈曰。子已後莫承嗣。馬大師去否。師曰。不然。今日因聞師舉。見得馬祖大機大用。且不識馬祖。若嗣馬祖。已後喪我兒孫。丈曰。見與師齊。減師半德。見過於師。方堪傳授。子甚有超師之作。圓悟又云。你道黃檗恁麼問。是知來問。是不知來問。再叅公案。已見百丈章。而此復錄。以圓悟拈語也。事之異同。所不必論。添鉢公案。會元頌古統要。皆作臨濟。此從古尊宿語錄及林間錄入師章中。丈



一日因普請開田回。問師曰。運闍黎。開田不易。師曰。隨眾  
 作務。丈曰。有煩道用。師曰。爭敢辭勞。丈曰。開得多少田。師  
 將鑿築地三下。丈便喝。師掩耳而去。師在南泉普請擇  
 菜次。泉問甚麼處去。曰。擇菜去。泉曰。將甚麼擇。師豎起刀。  
 泉曰。祇解作賓。不解作主。師以刀點三下。泉曰。大家擇菜  
 去。一日。捧鉢向南泉位上坐。泉入堂見。乃問。長老甚年  
 行道。師曰。威音王已前。泉曰。猶是王老師兒孫。下去。師便  
 過第二位坐。泉休去。瀉山云。欺敵者。仰山云。不然。須知黃檗有陷虎之機。瀉山云。子見處得。  
與麼長。雪竇云。可惜王老師。只見錐頭利。我當時若作南泉。待伊道威音王已前。即便於第二位坐。令黃檗一生。



起不得。雖然如此也。須救取南泉。妙喜曰。何待問他。甚年行道。纔入堂。見他在主位。便捧鉢向第二位坐。直饒黃檗有陷虎之機。擬向甚處施設。泉一日曰。老僧有牧牛歌。請長老和。師曰。某甲自有師在。師辭南泉。泉門送。提起師笠曰。長老身材沒量大。笠子太小生。師曰。雖然如此。大千世界。總在裏許。泉曰。王老師。聲師戴笠便行。師在鹽官殿上禮佛次。時唐宣宗爲沙彌。問曰。不著佛求。不著法求。不著僧求。長老禮拜。當何所求。師曰。不著佛求。不著法求。不著僧求。常禮如是事。彌曰。用禮何爲。師便掌。彌曰。太粗生。師曰。這裏是甚麼所在。說粗說細。隨後又掌。師曾散眾在洪州開。

元寺裴相國休。一日入寺行次。見壁畫。問寺主。這裏是甚麼。寺主曰。高僧真儀。公曰。真儀可觀。高僧何在。寺主無對。公曰。此間有禪人否。曰。近有一僧。投寺執役。頗似禪者。公遂請相見。曰。休適有一問。諸德吝辭。今請上人代酬一語。師曰。請相公垂問。公舉前語。師朗聲曰。裴休公應諾。師曰。在甚麼處。公當下知旨。如獲髻珠。延入府署。執弟子禮。山泉禪師因李叅政到山。舉此公案。拈云。裴公將錯就錯。脫盡根塵。黃檗信口垂慈。不費心力。似地擎山。不知山之孤峻。如石含玉。不知玉之無瑕。雖然如是。黃檗只有殺人刀。且無活人劍。今日大資相公。或問雲門真儀可觀。高僧在甚麼處。雲門亦召云。相公相公。若應諸雲門。卽向道。今日堂中特謝供養。

裴一日托一尊佛

於師前跪曰。請師安名。師召曰。裴休。公應諾。師曰。與汝安名。竟公禮拜。裴一日請師至郡。以所解一編示師。師接置於座。畧不披閱。良久曰。會麼。裴曰。未測。師曰。若便恁麼會去。猶較些子。若也形於紙墨。何有吾宗。裴乃贈詩一章曰。自從大士傳心印。額有圓珠七尺身。身挂錫十年棲蜀水。浮盃今日渡漳濱。一千龍象隨高步。萬里香花結勝因。擬欲事師爲弟子。不知將法付何人。師亦無喜色。裴旣領旨。復博綜教相。以弟子禮事師。以昆仲友圭峯。嘗親書大藏經五百函。所製法苑文字。諸方重之。師因有六人新到。五人作禮。中一人提起坐具。作一圓相。師曰。我聞有

一隻獵犬甚惡。僧曰。尋羴羊聲來。師曰。羴羊無聲到汝尋。曰。尋羴羊跡來。師曰。羴羊無跡到汝尋。曰。尋羴羊蹤來。師曰。羴羊無蹤到汝尋。曰。與麼則死羴羊也。師便休去。明日陞堂曰。昨日尋羴羊僧出來。僧便出。師曰。昨日公案未了。老僧休去。你作麼生。僧無語。師曰。將謂是本色衲僧。元來祇是義學沙門。便打趁出。師一日捏拳曰。天下老和尚。總在這裏。我若放一線道。從汝七縱八橫。若不放過。不消一捏。僧問。放一線道時如何。師曰。七縱八橫。曰。不放過。不消一捏時如何。師曰。普。師上堂。大眾纔集。師拈拄杖一

時打散。復召大眾。眾回首。師曰。月似彎弓。少雨多風。問如何。是西來意。師便打。一日上堂。大眾雲集。乃曰。汝等諸人。欲何所求。以拄杖趁之。大眾不散。師卻復坐。曰。汝等諸人。盡是噇酒糟漢。恁麼行脚。取笑於人。但見八百一十人處。便去。不可圖他熱鬧也。老漢行脚時。或遇草根下。有一個漢。便從頂門上一錐。看他若知痛癢。可以布袋盛米。供養他。可中總似汝如此容易。何處更有今日事也。汝等旣稱行脚。亦須著些精神好。還知道大唐國裏無禪師麼。時有僧問。諸方尊宿。盡聚眾開化。爲甚麼卻道無禪師。師曰。



不道無禪。祇是無師。湧山問仰山作麼生。仰云。鵝王擇乳。素非鴨類。湧云。此實難辨。五祖戒  
出僧語云。謝和尚說得道理好。承天宗云。五祖戒眼照四  
天下。要見黃檗。猶未可。若要扶堅正。法眼藏須是黃檗宗  
師。石門聰云。黃檗垂示不妨奇特。纔被布衲拶著。失卻  
一隻眼。徑山杲云。且道是醍醐句。是毒藥句。又頌身上  
著衣方免寒。口邊說食終不飽。大唐國裏老婆禪。今日爲  
君註破了。佛鑑懃頌。黃檗山中明示眾。大唐國裏暗藏  
身袈裟一角。猶拖地。誰是叢林有眼人。佛慧泉頌。無師  
充塞大唐國。噀酒糟。漢會不得竹。寺閒過春已深。落花亂  
點莓。闍黎不見馬。大師下有八十四人坐道場。得馬師正  
苔色。  
 法眼者止兩三人。廬山歸宗和尚是其一。夫出家人須知  
 有從老來事分始得。且如四祖下牛頭橫說豎說。猶未知  
 向上關楨子。有此眼目。方辨得邪正宗黨。且當人事宜不

能體會得。但知學言語。念向皮袋裏安著。到處稱我會禪。  
還替得汝生死麼。輕忽老宿入地獄如箭。我纔見汝入門。  
來。便識得了也。還知麼。急須努力。莫容易事。持片衣口食。  
空過一生。明眼人笑汝。久後總被俗漢筭將去。在宜自看。  
遠近是阿誰。面上事若會。即便會。若不會。卽散去。珍重。  
示裴公美曰。諸佛與一切眾生。唯是一心。更無別法。此心。  
無始已來。不會生。不會滅。不青不黃。無形無相。不屬有無。  
不計新舊。非長非短。非大非小。超過一切限量。名言蹤跡。  
對待。當體便是。動念卽乖。猶如虛空。無有邊際。不可測度。

惟此一心卽是佛。佛與眾生更無別異。但是眾生著相外求。求之轉失。使佛覓佛。將心捉心。窮劫盡形。終不能得。不知息念忘慮。佛自現前。此心卽是佛。佛卽是眾生。爲眾生時。此心不減。爲諸佛時。此心不添。乃至六度萬行。河沙功德。本自具足。不假修添。遇緣卽施。緣息卽寂。若不決定信此是佛。而欲著相修行。以求功用。皆是妄想。與道相乖。此心卽是佛。更無別佛。亦無別心。此心明淨。猶如虛空。無一點相貌。舉心動念。卽乖法體。卽爲著相。無始已來。無著相。佛修六度萬行。欲求成佛。卽是次第。無始已來。無次第。佛。

但悟一心。更無少法可得。此卽眞佛。佛與眾生一切無異。猶如虛空。無雜無壞。如大日輪。照四天下。日昇之時。明徧天下。虛空不會明。日沒之時。暗徧天下。虛空不會暗。明暗之境。自相陵奪。虛空之性。廓然不變。佛及眾生。心亦如此。若觀佛作清淨光明解脫之相。觀眾生作垢濁暗昧生死之相。作此解者。歷河沙劫。終不得菩提。爲著相故。唯此一心。更無微塵許法可得。卽心是佛。如今學道人。不悟此心體。便於心上生心。向外求佛。著相修行。皆是惡法。非菩提道。供養十方諸佛。不如供養一個無心道人。何故無心者。

無一切心也。如如之體。內如木石。不動不搖。外如虛空。不塞不礙。無能所。無方所。無相貌。無得失。趨者不敢入。此法恐落空。無棲泊處。故望崖而退。例皆廣求知見。所以求知見者。如毛。悟道者如角。文殊當理。普賢當行。理者。真空無礙之理。行者。離相無盡之行。觀音當大慈。勢至當大智。維摩者。淨名也。淨者。性也。名者。相也。性相不異。故號淨名。諸大菩薩所表者。人皆有之。不離一心。悟之卽是。今學道人。不同自心中悟。乃於心外著相取境。皆與道背。恒河沙者。佛說是沙。諸佛菩薩釋梵諸天。步履而過。沙亦不喜。牛羊



蟲。蟻。踐。踏。而。行。沙。亦。不。怒。珍。寶。馨。香。沙。亦。不。貪。糞。尿。臭。穢。  
沙。亦。不。惡。此。心。卽。無。心。之。心。離。一。切。相。眾。生。諸。佛。更。無。差。  
別。但。能。無。心。便。是。究。竟。學。道。人。若。不。直。下。無。心。累。劫。修。行。  
終。不。成。道。被。三。乘。功。行。拘。繫。不。得。解。脫。然。證。此。心。有。遲。疾。  
有。聞。法。一。念。便。得。無。心。者。有。至。十。地。乃。得。無。心。者。長。短。得。  
無。心。乃。住。更。無。可。修。可。證。實。無。所。得。真。實。不。虛。一。念。而。得。  
與。十。地。而。得。者。功。用。恰。齊。更。無。深。淺。祇。是。歷。劫。枉。受。辛。勤。  
耳。造。惡。造。善。皆。是。著。相。著。相。造。惡。枉。受。輪。迴。著。相。造。善。枉。  
受。勞。苦。總。不。如。言。下。便。自。認。取。本。法。此。法。卽。心。心。外。無。法。

此心卽法。法外無心。心自無心。亦無無心者。將心無心。心卻成有。默契而已。絕諸思議。故曰言語道斷。心行處滅。此心是本源清淨。佛人皆有之。蠢動含靈。與諸佛菩薩一體不異。祇爲妄想分別。造種種業果。本佛上實無一物。虛通寂靜。明妙安樂而已。深自悟入。直下便是圓滿具足。更無所欠。縱使三祇精進修行。歷諸地位。及一念證時。祇證原來。自佛向上。更不添得一物。卻觀歷劫功用。總是夢中妄爲。故如來云。我於阿耨菩提。實無所得。若有所得。然燈佛則不與我授記。問何者是佛師。云汝心是佛。佛卽是心。

心佛不異。故云卽心卽佛。若離於心。別更無佛。云若自心是佛。祖師西來。如何傳授。師云。祖師西來。惟傳心佛。直指汝等心。本來是佛。心心不異。故名爲祖。若直下見此意。卽頓超三乘。一切諸位。本來是佛。不假修成。云若如此。十方諸佛出世。說於何法。師云。十方諸佛出世。祇共說一心法。所以佛密付與摩訶大迦葉。此一心法體。盡虛空。徧法界。名爲諸佛理。論者個法。豈是汝於言句上解得他。亦不是於一機一境上見得他。此意唯是默契得者。一門名爲無爲法門。若欲會得。但知無心。忽悟卽得。若用心擬學取。卽

轉遠去。若無歧路心。一切取捨心。心如木石。始有學道分。云。如今現有種種妄念。何以言無師。云。妄本無體。卽是汝心所起。汝若識心是佛。心本無妄。那得起心更認於妄。汝若不生心動念。自然無妄。所以云。心生則種種法生。心滅則種種法滅。云。今正妄念起時。佛在何處。師云。汝今覺妄起時。覺正是佛。可中若無妄念。佛亦無。何故如此。爲汝起心作佛見。便謂有佛可成。作眾生見。便謂有眾生可度。起心動念。總是汝見處。若無一切見。佛有何處所。如文殊纔起佛見法見。便貶向二鐵圍山。云。今正悟時。佛在何處。師

云。問從何來。覺從何起。語默動靜。一切聲色。盡是佛事。何處覓佛。不可更頭上安頭。嘴上加嘴。但莫生異見。山是山。水是水。僧是僧。俗是俗。山河大地。日月星辰。總不出汝心。三千世界。都來是汝個自己。何處有許多般。心外無法。滿目青山。虛空世界。皎皎地。無絲髮許與汝作見解。所以一切聲色。是佛之慧目。法不孤起。仗境方生。爲物之故。有其多智。終日說。何曾說。終日聞。何曾聞。所以釋迦四十九年說。未嘗說著一字。云若如此。何處是菩提。師云。菩提無是處。佛亦不得菩提。眾生亦不失菩提。不可以身得。不可以



心求一切眾生。卽菩提相。云。如何發菩提心。師云。菩提無所得。你今但發無所得心。決定不得一法。卽菩提心。菩提無住處。是故無有得者。故云。我於然燈佛所。無有少法可得。佛卽與我授記。明知一切眾生。本是菩提。不應更得菩提。你今聞發菩提心。將謂一個心學取佛去。唯擬作佛。任你三祇劫。修亦祇得個報化佛。與你本源真性佛。有何交涉。故云。外求有相。佛與汝不相似。又云。是法平等。無有高下。是名菩提。卽此本源清淨心。與眾生諸佛。世界山河。有相無相。徧十方界。一切平等。無彼我相。此本源清淨心。

常自圓明徧照。世人不悟。祇認見聞覺知爲心。爲見聞覺知所覆。所以不覩精明本體。但直下無心。本體自現。如大日輪昇於虛空。徧照十方。更無障礙。故學道人。惟認見聞覺知施爲動作。空卻見聞覺知。卽心路絕。無入處。但於見聞覺知處認本心。然本心不屬見聞覺知。亦不離見聞覺知。但莫於見聞覺知上起見解。亦莫於見聞覺知上動念。亦莫離見聞覺知覓心。亦莫捨見聞覺知取法。不卽不離。不住不著。縱橫自在。無非道場。若欲得知要訣。但莫於心上著一物。言佛眞法身。猶若虛空。此是喻法身卽虛空。

虛空卽法身。常人謂法身徧虛空處。虛空中含容法身。不知法身卽虛空。虛空卽法身也。若定言有虛空。虛空不是法身。若定言有法身。法身不是虛空。但莫作虛空解。虛空卽法身。莫作法身解。法身卽虛空。虛空與法身無異相。佛與眾生無異相。生死與涅槃無異相。煩惱與菩提無異相。離一切相卽是佛。凡夫取境。道人取心。心境雙亡。乃是眞法。忘境猶易。忘心至難。人不敢忘心。恐落空無撈摸處。不知空本無空。唯一眞法界耳。問如何是見性。云性卽是見。見卽是性。不可以性更見性。聞卽是性。不可以性更聞。

性。祇你作性見。能聞能見性。便有一異法生。他分明道。所  
可見者。不可更見你。云何頭上更著頭。他分明道。如盤中  
散珠。大者大圓。小者小圓。各各不相知。各各不相礙。起時  
不言我起。滅時不言我滅。所以四生六道。未有不和時。且  
眾生不見佛。佛不見眾生。四果不見四向。四向不見四果。  
三賢十聖。不見等妙二覺。等妙二覺。不見三賢十聖。乃至  
水不見火。火不見水。地不見風。風不見地。眾生不入法界。  
佛不出法界。所以法性無去來。無能所見。既如此。因什麼  
道我見我聞。於善知識處得契悟。善知識與我說法。諸佛

出世與眾生說法。迦旃延祇爲以生滅心傳實相法。被淨名訶責。分明道一切法本來無縛。何用解他。本來不染。何用淨他。故云實相如是。豈可說乎。汝今祇成是非心。染淨心。學得一知一解。繞天下行。見人便擬定當取。誰有心眼。誰強誰弱。若也如此。天地懸殊。更說什麼見性。問旣言性卽見。見卽性。祇如性自無障礙。無劑限。云何隔物卽不見。又於虛空中。近卽見。遠卽不見者。如何。師云。此是你妄生異見。若言隔物不見。無物言見。便謂性有隔礙者。全無交涉。性且非見非不見。法亦非見非不見。若見性人。何處



不是我之本性。所以六道四生。山河大地。總是我之性。淨明體。故云見色便見心。色心不異故。祇爲取相作見聞覺知。去卻前物。始擬得見者。卽墮二乘人中。依通見解也。虛空中。近則見。遠則不見。此是外道中收。分明道非內亦非外。非近亦非遠。近而不可見者。萬物之性也。近尙不可見。更道遠而不可見。有甚麼意旨。問佛窮得無明否。師云。無明卽是一切諸佛得道之處。所以緣起是道場。所見一塵一色。便合無邊理性。舉足下足。不離道場。道場者。無所得也。我向你道。祇無所得。名爲坐道場。云無明者。爲明爲

暗師云。非明非暗。明暗是代謝之法。無明且不明。亦不暗。不明祇是本明。不明不暗。祇者一句子。亂卻天下人眼。所以道。假使滿世間。皆如舍利弗。盡思共度量。不能測佛智。其無礙惠。當作慧出過虛空。無你語論處。釋迦量等三千大千世界。忽有一菩薩出來一跨。跨卻三千大千世界。不出普賢一毛孔。你如今把什麼本領擬學他。云。既是學不得。爲什麼道歸源性。無二方便有多門。如之何。師云。歸源性無二者。無明實性。卽諸佛性。方便有多門者。聲聞人見無明生。見無明滅。緣覺人但見無明滅。不見無明生。念念證

寂滅。諸佛見眾生。終日生而無生。終日滅而無滅。無生無滅。卽大乘果。所以道。果滿菩提。圓花開。世界起。舉足卽佛。下足卽眾生。諸佛兩足尊者。卽理足事足。眾生足生死足。一切等足。足故不求。是你今念念學佛。卽嫌著眾生。若嫌著眾生。卽是謗他十方諸佛。所以佛出世來。執除糞器。蠲除戲論之糞。祇教來除。卻從來學心見心。除得盡。卽不墮戲論。亦云搬糞出。祇教你不生心。心若不生。自然成大智者。決定不分別佛與眾生。一切盡不分別。始得入我曹溪門下。故自古先聖云。少行我法門。我以無行爲我法門。祇

是一心門。一切人到這裏。盡不敢入。不道全無。祇是少人得。得者卽是佛。珍重。夫學道者。先須併卻雜學諸緣。決定不求。決定不著。聞甚深法。恰似清風。屈耳。瞥然而過。更不追尋。是爲甚深入。如來禪。離生禪想。從上祖師。唯傳一心。更無二佛。指心是佛。頓超等妙。二覺之表。決定不流。至第二念。始似入我宗門。如斯之法。汝取決人到者裏。擬作麼生學。所以道。擬心時。被擬心魔縛。非擬心時。又被非擬心魔縛。魔非外來。出自你心。唯有無神通菩薩。足跡不可尋。若以一切時中。心有常見。卽是常見外道。若觀一切法。

空作空見者。卽是斷見外道。所以三界唯心。萬法唯識。此猶是對外道邪見人說。若說法身以爲極果。此對三賢十聖人言。故佛斷二愚。一者微細所知愚。二者極微細所知愚。佛旣如是。更說什麼等妙二覺來。所以一切人但欲向明。不欲向暗。但欲求悟。不愛煩惱無明。便道佛是覺。眾生是妄。若作如是見解。百劫千生輪迴六道。更無斷絕。何以故。爲謗諸佛本源自性故。他分明向你道。佛且不明。眾生不暗。法無明暗故。佛且不強。眾生且不弱。法無強弱故。佛且不智。眾生且不愚。法無愚智故。是你出頭總道解禪開。



著口便病發。不說本。祇說末。不說迷。祇說悟。不說體。祇說用。總無你話論處。他一切法。且本不有。今亦不無。緣起不有。緣滅不無。本亦不有。本非本。故心亦不心。心非心。故相亦非相。相非相。故所以道。無法無本心。始解心心法。法卽非法。非法卽法。無法無非法。故是心心法。忽然瞥起一念。了知如幻如化。卽流入過去佛。過去佛且不有。未來佛且不無。又且不喚作未來佛。現在念念不住。不喚作現在佛。佛若起時。卽不擬他是覺。是迷。是善。是惡。輒不得執滯他。斷絕他。如一念瞥起。千重關鎖。鎖不得。萬丈繩索。索他不

住。既若如是。爭合便擬滅他。止他。分明向你道。爾欲識你。作麼生擬斷他。喻如陽燄。你道近。十方世界。求不可得。你道遠。看時。祇在目前。你擬趁他。他又轉遠去。你始避他。他又來逐你。取又不得。捨又不得。既若如此。故知一切法性。自爾。卽不用愁他。慮他。如言。前念是凡。後念是聖。如手翻覆一般。此是三乘教之極也。據我禪宗中。前念且不是凡。後念且不是聖。前念不是佛。後念不是眾生。所以一切色。是佛色。一切聲。是佛聲。舉著一理。一切理皆然。見一事。見一切事。見一心。見一切心。見一道。見一切道。一切處無不。

是道見一塵十方世界山河大地皆然見一滴水卽見十方世界一切性水又見一切法卽見一切心一切法本空心卽不無不無卽妙有有亦不有不有卽有卽真空妙有既若如是十方世界不出我之一心一切微塵國土不出我之一念若然說甚麼內之與外如蜜性甜一切蜜皆然不可者個蜜甜餘底苦也何處有與麼事所以道虛空無內外法性自爾虛空無中間法性自爾故眾生卽佛佛卽眾生眾生與佛元同一體生死涅槃有爲無爲元同一體世間出世間乃至六道四生山河大地有性無性亦同一

體言同者。名相亦空。有亦空。無亦空。盡恆沙世界。元是一  
空。既若如此。何處有佛。度眾生何處有眾生。受佛度何故  
如此。萬法之性自爾。故若作自然見。卽落自然外道。若作  
無我。無我所見。墮在三賢十聖位中。你如今云。何將一尺  
一寸。便擬量度虛空。他分明向汝道。法法不相到。法自寂。  
故當處自住。當處自真。以身空故名法空。以心空故名性  
空。身心總空。故名法性空。乃至千途異說。皆不離你之本  
心。如今說菩提涅槃。真如佛性。二乘菩薩者。爲指葉爲黃  
金拳掌之說。若也展手之時。一切大眾若天若人。皆見掌

中都無一物。所以道本來無一物。何處有塵埃。本既無物。三際本無所有。故學道人單刀直入。須見者個意。始得。故達磨大師從西天來至此土。經多少國土。祇覓得可大師一人。密傳心印。印你本心。以心印法。以法印心。心既如此。法亦如此。同真際。等法性。法性空中。誰是授記人。誰是成佛人。誰是得法人。他分明向你道。菩提者。不可以身得身。無相故。不可以心得心。無相故。不可以性得性。卽便是本源。自性天真佛。故不可以佛更得佛。不可以無相更得無相。不可以空更得空。不可以道更得道。本無所得。無得亦



不可得。所以道無一法可得。祇教你了取本心。當下了時。不得了相。無了無不了相。亦不可得。如此之法。得者卽得。得者不自覺知。不得者亦不自覺知。如此之法。從上已來。有幾人得知。所以道天下忘已者。有幾人。如今於一機一境。一經一教。一世一時。一名一字。六根門前。領得與機關木人何別。忽有一人出來。不於一名一相上作解者。我說此人盡十方世界。覓者個人不可得。以無第二人故。繼於祖位。亦云釋種無雜純一。故言至若成佛時。主子亦隨出家。此意大難知。祇教你莫覓覓便失卻。如癡人山上叫一

聲響從谷出。便走下山趁。及乎覓不得。又叫一聲。山上響。又應。亦走上山上趁。如是千生萬劫。祇是尋聲逐響。人虛生浪死。漢汝若無聲。卽無響。涅槃者。無聞無知。無聲絕跡。絕蹤。若得如是。稍與祖師鄰房也。上堂云。卽心是佛。上至諸佛下至蠢動含靈。皆有佛性。同一心體。所以達摩從西天來。惟傳一心法。直指一切眾生。本來是佛。不假修行。但如今識取自心。見自本性。更莫別求。云何識自心。卽如今言語者。正是汝心。若不言語。又不作用。心體如虛空。相似。無有相貌。亦無方所。亦不一向是無。有而不可見。故祖

師云。眞性心地。藏無頭。亦無尾。應緣而化物。方便呼爲智。若不應緣之時。不可言其有無。正應之時。亦無蹤跡。旣知如此。如今但向無中棲泊。卽是行諸佛路。經云。應無所住而生其心。一切眾生輪迴生死者。意緣走作心於六道不停。致使受種種苦。淨名云。難化之人心如猿猴。故以若干種法制禦其心。然後調伏。所以心生種種法生。心滅種種法滅。故知一切諸法皆由心造。乃至人天地獄六道修羅。盡由心造。如今但學無心。頓息諸緣。莫生妄想分別。無人無我。無貪瞋。無憎愛。無勝負。但除卻如許多種妄想。性自

本來清淨。卽是修行。菩提法佛等。若不會此意。縱你廣學。勤苦修行。木食草衣。不識自心。皆名邪行。盡作天魔外道。水陸諸神。如此修行。當復何益。誌公云。本體是自心。作那得文字中求。如今但識自心。息卻思惟。妄想塵勞。自然不生。淨名云。唯置一牀。寢疾而臥。心不起也。如今臥疾。攀緣都息。妄想歇滅。卽是菩提。如今若心裏紛紛不定。任你學到三乘四果十地。諸位合殺。祇向凡聖中坐。諸行盡歸無常。勢力皆有盡期。猶如箭射於空。力盡還墮。卻歸生死輪迴。如斯修行。不解佛意。虛受辛苦。豈非大錯。誌公云。未逢

出世明師。枉服大乘法藥。如今但一切時中。行住坐臥。但學無心。亦無分別。亦無依倚。亦無住著。終日任運騰騰。如癡人相似。世人盡不識你。你亦不用教人識。不識心如頑石頭。都無縫罅。一切法透汝心。不入元然無著。如此始有少分相應。透得三界境過。名爲佛出世。不漏心相。名爲無漏智。不作人天業。不作地獄業。不起一切心。諸緣盡不生。卽此身心。是自由人。不是一向不生。祇是隨意而生。經云。菩提有意生身是也。疑若未會無心著相而作者。皆屬魔業。乃至作淨土佛事。并皆成業。乃名佛障。障汝心。故被。



因果管束。去住無自由分。所以菩提等法。本不是有。如來所說。皆是化人。猶如黃葉爲金。權止小兒啼。故實無有法。名阿耨菩提。如今旣會此意。何用區區。但隨緣消舊業。更莫造新殃。心裏明明。所以舊時見解。總須捨卻。淨名云。除去所有法。華云。二十年中。常令除糞。只是除去胸中作見解處。又云。蠲除戲論之糞。所以如來藏本自空寂。并不停畱一法。故經云。諸佛國土。亦復皆空。若言佛道是修學而得。如此見解。全無交涉。或作一機一境。揚眉動目。祇對相當。便道契會也。得證悟禪理也。忽逢一人不解。便道都無。

所知對他若得道理。心中便歡喜。若被他折伏。不如他。便  
卽心懷惆悵。如此心意學禪。有何交涉。任汝會得少許道  
理。祇得個心所法。禪道總沒交涉。所以達摩面壁。都不令  
人有見處。故云忘機。是佛道。分別是魔軍。此性縱汝迷時。  
亦不失。悟時亦不得。天真自性。本無迷悟。盡十方虛空界。  
元來是我一心體。縱汝動用造作。豈離虛空。虛空本來無  
大無小。無漏無爲。無迷無悟。了了見。無一物。亦無人。亦無  
佛。絕纖毫的疑量。是無依倚。無粘綴。一道清流。是自性無  
生法忍。何有擬議。眞佛無口。不解說法。眞聽無耳。其誰聞。

乎珍重。又云。但無一切心。卽名無漏智。汝每日行住坐臥。一切言語。但莫著有爲法。出言瞬目。盡同無漏。如今無法向去。多是學禪道者。皆著一切聲色。何不與我心。同虛空去。如枯木石頭去。如寒灰死火去。方有少分相應。若不如是。他日盡被闇老子拷你。在你但離卻有無諸法。心如日輪。常在虛空。光明自然。不照而照。不是省力底事。到此之時。無棲泊處。卽是行諸佛行。便是應無所住而生其心。此是你清淨法身。名爲阿耨菩提。若不會此意。縱你學得多知。勤苦修行。草衣木食。不識自心。盡名邪行。又云。

你如今一切時中。但學無心。久久須實得。爲你力量小。不能頓超。但得三年五年。或十年。須得個入頭處。自然會去。爲有貪瞋癡。卽立戒定慧。本無煩惱。焉有菩提。故祖師云。佛說一切法。爲度一切心。我無一切心。何用一切法。本源清淨。佛上更不著一物。譬如虛空。雖以無量珍寶莊嚴。終不能住。佛性同虛空。雖以無量功德智慧莊嚴。終不能住。但迷本性。轉不見耳。所謂心地法門。萬法皆依此心建立。遇境卽有。無境卽無。不可於淨性上轉作境解。所言定慧。鑑用歷歷。寂寂惺惺。見聞覺知。皆是境上作解。暫爲中。

下根人說。卽得。若欲親證。皆不可作如此見解。言化城者。二乘及十地等覺妙覺。皆是權立接引之教。并爲化城。言寶所者。乃真心本佛自性之寶。此寶不屬情量。不可建立。無佛無衆生。無能無所。何處有城。若問此旣是化城。何處爲寶所。寶所不可指。指卽有方所。非眞寶所也。故云在近而已。不可定量言之。但當體會。契之卽是。言闡提者。信不具也。一切六道衆生。乃至二乘。不信有佛果。皆謂之斷善根闡提。菩薩者。深信有佛法。不見有大乘小乘。佛與衆生同一法性。乃謂之善根闡提。凡人多爲境礙心。事



礙理。常欲逃境以安心。屏事以存理。不知乃是心礙境。理礙事。但令心空。境自空。但令理寂。事自寂。勿倒用心也。凡人多不肯空心。恐落於空。不知自心本空。愚人除事不除心。智者除心不除事。菩薩心如虛空。一切俱捨。所作福德皆不貪著。然捨有三等。內外身心。一切俱捨。猶如虛空。無所取著。然後隨方應物。能所皆忘。是爲大捨。若一邊行道。布德一邊。旋捨無希望心。是爲中捨。若廣修眾善。有所希望。聞法知空。遂乃不著。是爲小捨。大捨如火燭在前。更無迷悟。中捨如火燭在旁。或明或暗。小捨如火燭在後。不

見坑穽。故菩薩心如虛空。一切俱捨過去心不可得。是過去捨。現在心不可得。是現在捨。未來心不可得。是未來捨。所謂三世俱捨。自如來付法迦葉已來。以心印心心。心不異。印著空。卽印不成文。印著物。卽印不成法。故以心印心。心心不異。能印所印。俱難契會。故得者少。然心卽無心。得卽無得。佛有三身。法身說自性虛通法。報身說一切清淨法。化身說六度萬行法。法身說法。不可以言語音聲形相文字而求。無所說。無所證。自性虛通而已。故曰無法可說。是名說法。報身化身。皆隨機感現。所說法亦隨事應。

根。以爲攝化。皆非眞法。故曰報化非眞佛。亦非說法者。  
問。本來無一物。無物便是否。師云。無亦不是。菩提無是處。  
亦無無知解。問。祇如目前虛空。可不是境。豈無指境見  
心乎。師云。甚麼心。教汝向境上見。設汝見得。祇是個照境  
底心。如人以鏡照面。縱然得見。眉目分明。元來祇是形像。  
何關汝事。云。若不因照。何時得見。師云。若也涉因。常須假  
物。有什麼了時。汝不見他。向汝道。撒手似君。無一物。徒勞  
謾說數千般。云。他若識了。照亦無物耶。師云。若是無物。更  
何用照。你莫開眼。寢語去。纔作佛見。便被佛障。作眾生

見被眾生障。作凡作聖。作淨作穢。等見盡成其障。障汝心。故總成輪轉。猶如獼猴。放一捉一無有了期。十方諸佛。實無少法可得。名爲阿耨菩提。祇是一心。實無異相。亦無光彩。亦無勝負。無勝故無佛相。無負故無眾生相。云心旣無相。豈得全無三十二相。八十種好。化度眾生耶。師云。三十二相。屬相。凡所有相。皆是虛妄。八十種好。屬色。若以色見我。是人行邪道。不能見如來。問。無邊身菩薩。爲甚麼不見如來頂相。師云。實無可見。何以故。無邊身菩薩。便是如來。不應更見。祇教你不作佛見。不落佛邊。不作眾生見。



不落眾生邊。不作有見。不落有邊。不作無見。不落無邊。不作凡見。不落凡邊。不作聖見。不落聖邊。但無諸見。卽是無邊身。若有見處。卽名外道。外道者。樂於諸見。菩薩於諸見而不動。如來者。卽諸法如義。所以云。彌勒亦如也。眾聖賢亦如也。如卽無生。如卽無滅。如卽無見。如卽無聞。如來頂卽是圓見。亦無圓見。故不落圓邊。所以佛身無爲。不墮諸數。權以虛空爲喻。圓同太虛。無欠無餘。等閒無事。莫強辨他境。辨著便成識。所以云。圓成同識海。流轉若飄蓬。學道人莫疑。四大爲身。四大無我。我亦無主。故知此身無我。



亦無主。五陰爲心。五陰無我。亦無主。故知此心無我。亦無主。六根六塵六識和合生滅。亦復如是。十八界既空。一切皆空。唯有本心。蕩然清淨。學般若人。不見有一法可得。絕意三乘。惟一眞實。不可證得。謂我能證。能得。皆增上慢人。法華會上拂衣而去者。皆斯徒也。故佛言。我於菩提。實無所得。默契而已。凡人臨欲終時。但觀五蘊皆空。四大無我。真心無恆。不去不來。生時性亦不來。死時性亦不去。湛然圓寂。心境一如。但能如是。直下頓了。不爲三世所拘繫。便是出世人。也。切不可有分毫趣向。若見善相。諸佛來迎。

及種種現前亦無心隨去。若見惡相種種現前亦無心怖。畏。但自忘心同於法界。便得自在。此卽是要節也。惟直下頓了自心本來是佛。無一法可得。無一行可修。此是無上道。問教中云。銷我億劫顛倒想。不歷僧祇獲法身者。如何。師云。若以三無數劫修行有所證得者。盡恆沙劫不得。若於一刹那中獲得法身直了見性者。猶是三乘教之極談也。何以故。以見法身可獲。故皆屬不了義教中收。我此禪宗。從上相承已來。不曾教人求知求解。只云學道。早是接引之辭。然道亦不可學。情存學解。卻成迷道。道無

方所名大乘心。此心不在內外中間。實無方所。第一不得作知解。只是說汝如今情量處。情量若盡。心無方所。此道天真本無名字。問從上來皆云卽心是佛。未審卽那個心是佛。師云。你有幾個心。云爲復卽凡心是佛。卽聖心是佛。師云。你何處有凡聖心耶。云卽今三乘中說有凡聖。和尚何得言無。師云。三乘中分明向你道。凡聖心是妄。你今不解。反執爲有。將空作實。豈不是妄。妄故迷心。汝但除卻凡情聖境。心外更無別佛。祖師西來直指一切人全體是佛。汝今不識執。凡執聖。向外馳騁。還自迷心。所以向汝道。

卽心是佛。一念情生。卽墮異趣。無始已來。不異今日。無有異法。故名成等正覺。云和尚所言。卽者。是何道理。師云。覓甚麼道理。纔有道理。便卽心異。云前言無始已來。不異今日。此理如何。師云。祇爲覓故。汝自異他。汝若不覓。何處有異。云。旣是不異。何更用說。卽師云。汝若不認凡聖。阿誰向你道。卽若不卽。心亦不心。可中心卽俱忘。阿你更擬向何處覓去。問。妄能障自心。未審而今。以何遣妄。師云。起妄遣妄。亦成妄。妄本無根。祇因分別而有。你但於凡聖兩處。情盡自然無妄。更擬若爲遣他。都不得有纖毫依執。名

爲我捨兩臂。必當得佛。云。旣無依執。當何相承。師云。以心傳心。云。若心相傳。云。何言心亦無。師云。不得一法。名爲傳心。若了此心。卽是無心無法。云。若無心無法。云。何名傳。師云。汝聞道傳心。將謂有可得也。所以祖師云。認得心性時。可說不思議。了了無所得。得時不說知。此事若教汝會。何堪也。問佛度眾生否。師云。實無眾生。如來度者。我尙不可得。非我何可得。佛與眾生皆不可得。云。現有三十二相。及度眾生。何得言無。師云。凡所有相。皆是虛妄。若見諸相。非相。卽見如來。問和尙現今說法。何得言無。僧亦無法。



師云。汝若見有法可說。卽是以音聲求我。若見有我。卽是處所。法亦無法。法卽是心。所以祖師云。付此心法時。法法何曾法。無法無本心。始解心心法。實無一法可得。名坐道場。道場者。祇是不起諸見。悟法本空。喚作空。如來藏本來無一物。何處有塵埃。若得此中意。逍遙何所論。問諸佛如何行大慈悲爲眾生說法。師云。佛慈悲者。無緣故名大慈悲。慈者。不見有佛可成。悲者。不見有眾生可度。其所說法。無說無示。其聽法者。無聞無得。譬如幻士爲幻人說法者。個法若爲道。我從善知識言下領得。會也。悟也。者個慈。

悲若爲汝起心動念。學得他見解。不悟自心。究竟無益。問如何是出三界。師云。善惡都莫思量。當處便出三界。如來出世。爲破三有。若無一切心。三界亦非有。如一微塵。破爲百分九十九分。是無一分。是有摩訶衍。不能勝出。百分俱無摩訶衍。始能勝出。祖師直指一切眾生。本心本體。本來是佛。不假修成。不屬漸次。不是明暗。不是明。故無明。不是暗。故無暗。所以無無明。亦無無明盡。入我此宗門。切須在意。如此見得。名之爲法。見法故。名之爲佛。佛法俱無。名之爲僧。喚作無爲僧。亦名一體三寶。天求法者。不著佛。

求。不著法求。不著眾求。應無所求。不著佛求。故無佛。不著法求。故無法。不著眾求。故無僧。問如何是道。如何修行。師云。道是何物。汝欲修行。問諸方宗師。相承叅禪學道。如何。師云。接引鈍根人語。未可依憑。云。此卽是接引鈍根人語。未審接上根人。復說何法。師云。若是上根人。何處更就人覓。他自己尙不可得。何況更別有法。當情不見教中云。法法何狀。云。若如此。則都不要求覓也。師云。若與麼。則省心力云。如此。則渾成斷絕。不可是無也。師云。阿誰教他無。他是阿誰。你擬覓他云。既不許覓。何故又言莫斷他。師云。

若不覓便休。卽誰教你斷。你見目前虛空。作麼生斷他。云此法可得。便同虛空否。師云。虛空早晚向你道。有同有異。我暫如此說。你便向這裏生解。云。應是不與人生解耶。師云。我不曾障你。要且解屬於情。情生則智隔。云。向這裏莫生情。是否。師云。若不生情。阿誰道是。問六祖。不會經書。何得傳衣爲祖。秀上座。是五百人首座。爲教授師。講得三十二本經論。云。何不傳衣。師云。爲他有心。是有爲法。所修所證。將爲是也。所以五祖付六祖。六祖當時。祇是默契得。密授如來甚深意。所以付法與他。汝不見道。法本法無法。

無法法亦法。今付無法時。法法何曾法。若會此意。方名出家兒。方好修行。若不信。云何明上座走來大庾嶺頭。尋六祖。六祖便問。汝來求何事。爲求衣。爲求法。明上座云。不爲衣來。但爲法來。六祖云。汝且暫時斂念。善惡都莫思量。明乃稟語。六祖云。不思善。不思惡。正當與麼時。還我明上座父母未生時面目來。明於言下。忽然默契。便禮拜云。如人飲水。冷煖自知。某甲在五祖會中。枉用三十年功夫。今日方省前非。六祖云。如是。到此之時。方知祖師西來。直指人心。見性成佛。不在言說。豈不見阿難問迦葉云。世尊傳金



欄外別傳何物。迦葉召阿難。阿難應諾。迦葉云。倒卻門前。刹竿著。此便是祖師之標榜也。阿難三十年爲侍者。祇爲多聞智慧。被佛訶云。汝千日學慧。不如一日學道。若不學道。滴水也難消。問聖人無心。卽是佛。凡夫無心。莫沉空寂否。師云。法無凡聖。亦無沉寂。法本不有。莫作無見。法本不無。莫作有見。有之與無。盡是情見。猶如幻翳。所以云見聞如幻翳。知覺乃眾生。祖師門中。只論息機忘見。所以忘機則佛道隆。分別則魔軍熾。問心旣本來是佛。還修六度萬行否。師云。悟在於心。非關六度萬行。六度萬行。盡是

化門接物度生邊事。設使菩提真如實際解脫法身。直至  
十地四果聖位。盡是度門。非關佛心。心卽是佛。所以一切  
諸度門中。佛心第一。但無生死煩惱等心。卽不用菩提等  
法。問若無心行此道得否。師云。無心便是行此道。更說  
什麼得與不得。且如瞥起一念便是境。若無一念便是境。  
空心自滅。無復可追尋。問如何得不落階級。師云。終日  
喫飯。未曾敲著一粒米。終日行。未曾踏著一片地。與麼時  
無人我等相。終日不離一切事。不被諸境惑。方名自在人。  
更時時念念不見一切相。莫認前後三際。前際無去。今際

無住。後際無來。安然端坐。任運不拘。方名解脫。努力努力。此門中千人萬人。只得三個五個。若不將爲事。受殃有日。在故云。著力。今生須了。卻誰能累劫受餘殃。問本既是佛。那得更有四生六道。種種形貌不同。師云。諸佛體圓。更無增減。流入六道處。處處皆圓。萬類之中。個個是佛。譬如一團水銀。分散諸處。顆顆皆圓。若不分時。祇是一塊。此一卽一切。一切卽一種。種種形貌。喻如屋舍。捨驢屋入人屋。捨人身至天身。乃至聲聞緣覺菩薩佛屋。皆是汝取捨處。所以有別。本源之性。何得有別。唐大中年。終於本山。諡斷際。

禪師。

指月錄卷之十終

卷十

圖

卷十一

黃蘗

卷十（洪州黃檗希運禪師）

卷十一

